


M U S Æ
A N G L I C A N Æ:

S I V E

POEMATA quædam melioris notæ,
seu hætenus Inedita, seu sparsim Editæ,
in duo Volumina congesta.

V O L U M E N P R I M U M.

E D I T I O Q U I N T A.



L O N D I N I:

Ex Officinâ J. & R. T O N S O N, & J. W A T T S.

M D C C X L I.



S,

xon.



te
g
di
pl
ra
co
qu
pa
tue
mu
om



A D

LECTOREM.



U M in medium ubique afferantur
selectiores Italorum Scotorumque
Musæ, & apud cæteras, pene quot-
quot sunt, Europæ gentes, suas
pariter edendi, mos obtinuit : Hâc
te, Lector benevole, Anglia donat Antholo-
giâ, ne ipsam à Literato etiam orbe penitus
divisam putes.

Q U A super paucis monendus es ; Primùm
placuit, ut loca, siqua subinde essent obscurio-
ra, Notis illustrarentur. Istud autem animi
consilium mutatum iri non ægrè feres. Quippe
qui, iis omnibus quibus nostrorum & retro
paululum temporum Annales vel parum inno-
tuerint, nimium istuc & supervacaneum esse-
mus facturi ; cæterùm, eorum captui, quibus
omnino erant ignoti, vix ac ne vix satis.

Ad L E C T O R E M.

Q U O D ad Collectionem attinet, pauca admodum, uti speramus, hîc irreperunt, quæ non inter præstantissima nostratum Poetarum carmina jure merito annumerentur; & quæ non accuratissimis veterum Poematis proximum (licet procul) locum obtineant. Mereantur tecum aliquam gratiam alia (cujusmodi sunt non pauca) quæ nova prorsus; alia, quæ licet olim typis excusa sint, rarissima tandem in manibus teruntur.

Q U O D si denique Catachresin sonet vel ipse Libri Titulus, dum *Raphaelis Thorii*, in transmarinis nati, carmen Musis Anglicanis adscriptum videas; id nobis eò lubentiùs ignoscendum putes, tum quia ab infantulo hîc enutritus vixit scripsitque, (& cuicunque telluri originem, Angliæ certè Poësin debet) tum quia ejus carmen, quod à plurimis in deliciis ponitur, nec tibi prorsus injucundum fore confido Sin Peregrinum cogites, hospitii & amicitiae jure, apud Anglos semper sancto, fruatur.





Præmonendus es, Lector Quintæ hujusce Editionis, priorum Quatuor retineri omnia, locis transponi quædam, mutari verò perpauca. Adjici Cantabrigiensium invenies multa: novi pleraque, nec ingrati fortasse, Argumenti; exercitationes scilicet Academicas, de Quæstionibus præcipue Philosophicis; Juveniliū Studiorum Testimonia simul & Ornamenta.

V. B.





*Lately Publish'd, by J. and R. Tonson and J. Watts,
Curiously and Correctly Printed in Duodecimo, the fol-
lowing Books, viz.*

- ** NOVUM TESTAMENTUM.** Græcè.
SOPHOCLES Tragoediæ septem. Cum Versione Latinâ
& selectis quibusdam variis Lectionibus.
HOMERI Ilias. Adjicitur in Calcem Interpretatio Latina.
Scholis in Angliâ Celeberrimis; Etonensi, Westmonasteri-
ensi Regiis; Wintoniensi, Carthusianæ, Paulinæ & Merca-
torum scissorum, hæc Homeri Editio, in Earum præcipuè
Usum Concinnata, humillimè Offeritur Dedicaturque.
P. VIRGILII MARONIS Opera.
Q. HORATII FLACCI Opera.
CATULLI, TIBULLI, & PROPERTII Opera.
P. OVIDII NASONIS Opera, tribus tomis comprehensa.
PUBLII TERENTII Carthaginiensis Afri Comœdiæ sex.
TITI LUCRETII CARI de Rerum Naturâ libri sex.
M. ANNÆI LUCANI Pharsalia: sive de Bello Civili
inter Casarem & Pompeium libri decem.
P. HÆDRI Aug. Liberti Fabularum Æsopicarum Libri quin-
que; item Fabulæ quædam ex MS. veteri à Marquardo
Gudio descriptæ; cum Indice Vocum & Locutionum. Ap-
pendicis loco adjiciuntur Fabulæ Græcæ quædam & Latinæ
ex variis Authoribus collectæ; quas claudit Avieni Æsopi-
carum Fabularum liber unicus.
D. JUNII JUVENALIS & AULI PERSII FLACCI
Satyræ.
M. VALERII MARTIALIS Epigrammata.
CHRISTUS PATIENS. Rapini carmen Heroicum.
MUSÆ ANGLICANÆ: sive Poëmata quædam meli-
oris notæ, seu hæcenus Inedita, seu sparsim Edita, in duo
Volumina congesta. Editio Quinta, Prioribus auctior.
T. LIVII PATAVINI Historiarum ab Urbe conditâ Li-
bri qui supersunt. In 6 Vol.
C. PLINII CÆCILII Secundi Epistolæ & Panegyricus.
CORNELII NEPOTIS excellentium Imperatorum Vitæ.
LUCIUS ANNÆUS FLORUS. Cui subjungitur Lucii
Ampelii liber memorialis.

CAII SALLUSTII CRISPI quæ extant.
 VELLEII PATERCULI Historiæ Romanæ quæ supersunt.
 JUSTINI Historiarum ex Trogo Pompeio libri XLIV.
 Q. CURTIUS RUFUS de rebus gestis Alexandri Magni.
 C. JULII CÆSARIS & A. HIRTII de rebus à C. Julio
 Cæsare gestis Commentarii: Cum C. Jul. Cæsaris fragmentis.
 CONCIONES & ORATIONES ex Historicis Latinis
 excerptæ.
 TELEMACHUS in French, with Cuts.

DR. CROXALL'S FABLES of Æsop and Others: Newly
 done into English. With an Application to each Fable,
 Illustrated with Cuts. The Fourth Edition.

And in Octavo,

BUCKII NOVUM TESTAMENTUM. Græcè.
 DIONYSII LONGINI de SUBLIMITATE COM-
 MENTARIUS, quem novâ Versione donavit, Notis illu-
 stravit, & partim Manuscriptorum ope, partim conjecturâ
 emendavit (additis etiam omnibus ejusdem Auctoris Frag-
 mentis) ZACHARIAS PEARCE, S. T. P. Regiæ
 Majestati à Sacris Domesticis, &c. Editio secunda, Notis
 & Emendationibus audior.

C. JULII CÆSARIS quæ extant, accuratissimè cum Li-
 bris Editis & MSS. optimis Collata, Recognita & Correcta.
 Accesserunt Annotationes Samuelis Clarke, S. T. P. Item
 Indices Locorum, Rerumque & Verborum, Utilissimi.

Fifty One NEW FABLES in Verse, (Invented for the
 Amusement of His Highness WILLIAM Duke of Cum-
 berland) By Mr. GAY: With Fifty One Cuts, Design'd by
 Mr. Kent and Mr. Wotton, and Engraved by Mr. Baron,
 Mr. Vandergucht, and Mr. Fourdrinier. The Fifth Edition.





T A B U L A

Indicans Lemmata unà cum Paginis Auto-
rumque Nominibus, quorum nonnulla
fuis locis defiderantur.

Quæ Asterisco distinguuntur, huic Editioni acceffe-
runt nova.

HEROES Britannici, Fr. Herbert, Armig. ex
Æde Christi, Pag. 1
Bellofitum: sive, de Regione Oxonium circumja-
cente, Carolus Finch Baronis de Daventriâ Filius, ex
Æde Christi, p. 6

Mensa Lubrica, Anglicè Shovel-Board, Tho. Masters, Nov.
Coll. p. 14

In Libellum viri clarissimi Tho. Hobbii, de Naturâ homi-
nis, Rad. Bathurst, A. M. Coll. Trin. Oxon. Soc.
p. 16

Gratulatio Pacis cum Fæderato Belgio Stabilitæ, Cromwelle
Proteçtore, R. B. A. M. p. 18

In Serenissimum Regem Carolum II. Britannicæ suæ restitu-
tum 1660. Rad. Bathurst. M. D. Trin. Coll. p. 20

In

T A B U L A.

In Obitum Celsissimi Principis Henrici Ducis Glocestrensis
1660, Rad. Bathurst, M. D. Coll. Trin. Soc.

P. 22

Gratulatio ob auspiciatissimum Serenissimæ Principis Catharinæ Lusitanæ Regi Carolo II. desponsatæ in Angliam appulsum 1663. Rad. Bathurst, M. D. Coll. Trin. Oxon. Soc.

P. 27

Transactio Philosophica; sive Metamorphosis Atomistæ in Muscam, D. Nichol. L'Estrange Baronet. ex Æd. Chr.

P. 33

Tho. Willis, M. D. in Diatribas Medico-Philosophicas de Fermentatione & Febribus, Philippus Fell, Med. Stud. Oxon.

P. 38

Tho. Willis, M. D. in Cerebri Anatomen Carmen, Phil. Fell, A. M. Coll. omn. Anim. Oxon. Soc.

P. 40

In Obitum Celsissimi Principis Henrici Ducis Glocest. Phil. Fell, A. M.

P. 42

Gratulatio ob auspiciatissimum Serenissimæ Principis Catharinæ Lusitanæ Regi Carolo II. desponsatæ in Angliam appulsum 1663, Phil. Fell, A. M. omn. Anim. Coll.

P. 44

In Obitum invictissimi Herois Georgii Ducis Albemariæ. Phil. Fell, S. T. B. Coll. omn. Anim. Soc.

P. 47

Soteria Ormondiana, Tho. Brown, ex Æde Christi,

P. 54

In Artem Vollandi, F. Harding, A. M. Coll. Div. Joh. Bapt. Soc.

P. 58

Epulæ Pseudo-Protestantium interdictæ, Rich. Dyton, Coll. Div. Joh. Bapt. Com. Gen.

P. 62

Con-

T A B U L A.

Conventicula dissipata, Jac. Newton Armig. Coll. Trin.
Oxon. Soc. Commens. p. 65

In Schedulam Monitoriam de novæ Febris ingressu Tho. Sydenham, M. D. Edw. Hannes, A. M. ex Æde Christi.
p. 68

Dioptrices Laus, Nich. Hobart, Armig. Coll. Trin. Oxon.
p. 71.

Carmen Pindaricum in Theatrum Sheldonianum, Corb. Owen, ex Æde Christi.
p. 75

Piscatio, ad Gilb. Archiepisc. Cant. Sim. Ford, S. T. P.
p. 97

* *Sphæristerium Suleianum*. Gul. Dillingham, Cantab.
p. 109

Carmen de Circuitu Sanguinis à Gulielmo Harvæo Anglo primum invento, Rob. Grovius, A. M. Cantabrig.
p. 112

Cursus Novi Fori, Honoratiss. Leopoldus-Gulielmus Finch, ex Æde Christi.
p. 128

* *Iter Occidentale*. Rob. Creyghton, D. D. Coll. Trin. Cant.
p. 133

In Adventum Regis Oxon. 1681, Honoratiss. Geo. Compton, ex Æde Christi.
p. 137

Maurus Advena, Honoratiss. H. Mordaunt, ex Æde Christi.
p. 141

In Obitum Illustrissimi Principis Henrici Regis Jacobi I. Filii natu Maximi. Hen. Wickham, Coll. Reg. Cantabrig.
p. 144

In Obitum Augustissimi & Desideratissimi Regis Caroli II. Johan. Whitfeld, Coll. Mert. Socius.
p. 150

Gulielmus

T A B U L A.

Gulielmus Tertius, Joh. Whitfeld, A. M. Coll. Mert. Socius. p. 153

Carmen Pastorale in Obitum Augustissimi Regis Caroli II. Joh. Norris, A. M. omn. Anim. Oxon. Soc. p. 162

*In immane illud Caroli I. Regis Paricidium, ΣΥΕΤΛΙ-
ΑΣΙΧὸν cum ejusdem Indigitatione, Jacobus Windett,
M. D. Colleg. Med. Lond. Socius, & Coll. Reginal.
Cantabrig.* p. 165

*Auctio Dawisiana, Arth. Key, Armig. Waller Bacon, Armig.
Edw. Stradling, Armig. Geo Dixon, Armig. Christoph.
Codrington, Armig. Gul. Woodward, Armig. ex Æde
Christi.* p. 173

De Pæto, sive Tabaco, Raph. Thorius M. D. Londinens. p. 190

*Musæum Ashmoleanum. Jo. Dolben. Archiep. Ebor. Fil.
Ædis Christi Alumnus.* p. 225.

*Clariff. D. Paulo Herman, M. D. Prof. Botanices Lug-
duni Bataavorum, Hortique Præfecto, ex Indiâ reverso,
Ed. Hannes, A. M. ex Æde Chr. Oxon. & Acad.
P. P. Chymicæ.* p. 230

Microscopium, Tho. Bisse, A. B. e C. C. C. Oxon. p. 232

*Campanæ Undellenses. Gul. Dillingham, S. T. B. Can-
tabr.* p. 248

*Aula Vindeforiæ D. Georgio Instaurata. T. Spark. Ædis
Christi Alumnus.* p. 255

*In Thomam Clusium, sive Companam magnam Ædis Chr.
Tho. Spark, Ædis Christi Alumnus.* p. 261

*Cursus Glacialis: Anglicè, Scating. Phil. Frowde. Coll.
Magd. Superioris Ordinis Commens.* p. 265
Musæ

T A B U L A.

*Musæ Regem & Reginam Coronantes. — Recitârunt in
Theatro Apr. 23, 1685. D. Udal Corbet Baronett.
Joh. Sprot, Armig. Guil. Barber, Armig. ex Æde
Christi,* p. 267

*Experimenta Machinæ Pneumaticæ, ab Honoratissimo
D. D. Boylæo inventæ. Henr. Stephens, A. B. e Coll.
Mert. Soc.* p. 275

*Maria Regina ex Gente Estensi. Jo. Whitfeld, A. B. Coll.
Mert. Soc. recitavit in Theatro, Apr. 23, 1685.* p. 278

*Carolus Walliæ Princeps, ex Hispaniâ Redux, Anno 1623.
Jo. Earle, Coll. Mert. Soc.* p. 286





M U S Æ
A N G L I C A N Æ.

H E R O E S B R I T A N N I C I.



QUEM laude dignum, Calliope, virum
Ornare gestis? quem tibi barbitō
Heroa fumes, quem canoris,
Diva, Deum resonare chordis?
Vester, Britannorum impavidum genus,
En vester ibo per juga Cynthio
Dilecta, Cirrhæosque colles,
Aoniæ novus hospes undæ.
Se pandit ingens area ---- Seu libens
Equosque currusque ARVIRAGI sequar,
Neronianos seu furores
Ultra, vocet BOADICA Musam.
Iō Triumphe! plausibus æthera
Accende, gaudens Albion, & tuo !
Gratare CONSTANTINO, utrique
Grande decus columenque mundo

V O L. I.

B

Enixa

Enixa prolem: vindice quo, Fides
 Mœstum tenebris exeruit caput,
 Et regiæ intertexta lauro
 Crux domitum viguit per orbem,
 Nec te filebo, Castalidum parens
 ALFREDE, genti nomen amabile
 Semper togatæ, dum vigebit
 Saxonici * Rhedycina muris.
 Extrema Dani funera conspikor,
 Taboque pulvinaria Cimbrico
 Manantia, & cæsum maritæ
 Colla super trepidare sponsum.
 Victoriæ ingens fœmineæ decus!
 O parta multo sanguine gloria!
 O grata libertas, & externi
 Albion impatiens tyranni!
 ARTHURUS ut me præcipitem rapit,
 Circum sedentum non superabili
 Stipatus Heroum coronâ, &
 Armigero metuendus orbe!
 Quali frementem turbine Cappadox
 Urget Draconem! Quantus in arduam
 Assurgit hastam! Quo supini
 Ense ferit spatia ampla dorsi!
 Agnosco sponsæ virgineos metus,
 Et mista fufis gaudia lacrymis;
 Suspirat, & sospes perempti
 Ora pavet rabiemque monstri.
 Hic clarus armis: sed pietas tibi,
 EDVARDE, laudi est, & medicæ manus,

* Oxonium. Rhid-ychen enim Antiquis Britannis idem sonuit ac apud nos hodie Ox-ford.

MUSÆ ANGLICANÆ.

Seræque derivata proli
Vis tumidis inimica strumis.
Me major ordo, majus opus vocat.
Fallorne? squalentem an video Thetia
Ardere flammis, & receptum
Angliacis G U L I E L M U M arenis
Igni phaselos tradere inutiles?
Nunc & revulsas montibus obvias
Errare sylvas, Cantiumque
Armorico dare jura Regi?
Adjecta regnis sceptrâ Britannicis,
Fortesque magni Strongbovii manus,
Victamque Iernam fama gaudet
Perpetuis memorare fastis.
Tantis juvenus orta parentibus
Cruore tinxit lilia Gallico:
En rapta vexilla, & jacentes
Cressiâci super arva campi
Francorum acervos! O utinam suis
Sic semper oris arceat horridum
Anglus Gradivum, nec cruenti
In Britonas ruerent Britanni!
Quis dicat, æquo quis lituo Rosas
Depræliantes, regnaque mutuo
Collisa ferro, & dissidentes
Lancatriæ Eboracique motus?
H E N R I C E, salve: Tu medius truces
Utrinque nestis connubio domos,
Dulcesque Mavorti catenas
Injicis, Idaliumque ceston
O digna tali progenies toro,
Quæ frangat acres Pontifici minas,

Papamque cervici fatigatæ
 Excutiat malè contumacem !
 Huic grata totos, ô mea Pieri,
 Intende nervos; tuque * Domus meæ
 Nutrix juventæ, ter potentem
 Ter fidibus celebra Patronum.
 Hîc siste cursum, Musa ---- Sed abripit
 ELISA victrix; Flandria seu vocet,
 Seu classis Hispanæ tyrannus,
 Exitii pretiosus emptor.
 Cernas Hoardum transtra per & foros
 Latè ruinam spargere fervidum,
 Dracumque, Ralæumque, & acrem
 Forbiferum, intrepidumque lethi
 Greenvillum, Iberis navibus impigros
 Miscere fulmen; nunc mare naufragas
 Haussisse puppes, nunc adustas
 Ambiguo periïsse fato !
 Infanientûm murmura civium,
 Martemque feralem, & populi minas,
 Et decoloratas cruore
 Angliaco galeas, & arma
 Nondum expiatis ebria cladibus,
 Mando tenebris. O CAROLE! ô gravis
 Fortuna regnantûm! Britannæ
 O Decus Opprobriumque gentis !
 Quos sæva Patri discidit Atropos,
 Addat reverso CAROLIDÆ dies,
 Annisque Tithoni rependat
 Dura fugæ mala, dura belli.

* Ædes Christi, quæ Fundatorem habuit Hen. VIII.

MUSÆ ANGLICANÆ.

5

Quo te, Albemarli, pectine concinam!
 Tu spem reducis mentibus anxiiis;
 Natumque, in hoc Victor, redonas
 Diis patriis, Britonumque cœlo.
 Ille, ille fidens Saxonidum genus,
 Fœtâmq; crebris seditionibus
 Thulen, & Hibernos feroces
 Imperio regit unus æquo.
 Hunc Nauta supplex, Hunc maris arbitrum
 Summissa adorat carbasus: Hunc colit,
 Quicumque Germanum laceffit
 Hesperia pelagus carinâ.
 Hinc inde parent æquora CAROLO;
 Quo Te minorem dum geris, imperas,
 JACOBÆ, sortitus tridentis
 Æquorei socios honores.
 Sic pulchra Ledæ progenies salum
 Juncto protervum Numine temperat;
 Sic Nubium expers Africique
 Sidereos colit Unda fratres.

FR. HERBERT *Arm. ex Æd. Chr.*





* BELLOSITUM:

SIVE,

De Regione OXONIUM circumjacente.

HOEBE, sequor quocunque vocas; jam plena
furori

Vela dari mens gestit, & imo pectore totum
Ferre Deum, Delphosque tuos. Mihi numen amicum,
Jam licet & faciles sperare in vota Camænas,
Annua facturo dilectæ justa Parenti
Oxonio, sedes Musis ubi fata quietas,
Immotasque coli per secula longa, dedere.

VOS quoque felices animæ, simulachra piorum
Functa Poetarum, Elysiâ qui valle recepti
Antiquos meliori iteratis carmine cantus;
Siqua subit veterum compôstis cura laborum,
Nec pereunt ingrata yacantibus otia, dignos
Inspirate animos, Genioque accendite vestro:

QUALEM Pieriâ spirant meditata sub umbrâ
Carmina, vel qualis sæpe est confidere visus
In lucis, Rhedycina, tuis, cùm læta canentes
Cingit, amans vatum, Laurus; Phœbique sacerdos
Excutit insolitos divinâ mente furores.

EGERIA optâsset similes sibi Diva recessus,
Cùm Romana pio dictaret sacra marito,

* Oxonium, ab amœno situ antiquis authoribus sic dictum.
Æternamque

Æternamque novis fundaret legibus urbem.

NEC te, perpetuæ custos malefida favillæ,
 Ilia, quam Tybris madidis amplectitur ulnis,
 Quamvis Tybrin amas, & toto gurgite merfa,
 Cæruleos, læsi memor ignis, proluis artus,
 Adscriptam nymphis tulit Ifide gratior amnis,
 Ifide, quæ, curvos Mæandri imitata meatus,
 Lascivis ludit gyris, cursuque perenni
 Volvitur, & notis uda imprimit oscula ripis.

NULLÆ in fronte minæ, nec formidabile lumen:
 Par vitro color est, nec enim tam læve relucet
 In thalamis speculum, quo formæ conscia virgo
 Componit vultum, quoties spectabilis arte
 Regali specie miseros accendit amantes.
 Ast ubi collectos gravidis ex nubibus imbres
 Concipit, & pleno præceps exuberat alveo,
 In prata expatiatur ovans, lætæque relictâ
 Surgunt, & pingui rorant uligine glebæ.

SIC, cùm laxatis excurrit Nilus habenis
 Impatiens riparum, & ficcis incubat arvis,
 Mox induta novo tellus Ægyptia cultu
 Ridet, & authorem testatur fertilis annus.

NEC, Cherwelle, tuos mea Musa tacebit amores,
 Quem divortia longa, & inextricabilis error
 Per varias rapit ambages, & in Ifide perdit.
 Hic aliquis vates vacuâ resupinus in umbrâ
 (Quam densæ præbent salices & cana salicta,)
 Fluminis Alphæi veteres ex ordine flammæ
 Narrat, & indefessa, tuos, Arethusa, labores;
 Dum cursum acrius urget, & incandescit eundo,
 Donec miscet aquas, junctisque amplexibus hæret.

JAMQUE ubi committunt fluctus Cherwellus & Isis,
 Utroque irrigua, & lætis cincta undique ripis,
 Bellofiti se longè ostentant mœnia, pulchro
 Conspicienda situ : non illic nubilus aër
 Spirat, & infesto spargit contagia cœlo ;
 Sed puri lucent soles, radiisque vapores
 Eliciunt nocuos, pestisque alimenta futuræ.
 Non hîc morborum facies diversa medentes
 Incertos ludit perdendi mille figuris ;
 Nec properata venit, solâ se victa, senectus.

TALI se vultu Saturnia regna tulere,
 Cùm Zephyri circùm plausere tepentibus alis,
 Et lætos ver perpetuum exhalavit odores.

HAS olim fortes æquâ Deus annuit urnâ,
 Augurioque ratas certo firmavit Apollo,
 Qui, sibi sacratas cùm supra constitit arces,
 (Seu tum prima loco posuit fundamina victor
 Mempricius, pulsâsve Aluredi nota Camænas
 Restituit virtus, senium cùm triste subirent,
 Postquam, præcipiti Danorum investa procellâ,
 Horrida barbaries & Cimmeria incubuit nox ;)
 Dixerat hæc, aut hæc potuit dixisse videri.

O longè, Rhedycina, mihi natalibus arvis,
 Et Delphis prælata meis, si rite jubenti
 Vera dedit responsa adytis cortina reclusis,
 Hîc mihi concessum est fatis melioribus ævum
 Transigere, & viridi longùm florere juventâ.
 Nec mentita Deùm referam ludibria, mystis
 Sed ponar tutela novis, gentique togatæ,
 Viva ubi dediscent latebras oracula cæcas.
 Hæc fortuna loci ; pelletur finibus urbis
 Dira lues, atro vultum suffusa veneno ;

Et raris comitata ibit Libitina triumphis.
 Excludet morbos se vindice tuta, nec ipsa est
 In titulos ventura meos Medicina, sed herbæ
 Prostratæ summâ passim tellure recumbent:
 Verùm herbas fæcunda feret, quas India novit,
 Vel quas messor Arabs, cùm falce laborat ahenâ
 Vernus ager, cæsoque rigescunt palmite trunci.

QUIN, mihi si non vana fides, venientibus annis
 Tempus erit (quanquam hæc animus meminisse recusat)
 Cùm tristes experta vices * antiqua Britanni
 Imperii sedes, durisque exercita fatis,
 Ore bibet ficco vitiatos ætheris haustus,
 Infensum sensura Jovem; cùm desuper arma
 Corripiet desueta, gravesque recolliget iras.
 Tunc gratus solis Designatoribus annus,
 Pignora prosterne charo divulsa parentum
 Amplexu, matresque inter lamenta peribunt.
 CAROLUS interea, Divorum à sanguine longâ
 Demissus serie, siquidem fortuna locorum
 Non sua se premit, ambiguis erroribus actus,
 Hîc, ubi securis fecit Deus otia Musis,
 Fessum inclinabit latus, hospitiumque recepti
 Agnoscet Nati, fuerat quod Patris asylum.

SIC, cùm submersas texerunt æquora terras,
 Et sine lege vagas pelago Neptunus habenas
 Commisit, tutus Parnassi constitit arce
 Deucalion, & quâ clades reparabilis arte
 Nescius, invenit faciles in vota sorores.

TALIA præfago quondam Deus edidit ore;
 Dicta fides sequitur, circùm undique largior æther

* Intellige Pestem Londinensem.

10 MUSÆ ANGLICANÆ.

Latos perfundit campos, & amœna vireta,
Quantum acies extensa potest lustrare videndo,
Metirique vias; ubi centum in valle reductâ
Obscuri latitant vici, vultumque modestum
Fronde tegunt nemorum, & sylvis conduntur opacis.

NON aliter niveo complectitur æthera gyro
Circulus, & cœlum splendet lacte sereno;
Mille micant hinc inde immenso fidera tractu,
Quæ tamen effugiunt oculos impervia nostros.

HAS umbras captare solet, cùm turba togata,
Non semper tetricæ studiis operata Minervæ,
Lusibus indulget; seu pronò flumine ferri,
Seu magis adversis juvat oblectarier undis.
Godstovium ante omnes * monumento insigne vetusto,
Quod pauca antiquæ servat vestigia famæ,
Limosis obsessum ulvis, cannâque palustri.
Sæpius hîc prisci risum movere Poetæ,
Qui, † Rosamunda, tuos donârunt carmine mane.
Carmine vix Hecubâ digno; triviisque timendo.
Sæpe aliquis, cùm stat coràm lacrymabilis urna,
Multa diu secum evolvit, causasque requirit,
Mota quibus thalamo super Eleonora, veneno
Sustulerit fato meritam meliore perire;
Contemptos nimis ulta toros, tædasque jugales.

HAUD procul excelsò tollit se vertice moles
Regia, sed solis jam conspicienda ruinis,
Quas belli furor, & rabies Fanatica fecit,

* Superfunt hîc Antiqui Monasterii reliquiæ. † Rosa-
munda Pulchra dicta apud Godstovium sepulta est, ubi etiam
carmen extat famosum in Puellæ mortem rythmis concinna-
tum.

* Arx olim Henrici, vetito qui faucius igne,
Rivalemque timens vel in ipsa conjuge, flexus
Commisit varios, sinuososque orbibus orbes
Impediit; suus usque adeò juvat error amantes.

NEC Veneris tantùm lusus spectare licebit,
Dædaleæ artis opus; sunt & sua sacra Dianæ,
Suspenditque humeris inflexum Delius arcum.
Hîc, ubi in immensum spatioso limite saltus
Porrigitur, trepidosque agitata cubilia cervos
Excutiunt latebris, ruit irritata canum vis
Spe prædæ, patuloque legit vestigia rostro.
Protinus ingenti sonitu nemus omne remugit,
Et similes vicina modos resonabilis Echo,
Nympha loci, reddit, quæ jam convalle sub imâ
(Quam secat obliquo decurrens tramite rivus)
Considet, extremæ captans vestigia vocis:
Credideris Narcissum istis immergier undis.

HIC etiam, ô nullis obliviscenda poetis,
Chauceri domus, antiquæ domus hospita Musæ
Usque stat, immunis fati, viridisque juventâ:
Sponte suâ erumpunt laurus, hederæque frequentes
Intexunt vernâ tecti fastigia scenâ.

SIC post Thebanas superest illæsa ruinas
Una domus, fruiturque perenni Pindarus ævo.

QUIN age, nam facilem spondet tibi, Musa, loquelam
Chauceri nomen; similem tibi spiritus æstum
Inspirat, sacrosque in vate resuscitat ignes:
Prisca refer, quotquot juxta hîc monumenta supersunt;
Gestaque supremasque ducum testata favillas.

* Juxta Oppidum hoc (vulgò Woodstock) Henricus Rosamundæ Labyrinthum extruxit,

QUALEM apicem attollit Rollonis faxea moles,
 Danûm opus aggestum; seu parti insigne trophæi,
 Seu, quod fama refert, medio in certamine primi
 Diriguere duces, coopertis marmore membris,
 Facta sibi monumenta omnes mansura per annos!
 Hîc, ne longa dies, & cæca oblivio rerum
 Carperet heroum titulos, actosque labores,
 Annales fert terra suos, memoresque recondit
 Fastos, immensæ contracta volumina famæ.

HIC regum ostentant effossa numismata vultus,
 Defunctosque duces: vivo Prasutagus in auro
 Fulget adhuc, juxtâque suâ requiescit in urnâ
 Contemprix olim Latii Boadica Neronis:
 Quàm prope replentur lacrymis pellucida vitra!
 (Quæ mæsti extremum tulerant ad funus amici,
 Indicium luctûs) concretæ frigore guttæ
 Luce micant purâ, & gemmarum fulgura vincunt:
 Nempe sibi pretium faciunt tam grande dolores.

QUID memorem qualis vicino Alestus in agro
 (Cujus adhuc gaudet cognato nomine castrum)
 Staret, & adversis melior Constantius armis,
 Cùm visa est hærere diu fors anxia belli,
 Cui daret imperium Romæ mundique regendum?
 Talis erat rerum facies, cùm, fœdere rupto,
 Alpinis demissa jugis tulit agmina Cæsar,
 Eoasque gener latè Pompeius alas
 Explicuit: suspenso, quibus mox cederet armis,
 Roma stetit, tanti pretiumque & causa cruoris.

TEQUE, EDOARDE, canam; magni nam conscia par-
 Vagitus Ilipa tuos audivit, alumnum [tûs
 Quæ nunc regalem jactat, cunisque superbit.
 Dive potens, salve, tua quem colit omnibus ævis

Anglia,

Anglia, sentit enim vires, fruiturque benigno
Numine, & agnoscit medicæ miracula dextræ :
Quæ potuit molli tactu lenire tumores,
Et solitas alto capite excedentia moles
Tubera, compressit tamen, & subsidere jussit.
Hâc virtute instructa manus, quæ sceptrâ Britannûm
Temperat, & morbos regit, imperioque coërcet.
Hoc olim Phrygio proles Semeleia regi
Præstitit, ut simili florerent tacta metallo ;
At CAROLUM Superi meliori munere donant,
Et divina manus, quod tangit, consecrat aurum :
Inque suis opibus, quas fundo percoquit imo,
Sole magis medicum totus se ostentat Apollo.

JAMQUE tuum, quò Musa rapit, sequor, Offa, Wite-
Qui poteras olim Cambros inhibere feroces, [hamum,
Quos interclusit multo structa aggere fossa ;
Et pudor abscessæ, perrupto limite, dextræ.

QUIS te laudabit digno, Beaumontia, cantu,
Normannûm sedes, & avita palatia Regum ?

REGALE est, quicquid video. Berecynthia mater
Incedit talis Phrygias turrita per urbes,
Divarum comitata choro, media ipsa superbo
Ingreditur passu, & toto Dea vertice supra est.

TALE tuum festâ circumstipata coronâ
Attollis, Rhedycina, caput ; quodcunque repôstum
Interiore nitet cultu, melioribus aris
Hoc superest, animis & solâ mente, colendum.

CAR. FINCH *ex Æd. Christ.*



M E N S A L U B R I C A ;

A N G L I C E ,

S H O V E L - B O A R D .



ROBOREUS longo se porrigit æquore campus,
 Adsimilis mensæ, crebro tibicine fultus,
 Deviet à justæ ne quâ libramine normæ:
 Hunc (ubi sepositis placuerunt otia curis,
 Et cœiere, suæ quibus est fiducia dextræ)
 Pervolitant specie nummorum, argentea turba,
 Orbiculi, & vario celebrant certamina cursu.
 Romani credas spatium te cernere Circi;
 Aut stadium Elei, lustro redeunte, Tonantis.
 Utque coloratas mirata est Roma quadrigas,
 Et Prasino, Venetoque suo sua factio plaussit;
 Sic & nos pictæ studia in contraria scindunt
 Laminulæ, & teretis facies non una metalli.
 Hinc favor, & partes; strepitu cava personat aula:
 Ira procul malefuada, & rauco gutture rixa.

AT Tu, qui prima ordiris certamina, Mison,
 Compressum extremis digitis, & pollice summo,
 Deinde ita libratum, tantundem ut distet ubique
 A facie tabulæ, vi prorsum impellito Discum,
 Vi modicâ; namque hîc non bruto robore, quantum
 Consiliis opus est. Leges ante omnia disce,
 Et servare modum. Nam si violentior ibit,
 menso stadio præceps ruet; alveus illum

Excipit

Excipit extremæ commissus margine mensæ,
Sandapilæ similis, duroque immitior orco,
Inde datur reditus nulli; fors omnibus una,
Seu plumbi ignavi massa est, seu divitis auri.

SED neque, si pœnam meruit temeraria Virtus,
Segnities placeat; dextram comitatur inertem
Et pudor, & risus, cassique infamia jactûs.

EST quæ transversam distinguit Linea mensam;
Hanc superare tibi sit cura; nec ardua res est;
Namque avido distat, de quo modo diximus, alveo,
Quantum bis cubitus, pes ter repetitus, adæquat.

NEC septum hoc superâsse sat est, contemnitur hostis
Qui timet, & tutâ pavidus subsistit arenâ:
Pergendum porro; ille meis fervente duello
Militet auspiciis, verè ille argenteus orbis,
Et dignus splendore suo, qui carcere pernix
Evolat, & (cursum accendens tenui stridore)
Lineolam post se linquit, neque limine campi
Contentus, summâ gaudet consistere metâ.
Illum hostes oculo obliquo vidère, graduque
Dejicere, & merito certant spoliare triumpho:
Sed focii fido circumstant agmine, terga
Claudentes, & utrumque latus, vitamque sodali
Morte suâ redimunt: toto dum tinnula campo
Bella sonant, virtus, dolus, ars, fors omnia miscent.

PRÆCIPUE quando emissus moderamine certo
Orbiculus, spatio summo sese insinuavit,
Distat ab extremâ bino quod pollice mensâ;
Huic geminum decus, hic miles duplicarius esto.

AT si quis multùm virtuti fîsus, & arti,
Fatalem alveolum haud metuit, tabulæque supremæ
Hæsit, & eminulus subjectum despicit Orcum,

Intrepido

16 MUSÆ ANGLICANÆ.

Intrepido vultu vestigia pendula librans,
Huic summum est pretium, triplici hic præfulget honore:
Qui si oppugnatus, nusquam statione recessit,
ervavitque locum, neque desistere cadentem
Moerentes focii, plausu super æthera tollunt;
Stat juxta, & niveis Victoria concrepat alis.

THO. MASTERS, *A. M. Nov. Coll. Oxon. Soc.*



In Libellum Viri Clarissimi

T H O. H O B B I I,

De NATURA HOMINIS. 1650.



UÆ magna Cœli mœnia, & tractus Maris,
Terræque fines, siquid aut ultra est, capit,
Mens ipsa tandem capitur: Omnia hæcenus
Quæ nosse potuit, nota jam primùm est sibi.

ACCEDE, Lector, discce quis demum fies;
Et Inquilinam jecoris agnoscas tui,
Quà propius hæret nil tibi, & nil tam procul.

NON hîc Scholarum frivola, aut cassi logi,
Quales per annos fortè plus septem legit,
Ut folle pleno prodeat, rixæ artifex;
Vanasque merces futili linguâ crepet:
Sed sancta rerum pondera, & sensus graves;
Quales parari decuit, ipsa cùm fuit
Pingenda Ratio, & vindici suo adstitit.

PANDUN-

PANDUNTUR omnes machinæ gyri tuæ,
Animæque vectes, trochleæ, cunei, rotæ:

Quâ concitatur arte, quo sufflamine
Sistatur illa rursus, & constet tibi:
Nec, si fenestram pectori humano suam
Aptâset ipse Momus, inspiceret magis.
Hic cerno levia Affectuum vestigia,
Gracilesque Sensûs lineas; video quibus
Vehantur alis blanduli Cupidines,
Quibusque stimulis urgeant Iræ graves.
Hic & Dolores, & Voluptates suos
Produnt recessus; ipse nec Timor latet.

HAS nôrit artes, quisquis in foro velit
Animorum habenas flectere, & populos cupit
Aptis ligatos nexibus jungi tibi.
Hic Archimedes publicus figat pedem,
Siquando regna machinis politicis
Urgere fatagit, & feras gentes ciet,
Imisque motum sedibus mundum quatit:
Facile domabit cuncta, qui Menti imperat.

CONSULTOR audax, & Promethei potens
Facinoris, Anime! Quis tibi dedit Deus
Hæc intueri seculis longè abdita,
Oculosque luce tinxit ambrosiâ tuos?
Tu mentis omnis, at Tuæ nulla est capax.
Hæc laude solus fruire: Divinum est opus
Animam Creare; proximum huic, Ostendere.

RAD. BATHURST, *A. M. Coll. Trin. Oxon. Soc.*



GRATULATIO PACIS

Cum FOEDERATO BELGIO stabilitæ,

CROMWELLO PROTECTORE. 1654.



IC, dum in Charybdim flumine adverso ruit
Hinc inde pontus, inter & rupto fremens
Uterque gurgis impetu sorbet rates,
Ipsumque crebro verberat fluctu Jovem;

Mox, per Sicanum lenè labentes fretum,
Coeunt amici, & unus Oceanum petunt;
Nec quis secundus dixeris, nec quis prior.

GAUDETE, cives; vestra sic agitur quies
Potior triumphis; mille post pericula,
Et mille mortes, discite ô quot sint mala,
Quæ sola compensare Libertas potest.

HEU! Quanta lucri, quanta gloriolæ est fitis,
Sufficere cui nec maria, nec sanguis, queant!
Utrinque gentes æmulæ in cladem ruunt;
Venti laborant onere; Neptunus gemit,
Et se fatetur ponderi tanto imparem:
Xiphiasque, Physeterque, jam moles suis
Immaniores dum vident, vinci timent.
Tum fulmen exit machinis crebrum intonans;
Majusque fulmen, ardor atque iræ virum,
Oculis micabat; territat pontum fragor,
Et dormientem littori Phocam excutit;

Mitisque

Mitisque delphin, tale dum spectat nefas,
Pertæsus hominum, nota deseruit vada.
Grandævus horret Neræus, Nymphæ pavent,
Et viridis algâ Phorcus occuluit caput.
Nudata queritur regna Tartaræ ferox
Dominator aulæ, & pervium superis vident
Manes Barathrum, seque jam lucis pudet.
Semiuſta fluitant corpora, & laceræ trabes,
Et cuncta miscent fumus, & flamma, & fragor;
Unusque rerum est vultus, & Nullus----

VIDEN? Per altum multus Halcyon volat:
Subitò fileſcunt æquora, & ponunt minas.
Tu, Magne, ſolus hæc potes: Mavors tibi
Submittit ipſe frameam, & æquoreus deus
Suum tridentem; ac geſtiunt tanto Arbitro.
Salve, ruentis Imperi Stator; tuum eſt,
Quòd nec rapaces metuit imbellis Toga;
Pietasque caſtris exulans aliis procul,
Veſtra inter arma dulce * præſidium invenit.
Sic maſte ſemper; inter & lauros tuas
Mitior Oliva creſcat; ut nobis bonus,
Aliiſque magnus audias; dum, Te auſpice,
Fretum Britannum majus Oceano cluet.

R. B. A. M.

* Jam enim Monarchiæ, Academiæ, ipſique ordini Eccleſiaſtico ruinam intentabant Fanatici; quibus pro tempore obſtitit Cromwellus.



In Serenissimum Regem

C A R O L U M II.

BRITANNIÆ suæ restitutum. 1660.



UIS novus hic Cæsar, siccâ qui pace Britannos
Subjugat, &, Bruto saltem hoc plaudente, tri-
umphat?

Quem non ira minax, ultorve in prælia Mavors
Asperat, armorumve ferus circumsonat horror;
Sed tranquilla quies, niveisque jugalibus ambit
Dia Salus, plenoque arridet Copia cornu?

AGNOSCO CAROLUM: en, quantus de fronte serenâ
Fulget honor! quæ stat juvenili gratia vultu!

ALME, veni tandem, tardosque in vota precantùm
Abolvas Superos, dilapsaque lora potenti
Sume manu; tibi cùm lymphata atque enthea turba,
(Omnia quæ vertit sese in miracula regni,
Hydramque, Tigrimque trucem, informemque Chimæram)
Jam cedit, cassoque jacet dejecta furore,
Grate, veni, &, quamvis toto tibi serviat antro
Æolus, & dominum Nereus petat omnibus undis,
Sit potior quæ te populi vehit aura, nec ullo
Pleniùs, aut meliùs tumeant tua carbasa vento.

ASPICE, ut occludat venienti urbesque viasque
Importunus amor, dum plebs, quæ fecerat hostis,
Officiosa facit, nimioque rebellis honore est.

Jam

Jam neque genua labant senibus, nec tarda podagra
 Distinuit captos; pueri, imbellesque puellæ
 Accurrunt, mediisque audent se immittere turmis:
 Dumque triumphales rutilant per compita flammæ,
 Accenduntque domos, circum præcordia gliscit
 Major flamma viris, mentesque impensius ardent.
 Felices! queis te, postquam superata Deorum est
 Invidia, & sævi longa inclementia fati,
 Divulsam dulci à patriâ, aspectuque tuorum,
 Contigit excipere, atque oculos lassare tuendo.

SCILICET huic fueras olim servatus honori,
 Depositum factorum, ut dextræ robur adultæ
 Sustineat triplicis nutantia pondera sceptri.
 O Cœlo dilecte nimis, quem fessâ reposcunt
 Imperia, ô magnis nequicquam erepte peric'lis,
 Si non afflictis tanto in discrimine rerum
 Creveris, & patriæ te suspirantis in usus.
 Hoc erat, hoc unum tantis natalibus addi
 Quod licet, & Divo genitori fata negârunt;
 Ut cùm te extorrem Deus & fortuna noverca
 Jusserit ignotasque vias, atque aspera rerum
 Tentare, & mores hominum monstrârit & urbes,
 Pulchrior exurgas tandem, emeritusque laborum
 Nunc vigeas magis, & splendor tibi crescat ab usu:
 Surculus ut sterili qui dudum immarcuit agro,
 Dum rigor immitis Boreæ, morsusque ferarum
 Infestant, & adhuc geniales improba succos
 Terra negat, roremque invidit Jupiter alnum:
 Jam locuplete solo susceptus, & ubere glebæ,
 Lætior emergit, fructusque umbramque salubrem
 Impendit populis, & vertice sydera tangit.

SIC adsis (Rex magne) tuis, multùmque peritus

Edoceas

Edoeas artes quas Rhénus dives & Albis
 Scire dedit; quicquid versuto in pectore volvit
 Gallus, & Austriacus geminâ deliberat aulâ:
 Sic adfis, cui nec fractos emolliit artus
 Desidia, aut animum pellacis peste veneni
 Corruptit tenero falsa & fucata Voluptas:
 Sed firmat fors dura virum, studiisque severis
 Finxit, & accendit generoso pectus honore.

PER lusus alii, phalerataque gaudia tendant
 Ad sceptrâ, &, se non capientes, regna capeffant;
 Huc tua te virtus vocat, & diademate cingit,
 Datque tenere manu, quem mente intelligis, orbem.

RAD. BATHURST, *M. D. Coll. Trin. Soc.*



In Obitum Cellissimi Principis

H E N R I C I

DUCIS GLOCESTRENSIS. 1660.

HACTENUS, ô focii, plausus & gaudia * toto
 Ferre sinu licuit, passisque admittere velis:
 Hactenus haud ullâ maculatum nube serenum
 Vidimus, atque hilares cœlo decurrere soles:
 Utque salutiferam toties qui sumpserat offam,
 Nulla venena illi, neque pocula dira nocebant:
 Nos ita nec luctus, nec fors mœstissima tangit.

* sc. ob nuperum Regis Car. II. reditum.

ATTAMEN hæc inter, quanquam furialis Erinnyæ
 Cesserit, ac nostro Mavors procul exulat orbe,
 Et repetit Gothos, & Bistonas horridus armis;
 Quanquam jam longum ignotas inviserit oras
 Libertas, & Virgo redit, Carolinaque regna;
 Dum nec adhuc lacrymas natorum in funere mater
 Ferre scit, & nemo tristis, nisi proditor, audit;
 Huic uni saltem juvat indulgere dolori.

QUIDNI etenim? cum jam spes terræ, curaque Coeli,
 Ipse suis cœpit CAROLUS diffidere Divis:
 Quem quia fata jubent regnum pro fratre pacisci,
 Et simul ad sua sceptrâ vocant, dextramque recidunt,
 Ditior exilio fuerat, cum fidus Achates
 Ascaniusque idem coram stetit; ille per omnes
 Ire comes quondam terræque marique labores;
 Illius haud unum dederat præsentiâ regnum:
 Quam cum Parca negat CAROLO, non amplius ipsum
 Centum * oratores, centum solantur amici:
 Jam nec ab occiduis prænobilis hospes Iberis
 Gratus adest mœsto; neque gratior advena Ponti
 Leniit infandos formâ omnipotente dolores,
 Diva soror, postquam occubuit charissimus Heros,
 Et tantos unâ temeravit morte triumphos.

SENSE RAT Oceanus damnum, fluctusque sonoros
 Plangebât domino: tremuitque Britannicus orbis,
 Quanquam Cæsar adest; veluti cum maximus Atlas
 Subduxit fessum Cælo caput, horruit ingens
 Machina, & attonitis pavitabat signifer astris.

EHEU! quam vario volvit mortalia casu
 Instabilis fortuna, & cæco in turbine versat!

* Legati hinc inde missi.

Hiccinè qui fatis longùm jactatus iniquis,
 Ærumnarum undas toties, totiesque fefellit
 Latrantes scopulos, contritoremque Caphareum
 Præterit, ut patriis tandem sit naufragus arvis,
 Et cadat ignavæ jam præda ingloria febrî?

AT non talis erat, lætâ cum nuper in Aulâ
 Grandior incescit, Nymphasque obliqua tuentes
 Urebat vultu; vel, equo sublimis & armis,
 Ibat ovans per signa; favor comitatur euntem,
 Gloriaque illustrem fulgenti circuit aurâ:
 Atque aliquis juxtâ victori regna futuro
 Destinât, inque animo disponit mille triumphos;
 Atque aliqua, hæc, inquit, præstantis gratia formæ
 Idaliâ possit cœlo deducere Divam.

Ille indignantem, & conantem plurima, frangit
 Cornipedem; sive is gressus glomerare superbos
 Aggreditur, pedibusve altas confurgat in auras
 Arduus, aut stratâ gravior subsultet arenâ:
 Fervet opus, patulisque efflantur naribus ignes.

NAM neque degeneres curas, artesve pudendas
 Excoluit, luxusve dies, aut alea noctes
 Perdidit, ambiguo suspendens vota fritillo:
 Sed nunc jura Patrum, aut magni consulta Senatûs
 Excudit, &, dextro pollens moderamine linguæ,
 Justitiæ griphos, rerumque ænigmata pandit:
 Nunc & Militiæ leges, momentaque belli
 Cogitat, & doctis designat prælia chartis,
 Grande rudimentum, atque hosti fatale futuro;
 Quonam acies formanda modo, cùm cornua Ductor
 Explicat, aut stringit rursus; quâ callidus arte
 Opprimat incautum campis, aut saltibus, hostem;
 Quæ statuât vallo spatia, & quali aggere muros

Oppugnet,

Oppugnet, quanquam ipsa intus feralis Enyo
Tercentum tonat ære globos, tot fulgurat Ætnis.
Quippe suas illum docuerunt Teutones artes;
Credidit indigenam Hispanus: quin ipsa fuisset
Gallia fassa suum, nisi quod minùs hospita, civem;
Surreptamque sibi miratur Etruria linguam.

ILLE & Naturæ vultus, arcanæque rerum
Semina, & immensi volvit primordia mundi:
Noverat unde micant stellæ, quo tramite Titan
Palleat, & tristi squalent ferrugine Lunæ;
Cur trepidans Magnes dilectam vergit in Arcton;
Quid faciat ventos, fulmenque imbresque sonoros
Desuper intorquet terris; quâ lege movetur,
Et redit æternùm sua per vestigia Tethys.

MAGNA quidem canimus, si non majora vocarent,
Et pietatis honor, verique innata cupido,
Et probitas, vitæque tenor sincerus, & olim
Inconcussa fides fratri servata, Deoque;
Quam neque speratum diadema, artesve dolosæ,
Ipsa nec inflexit * Pietas. Hæc sanctus ab alto
Vidit, & exultans Genitor plaudebat Olympo:
Talia namque olim monuit, cùm staret ad aras
Aucturus divos, & jam suprema puello
Oscula libaret totum spirantia cælum:
Chare puer, dixit, quanquam fortuna parentis
Non imitanda tibi, pietas tamen usque sequenda est,
Et recti custos animus, virtusque, laborque;
Et, quæ sit potior sceptris, reverentia sceptri.
Hæc tu, magne Heros, imis mansura medullis
Imbibis, & sacro pendes dictantis ab ore;

* Sc. obedientia erga Matrem, ipsum ad Papismum sollicitantem.

26 MUSÆ ANGLICANÆ.

Talibus auspiciis jam tum cœlestis alumnus
Crescis, & indigetis sequeris vestigia Patris;
Sed CAROLO monstrante viam, qui fortibus altum
Perficit exemplis animum; tantusque videris
Exuperâsse hominem, & mortalem temnere sortem.

TU tamen, ah! moreris; nec Te tua prodiga virtus,
Aut niveus decor, & prolem testata Deorum
Majestas Orco eripuit; dum sordida terræ
Progenies pejore luto secura perennant
Secula, &, experti nimix fastidia vitæ,
Vix tum deficiunt; sic usque virêscit & usque
Carduus infelix, & lappa renascitur arvis;
Lilia, spirantesque croci, mollesque hyacinthi,
Heu! cito diffugiunt, animasque sub æthere linquunt,
Ambrosias animas, nec spes redit ulla fruendi.

AT vos, ô Superi, quorum moderamine constant
Imperia, & nuper capiti suppôsta Britanno est
Tergemina, & nullo superabilis Hercule cervix,
Sed vobis minor, & vestris nimis obvia telis;
Si vel adhuc meritisque suis, cultuque suorum,
HENRICO superesse datum est; si fortia facta, &
Multa viri virtus gemino usque in Principe durant;
O facite abreptæ pereant ne stamina vitæ,
Quin demptos fratri superaddite fratribus annos.

RAD. BATHURST, M. D. Coll. Trin. Soc.





G R A T U L A T I O

O B

Auspicatissimum Serenissimæ Principis CATHARINÆ Lusitanæ, Regi CAROLO II. desponsatæ, in Angliam appulsum. 1663.

TE graves longùm curæ, vultûsque severi
Nubila, & atrati * terno jam funere luctus,
† Strigosique dies; omnis cum Rege calescit
Musa suo, & teneros pariter spiramus amores.

FALLOR? an Hesperio labentem cardine Divam
Cerno procul? fugiunt nimbi, latèque renident
Omnia venturæ; dignataque pignore tanto
Æquora lenè tument: clavo sedet arbiter Hymen;
Urget Amor fluctus, & carbasa ventilat alis:
Tum vero innumeros plausus comitesque, Britannique
Ingeminant, audit Tagus & Tartessia longè
Littora; clamori cœlum, scopulique, resultant.

JAMQUE venit patriæ decus & jactura Braganzæ,
Spes Britonum; occiduâ toties quam lampade Titan
Ambiit, Herculeasque petit nunc † tardior undas;
Sospes adest, veteres horrens cui Bruma rigores
Deposuit, Zephyrusque tepentes molliit auras:

* sc. Eliz. Bohem. Reg. Henr. Ducis Glocest. Mariæ Pr.
Arausion. † Quadragesimales. ‡ Diebus sc. incunte
vœre auctioribus.

28 MUSÆ ANGLICANÆ.

Quà movet illa pedem, pubescunt germine campi;
 Narcissusque crocusque subit, Dominamque salutant
 Undique Regales florenti culmine quercus:
 Densati circum populi venerantur euntem;
 Illa beat conspectu urbes, agrosque serenat.
 Fulgentem veluti cum Luna argentea discum
 Noctibus hybernis lætanti attollit Olympo:
 Aut qualis rutilis cœlebs Hyperionis ales
 Tendit iter pennis, nostri novus advena mundi;
 Assurgunt omnes decori, vulgusque volantum
 Per sudum strepit, & plaudentibus adsonat alis.

URITUR interea virgo, lævâque mamillâ
 Cæcum vulnus alit, veterisque haud inscia curæ
 Quærit adhuc pretiumque viæ, finemque laborum:
 Ilicet, auratâ quæ fixit utroque sagittâ
 Ocyor, occurrit CAROLUS; cui gressibus æquis
 Majestas & Amor stipant latus; Illa repente
 Mirari tam grande decus, speciemque Deorum
 Oblatam, & pactos cœlo sponse Hymenæos:
 Nunc & Cantabricos fluctus, horrendaque nautis
 Monstra, procellosasque hyemes, ventosque minaces
 Absolvit, tantique juvat meminisse periculi;
 Digna quidem hæc merces, ob quam despexerit unâ
 Auriferumque Tagum, Solisque cubilia Calpen.
 Hæret in obtutu sponsus, Nymphamque pererrat
 Luminibus propriis, nunc primum oculatus amator.
 Colligit innumeros vultuque habituque lepores,
 Incessumque notat qualis solet esse Dearum;
 Quis sit honos frontis, vegetis ut regnet ocellis
 Alma Pudicitia, & molles castiget Amores:
 Jamque suos ignes probat, & bene credita Divis
 Connubia, & vinculis stringi se gaudet in istis.

Quantas

Quantus amor! quales thalami! non purius unquam
 Prima Palæstinis sudant opobalsama ramis;
 Nec delibata Nabathæis messibus auræ
 Suavius aspirant; sic Nardo nubit Amomum;
 Sic bene miscetur generoso Lympha Lyæo.

DESINE jam, Cæsar, segnes incessere puppes;
 Neu querere, ignavos ægrè quòd Cynthia menses
 Volverit, & lento processit signifer axe:
 Grande moræ pretium est, quòd, Diis rivalibus, ultrò
 Te CATHARINA petit; cui Jupiter ipse per undas
 Mugierit, totoque inclusam perpluat auro:
 Quam peteret raptor, conjuratæque reposcant
 Mille rates, spretisque Deis, & compare pulchrâ,
 Demereat pomo felicius arbiter Idæ.
 Fortunate nimis! qui tot certamina fati,
 Et varias Tellure vices, & tædia ponti,
 Fessus * Ulyssæo tandem solabere portu.
 Maeste toro, & populis bellorum damna resarci:
 Quando tuo Venus orta mari, tuque (inclyte) gentis
 Prolificæ, omnigenûmque audis regnator aquarum.
 Sæpe tui inclamant, HENRICUM (CAROLE) debes,
 Sæpe monent, debes nobis (Auguste) MARIAM,
 Qui visent patrios fato † meliore Penates.
 Tu bonus & felix tot per discrimina cives
 Servâsti, nunc ipse crea; quartamque coronam
 Sume tibi, cunctas cui destinat Anglia quercus.

TU verò ante alias Superis charissima Nymphas,
 Quæ dudum in sterili languebas frigida lecto,
 Unius ætatis princeps, per secula mille

* Ob sponsam Ulyssiponensem. † Quia sc. Henricus & Maria post primum in Angliam appulsum mortui sunt.

30 MUSÆ ANGLICANÆ.

Nunc ævo sacrandâ veni : Te CAROLUS ultrâ
 Eripiet fatis, postquam immortalia figet
 Basia, & afflabit gremio contagia Cœli.
 Inde genus divûm surget tibi stemmate longo,
 Ectypa Majorum soboles ; CAROLUS que pusillus,
 Parque tuî lætâ CATHARINA adolescet in aulâ :
 Ille quidem populos, sed reges Illa domabit ;
 Insensasque acies, & sceptrâ minantia sceptris
 Mulcebit vultu ; patriis dominabitur undis
 Alter ; velivolâsque arces per cœrula ducens,
 Eruet Eöo rutilantes littore gemmas
 Impiger, Hesperii que ortus rimabitur auri :
 Nascetur, qui Barbaricos inhibere furores
 Possit, & Odrysiâs Solymis depellere Lunas,
 Jamaicæque Indos, & Mauros addere Tingi.

ERG O age ; solve, sinu quos jam premis invida, Reges ;
 Tûne etiâ hos damnas tenebris, & carcere cæco,
 Crudelis ? quin rumpe moras, dum pronuba Juno
 Ire jubet, Geniusque metus objurgat inertes ;
 Parque Jovi nostro Semele felicia condas
 Secula, & (heu !) nimium fugientibus utere donis.
 Quid juvât æternum miseras disperdere noctes
 Segniter, & vacui fastidia ferre cubilis ?
 Aspice ut obscure nemorum per devia reptet
 Virginitas ignava hederæ, necdum illa sub auras
 Emicat, aut humili squalens caput exerit umbrâ ;
 Tandem inopis pertæsa tori, si fortè vel arcem
 Ætherei Jovis, aut proceræ robora quercûs
 Strinxerit amplexu, & sensim insinuârît amores,
 Protinus ad superas gaudet simul ardua sedes
 Scandere, seque unâ mirantibus induit astris.

TU quoque jam discas quibus artibus alma perennet
 Imperium

Imperium Natura suum; te prodit amor
 Ille decor vultûs, & non finit esse quod optas:
 Nec pudeat cessisse; fuit castissima quondam
 Penelope, sed Dulichiis se tradidit ulnis;
 Porciaque ingentem pellexit ad oscula Brutum.
 Ipsa vides quoties vestro * sub littore Phœbum
 Vespere anhelantem gremio Thetis excipit udo.
 Omnia magnus Amor subigit, volucresque, ferasque;
 Squamigerumque pecus gelidis accendit in undis:
 Non illum effugiant tigres, aut torva leonum
 Pectora; & indomiti, prostrato robore, tauri
 Hoc subîere jugum, postquam illos dulce venenum
 Perculit, atque ægras depascit flamma medullas.

CEDE Deo, Nympha, & mites admitte calores;
 Quandoquidem vernante anno redit ad sua turtur
 Murmura, & implicitis sponsalia vestra palumbes
 Concelebrant rostris, & jungunt oscula conchæ.
 Ipsa parens rerum jam nunc tibi dædala Tellus
 Target, & arcanos sæcunda resuscitat ignes.
 Conjuge te, viridante toro, jam rustica Phyllis,
 Cum Corydone suo, similes meditatur amores,
 Velitibusque choris primæ præludia culpæ
 Exercet; Paphio juvenis dum fervidus cæstro
 Quassat humum saltans, & terret tympana cantu,
 Mordicus impingens teneris poppysmata malis.
 Ducitur in thalamum hirsuto mactanda marito
 Victima, & extremum Zonæ jam deflet honorem;
 Atque aliqua è fociis tacitè petulantibus optat
 Sic fieri tristis; dum mater gnara peric'li
 Nequiter irridet, consolaturque timentem,

* Sc. Oceano Occidentali finitimo.

32 MUSÆ ANGLICANÆ.

Vexatoque cupit filum * decrefcere collo.

Ergo jubet noctisque minas, bellumque, virumque
Despicere, & medium fidens exporrigit unguem :

Jamque labantem animo, & trepidantem morte propinqua
Erigit, atque alios audet promittere soles.


(Mirum !) & sæpe Deos habuit non vana faventes.

VOS etiam, illustres animæ, conscriptaque Divis
Nomina, queis Venus Uranie, & non altera flamma
Corda subit, quàm quæ Indigetum pia tempora circum
Lambet, inextinctis cum serò migrabitis astris ;
Quos eadem † studia, & cingentes omnia classes,
Fœderaue, & gemini jungunt commercia mundi,
Nunc & Amor junxit ; sedes queis præstat avitas
Ipse Deus, pulsisque dedit regnare ‡ Tyrannis ;
Vos eadem Natura vocat, reparandaque sæc'la
Tradidit ; & Fati jubet instaurare ruinas.

ATQUE utinam hæc maneat nullis laxanda querelis
Copula ; quin semper vobis nova gaudia surgant,
Semper primus amor : durent hæc festa per ævum,
Seraque cognato celebrate repotia cœlo.

RAD. BATHURST, *M. D. Coll. Trin. Soc.*

* Vide Catu. 60. de Thetide. † Sc. artes nauticæ &
mercatoricæ, quæ cum Lusitani juxta cum Anglis studiosi.
‡ Rebellibus hinc, Hispano inde ejectione.





TRANSACTION PHILOSOPHICA;

SIVE,

Metamorphosis Atomistæ in Muscam.

IMPERII sacros Regina Scientia fines
 Fixerat, immensosque diu toto orbe triumphos
 Inviolata egit, postquam fundamina certa
 Inviectus regni posuit Stagyrta futuri;

Et nullos hostes, ipsis venerabilis annis,
 Invenit; donec tandem arma rebellia sumpsit
 Ultima progenies, tantâque indigna parente;
 Quam fædo (ut fama est) tulit ignorantia partu.

EXULAT hinc cum pace pudor, subiitque tyrannis;
 Ingeniumque ferox, atque artes mille nocendi.
 Vidi ipse immeritas animalia solvere pœnas,
 Tortor ut accessit Busride sævior ipso,
 Vivaque mox cultris præcordia nudat acutis.
 Vidi ego perspicuis alia expirantia vitris;
 Postquam vitales cesserunt follibus auræ,
 Cum gemitu infantes animas simul exhalârunt.
 Quis Divûm interpres dicat, quo numine læso,
 Tam fera Tartareis pestis sese extulit undis:
 Fortunæ incertis quæ casibus omnia ponit,
 Lucentesque polos, & terras æquore cinctas
 Nullus enim rector cœlesti fulminat aulâ,
 Conditor ipse sui cœli; verùm impete cæco
 Particulas pulchrum fortuna coëgit in orbem.

34 MUSÆ ANGLICANÆ.

Quisque sibi Deus est, & habet sub pectore numen.
 Quòd si sacra parens periturum deferat orbem
 Natura, & mundi moles operosa laboret,
 Ingeniosa nigris sudabit turba caminis,
 Et fornace suo omnipotens dabit omnia Cyclops.
 Sensit ubi Natura sibi nova bella parari,
 Ulterius non passa malum est, sed limina Divùm
 Indignata petit, vestis quam candida circum
 Velavit, gemmis fulgentibus intertexta:
 Exhibuitque procul miris variata figuris
 Astrorum motus, lunæ fratrisque labores.

I L L A ubi fidereâ vestigia fixit in arce,
 Limen adit Superùm, sacrâque ita voce profatur:
 Nostra Syracusius fragili miracula vitro,
 Cœlestesque senex audax cùm pingeret orbes,
 Ornâstis placido, Superi, cœlum omne cachinno:
 Mirati his tangi mortalia pectora curis.
 Prima quidem melior, Saturno rege beata,
 Curarum immunis, quibus hæc nimis æstuat, ætas:
 Nondum sollicitæ rerum cognoscere causas,
 Molliâ securæ peragebant otia gentes,
 Me varias volvente vices & lucis & anni.
 Sed nova gens hominum, & malè sedula nata propago est,
 Omnia quæ strepitu & studio perturbat inani;
 Me sequitur vigil ista cohors, & mille fugacem
 Impia scrutatur latebris, positoque pudore,
 Longævam jactat se denudâsse parentem.
 Ast ego, dum nudam passim me exponere tentat,
 Per labyrinthæos fugio pudibunda recessus;
 Insequitur: juvat igne latere, requirit in igne;
 Mox undis misceri, & sedula quærit in undis.
 Imâ sæpe etiam volui tellure recondi,

Cogor at effossis iterum remeare metallis.
Mox etiam aëreo volitans super æthera curru
Detegor, & tenues librantur lancibus auræ.
Sæpe vel arboreo quæfivi in cortice sedem,
Nullam turba mihi dedit imperiosa quietem.
Prensanti similem, similem jam jamque tenenti,
Per varias rerum species, perque omnia duco,
Nondum intellecta, & vanâ spe ludo sequentem.
Quin turbam hanc justas jamdudum, O Numina, poenæ
Solvere stultitiæ fas est, mentisque profanæ:
Non etenim quivis, alti licèt incola cœli,
Omnia Naturæ poterit secreta referre.

ASSENSE RE Dei, folio cùm Jupiter aureo
Alipedem, ut poenas sumat, jubet ire ministrum.
Aëra per medium paribus Cyllenius alis
Labitur, & doctas Sapientûm contigit ædes.
Tum densam nebulam circum se fundit, & intrat
Per medios, studia explorans, neque cernitur ulli.
Interea primus qui voce silentia rupit,
O socii, exclamat, nobis nova gloria furgit;
O quantum Natura novæ jam cesserit Arti!
Debilis est oculorum acies, & corpora parva
Vix imperfecto pertingit acumine visus;
Conspicienda dabit minima hoc mirabile vitrum:
Quodque manu tenuit, vitrum porrexerat ultro.

FORTE levi circumvolitat dum musca susurro,
Tramiteque incerto spatiosam circinat aulam,
Hærebat tandem, de summo pendula tectō.
Ecce aliquis subitò graciles ex ære catenas,
Retiaque & laqueos, tales quæ fecit in usus,
Applicuit, muscamque tenaci compede vinxit.

INDE interposito spectant miracula vitro,
 Mirantur molem immensam, atque immania membra;
 Igneus ardor inest oculis, stat corpore toto
 Sylva minax, (neque enim visus spinosior Histrix)
 Nunc patulos lustrant intento lumine rictus,
 Hinc vocat attonitos ingens ex ore proboscis;
 Qualem nec Libycæ jactavit bellua terræ,
 Turritas moles & propugnacula gestans.

TUM verò densas aufert Cyllenius umbras;
 Quasque hominum turbas solers industria fecit.
 Hic labor, hoc opus est! sic famam quæritis, inquit!
 Accipite ingentis justissima præmia curæ;
 Vos eritis quicquid vitro spectastis in illo.
 Inde (fide majus) varios traterere colores,
 Et solitâ incipiunt sensim decrescere formâ;
 In pennas abiêre manus, pro crine decoro
 Fulgenti totum tegitur lanugine corpus;
 Pro pedibus, lentis tenuantur crura flagellis,
 Justaque jam moles, facies & prona videtur.
 Mox celeri incedunt passu, subitôque sub auras
 Tolluntur, summique petunt laquearia tecti.

ANTIQUI remanent versâ sub imagine mores:
 Nam vitæ (ut referunt) non immemor antè peractæ
 Mentem animumque illis prudens natura negavit.
 Hinc vano strepitu, cæcoque errore feruntur;
 In præceps agit Eurus atrox, mox turbine raptat
 Sublimes agitans, & inania prælia miscet.
 Mille etiam peritura modis circùm agmina ducunt,
 Fucus acerba sonans, & pictis Cantharis alis,
 OEstrumque, Crabroque, & mole ingens Scarabæus.
 Sæpe apibus sonitu stridenti ubi bella minantur,
 Cerea pennatis vexant alvearia turmis:

Extemplo

Extemplo glomerantur apes, pennisque coruscant
Invisæ, turpemque abigunt à mœnibus hostem.

AH, quoties teneras morfu læsere capellas,
Et sole æstivo lassus, spatiorumque viarum,
Frontem occurrentes damnavit sæpe viator?
Sæpe renascenti cùm vere coagula traxit
Lacteus humor, & alto à margine pinguior extat,
Mille venenatis fundunt sese agmina rostris,
Et niveum impuro nectar corrumpitur haustu.

NON vobis dulces distendunt ubera vaccæ,
Fortè superveniens exclamat rustica conjux;
Inde graves turmas, & poto nectare tardas,
Indignata procul manibus virgâque repellit.

SED meritas solvunt pœnas, cùm accendere parvâ
Præmonuit nox alma facem, volat inscia turba,
(Sive hîc flammantes sylvas, camposque nitentes
Credit, seu rapit in certam fors dura ruinam)
Per spatia incertis alis tenebrosa vagatur,
Ad sese attonitam donec trahit aurea lampas.
Ceum quondam volitant sublimis in aëre milvas,
Subjectis lustrans lætem cùm vidit in arvis,
Flectitur in gyrum, spatiisque remotus iisdem
Usque videt prædam, ductis per nubila spiris:
Lampada sic torto levis ambit turba volatu,
Lucentesque pyras & non ignobile bustum
Ascendit demens, quæsitisque ignibus ardet.

SIC, dum nativum memorat, renovatque furem,
Ingentes pœnas vitæ dat musca prioris.

NICOL. L'ESTRANGE, *Baronett. ex Æde Christi.*





THOMÆ WILLIS, M. D.

In Diatribas Medico-Philosophicas, De
Fermentatione & Febribus.



ABSTRUSAS rerum causas, quo semine litem,
Quo pacem Natura paret, quis corpora motus
Urgeat, indomitos undis quid misceat ignes,
Qui nexus elementa ligent, foelicior ætas
Conspexit tandem; cunctisque ignota priorum
Abdita laxantur vasti penetralia mundi.

PROGENIES cœli, terræ defossa Metalla
Visceribus, quamvis Phœbo ostentata parenti,
Indiga lucis erant; radios obscura premebat
Umbra, & lucenti splendor quæsitus in auro est.
Lumina præstrinxit ferrum, ignotumque latebat,
E damnis notum nimis; & simul agmina fudit,
Ingeniumque unâ victor superaverat ensis.
Sic olim curas, vanæque indaginis artes
Elusit Natura parens; sic lumine jussit
Sistere, & extremo defigere cortice lumen.
At nobis tentare adyta, atque invisere rerum
Ultima concessit, mundique arcana tueri:
Nec nota est magis ipsa sibi; quis montibus altis
Regnet amor, quæ flamma leves in marmora succos
Excoquit, unde novi tellus connixa metalli
Cæca rudimenta, & duri primordia fœtûs
Fœcundo fovet amplexu; cur vere tepenti

Pandit

Pandit opes terra, & nativo fulgurat ostro.
Qui zephyri molles prægnanti semina Vestæ
Inspirent: nebularum arcâ cœlique relictis
Sedibus, in nostris Iris quæ gestiat undis.
Cur fluviis immerfa Ceres, commixtaque Nymphis
Intumeat: quæ bella movet, quas concitat iras
Fervidus, inque cadis celebraverit Orgia Bacchus.
Sicaniaë quis desertis fornacibus Ætnæ
Vulcanus molles per corpora fuscitat ignes.
Quin etiam humanos agitet quis spiritus artus:
Unde hinc purpureus venas, hinc lacteus imber
Irrigat; in fontes quæ causa recedere jussit
Sanguinis assiduo remeantia flumina motu.
Qui cæci in venis ignes, quæ viscere flamma
Deliteat, febremque ciet: quid misceat æstu
Frigora, diversæ coëant quo fœdere Zonæ.
Quæ pestem Stygio furiarum emittit hiatu,
Grassârique jubet, ventosque armare veneno.
Quis sit faticidus renes qui perluit humor,
Qualis odor matulæ, quem nec fastidiit olim,
Balsama cui victæ pelvis spiravit Idumes.
Cuncta patent: nec cui furtivos impius ignes
Intulit, artifici meliùs sua cognita proles.
Artis circumimus mundum; indignataque Gades
Transiit extremos, veteremque Scientia Thulen.
Felix qui potuit rerum cognoscere causas!
Naturæ Phœboque sacer! cui Delphica laurus
Amplecti frontem, radiataque tempora gestit.
Flammæ illi parcent, quem sacris artibus Hermes
Imbuit, & doctos tenebris qui vindicat ignes;
Illum nulla dies rapiet, qui lumina Phœbi
Donârit radiis, lucisque fugaverit umbras;

Non illum afflato Pestis violare veneno
Audeat, aut tacitâ Febris torrere favillâ,
Qui morbis vitam, & letho donaverit ævum.

PHILIPPUS FELL, *Med. Stud. Oxon.*



THOMÆ WILLIS, M. D.

In Cerebri Anatomen Carmen.



QUI terræ pelagique vias, mundique per omnes
Articulos spatatur ovans, metâsque suorum
Herculeas audet supra posuisse laborum,
Neglectus jacet usque sibi, dùmque omnia quærit,
Ipse suû quæsitore abest, incognita tellus
Solut Nauta latet, propiorque ignotior orbis.
Tu melior Typhis, spreto jam Phasidis auro,
In te vela paras, animatos detegis orbes,
Humanâsque aperis ausis ingentibus oras.
Jâmque novos laxare sinus, animæque latentis
Arcanas referare vias, cæcosque recessus
Fas aperire tibi, totâmq; recludere mentem.

HUMANI quicquid suspensum est fornice cœli,
Quem teneant capitis laqueata palatia civem;
Altera cur foveat, cur protegat altera Meninx;
Quos testes genuisse, animi quos utraque Mater
Conceptus peperisse valent, quæ cella recondat,
Quis sinus excipiat; quales mirabile nectit
Rete dolos, formas rerum & phantasmata captans:
Seu mens præteriti retinet simulachra laboris

Mem-

Membris descripta suis, seu provida fati
Imminet, & Lachesi venturos præripit annos.
Quin spectare datum est tumidos quæ pectore fluctus
Suscitet, & nostrum tempestas misceat æquor;
Unde Amor, atque arcum nervo quo tendere natum
Idalium Cytheræa jubet; cur obice sanguis
Sistitur, & torto frænatur venula nodo.
Cernimus ut sedeat Dolor & suspiria ducat;
Ut Metus incertum condat caput, & sibi frustra
Consultit, éque suis jam jamque evellitur umbris:
Ut nutans ægrè sustentet corpora Somnus;
Ut Ritus dextrâ firmet latus; unde solutos
Gaudia dilatant animos, cùm gurgite pleno
Flumen abit, totosque juvat laxare rudentes.
Quâ Ratio sublime sedens per inane theatri
Nervorum dextrâ tenet & moderatur habenas.
Exultat jam Diva, videt vultusque laresque,
Agnoscitque suos, & cui natura tueri
Indulsitque referre Deos, jam vertice surgit
Lætior, & spectat cognata erectior astra.
Jamque neces & fata juvant. Stylus iste nocentis
Expiat & toties crudelis vulnera ferri.
Ipsa novos statuit de se Libitina triumphos,
Furca crucesque placent, & bis spectacula latro.
SANGUINIS hic jactet primus movisse lacunas,
Sortitus famam vitæ cum fonte perennem:
Hunc lymphæ, lactifve latex, hunc glandula laudet;
Divisum vili sectoque cadavere nomen
Quæsierint alii: melior tua pagina gestit
Ostendisse hominem, spirantemque æthera mentem.

PHILIPPUS FELL, *A. M. Coll. omn. An. Oxon. Soc.*





In obitum celsissimi Principis

H E N R I C I

Ducis Glocestrensis.

VOLVIMUR, & cæco vitæ per lubrica casu
Præcipites fortuna rotat; vix dum Anglia luctus
Sopierat, mœstumque genis absterferat imbrem;
Solvitur en iterum in lachrymas! Jam mitiùs astris
Credidimus spectâsse Deos, parcasque vacantes
Invidiâ, & positas animis cœlestibus iras;
Albentes purosque dies, fortesque bonorum
Sinceras fluere, & soles sine nube serenos;
Cùm sacrum CAROLI vultum & venerabile frontis
Contigerat pondus, radiantiaque ora tueri.

INTEREA audiimus cœlos fatale sonantes
Attoniti, & magnis confusa Britannia damnis
Singultus cantu, lachrymosaque gaudia miscet.
Quæque in festivos accensa est flamma triumphos,
Credita præluxisse rogo, laurusque cupressu
Ferali contexta dolet: plantâque silenti
Irrepens lætas pulsât mors invida turres;
Atque importunus dolor interpellat ovantes.

O nimium quæsite Deis, quem fata reposcunt
Maturum divis juvenem, quem debita cœlo
Et præcox virtus, tenero sublimior ævo

Eripuit

Eripuit terræ, Superisque accendit amores :
Occidis, & Patriæ tecum, dux inclyte, ad umbras
Spem trahis; & vota & miseros unâ obruis urnâ !

QUANQUAM nemo unquam penetraverit incola cœlos
Gratior, & longus Superûm tibi cesserit ordo :
Quanquam fidereas submittant astra coronas,
Atque Ariadnææ serpant per tempora flammæ,
Omnis & exultans tanto hospite jubilet æther :
Te tellus tamen infelix, te patria luget
Præsidio viduata suo; dolet Anglia sparsis
Dilaniata comas, Thamesisque gementia volvit
Flumina, & æquoreas lachrymis petit auctior undas.

FLUXERUNT tria lustra tibi, jamque addis in arma
Te fratri comitem, magnumque exemplar adoras.
Obstupuit miles, quoties aut frigora noctis
Sub Jove, vel Phœbi tuleris patientior ignes :
Seu ruis in medias acies, & cominus hoste
Decernis, densamque in turbam fulmina jactas,
Agnovit fratrem CAROLUS. Te proripit ingens
Vis animi, & longè æquales annosque relinquis.
Non secus in cunis olim Tirynthius angues
Compressit puer, & cœlo se prodidit ortum :
Talis prætextâ nondum donatus, ad undas
Scipio Ticini, patriæ patrique cadenti
Umbo aderat, victæque dedit Carthaginis omen.

SPES Britonum, Lachesis cui sola inviderat ævum ;
Cui Martis furor, & rabies armata pepercit,
Pace cadis. Sic dum Trojæ respirat ab armis
Pelides, molli choreæ festisque Hymenæis
Indulgens, lætos inter Libitina triumphos
Delituit, magnumque patri reddebat Achillem.

AT vos (Ledæo quanquam de lumine lumen

Ex-

44 MUSÆ ANGLICANÆ.

Extinctum est) vos ô longos durate per annos,
Sideraque OEbalii felicia vivite fratres.

PHILIP. FELL, A. M. ex Æde Christi.



G R A T U L A T I O

O B

*Auspicatissimum Serenissimæ Principis CATHA-
RINÆ Lusitanæ, Regi CAROLO II. de-
sponsatæ, in Angliam appulsum.*

SENSIT inassuetas circum præcordia flammæ
Inscius, & blandos miratur CAROLUS ignes:
Qui Martis modò fulmen erat, quem bellicus ardor
Juvit, & armatum castrensis & hosticus ignis,
Ipse stupet gaudetque novâ caluisse favillâ.

AT fatis gratetur ovans, innoxius ille est,
Et ducit, quem sensit, Amor; mollemque Gradivus
Militiam exercet: sunt & sua prælia paci.

JAM Lusitano de littore regia sponfa
Solvit, ubi Hesperiiis Titan respirat in undis.
Hanc tibi vel notis cuperes, Rex magne, peric'lis,
Exiliisque emere, atque unam persolvere Divos.
Si Veneris mystæ pandant oracula vates,
Ex simili ut consurgat amor, non dignior unquam
Intravit sacros conjux Augusta penates.
Divûm ambo creti magno de sanguine, & æquâ
Majestate pares: pariter dilectæque Divis
Nomina, sorte pares ambo, virtutibus ambo.

HISPA.

HISPANOS olim fasces & Sceptra Philippus
Hesperix, & mundi tenuit confinia Gades.
Unus cognato deerat divisus Ibero
Lusitanus ager : veteres stat ponere fines,
Nec novus antiquas limes disterninet oras.
Oppressas astu gentes, direptaque regna
Criminibus, longum victor possedit in ævum.
Non tulit hoc vindex Superûm manus. Hispalis omnis
Mox exuta Tago, partisq[ue] elusa Trophæis,
Conjurat cœlo plebes, & libera solvit
Colla jugo, nullâque madet victoria cæde,
Et pater Alphonfus folio consedit avito.

INGENS cura Deûm ; cujus tutela Tonantem
Res hominum spectare docet : Tua, CAROLE, fata
Poscebant eadem faciles miracula Divos.
Anglia, fessa malis, fraternâque ebria cæde,
Visceribus lassis, rabieque exhausta Tyranni,
Fuderat extremas expiratura querelas.
Audierant Superi : solis adjutus inermis
Auxiliis Divûm, patriæ tu, CAROLE, terræ
Opportunus ades suspiratusque cadenti.
Quàm bene vos uno socient connubia nexu,
Quos Deus & fatum atque eadem fortuna maritant !

ERGO, Augusta, veni. Facili famulabitur unda
Obsequio, & Paphiâ poteris confidere conchâ.
Utraque par Diva est. Nam tanto pondere læta
Cæcula dum fulcas, gens circum ludicra Amorum
Errat, & alarum velis diverberat auras.
Tu cùm Neptuni veheris Regina per undas,
Non Jovis ille suo credet prælata tridenti
Tela, nec astringerem cœlis inviderit Argo.
Ne metuas ; nova jam constantes possidet undas

Atque

Atque infueta fides, animos posuere procellæ,
 Æquatumque tenet dominæ reverentia Pontum.
 Diva, veni, nescis quàm te gens anxia poscat,
 Quàm tua vel sponsum viduet mora: CAROLUS instat.
 Ille, Noti si fortè, levi surgente susurro,
 Flamina sollicitâ metuens captaverit aure,
 Et montes maris & ratibus minitantiæ saxa
 Concipit, & syrtes augur timor, ipsaque major
 Tempestas animi & superant suspiria ventos.

JAM populi vox una, Venit. Jam littora circum
 It clamor cœlo, & nomen revolubilis Echo
 Ingeminat, plausûsque suos & saxa loquuntur.
 Conferti longo pendent examine cives,
 Stipanturque viæ; accelerat cum virgine mater,
 Et properi juvenes, & jam non tarda senectus.
 Nec fatis est superâsse salum, dum compita fluctus
 Cernis habere suos, cupidâque undantia plebe.
 Excessit fors nostra preces. CATHARINA videris
 Et melior famâ, & voto formosior omni.
 Ecce! tuis radiis Maii debentur honores;
 Quâ graderis, crevère resæ. Jam compita circum
 Igne triumphali, & tædis majoribus ardent.
 Curia jam plausu resonat festisque Hymenæis,
 Teque moræ impatiens cupidis amplectitur ulnis
 CAROLUS, & multâ præcinctus tempora Myrto
 Nescit Reginae pariter Sponsæque coronam.

PHILIP. FELL, *A. M. Omn. Anim. Coll.*





In Obitum Inviſtiſſimi Herois

G E O R G I I

DUCIS ALBEMARLIÆ.

ERG O ſumma dies, & ineluctabile fatum
Semideos rapiunt! modò regia funera mœſti
Flevimus, & magnis funeſtam cladibus aulam;
Inſtaurat fortuna nefas, & vulnera plagis

Cruda novis onerat. Strictos qui tutus in enſes
Ibat, & ardenti volitantes turbine glandes,
Securus belli, mediisſque illæſus in armis
Geſtabat nullo pectus violabile ferro;
Morborum inſidiis, & ſævæ vulnere pacis
Occidit, & poſitis jacet ALBEMARLIUS armis.

QUOS titulos, quæ geſta canam? quis carminis ordo
Surget? Ad occiduas armis gliscentibus oras
Mittitur, audaces fera cùm Juverna tumultus
Miſcuit, & longi movit tentamina belli.
Illic & cædes, & dira incendia jaſtat
Loyolæ ſoboles; rebus quæ docta novandis
Semper, & impuris divos obtendere cœptis.
Alma quidem tellus virus quodcunque beato
Expellit gremio; non illic luridus anguis
Sibila commiſcet, non telam texit Arachne,
Non buſo, non rana tumet; ſerpentibus ipſis
Innocui ſaltus, & mollior aura veneno eſt:

Nequie-

48 MUSÆ ANGLICANÆ.

Nequicquam ; Aufoniis veniat si vipera terris.
Savior, & latè diffundat Roma venenum.

A R M A Ducem majora vocant ; has Anglia flammæ,
Concipit infelix, odiisque ingentibus ardet.
Advolat, & sacras partes, & Regia promptus
Castra sequi, genios momentaque grandia secum
Laturus ; sed fata vetant : ingloria forti
Præda jacet, lætamque urbem captivus inermis
Ducitur, & multis potior victoria palmis
Unus erat ; premitur servili dextera ferro
Fortis, & ignavæ membra exedère catenæ,
Atque indigna fames, longusque in carcere pector.
Damna tamen graviora premunt ; videt undique fractas
Inclinare acies, CAROLIQUE ruentia fata :
Quasque videt patitur clades (dolet illud, inultas
Quòd videt) immoriturque malis, & vulnere in omni
Ipse perit ; cæsi Regis super omnia crimen
Horret, & ultrices magno stant pectore curæ,
Vindictamque alit intus, & altâ mente reponit.
Qualis ubi in Libycis Leo fortè incautus arenis
Incidit in casses ; pastor gaudetque timetque,
Et prædam haud impunè videt : sed siqua viam vis
Inveniat, rumpatque plagas, ruit obvia quæque
Prosternens, longèque neces & vulnera spargit.
Talis erat, cùm damna furens & bella rependit
Scotica, & Arctæas latè conterruit oras,
Et patriæ vindex, & diri Fœderis ultor.
Jamque Caledoniis excita est bellua sylvis
Omnis, & extremæ truculentior incola Thules :
Aspiceres hyemesque inter gelidasque pruinas
Ultrices regnare faces, & sanguine fuso
Purpureas caluisse nives : stupet omnia Scotus

Perfidus,

Perfidus, & frustra noctem longasque tenebras,
Ignotas frustra terras Thulenque requirit,
Extremo positus nequicquam in limite Mundi.

MAJUS opus moveo; premit ipsos dira rebelles
Seditio, & pœnas jam justa reposcit Erinnyes,
Et sua Terrigenas vexat discordia fratres.
Emicat Arctoi radians à cardine cœli
Immortale astrum, & terræ Cynosura Britannæ;
Hac duce, & infames scopulos ventosque sonoros
Effugit, & populi graviores Anglia fluctus.
Quæ mentis divina acies, cùm callida magnis
Consiliis elusa cohors, atque ardua semper
Responsa ediderat, dubiique Oracula veri!
Illuxit multos longùm meditata per annos
Jam fatis matura dies; ultusque Parentem,
Restituit Natum: triplicis non pectora tentant
Imperii illecebræ, non fallax purpura tangit.
Nec sibi se vicisse putat: quod sanguine multo
Criminibusque emerent alii, cùm sceptrâ tenere,
Temporaque arreptâ poterat cinxisse coronâ;
Innocuas laurus, & sacræ frondis honores
Maluit, & castâ frontem circundare olivâ.

QUALIS erat, cùm jam Procerum comitante catervâ
Excepit reducem Rutupina ad littora Regem!
Plenus uterque Deo! charis astringitur ulnis
CAROLUS, amplexus miscens, & dulcia libans
Oscula, & arcanos adspirans intus amores.
Candida plaudebat niveis Victoria pennis,
Nullâ cæde madens; secura atque integra regna
Restituit, purasque illibatasque secures.

NEC fatis est quòd sceptrâ redux sua debeat istis
CAROLUS auspiciis: studiis tutatur iisdem

Queis dederat, pacisque idem servator & auctor ;
 Commiscetque pares armatis laudibus artes.
 Sic ubi sævorum Pallas post bella gigantum
 Ægida deposuit, dilectæ ante omnia regna
 Cecropiæ petit, & proprias tutatur olivas.

NECDUM omnis tellus tanto satis ampla triumpho :
 Nunc ingens patet oceanus, frameamque superbus
 Submittit Mavors, & tu, Neptune, tridentem.
 Æquoreos fasces & sceptri jura Britanni,
 Et vasti maris imperium, quâ flamina miscet
 Æolus, aut latè fluctus ciet Amphitrite,
 Vindicat. Innumeris tabulatur classibus æquor,
 Et procera altis descendit montibus ilex,
 Pridem assueta notis, magnisque invicta procellis,
 Servatrix terris pariter tua, CAROLE, & undis.

SIGNA illinc Batavûm fluitabant cærula malis,
 Hinc Anglæ rubuere cruces ; assibilat aura
 Blandior, & pietas justo fert ordine puppes
 Ponti viva quies ; credas innare triumphos,
 Et pompam, non bella, putes : supereminet omnes
 Celsa Ducis magni puppis ; non æqua micaret
 Gloria, si stellata polo descenderet Argo
 Plena Deis ; non cùm Venerem Neptunus adorat
 Molliâ purpureâ sulcantem cærula conchâ.

AT subitò horrendum diro Mars intonat ore,
 Livida nitra vomens, piceæque volumina flammæ,
 Sulphuraque, & cæcos ignes nigrantis Averni.
 Quâ ruit, effractæque trabes & robora vastis
 Dissiliunt quassata globis, truncataque membra
 Seminecesque artus cœlo jactantur inani.
 Horrida turbatum tempestas miscuit æquor,
 Sævior indomitoque mari cunctisque procellis

Ira virūm : mediis regnat Vulcanus in undis
Victor, & attonitæ metuunt nova fulmina quercus.
Obstupuit dux ipse Erebi, tantasque ruinas
Eumenides spectare negant, magis horrida Phorcus
Monstra timet, Nereusque udâ caput occulit algâ.
Tempestas vix tanta premet, cū magna fatiscet
Cœlorum moles, & terris mista coibunt
Sidera, & immensi labetur machina mundi.
Jamque ter attonitum cursu Sol circuit orbem,
Sæpe acturus equos retro, totiesque tenebras
Rexerat, & tremulâ pallesbat Cynthia luce ;
Fortior instaurat pugnam, Martemque laceffit.
Mene, ait, hostili captivum cernet in orâ
Rhenus ovans, mortemque timens contrerrita Belgis
Devictis toties ostendet terga Britannus ?
Antè ego sulphurei laniatus pulveris ictu
Membra polo semiuستا feram, discerptus ubique
Colligar, atque omni jaceam divisus in orâ.

AT, Batavi, quanquam auxiliis & classe potentes,
Diffugiunt ; numero major, virtutibus impar
Hostis erant ; fractasque rates, sparsæque legentes
Reliquias classis pavidî sua littora quærunt :
Jam furor & multi rabies vesana Lyæi
Cesserat, & pugnâ deferbuit ebria virtus :
Jamque redit cunctis Dux insuperabilis armis,
Telluris pelagique potens, exercitus omni
Et major fato, magnis cui foeta peric'lis
Pacis iniqua quies, armato sævior hoste.
Dira lues miseras ventis invec'ta per urbes
Camposque grassata furit ; vitalibus auris
Immiscet Libitina neces, & lurida toto
Excipitur pestis gremio, vitæque fatiscunt

Spiramenta, animæque fluunt in fonte venena :
Improba nec lentè spargit contagia, passu
Sed propero ruit, & tota agmina falce cruentâ
Demetit, atque omnis jacet uno in funere vulgus.
Sola medela fuga est : at longè finibus arcent
Damnata morti plebem, manesque silentes
Pallentesque errant miseris pro civibus umbræ.
Ille tamen (quanquam ulla duci nec tela nec enses
Profuerint, quanquam obstantes simul undique ruptis
Obicibus prosternat inaspectabilis hostis)
Stat medias inter strages, & publica pensans
Damna suis, tutosque omnes discrimine in uno
Esse jubens, lapsis affert solatia rebus.
Quinetiam miseram renovata pericula gentem
Sollicitant ultra, & lassatam cladibus urgent.
Urbs antiqua viris, sacro si carmine Bardi
Vera canant, nimiùm cognatæque æmula Trojæ,
Quam modò dira lues fatali torruit igne,
Nunc æstu graviore cadit ; per compita latè
Fax inimica volat, ventoque agitata furenti
Volvitur, & rapidæ jactat contagia flammæ.
Mulciber ignito super alta cacumina curru
Perque arces equitat summas, petit astra superbus
Vertice, fidereæque ruunt in Tartara Turres.
Extimuit cœli vicinas regia flammæ,
Communesque rogos, & magni funera mundi.
Non ita, Sicaniæ ruptis fornacibus Ætnæ,
In Superos nova bella movet, cœloque minatur
Enceladus, quoties liquefactum sulphure montem
Evomuit, flammæque Jovi & sua tela retorquet :
Æra ruunt latè campis, liquidique metalli
Flumina, & exudant flammæ torrentibus arva,

Et Siculum rutilis ardescit fluctibus æquor.

NEC memor usque suū tardove incedere passu
Lemnius, aut rapidos voluit cohibere furores,

Tutela afflictae donec certissima gentis
Præstaret MONKÆUS opem, fomenta voraci
Subjiciens flammæ, nitrataque sulphura testis
Immiscens, ipsis restinxerat ignibus ignes.

“ O miseros nimiū cives, quibus ipsa ruina
“ Visa salus; juvat & sparsos habuisse penates!

Interea innumeris exhausta Britannia damnis
Agnoscit Superos, pestesque, & dira venena:
Bella ignesque inter MONKÆUM appendere fortem
Nil dubitat, fruiturque malis sub vindice tanto.
Hoc tamen, O Superi! facinus licuisse Britannis
Conquerimur fati. Miseris proh sidera semper
Aspera, & infensi nimis inclementia cœli!
Ingens occubuit patriæ servator & ultor;
Occidit ipsa salus: nunc ultima vulnera genti
Parca dedit, pœnasque omnes absolvit in unâ.

FELIX, æternum meruit qui nomen in armis,
Et niveam nullo maculavit crimine pacem!
Felix, cui licuit fudisse novissima verba
Principis in gremio! dextrâ sed & Ille labantes
Compressit morienti oculos, animamque recepit;
Prosequiturque pio properantem ad sidera planctu.

INTEREA regum moles sacrata sepulchris
Deposcit magnos cineres; felicibus urnis
Assurgunt augusta cohors: tumulumque parantes
Certant officiis: Henricus conditor arcis,
Arthurii Edvardique & cætera turba nepotum.
Quinetiam Virgo blandè gratatur Eliza,
Arbiter & sanctæ pacis Steuartius heros

54 MUSÆ ANGLICANÆ.

JACOBUS, nullo reticendus carmine Vatum.
Ipse etiam charas, cùm longum exegerit ævum,
CAROLUS exuvias juxtà, Dux magne, reponet.
Jam non longa dies, rapidique injuria cœli,
Non aquilo, aut cunctis rabies fanatica ventis
Sævior, Augusti temerabit jura sepulchri.

PHIL. FELL, S. T. B. Coll omn. An. Soc.



SOTERIA ORMONDIANA.



ANDEM querelis pone modum tuis,
Juverna, tandem define luctuum;
Revixit ORMONDUS, caduci
Grande decus columnenque regni.

Gaudete, sacræ Pieridum domus,
Eblana, gaude, templaque Cynthio
Dilecta, quantum non Cytheron,
Non viridis juga tonsa Pindi.
Ecce! recentis conscia gaudii
Sonent canoris littora plausibus,
Et faxes responsent Camœnis
Pulsa meis, iterentque carmen.
Cæca impiorum turba rebellium,
Invisa semper Principibus cohors,
Zelique mentitâ sub umbrâ
Docta pias adhibere fraudes,
Quo bella, quo vos deferet impotens
Tandem cupido? Sistite barbaros

Motus,

Motus, fatigatumque Martem
 Immodicis prohibete votis.
 Ille, Ille regno est redditus & sibi,
 Qui pervicaci fræna licentiæ
 Turbæque ferratas catenas
 Injiciet malè contumaci.
 Lanugo vultus vix nova cœperat
 Vestire pulchros, induitur sagum
 ORMONDUS, & Scotos frementes
 Auspiciis pepulit secundis :
 Qualis juventâ fervidus impigrâ
 Mutavit armis prima crepundia
 Pompeius, & pulchro subegit
 Penè puer Numidas triumpho.
 Quis fata versæ dicat Hiberniæ ?
 Pulsasque Musas, templaque cœlitum
 Disjecta non levi ruinâ ?
 Funera quis memorare dignis
 Speret querelis ? O Heliconidum
 Eblana sedes ! ô Nemora ! ô sacræ
 Laurus, & optandi recessus !
 Fontibus ô celebrata Tempe !
 Fortuna quæ vos illacrymabili
 Merfit ruinâ ? quid nisi nomina
 Tum nuda, desertæque cautes
 Pieriis catulos ferarum
 Celâstis antris ! Sæpe caput gravi
 Mœrens Iërne vulnere faucium
 Narratur ostentâsse Nato,
 Sæpe preces gemitusque miscens.
 Per ista, (dixit) per generis decus,
 Per spem tuorum, per lacrymas meas

56 MUSÆ ANGLICANÆ.

Fletusque; per si quid paternum
 Grande tibi est, miserere gentis,
 Assurge, & iras concipe vindici
 Virtute dignas, quâque tuis patet
 Arena bellis, I, negatas
 Quære vias, aditusque rumpe.
 Quali medullas fulgure percitus
 ORMONDUS arsit! flamma capacibus
 Quæ infusa venis! cùm protervo
 Indomitum scelus ire cursu
 Passim videret. Me nova buccina,
 Me poscit ingens militiæ labor,
 Me (dixit) in bellum resorbens
 Unda fietis rapit æstuosis:
 Vester, beatum CAROLIDÆ genus,
 Vester, cohortes in medias feror,
 Si totus obluetetur orbis,
 Vincet amor, studiumque recti.
 Hæc elocutus Cæsareis caput
 Devovit aris, nec violabile
 Dixit sacramentum; ter aræ,
 Ter subitæ tremuere flammæ.
 Exinde quali turbine proruit
 In bella, quali fertur anhelitu,
 Viresque, vultusque, impetumque
 Fulmineo similis Gradivo!
 Heu! quantus illi sub Jove torrido
 Sudor! quot illum non timidum mori
 Peric'la circumstant! quot arces
 Perfidie manifestus ultor
 Dejecit acri (plus vice simplici)
 Belli procellâ! Barbaricas opes,

Curvasque

Curvasque Scotorum secures,
 Et trabeas, ducibusque signa
 Detracta testor; testor ad arduos
 Affixa postes signa triremibus
 Erepta, captivosque currus,
 Et galeas, clypeosque centum
 Perfossa telis. Quid fera prælia,
 Quid arma tantum, regnaque prosequor
 Collisa bellis? Ille ramo
 Tempora Palladio revinctus
 Jani ferocis limina clausit, &
 Leges Iernæ restituit suas,
 Deditque pacem, quam nec arma,
 Nec litui, strepitusque rumpent:
 Qualis beatis incubuit locis,
 Cum pulsa nondum cesserat impiis
 Astræa terris, & beatas
 Rura darent inarata messes;
 Simplexque passim turba feracibus
 Spectaret agris Nectaris uberes
 Errare rivos, atque truncis
 Lapsa cavis trepidare mella.
 Ah! ne serenos protinus inquinent
 Soles iniqui turbinis impetus,
 Canam nec ORMONDI senectam
 Sors levis in nova bella trumat.
 Eheu veremur (Dii procul arceant
 Omen nefandum) ne labor arduus
 Fatumque Javernæ ruentis
 Immineat, Duce restituto.
 Sat Ille Martis pertulit horridi
 Duros tumultus, & fremitum gravem,

58 MUSÆ ANGLICANÆ.

Sat Ille distrinxit minacem
 Pro patriâ gladium ruenti.
 Fallorne? gentis dux bone Hiberniæ,
 Te poscit ingens regia cœlitum;
 Fallorne? an illustri triumpho
 Signa dedit manifesta tellus?
 Magnum stupentes hinc iter ad polos
 Emense, qualis, quantus & aspici
 Incedis, & gavisâ calcas
 Siderei spatia ampla cœli!
 Unde illa, mundi pars quota sit, vides
 Subjecta tellus, terrigenûm metus,
 Crebrosque in angusto recursus,
 Et steriles miseratus artes:
 Sic post laborum difficiles vices,
 Et post subactum totius impetum
 Junonis, Alcidi supernæ
 Emerito patuere sedes.

T. BROWN, ex *Æde Christi.*



IN ARTEM VOLANDI.



RÆTERII Artificum nuper cùm forte tabernas,
 Mœstum ac sollicitum vidi genus omne: petenti
 Quid foret in causâ, respondent se periisse,
 Inventam modò damnosam infeliciter artem,
 Quâ submoti homines terrâ per inane feruntur,
 Suspensi levibus pennis certo ordine junctis.
 Quâ ratione quidem actum est de Cerdonibus, atque
 Aurigis,

Aurigis, si homines ultrò citroque volarent.
Hic me conductum, fateor, mercede volebant
Perniciosam artem versu proscindere iniquo;
Quapropter valido instruxerunt argumento.
Nempe quòd hæc res summo olim sit cauta Senatu,
Ne quis subditus unquam extra confinia regni
Exportetur: præterea quòd mos hodiernus
Pro nobis facit, & populus rideret abunde
Indutum pennis hominem: sed maxima restat
Causa metûs; trepidate, viri, qui conjuge pulchrâ
Gaudetis, firmate seras, atque obice multo
Claudat verna domum, ac triplici ferro obstruat Ædes.
Quid demum si fortè camino illapsus adulter
Uxorem alatus stupret? sic dicitur olim
Jupiter in cygni formam conversus adîsse
Ledæos thalamos, ubi (credo) suavè canebat
Fato jam propiore: mihi hercle æquum esse videtur,
Si gemino frontem cornu insignire maritus
Gaudeat, ut mœchus consutis fulgeat alis,
Dum fera cornutus, quidni ales fiat adulter?
Sed ne consultò sim visus iniquior esse
Huic arti, apponam vobis quodcunque libenter
Præ se ferre boni possit: Quis, si optio detur,
Non vellet potiùs tranare levem æthera pennis,
Quàm quadrigarum mala tædia ferre rotarum,
Concussus validos, tetrumque uncti axis odorem?
Adde quòd & stomacho muliebri nausea surgit,
Vix tandem Menthæ succo removenda potenti.
Quin etiam invento celebri me opponere possum
Ingeniosi hominis, qui captivum aëra clausum
Utre, atque ex omni terræ regione petitum
Servabat, summis præbendum non nisi amicis.

Haud quisquam inficias ibit præstantius esse, ut
Ipso fonte bibat purum sine fraude liquorem.
Denique si nostram quis riserit improbus artem,
Tanquam momenti parvi vilisque; repono
Multùm errare hominem: spes nobis maxima; nam si
Quis posset suadere viro multùm locupleti
Nubes intra atque aërias mundi regiones
Delegisse locum sibi vicinum æthera juxta,
Qui villas post se & patrimonia linqueret, ipse
Contentus possim terrenâ vivere fæce,
Impuroque solo: fateor tamen, æthere vesci
Perpulchrum est. Porro ex hebeti subtile & acutum
Ingenium cœli reddit purissimus aër.
O me felicem! liceat si quando tabellam
Cernere pulchrè picturatam in fronte figurâ
Alarum, muris affixam porticibusque
Tectorum (currûs ubi nunc squalentis imago
Apparet) quæ quo pretio conducere possis
Et quanti, quocunque iter est, ostenderet alas:
Tum me continuò ad Lunæ felicia regna
Proriperem velox, rediturus non nisi magno
Argenti pariter libratus pondere & auri,
Impositâque novo orbi antiquâ relligione,
Omñibus occisis, Hispano more, colonis.
Aut si fortè aliquis commovit bella, perampla
Laturus spolia ex mutatâ conditione
Regnorum Lunæ, subito regionibus istis
Missus adesse potest, doctus componere lites,
(Namque alias sese solet interponere gentes
Anglia) qui Belgam iratum, Gallumque ferocem
Conciliet, Lunamque æternâ pace bearet.
Sed mihi momenti magni res illa videtur,

Aëris ad campos si quis transferre colonos
 Sedibus è nostris vellet, non aptius ullum
 Commodiusve reor tempus; namque huc legiones
 Turmatim properare ex omni parte videbis.
 Militiæ immunes nuper, signisque relictis
 Impransi venient, exuti vestibus, armis,
 Tamque leves, cœlum perstringere posse putares
 Absque alis: porro numerosam Scotia plebem
 Præbebit Terræ insensam, CAROLO que regenti;
 Nullaque gens nostris est aptior incola terris:
 Quippe famem assueti tolerare, & vivere parvo,
 Aërio possunt Scoti pinguescere victu.
 Proxima succedit, citharis post terga revinctis,
 Turba Poëtarum, quos aërias regiones
 Jurares habitasse prius, tam multa loquuntur
 De cœlo stellisque, & sphærarum concentu:
 Quin & Pegaseum soliti conscendere quovis
 Carmine equum, nôrunt pridem volitare Poëtæ.
 Haud ita se faciliè attollent, queis jugera centum
 Aut mille agri; quippe illos subsidere par est
 Ad terram, ferrique deorsum à pondere tanto,
 Quorum nil opus est; quoniam pars maxima nostrî est,
 Queis nec telluris punctum, quod euntibus obstat.

AT tu, præclaræ inventor celeberrimus artis,
 Gentibus aëriis positis quocunque sub axe,
 Stellarum hospitio & cœlo propiore beatis
 Jura dabis, nomenque tuo de nomine dices;
 Æternas postquam sedes pacemque dedisti
 Felici Anglorum genti, populoque futuro.

FR. HARDING, *A. M. Coll. Div. Joh. Bapt. Soc.*





EPULÆ Pseudo-Protestantium interdictæ.

NUPER, Londinum invifens, vicosque pererrans
 Sedulus, & nugis multùm & novitate locorum
 Detentus, nil in totâ jucundius urbe
 Quàm quorundam hominum vultus atque ora notavi ;
 Quos fapere, & multùm ingenio pollere, fagaci
 Inceffu fcires, habituque atque indice vultu.
 Miratus, rogo qui fortè occurrebat amicum,
 Quinam illi fuerint homines, vel cur fibi tanti
 Effe videbantur ? fubridens ille, Quis ergo
 Angulus extremæ latitantem te capit urbis,
 Ignarumque hominem ? nescis hos effe Polonos ?
 Contrà ego, Quid nobis demum cum gente Polonâ ?
 An pofcunt Regem, an populi commercia noſtri ?
 Illum ergo Regem, quem poſci, ignare, putabas,
 Jam nunc, inquit, habent : & jam convivia lauta
 Ferculaque apponi, ac populum, Regemque videbis.
 Dum loquimur, coràm ecce venit conviva togatus
 Feſtinans ; inquit, fcires hunc eſſe Polonum,
 Quòd toga confutis intexta eſt pellibus ; ut fit
 Arctòas inter gentes. Bone Jupiter ! ipſe
 Replico, tam ſanctos homines quis crederet unquam,
 Qui vultu oſtentant jejunia Religionemque,
 Ut noſtrùm reliqui, lauto indulgere palato ?
 Certè ego villoſum pecus hoc diſcumbere menſis
 Non aliter reputo, quàm aut urſos fronte ſeverâ,
 Aut Curios vulpes, qui Bacchanalia vivunt.

Atqui

Atqui de subito redeuntes cerno, nec alvo
Dissentâ tamen, aut vultu, sua gaudia produnt.
Nescio quid misero tristes sermone susurrant:
Unde fidem meritam veterum proverbia quærant;
Multa cadunt inter calicem, supremaque Labra.
Hic me rem totam callens intercipit ille,
Omnes hi, frustra quos Regis gratia fovit,
Publicolæ, CAROLUM vexant, odere JACOBUM;
Jamque epulæ, tanto quas instruxere paratu,
Fœdus amicitiae, & sociati fœdus amoris,
Nil aliud fuerint, (Rebus persona trahatur)
Quàm dira, irrisis Regi Fratrique, simultas.
Hinc interdictis confestim impransâ revertit
Turba frequens epulis: nimirum ut discere possint,
Ventriculo arrecti ad sana argumenta Magistri,
Quæ docuit quondam sapientis dogma Menenî:
Membra recusabant (non longa est fabula) ventri,
Quo solitus vesci, justum numerare tributum;
Interea esurie enectâ, & propè fractâ labore,
Ad veterem rediere fidem, jam protinus ultro.
Hic ego, qui ingenium mirabar Principis, usque
Jure interdixit certè convivia Cæsar.
Nam cùm terribiles fœcundè hæc secula passim
Conspiratores educant, atque farinam
Novimus esse ream, potuit nil tutius esse,
Aut fieri, fidos quo devinciret amicos,
Ne fortè horrendum Pistorum in ventre lateret,
Atque infernum aliquod, ceu conjuratio quondam,
Ut fama est, latuit Trojani in ventre caballi.
Quis tamen elatos poterit restringere risus?
(Quamvis latrantis stomachi multùm miserescit)
Cùm miser ad sponsam vacuus conviva redibit

Fercula prælibantem, & ut omnia lætus ab ovo
Usque ad mala citaret, dum ille, emunctus & ære
Et dapibus, lacerata cibi fragmenta reposcit,
Deglutitque rapax hesternæ crustula cœnæ.
Quid faceres, inquit, petulanti splene beatus,
Si vel ab undecimo properantes undique saxo
Versum urbem armigeros vidisses ? certè ego vidi
Indutos aurum, & festivâ veste micantes :
Nimirum, ut quidam insulsis cùm fratribus olim,
(Quos ætas lusu sapientes ista vocabat)
Cùm peterent longè, sitientes, ubera Tauri,
Irrisi multum, ficcique ex urbe redirent.
Interea toti qui vendunt nuncia Regno
Mercurii, atque fide transmittunt cuncta Polonâ,
Quid facient, postquam vetuit convivia Princeps ?
Hebdomade aut totâ miseris dormire necesse est,
Aut tolerare famem, nisi forsan prandia lautè
Descripta in chartâ, queis præla parata laborant,
Clamosos poterunt ventris depellere questus.
Proh sævo cives nati sub fidere ! quos nec-
dum dimittit vivax invisi ira Papismi.
Vastavere domos quondam turba impia Romæ,
Visaque in unam tota est urbs abiisse culinam ;
At nunc quæritos (ita fama est) denegat ignes
Ista cohors, nostræ nimis ingeniosa ruinæ.
O si nostra bonos poterit sententia cives
Permovisse, ut quondam ingenti mole columnam
Struxerunt, orbi quæ toti ostenderet ignes ;
Sic nova jam turres luceret Pyramis inter,
Quæ exprimeret lancem everfam, urbemque esurientem.
Hic ego, nunc, aliis detento rebus amico,
Oxoniz tenui liceat mihi vivere quâdrâ ;

Et Regi potiùs, Fratrique haurire salutem,
Quàm cœtus inter Genio indulgere Polonos,
Queis tam larga crumena, ut emant tanti esuriisse.

RIC. DYTON, *Armig. è Coll. D. Job. B. Com. Gen.*



CONVENTICULA DISSIPATA.

ECQUIS nunc CAROLI ramo felicis Olivæ
Impediat caput, aut frondentis vimine lauri?
Ecquis (Iô!) meritos victori instauret honores,
Victori CAROLO? quem non rationis egentem,

Lernæus turbâ caputum circumstetit Anguis.

Sæpe quidem nostrum Lemânâ exorta palude

Bellua funestis vexavit cladibus orbem;

Sæpe per Angliacos sparsit contagia campos,

Squamasque cristasque minax, & sibila colla.

Tandem uno CAROLUS, magni par Herculis, iclu

Fœcundum scelus, & centeni verticis iras

Infregit, penitûsque animosam contudit Hydram;

Nam postquam infandas vetuit coalescere turmas,

Protinus è medio tantis exterrita damnis

Seditio, fœdum visu & mirabile monstrum,

Cessit, & in tenues paulatim evanuit auras.

Eïa age nunc, intra privati limina templi

Quæ scelera, & quantæ steterant sine vindice fraudes,

Musa, memor referas, primâque ab origine pandas.

AUGUSTÆ in medio (quid non Augusta malorum
Concipit, aut quas non alit intra viscera pestes?)

Stat sacra Ædiculæ moles, (Ecclesia mater,

Parce

66 MUSÆ ANGLICANÆ.

Parce mihi sacram dicenti) ubi semisacerdos
 Nescio quis, curtatus iniquo forfice crines,
 Et nigrâ cinctus togulâ, solennibus horis,
 Magnâ voce boat, turbæque ad scamna sedenti
 Non intellecti pandit mysteria verbi.
 Huc omnes, quotquot mirus sub pectore fervor
 Exagitat, coeunt diverso ex ordine cives,
 Usque à Patricio, qui largo abdomine tardus
 Sidonias merces, & tinctos murice pannos
 Ædibus in magnis venum proponit, ad illum
 Qui clausus conductæ angusto in limite cellæ,
 Taurino corio soleis succurrit iniquis,
 Et tritas solido fulcit tibicine pelles.
 Huc &, quæ lapsos dextrâ jam computat annos,
 Plena Deo mulier gressum molitur anilem;
 Illi clausa quidem jam dudum obsurduit auris,
 Usque tamen venit auditum, captatque reclinans
 Nequicquam patulo divina oracula rictu.
 Nec matrona deest oculos dejecta decoros,
 Nec quæ luminibus prima ad subsellia stantem
 Detinet obliquis lasciva fororcula fratrem.

INTEREA rostrum divinæ nuncius iræ
 Scandit ovans, positisque in lævum dactylotheçis,
 Ter glaucos huc atque illuc circumrotat orbes:
 Ter tussitque screatque, & ter levat æthera versùs
 Sudantes digitos: summisso murmure tandem
 Incipit, atque humiles imitatus voce susurros,
 Tanquam aliquid Divi admotam garriret in aurem.
 Mox querulo gemitu, & singultibus ilia pulsans,
 Triste ululat, celeri nunc cursu verba fatigat,
 Nunc iterum tardos trahit in longum sermones.
 Scilicet usque adeò variis se accentibus effert,

Totque

Totque simul reddit vocum discrimina, ut omnem
Dixisses uno clamare è gutture coetum.
Jamque inflans buccas & pollice stans erecto
Pleniùs ora rotat, jactisque ad sidera palmis
Subfilit, & valido pulvinum concutit ictu.
Nec mora, nec requies; Meretricem protinus alto
Culmine Romanam turbat, penitusque nefandam
Ex imâ vellit radice superstitionem :
Cancellos, sanctosque choros, altaria, tædas,
Diripit, atque ipsam pariter cum sindone mitram,
(Panniculos Antichristi de veste petitos.)
Interea sudatque, fremitque, & pulpita quassat,
Tanquam ageret, quod suadet agendum : nec minùs ipsum
In CAROLUM distringit amaræ spicula linguæ ;
Illum etiam Papæ addictum, sedisque Latinæ
Cultorem inclamat, pravisque in devia ferri
Confiliis, prorsus divini luminis otium.
Sic Regem & Procere obliquo crimine mordens
Auritos palpat circum præcordia fratres.

QUIS tamen ille fores pede concutit importuno ?
Lictor adest, multusque simul post terga satelles.
Quid nunc aurículas, bone vir, demittis inertes ?
Posticum ne quære, gregem ne deferre pastor :
Quo fugis, Heroum fortissime ! --- non vacat, inquit,
In cunctos libras bis denas solvere menses.
Dixit, &, elapsus fallaci protinus antro,
Mortales visus medio in sermone reliquit.
Diffugiunt fratres, &, pallida turba, sorores.
Huc illuc sparfos (proh formidabile nomen !)
Constabellus agit : nunc hos, nunc occupat illos
A dextrâ lævâque, & chartis nomina mandat.
Pars aurum numerat ; meritas pars altera pœnas

Perfolvunt,

68 MUSÆ ANGLICANÆ.

Perfolvunt, clausi tenebris & carcere cæco.

HIS concussa malis gratos Fanatica cœtus
 Deseruit rabies, atque indignata recessit;
 Plebeiusque animi paulatim elanguit ardor.
 Seditio, modò quæ specie pietatis & umbrâ
 Privatis viguit templis, in bella furentes
 Haud ultrâ impellet populos; nec jam ampliùs illos
 Defendet numerus, junctæque umbone phalanges.

JAC. NEWTON, *Armig. è Coll. Trin. Oxon. Socio-Commens.*



Excellenti in re Medicâ, Admirabili Viro

D. THO. SYDENHAM, M. D.

In Schedulam Monitoriam de Novæ
 FEBRIS ingressu.



Qui capacem nobilis artifex
 Eludis Orcum; quò tamen ibimus
 Cuncti, quot humanæ parentes
 Et decimæ tulit ordo lunæ;
 Præfens fugacem sistere spiritum,
 Præfens maligno tollere de toro
 Mortale corpus, & propinquum
 Exequiis remove morbum:
 Quem nos honorem, quas statuas tibi
 Ponemus, O cui non alium parem
 In arte Phœbus, se remoto,
 Aut oriens videt aut recumbens!

Quo Febris audax cunque movet pedem,

Te mater omnis, te lacrymabilis

Accurrit uxor, ne caducum

Orba virum puerósque ploret :

Seu confluentes fortè timet notas

Decora virgo ; tu faciem eripis

Periclitantem, protegísque

Perniciem juvenum futuram.

Atqui odit artes & tua pocula

Hæres profusus, quem simul extulit

Ad spem implicatus vel febrili

Ignè pater, vel hydropis undâ ;

Mirè paratam, te medico, senex

Protelat urnam, non sine gloriâ

Phœbi tuâque, qui fugâsti

Pollicitum sibi magna morbum.

Sic te scientem non faciunt libri

Et dogma pulchrum ; sed sapientia

Enata rebus, mensque facti

Experiens, animúsque felix.

Non mille plantæ, & multa domi vitra,

Ignesque centum, aut hypothesis placens

Profunt medenti, vel coërcent

Sæva luis mala, sæva febris :

Ni pectus adsit consilii potens ;

Ni plena rugis experientia,

Usúsque naturam secutus,

Quid faceret, moneant in aurem.

Hæc praxis olim grande decus sacræ

Adduxit arti ; sic veterum stetit

Secura fama ; sic præivit

Hippocrates, meruitque cœlum.

At

70 MUSEÆ ANGLICANÆ.

At non eandem forte pari viam
 Pressit Galenus ; non Arabes virum
 Æquè sequuti ; non Falernâ
 Usque madens Paracelsus uvâ.
 Primus relictæ tu genium asseris
 Fidemque normæ : En Diva tibi Salus
 Applaudit & ridens juvenus,
 Vitaque non metuens sepulchri ;
 Ex quo vagantem scripta manu tuâ
 Correxist orbem pagina nobilis :
 Longum illa morbofis, tibi que
 Perpetuum patēfecit ævum.
 Jam si qua restant, eja frequentibus
 Concede votis ; nos juvenilium
 Vulgus Medentūm, nos avarâ
 Quælibet excipiemus aure.
 Fortè & futuro tempore quispiam
 Poëta, musis charior, ætheri
 Te fidus addet, te salubre
 Sidus, & in crisibus benignum.
 Me destinantem talia Chymicæ
 Curæ reposcunt : me medicus labor
 Et spes locatæ non vacare
 Pieriis patiuntur undis.

ED. HANNES, *A. M. ex Æde Christi, Oxon.*





DIOPTRICES LAUS:

Ubi de { TELESCOPIO.
 MICROSCOPIO.
 CONSPICILLIS.
 VITRO USTORIO.



NATURÆ effetas vires, mundique senectam,
 Et longo labefacta situ jam secula, frustra
 Quid, Superi, querimur? reparans ecce omnia
 damna

Sanctior ars nobis oculos melioraque præbet
 Lumina; &, antiquâ vafri sine fraude Promethei,
 Arripit infontes cœli de fornice flammæ.
 Inde pias accende faces, nec pectore solo
 Accipe, Musa, deum; tibi namque accedere juxtâ
 Jam licet, æternosque oculis audacibus ignes
 Et Phœbum perferre tuum; cupit ipse videri
 Jam propius; lætusque novi cultoris honore,
 Hactenus ignoti pandit mysteria cœli.

JAMQUE mihi Parnassum ultra bifidumque cacumen
 Efferrî videor, subtusque relinquere terras.
 Scilicet hos, Galilæe, tibi debemus honores;
 Æthereas aperire domos, acieque sagaci
 Astrorum servare vices, sedesque deorum, &
 Naturæ scrutari oculato arcana cylindro.
 En! totus miratur Atlas, quis nuncius illic
 Sidereus secreta Poli rimetur, & ausit

Post

72 MUSÆ ANGLICANÆ.

Post Pallenæos cœlum affectare triumphos
 Rursus, & arte novâ terras inferre Tonanti.
 Nec minùs interea cœlestes Jupiter arces
 Securus teneat, dum se ipse satellite crebro
 Undique stipatum circumspicit, & simul omnes
 Nobiliore deos videt exultare coronâ :
 Major quippe sibi, speculo monstrante, videtur
 Addita majestas; folio sublimior alto
 Ipse stupet fulmen dextrâ, sceptrumque sinistrâ
 Augeri: tumidâ consurgit Gorgone Pallas
 Sæviùs, & major nova sidera terret Orion ;
 Læta Venus patris Oceani jam despicit æquor,
 Seque juvat totam speculo meliore videri ;
 Et formam maculis nævisque agnoscit in ipsis.
 Illustrat sic terra Polum, dum tollit ad astra
 Mortales, miscetque deis, specularis arundo.

U'T verò æthereâ sat se jactavit in aulâ
 Ars mirata deos, parili mortalia vitro
 Mox submissa videt, mundique arcana minori.
 Tum quæ Parrhasii tabulas, doctasque Myronis
 Effugêre manus, nullo depicta labore
 Ante oculos subjecta jacent, mirisque figuris
 Ingenti exiguas mentitur imagine formas.
 Interea Natura suos augescere fortus
 Post partum fœcunda suum miratur, & ipso
 Gaudet prodigio, lætoque errore triumphat :
 Dumque suis adytis & cæcâ nocte reclusos
 Thesauros defixa stupet, nihil illa Colossos
 Suspicit ; in parvâ stat summa superbia prole.
 E tenebris sic turba minor caput exerit, & se
 Ostentat terris parvi plebecula mundi.
 Cernis ut averfis Parthorum more sagittis

Iratæ minitentur apes, quâ sæviat œstrum
Cuspide, vel muscam tutetur quanta proboscis?
Hoc speculo si fortè suam formica figuram,
Magnaque robustis crescentia membra lacertis
Aspiciat, jam majus onus committere tergo
Audeat, & priscos iterum renovare labores
Myrmidonum, veterisque redit jam gloria gentis.
Hinc Pygmæa cohors aucto cum corpore sumat
Ingentes animos, & dignos Marte furores :
Jam truculenta novis incedat grandior armis,
Bistoniasque ad bella grues, gentemque rebellem,
Vindictâ stimulante, vocet; fremit æthere toto
Hostis, & attonitum dat Strymonis unda fragorem.
Nec tamen hæc credas artis ludibria; Vitro
Ipsi etiam gaudentque senes, dum, nocte fugatâ,
Luminibus geminos duplicato fidere soles
Excipiunt, reducis solatia læta juventæ.
Stat speculo longævus honor, quo sacra vigorem
Canities ignesque novos miratur, ovatque
Ipsa suas hyemes senique perire tenebras,
Emeritosque oculos fœcundâ luce nitentes
Læta renascentis simulacra refert decoris.
Ætatis vix sentit onus, viresque senili
Frigore consumptas; oculis pars maxima vitæ
Solamenque sedet, quos cùm quasi morte labantes
Ars firmat speculo, duplicis confinia vitæ
Miscet, & Æsonios præstat felicius annos.
Namque ubi torpescit lumen, senioque gravati
Deficiunt oculi, segnis petit ipse latebras
Spiritus, & mœstâ sese caligine condit.
Mox, Vitro faciente diem, novus emicat ardor,
Visque animi rediviva suam festinat ad arcem,

Edomitâque ætate nitet ; velut orbe recenti
Ostentat renovata suos cùm Cynthia vultus.

AST ubi mutatis imitari Protea formis
Ars amat, æthereos effingit callida soles,
Dum foveat in vitreâ conceptas lampade flammâs.
Has Siculus mirâ arte fenex jaculatus ab arce,
Sicaniâ, totam miserando funere classem
Consumpsit, Marcelle, tuam ; furtiva remotas
Carpfit flamma rates, incensoque aëre toto
Fulgura sparserunt crystalla inimica profundo ;
Proximus Ætnæâ stupuit Vulcanus ab arce
Cæcas ire faces : rutilusque incanduit æther,
Erubuitque suos Phœbus non conscius ignes :
Ut vero vitreâ vidit sua tela pharetrâ
Vibrari, speculoque jubar jam missile factum :
Miror, ait, Superi, quæ tanta potentia terris
Exuperat nostras quantumvis æmula flammâs !
Ecce novi soles, inclusaque lumina vitro,
Accendunt Siculas nostris ardoribus oras !
Concipiunt crystalla faces, gremioque nivali
Vel flammâs didicere pati, nec victa liqueſcunt
Nativo stipata gelu, proprioque rigore ;
Stat contrâ glacies nostri secura caloris,
Augentque alleſtas innoxia frigora flammâs :
Ipse vitro videor, quàm nostro hoc æthere, major.

NIC. HOBART, *Armiger, è Coll. Trin. Oxon.*





CARMEN PINDARICUM

I N

THEATRUM SHELDONIANUM.

I.



UOUSQUE linguas oculis litamus
Victimas tacentes?

Quousque defixi stupemus
Saxeï faxes, plumbeique plumbum,

Tanquam nos vacuis parata conchis
Simulacra cœlo dedolâssæt artifex?

Vocales ecce lapides & trabes sonoræ
Ingratam humanis taciturnitatem

Cognatis exprobrant, Dryas quos obstetrix
Eduxit rupto frustra de robore, frustra
Deucalionæo mollibant numina jactu.

Eia quæ doctis Musica pulsibus
Tot malleorum suavè concinentium
Agrestes cicurat sonos!

Cedant Orphei tandem miracula plectri,
Atque Amphionæ fides;

Ille feras olim sylvasque sequaces
Excivit, & montes vagos:

Hic architecto mœnia carmine
Stupenda Thebis addidit.

At ecce! jam blando fragore

E 2

Ipsæ

76 MUSÆ ANGLICANÆ.

Ipſos murorum ſymphonia

Vates attonitos trahit :

At ecce ! ruderibus proſæ jacentem

Me me poëtam extruit,

Cui tantos liceat ſonos

Confuſæ ſaltem pro more imitarius Echûs.

II.

At nullum eloquium, nulla ſonantium

Decora verborum ſtrues,

Vaſtarum trabium non enarrabile textum

Æquabit, ſolidamve exprimet harmoniam.

En ut ſublîmi penſilis aëre

Tenditur cāmpus juga ponderoſi

Suſtinens plumbi, gravidumque fœto

Culmine montem !

O quā ſuſta fides neſcit amantes

Arbores, quondam ſolitas procari

Blando murmure, nutibusque blandis !

Connubio jūctas ſtabili vis nulla revellet,

Divortiumque ſera non facient ſecula.

En audax quanto machina niſu

Muros deſerit hinc & hinc relictos,

Metumque ſubjectis jocoſum

Salvis incutit uſque & uſque tutis !

Non illa planiſphærii minacis

Secura lapſum magis expaveſcit,

Firma quā cœli camera arcuati

Æterni fornicis ruinam.

Tam ſtabilem jubet eſſe vaſtitaſtem

Ingenium potentis architecti,

Quo nil ſolidiufve latiusve,

Quod molem ætheream vi ſuſtinet Atlanteâ ;

Carcere quod veterum teneri
Orbicularum nesciens
Augusti extendit latè pomeria cœli.

III.

Divina Wrennus heu diu mathemata,
Vel docto nimium pulvere sordida,
Evexit assurgens in altum,
Interque stellas luce donavit novâ,
Stellis vel ipsis invidendâ.
Illic sidereo spectator in amphitheatro
Vidit ferarum splendida prœlia,
Iratisque coruscantes
Faucibus atque oculis rogos.
Illic serenarum pictis noctium scenis
Vidit planetas, præscios cœli mimos,
Humana ludentes fata.
Nunc ore risus comico futuros,
Festivosque sales, atque hilares jocos,
Æthereis celebrare choreis,
Nunc face lugubri radiisque pullis
Et scelera & cædes nepotum
Fingere materiem cothurnis.
Tandem rependit gratus hospes ætheris
Spectaculorum fideribus vices.
Mirantur astra posse mortales manus
Ditare terras æmulâ cœli domo.
Quin & rivalem lustrat amabilem,
Suamque cœlum deperiens imaginem,
Ut penitus speculo fruatur,
Jam plures oculos & lumina plura requirit.

IV.

Quamvis hianti subtrahat popello
 Modesta frontem fabrica, sicut decet
 Sacro parente procreatam virginem,
 Non turbâ genitam promiscuâ;
 Profanis subducatur licet
 Oculis plebis malè feriatæ
 Intemerandum vultûs eximii decus;
 Quale nec Etruscâ miratus victor in urbe
 Negavit olim CAROLUS
 Cuivis mortali fore fas profestâ
 Luce videre;
 Non illa cœli tamen intuentis
 Criticum lumen fugit; ultro Solem
 Lynceum vocat, astraque curiosa
 Centum receptat fenestris.
 Ingentis populi videt capaces
 Pegmatum moles attonitus Sol,
 Mundi supervisor supremus,
 Intérque varios undique miratur foros
 Tam bellam ordinis benignitatem,
 Dum nulla lucem pars queratur amissam,
 Tristemque pulla lugeat eclipsin.
 Hîc Sole melius quilibet vel ipso
 Et cunctos vidisse potest, cunctisque videri.

V.

Celandum nihil est, nihil tegendum;
 Nullus hîc error latebras requirit:
 Perfecta surgit undiquaque moles,
 Et meritò duplicis gerit ornamenta coronæ.
 Quanta debetur quotuplexque Wrenno
 Laureæ victori, servatori civica,

Capitique decentior architecto

Turrita Cybeles corona?

Devictam nimium diu

Oppressamque suis miserabilem ruinis

Tectonicen benignus

Artium civem reddidit urbi,

Olim quæ rudibus dedit vagisque

Artibus urbem.

Longa nequicquam rabies Gothorum,

Quæ citò Romanum perdidit imperium,

Bello terebat usque pervicaci

Artem vastatoribus inimicam.

Auxiliatrices frustra accessere catervæ,

Orbisque conspiravit dedecus in suum;

(Nam subruendæ pronus architecturæ

Ubique totus orbis erat Gothus)

Aggressus hydram Wrennus immensam ruit,

Quamquam tenacis consuetudinis

Loricâ squammatam adamantinâ.

Æmula nec partem nodosa triumphî,

Herculeæ ritu, clava sibi vendicat;

Hic radio totam debili & pusillo

Barbariem sternens, simul omnia monstra subegit,

Quotquot fœcundo tulit ignorantia partu.

VI.

En multus altis hinc & inde muris

En triumphalis ut resurgat arcus,

Intusque & extra nobiles columnæ,

Artis frequenter olim abortientis

(Ut mos patriciis malus puellis)

Proles adultæ matris absoluta!

Hæ tandem ingenio columnæ,

80 MUSÆ ANGLICANÆ.

Hæ tandem docto labori,
 Quamvis Herculeo, statuunt *nil ultra*.
 Prorepsit instar arborum suarum
 Erecta, terram deferens specusque,
 Radices quibus egerat tenellas,
 Mundi recentis humilis architectura,
 Quam suis Aborigines in antris
 Facturam feris sevère nepotibus umbras
 Et pulchras magis & magis salubres;
 Paulatim truncum crevit in arduum,
 Sed falce majorum severâ
 Depressam bene luxuriem retro
 Castigata coërcuit.
 Hinc crassa densato robore prævalens,
 Simul & virili specie decora,
 Dorici nodum capitis deorum
 Templis supposuit, potens ferendâ
 Cum cœlo latè immenso diis universis.

VII.

Mox cultiores inter Ionum mores
 Consita campis uberis Asiæ,
 Ingenio sese comem populique solique
 Accommodavit obsequens:
 Scapo procera delicatiori
 Surrexit altum scæmineis caput
 Gaudens ornare volutis.
 At non molliculæ similis mulierculæ
 Tenella formam coluit imbecillam,
 Sed qualem decuit supponere vastis
 Ephesii Tholis miraculi;
 Sed qualem decuit viragini
 Operam Dianæ dare,

Quæ compta gaudet ducere nunc choros,
 Mox & ferocem, robori sacro fidens,
 Ferro cominus aggredi leonem.
 Nondum supremum contigit formæ decus,
 Hospitem donec bene grata pulchram
 Corinthus effecisset pulchriorem.
 Enata busto virginis Corinthiæ
 (Quam mors beatam jussit esse matrem)
 Perfectum æternâ redimivit fronde caput.
 Quam nequeunt hyemes mille, nec ipsum
 Mummiæ Laurûs implacidum ver
 Decutere innumerâ sævius hyeme;
 Superstes usque durat, & superstitem
 Gaudet servare Corinthum.
 O digna floreo columna ferto,
 Quod tibi posteritas composuit bene!
 Sic olim truncos formâ senioque verendos
 Donârunt veteres alienæ vere juventæ.

VIII.

Quo me, musa, rapis? quid juvat avias
 Artis obscuræ penetrare sylvas?
 Quid implicatos inter arborum nexus,
 Et labyrintheos scopulorum anfractus,
 Laboriosas vix movere pennas?
 En quantus vacuo latè patet æquore campus,
 Invitatque vagas spatiosus alas!
 Non tantum Alpheo riguum benigno
 Pisæ florentis nobile pratum
 Fecisse quondam nobilius tuo
 Dignabare volatu;
 Cùm juvenes oleâ frustra victrice superbos
 (Ni tu connexam laureæ vatis tui

82 MUSÆ ANGLICANÆ.

FronDEM perenni vere donâsses brevem)
 Pindarico æternùm jussisti vincere cantu.
 En major patet undiquaque campus
 Fertilis laudum ; licèt usque messem
 Carpas immensam, crescet in obviam
 Premetque falcem, nesciâ domari
 Superba gaudens copiâ.
 Hinc fume paucos, fume libens tibi,
 Quos spargas humilis ministra flores
 Ante pedes magni S H E L D O N I.
 Nam tu (quantumvis diligas audaciam)
 Usque adeò nunquam, credo, eris improba,
 Ut velis capiti verendo
 Ambitiosa tuas flolidè circumdare nugas.

IX.

Nescit laureolas gestare ineptas
 Ecclesiæ militantis dux triumphalis,
 Cui sacras ambit sacra comas mitra,
 Mitra splendorem quæ capiti suum
 Debet acceptum, nec radiis nitet
 Aureis tantum, nec istis
 Luce quos dives pretiosiore
 Gemma reflectit :
 Lumen recondat sol licèt benignum,
 Nubesque glomerentur minaces,
 Splendet nativo lumine fulgidus
 S H E L D O N U S, & æternùm splendeat
 Ecclesiæ vel cadentis dux triumphalis.
 Furente bello mutuisque mundum
 Conquassante odiis revulsum iniquo,
 Immotus ille perstitit futuræ
 Fundare pacis artibus theatrum.

Mox licèt ipsa bonis pax sæva minetur,
 Dum turpes animat foveatque sectas,
 (Ut solet calor excitare vernus
 Agmina reptilium venenosorum)
 Quanquam theatri improba vel ipsis
 Fanaticorum concio mimos agat,
 Solitasque meditetur tragœdias;
 Pergit securus, dubiosque cives
 Vetat timere publicas ruinas:
 Sic ingruente pluviâ, per imbres
 Erigit adversos subridens lumine blando
 Sol arcuato penfile fornice, &
 Luce depictum variâ theatrum;
 Sic ille sacri pignore fœderis
 Diluvii refluxum spondet non affore fatum.

X.

Quotcunque jactet dives iste inanium
 Arcus opes liquidas colorum,
 S H E L D O N I I ut primùm specto laquearia cœli,
 Inops videtur, tunicamque amictus
 More mendici variis pudendam
 Interpolatis undiquaque pannis.
 Quis Divûm, Stretere, tuæ quis lumina dextræ
 Indidit atque oculos? oculis quis munera visûs
 Ætherei? frustra murum tibi corpus opacum
 Objicit, & tenebris thesaurum obscurat avaris;
 Tu referas animæ gazas, tu pandis acuto
 Abdita peniculo infossæ penetralia mentis.
 Fœcundi soboles orientis Artes
 Occiduis cum sole plagis venêre ferentes
 Influxum lucemque parem;
 Sed patriæ memores (arcano sceptrâ recessu

Cui

84 MUSÆ ANGLICANÆ.

Cui placuit secreta coli, regesque latentes)
 Se quoque subducunt, majestatemque recondunt
 Velatam proprio lumine mysticam.
 At nunc retectæ prodeunt, tandem suos
 Ostendunt pictæque colores;
 Tandem benignæ respiciunt procos,
 Et pleno intuitu beant;
 Quos nymphæ veluti fugaces
 Dumorum in salebris toties latuere protervæ.
 Sed tibi præcipuè, tibi blandum renident
 Artes, Stretere, faventes:
 Una indignatur suffusa rubore Poësis,
 Quòd nequeat calamo hoc rudi
 Referre dignas penicillo vices,
 Pictoremque suum meritâ exornare tabellâ.

XI.

At ecce nasum perspicillo putrem
 Armatus Antiquarius senili,
 Vicina postquam millies & ampliùs
 Cuncta lustravit monumenta tardus,
 Laudavitque vice millies millenâ
 Vultus dimidios, fractaque brachia,
 Pedesque manco corpore devios,
 Cognatasque suis ubique rugis
 Rupti frequentes marmoris cicatrices,
 Tandem vix oculo volante raptim,
 Percurrens vastæ focors miracula molis,
 Romanos celebrat, merosque Scauros,
 Pompeiosquè crepat, Cæsaresque divos
 Debita montosis penetrantes astra theatris.
 Quin tu, requiris qui per arva nummos
 Urbis reliquias pecuniosæ,

Mundum

Mundum cui libuit subactum aranti
Lascivâ malè prodigalitate
Semente fulcos aureâ replere;
Fac digna tandem messis ut resurgat,
Qualem Romanus culta per oppida
Retusus ensis languit metendo:
Fac redeant ut opes Neronianæ,
Theatra cernes digna mimo Cæsare;
Theatra cernes ipso Jove digna tragædo.

XII.

Aurifero quicquid Pactolus fonte reclusit,
Volvebat flavo quicquid in amne Tagus,
Quotquot Erythræo desumpsit ab æquore gemmas
Urinator Arabs vel Indus,
Æstu secundo prona Romano tulit
Fortuna fisco, locuplete inundans
Urbem diluvio suam.
Lympha per vicos pretiosa plenos,
Reciprocante devoluta fluctu,
Huc illuc variè rotata gyros
Ludebat Euripi vagos;
Ultraque semper progredi recusans
Fida permanfit glomerata noto

Gurgite Romæ.

Frustra liquatas turba cataractis
Prodiga disruptis præcipitavit opes;
Innumeras frustra quisque reconditas
Corrupit imbre gemmeo puellas,
Pauperie Jovis irrisâ, qui miser unicam
Contempto Danaen redemit auro.
Frustra bibebat unionum pocula,
Quorum guttula quælibet vel ipsi

Invidenda

Invidenda Tago ditior occidit;
 Frustra perdendas oceano truci
 Opposuit Romanus opes, recessit
 Oceanus, victoque novas dedit æquore terras.
 Post tot prælia Roma contumacem
 Tandem non potuit domare censum;
 Arte fatigatâ, luxuque exhausto,
 Languida succubuit, victam se fassa, libido.

XIII.

Natura mater filiis Britannis
 (Ut solent primogenitis parentes)
 Largita fertiles benigna fundos,
 Lautis quietos prædiis beavit:
 Nati minores, quos opimior
 Ditare nequii hæreditate,
 Labore multo sedulos coëgit
 Pecuniarum summulas relictarum
 Undique redactis auctitare nummis.
 Hinc rivum geminâ quem fundit America mammâ
 Oceanum victor qui premit aureus,
 Arentes Genuæ montes Batavæque paludes
 Totum bibaces penitus exhauriunt:
 Ad nos si revomat fortè aliquantulum
 Turpis avaritiæ crapula Belgicæ,
 Luxus hoc noster cupidè reforbet,
 Reforbet, atque iterum vomit.
 Quantillum istius tandem aliquantuli
 Purgatur usus sepositum in sacros?
 Ecclesiæ tamen hoc quantillum
 Heu quantam invidiam movet?
 Hoc excitavit nuperos sicarios,
 Veste queis matrem spoliâsse pulchrâ

Explere nequii impium furorem ;
Quin proles atavis digna ferocibus
Antiquâ Britonum barbarie truces
Corpus parentis ense penicillo
Concisum horrendis fœdârunt undique monstis.

XIV.

Hanc rex misertus (sanguinem ut decebat
Martyris coronati superstitem,
Qui pius exhaustam numerofo vulnere cernens
Cruore donavit suo)
Hanc rex sororem, filiam, parentem,
Ut posset salvam tandem, S H E L D O N E, videre,
Commisit fidei tuæ.

Tu lene plagis balsamum cruentis
Instillas placidâ benignus arte ;
Tu nudam modestè decoro
Cingis amictu.

Dilectos matri natos matremque diligentes

Foves alumnos Oxonii tuæ,
Qui possint tantis olim succedere curis.
His ne voluptas innocens severis
Ludusque defuerit honestus,

Theatra condis, effusosque
Pergis suppeditare sumptus.

Lassantur numeri, citharæque fatigatæ
Deficiunt, toti non ausæ accedere summæ :

Excrescit usque vasta, limitemque
Dedignata pati se comprobât infinitæ
Natam legitimam magnificentia.

Nos molem interea turba scholastica
Latè coruscantem stupentes
Clamamus Logicæ fidem,

Montemque

88 MUSÆ ANGLICANÆ.

Montemque (spectemus licèt)
Vix abjungimus aureum chimæris.

XV.

Augere impensæ quemvis miracula tantæ

Quis potuisse putet?

Augere docti potuit imperii

Doctissimus vicarius,

SHELDONO FELLUS meritò secundus & soli.

Hic dum benignâ comis æquitate

Salariorum munus administrat,

Additque vultus pensionibus bonos,

Mox efficaci languidos præsentia

Suscitat fabros & urget,

Ingeminat pariter nummosque diesque laboresque.

Hinc arcta quoties ratio supputantium

Minas & hebdomadas ponit,

Opus reclamat, & sibi credi postulat

Talentâ dum refert & annos:

Opus reclamat, atque inæstimabiles

Implere FELLI calculum jubet curas.

O dignus astris igneus animi vigor!

O digna sole, digna rivali industria,

Qui sese officio jactat sublimis eodem,

Dum circum assiduus cursum rotat indefessum;

Nec mundum torpere finit, sed luce jacentem

Excitat, & solitos mandat renovare labores!

Evigilat pecus omne solo, lætæque volucres

Aëra cessantem pennis & voce laceffunt.

Mox & nocturnis paulatim emersa sepulchris

Gens hominum interrupta capeffit munia vitæ.

Nec gravis indulget terreno gleba veterno,

Sed sua netrices producunt stamina plantæ.

Ille

Ille instat radiisque minax castigat inertes
Acribus increpitans, gnavos reficitque fovetque.
Continuò immensæ referatur janua gazæ,
Fiscum aperit quæstor, lucisque diaria solvens
Splendidus æthereo sudores pensitat auro.

XVI.

Nunc primùm ars didicit Theatra blando
Lenis ingenio struere innocentia,
Quo natura modo solet
Ædificare animalia.
Olim sonabant vinculis fodinæ,
Quæ servulorum gregibus, indidit victo
Romanus insolens victor.
Lassabant raucam miseri ploratibus Echo,
Disrupta validis marmora querimoniis
Prævenere manus gementium.
Astabat gravis inspector vel ipsis
Durior faxis, operi negatos
Terga super numerans cunctos vigil ictibus ictus.
Multos ruinæ, cæteros longus labor
Oppressit urgens, omnis emerfit lapis
Tunc sepulchralis, nec maculis tantùm suis
Insons erubuit, respersus sanguine Ophites.
Sic cæde multâ cædium crevit locus,
Et tenerum in cunis didicit sævire Theatrum.
Moles avorum quàm bene degener
Exosa labem nascitur crudelium!
Huic ipsa facili saxa mitescunt indole,
Sumuntque jussas ocyùs figuras,
Quam quæ reflexus vidit Deucalion viros.
Mox eadem bello durata ætatis amico
Vel firmitate provocabunt marmora,

Quæ

Quæ dudum cultu gaudent superâsse decoro.

XVII.

Cedere se natura libens fatetur,
Victtricemque ferens cervice superbior artem
Augusto nitet ornatu, & captiva triumphat.

Artis trophæis artium pugnaculum

Quàm cingi placidum decet !

Hic non ursa gemit, non leo rugiet,

Nec sævorum paria gladiatorum

Concurrent impete bruto.

Pectoris humani caveâ exagitare latentes

Pugnaci ingenio ludus erit feras :

Has periment multâ cinctas indagine risus,

Acuta jocorum spicula.

Plausum terra dabit, dabit æther ;

Plausum beato cincta cælitum choro

MARIA SHELDO NO dabit,

Qui sanctus istas expulit templo feras,

Turpesque deduxit bestias

Aliò necandas ; noluit puerperam

Æternùm stabulo jacere virginem,

Quo toties vitji commotum stercus oleret.

Quis nunc profano queritur impendi loco

Sacras divitias ? quis invidet

Bonis dicatam literis malus domum,

Et templa secum, templa, mussat improbus ?

Non ille templum, saxa qui cumulat, facit,

Sed qui sacra facit : templum, SHELDO NE, dedisti.

XVIII.

Quis tantis tibi pro meritis, quis digna rependet Munera ?

Quodcunque valeant, pauperes musæ dabunt,

Quas infelices veluti Caryatidas

Oppressit

Oppressit ætas barbaris gementes
Substructionibus rudis.

His tu Theatra condis, & choros jubes
Permistis hilares ducere Gratiis.

Mox docto rediment labore lusus,
Styloque multum sedulæ sacram tibi

Exsculpent solidæ statuam de marmore Famæ,
Quæ, sueta monstris fabulisque, verum
Ut vidit hîc miraculum,

Obstupuit, saxoque stetit mutata rigenti:
Erecta vultûs effigiem tui
Dignam fideribus tollit in æthera.

Angustam nimium terra crepidinem
Præstabit statuæ immensæ, vix satis capacem
Curvatum toto cœlum dabit æthere concham.
Ridere nanos fas erit Colossos,

Pygmæumque Rhodi tumentem.
Hanc juxta positus si modò Alexander staret,
Integro cælatus Atho montosus,
Magnum puderet tantulo nomen dari
Pumilioni.

Talia nequicquam devictâ mole superba
Simulacra tradent posteris silentio;
Aut meritis, veluti China suum FE,
Curtabunt monosyllabis.

Posthac S H E L D O N I A sacratam in imagine famam
Infanti solam cultu venerabitur orbis;
Nec cædent jumenta homines invita litantes,
Sed facient linguisque suis atque auribus ultro.

XIX.

Non ego, si cunctas mihi gens humana dedisset
Quotquot habet linguas, totidem resonantia miris

Ora modis, possem dignè celebrare canendo

SHELDONUM vel dimidium.

Non Latii vates, non quos sua musa rotundo

Ore loqui docuit cives, bellique tumultus

Et pelagi, nimbosque æquare & fulmina verbis,

Sufficient Græci:

Non vel SHELDONII quamvis de marmore præli

Viribus acceptis Antæi more resurgunt.

Hoc unum æternis fata invidère figuris,

Quæ solum nequeunt dignè expressisse patronum,

Cætera prona fluunt facili cessura labori.

Quicquid Niliacæ signârunt numina chartæ,

Pergama membranis quicquid pinxere repertis,

Quicquid Arabs, Indusve, vel ultima regio Serum

Doctrinæ cumulo superaddidit Europææ,

Aut periit dudum, aut tenebris damnatur iniquis:

Tam scripsisse parum est.

At vos, Oxonii proles doctissima matris,

Edite perpetuis mansura volumina sec'lis,

SHELDONIIIS mandata typis, nostroque relicto,

Mox immensum orbis latè impletura theatrum.

Nec manca ingenii plorans monumenta fugacis

Posteritas pulchras colet indignata ruinas;

Æternâ vos fama manet veneranda juventâ.

XX.

Quid faciam? lasso novus incumbit labor,

Aliena laudum venit venit acies,

Musamque laceffit anhelam;

Agnosco longè vexilla nitentia:

Howardianæ signa quis nescit domûs?

Quæ sola laudum, sola titulorum valet

Tantas alere copias,

Floddeniis victrix quantas delevit in agris,
Cum rueret pelago Scoticus cruor, & fremebundum
(Sic victor saltem) torrente retunderet æquor.

Gaudet feroces impete vivido

Stirps generosa domare ;

Oppressos eadem lætior erigit ;

Nec seris licuisse finit vel annis,

Dum pereunt, veteres perdere semideos simul.

Perire dixi ? funera lacrymis

Prosequimur stolidis vana superstitum.

Scilicet anguineos circumvolvuntur in orbes,

Extremæque animam caudæ de torque refugunt.

Nos nos interimunt interire nescii ;

Iratisque licet spicula faucibus

Tetrumque demserit venenum

Aut fortuna favens, aut melior Deus ;

At lætos aureo picti dum circuunt tractu,

Amplexibusque blandientibus mulcent,

Ignaros sensim lambendo depascuntur.

XXI.

Ipsum parentem progenies fera

Annosum tempus teneros quod procreat annos

Mox recipit patulo fugientes oris asylo,

Ipsum parentem progenies fera

Anguem (qui veteris ruderibus Chai

Coævus orbem prodiens cinxit novum

Flexilis & variis metitur secula spiris)

Ipsum vipereo soboles furore

Parricidis usque lancinavit morfibz,

Donec vulneribus hinc & hinc fatiscens

Cicatricosam pudibundus abderet caudam,

Ultimasque retro pariter sepeliret ætates.

At

At postquam jubar aureum
 Splendidæ refulsit munificentiae,
 Quâ sepulchretis penitus sepultis
 Donavit heros illustrissimus lucem
 Sidus ARUNDELÆ benignum;
 Resuscitato prorepens vigore
 Emicuit validusque vividusque:
 Deterso nitidus situ,
 Stellatus squamis terga micantibus
 (Qualibus astriferos ingens complectitur orbes
 Cœli Sidereus Draco)
 Antiquitati pandit lumen obscuræ,
 Tenebrasque demit Historiæ;
 Majoribusque posterisque partitur
 Largus influxum bifidum, vetatque
 Illis præteritum deesse, vel his futurum.
 Tantum veneno non potuit salutare
 Serpentiniformis Epidaurius deus;
 Unum iste mortalem brevi
 Restituit vitæ, virbios hic anguis
 Innumeros resuscitat,
 Quos nec Jovis ira nec ignes,
 Quos non ipse suo poterit consumere dente.

XXII.

Emergunt latebris marmora squalidis,
 Et Græcos simul explicant honores,
 Quos tellus ingesta diu graviorque premebat
 Barbaries superincumbens.
 Consurgunt iterum victores Pancratiastæ;
 Quondam decore pulvere fordidi,
 Nunc turpem excutiunt situm,
 Antiquosque palàm gaudent monstrare triumphos.

Plus Afiarchis, plus dedit omnibus
Heros tibi, Smyrna, Britannus.

Donârunt illi morituris præmia frustra
Civibus, ipsa suis olim tumultanda sepulchris.
Æternùm hic monumenta jubet durare, virosque
Refuscitatâ vivere memoriâ

Rursum Cecropiis oritur gens Attica glebis,
Indigenasque iterum terra parit suos.
Reductus Orco cernitur Theseus novo,
Divosque secum ducit, & Superos facit.

Renata patrem tota cœlitum cohors
Salutat Howardum Jovem.

Sed tantos inter, quos sibi posteros
Adscivit ultro, clarior emicat
Henricus genuinus hæres,
Sublimis columen domûs.

Hic major titulis altior omnibus
Insurgit nudus honoribus;
Hic eruditâ liberalitate

Virtutis monumenta suæ, monumenta vetustæ
Sacra Academiæ,

Contulit Angliacis sapiens Largitor Athenis.

XXIII.

Cingunt Theatrum quàm bene splendidum
Obscura fusci rudera marmoris!

Antiquitatis umbra quàm juvat sacrae,
Novisque lucem nube vicinâ novam

Struëturis addit amica!

Fragmina sic veterum scientiarum,
Sic fœda, putris, verminosa moles,
Nutantem infido quam posuit solo
Festinante manu temerarius & malè laxâ

Compage caducam

Stagiræ alumnus, æde naturam suâ

(Inepta fortem sicut Alciden Tyros)

Vincire gestiens Deam :

Hæc ipsa moles irreparabili

Dudum collapsa ruinâ,

Quam fuitiles scholiastici laborant

Instaurare iterum, validumque inducere tectum

Araneosis hinc & inde telis,†

Hæc ipsa moles adjicit nitorem

Operi stupendo, cui sacrâ posuit manu

Fundamenta novo benignus

Carolides, manibusque dedit consurgere doctis.

Fervet opus : satagunt pariter juvenesque senesque,

Et generosa cohors & non ignobile vulgus.

Hortatrix natura viris, seque ipsa videndam

Exhibet, & cunctis quæsitam sedula terris

Materiam confert ; jam fidera —

XXIV.

Mens, mihi quid restas ? tibi nempe minatur amicus

Jamdudum Icarium Venusinus in æquora lapsum ;

Dum cereis audax vel ignito cupis

Vicina soli Pindarum sequi pennis.

Hoc ille tutos seculi vates sui,

Hoc monitos voluit, salvis quibus esse licebat :

Nos certum manet exitium, nos undique

Expectat casus ruituros.

Eligere fatum liceat, evitare non licet :

Obsedere vias latrones Grammaticastri,

Quotquot frequentes conterunt vatum greges :

Illic feroces Critice Procrusteâ

Heu ! docti nimium versus torquere misellos,

Nunc

Nunc tenfos immanè pedes producere gaudent,
 Nunc sauciatis amputare syllabis,
 Cum gemitu nequicquam animam sensu expirante.
 At fortè servum siquis exosus lutum
 Aliena liber abominetur vestigia,
 Impediunt vario turbatos obice campos,
 Quos voluit latè faciles natura patere.
 Sed ars molestas sibimet objecit moras,
 Sevitque spinas sponte fœcundas nimis :
 Has transilire gestit, has perrumpere
 Genuina naturæ filia
 Pindaris, offensæ vindex animosa parentis :
 Has legis expers, impetu ruens vago,
 Securior per avia, per invia, pede curro volante.

CORB. OWEN, *ex Æde Christi.*



P I S C A T I O.

A D

Reverendissimum in Christo Patrem, GILBERTUM Archiepisc. Cantuariensem.



AMIGERÆ insidias artis, celataque parvo
 Æra cibo canimus, quæ torto pendula filo
 Astutus tremulâ Piscator arundine jactat,
 Donec inescatam calami curvamine prædam
 Ducat, & in siccâ salientem exponat arenâ.

ALME, fave, Præsul, vati, si fortè vacabit
 Ingentem ad nostras animum demittere nugas.

VOL. I.

F

Namque

Namque & te, vani non semper nuncia, fama
 Iustitium quondam sacrorum, indictaque Clero
 Otia fluminibus narrat donâsse propinquis.
 Temporaque adgemuisset viris cum sæva vetarent,
 Solivagum iustas ripis jactâsse querelas,
 Et gravia ad consulta gregem admisisse silentium :
 At nimis (heu !) iustæ in ripis periere querelæ,
 Et frustra consulta gregi patuere silenti.
 Ah quoties CAROLUM, CAROLUM, juncosâ sonabant
 Littora, dum liquidâ salit tibi suber in undâ,
 Prædaque suspectos cautè deglutiit hamos !
 Ah quoties, nullis tutò credenda tabellis,
 Fluminibus mandata dabas, quæ nosceret exul
 Augustus, si quâ mundi regione latentem
 Inveniant, ipsa oceano dum mista vagantur,
 Spem reditûs solo contentum pascere voto !
 Felix O, (primos sacrorum imitate magistros)
 Prælusit cui canna pedo ; qui, doctus utrumque
 Æquali rexisset manu, successibus æquis
 In cathedram notas piscanti adduxeris artes !

ET nos (assiduus cum lassis fortè licebit
 Officiis) paucas calamo concedimus horas,
 Aufonæ ad ripas ; ubi, musas voce cientes,
 Te (venerande pater) canimus, votisque vocamus,
 Et captare homines capto de pisce docemur.
 Poscimus inde fidem dictis ; veniâque rogamus,
 Si varias inter populantium flumina fraudes,
 Quæ vati magè nota, magè est laudata voluptas.
 Nam mihi, nec lento contextæ vimine nassæ,
 Introitu illectos facili remeare natantes
 Quæ prohibent, oreque aditus imitantur avari ;
 Nexave nodoso cohibentia compede pisces

Lina placent: nimis ista rudis crassæque Minervæ
Solos arma juvent, quos, Lutræ more palustris,
Dura fames adigit victum quæsîsse rapinâ.

Nobis, quos nitido nascentes Delius astro
Respexit, genitisque suas simul indidit artes,
Ingenium quæstu prius est; deceptaque præda
Direptâ potior: dapibus quin ipsa saporem
Captitiis doctæ præbet solertia dextræ.

Sic Phœbum, truttâ quondam percâve voraci
Cœnantem, memorare juvat, quos ipsa labores
Fecerit; & quantâ steterit victoria luctâ.

Quin vati ipse suos celebranti carmine lusus
Proptereâ haud invitus adest, & sufficit ultrò
Cantanti numeros: & vos, Heliconia turba,
Vestra datis facilem narranti gaudia versum.

Namque & vos, ripis olim Permessidos undæ,
Aonides (Phœbo, ut referunt, comitante) sorores,
Inflexas curvâstis acus; calamoque reducto,

Ad cava captivum traxistis littora piscem.

Primus at eximiae sterilis successibus ortus

Artis erat; sicut majorum semina rerum

Esse solent semper mediocria. Nec tamen ipsa

(Si faveat modò docta cohors) despecta sagaci

Eruere è tenebris metuam primordia versu.

CALLIOPE stipata choro dum casta fororum,

Fabellis ludisque vacans, in littore opaco

Fortè Aganippeas latè spatiat ad undas,

(Qua procul à scatebrâ collectis fluctibus auctus

Volvitur, & lymphis fabulosas versat arenas

Qui modò fons dictus, jam fluminis ambit honores;)

Certatim mutum fertur vidisse natantum

Lascivire gregem, & vermes captare minutos,

100 MUSÆ ANGLICANÆ.

Siquos aut cæcis conclavibus egerit amnis,
 Aut notus, aut pluvia, aut vis quælibet excutit alnis.
 Viderat : & “ Vestrâ poteritis forsitan, inquit,
 “ Credulitate capi : non cautè examinat escas
 “ Esuriens stomachus. Mox vimen fronde salignum
 Nudat, & eductam capitis velamine spinam
 Curvat in effigiem reparantis cornua Lunæ ;
 Æraque dilectis dapibus fallacia velat.
 Deinde (suis recolens olim periisse capillis
 Cœlicolas, hominesque) “ Istis, ni fallimur, addit,
 “ Tertia debetur liquidi victoria regni.
 Dixerat : & summis depexas vertice torquet
 Pectinis exuvias digitis ; virgæque ligatis
 Extremæ, tandem celatum accommodat hamum :
 Atque bolum nitidas lethalem mittit in undas.
 Mira cano & solis forsan credenda Poëtis.
 Nam, simul ac fluvio Musæ maduere capilli,
 Ambrosiis diffusa comis spiramina aduncam
 Inficiunt spinam ; medicatæque tingitur esca.
 Protinus assultat patulo gens squamea rictu,
 Ambitiosa capi : at præreptâ proximus offâ
 Pisciculus socios fraudat, potiturque rapinâ
 Sollicitè, inque gulam fugiens deglutit hiantem.
 Funestos sentit ducentem virgo triumphos,
 Inflexumque levi vimen cum verbere torquens,
 Mox cœco rictus lætanti perforat ictu,
 Inque virescentes protractum projicit herbas.
 Præda minuta fuit (digiti mensura) sed illi
 Picta latus lorica tegit : nam suavè rubenti
 Tingitur argentum minio, cui bractea sparsim
 Mistâ coruscanti squamas interlinit auro.
 Accurrunt : Artemque simul, piscemque sorores

Mitantur,

Mirantur, laudantque: pares dum Musa relictis
 Instruit insidias, & eandem porrigit offam.
 Fortè sed, ut curvum plebis globus obsidet hamum,
 Unus adest procerum; cui turba amota ruenti
 Terga dat, & fugiens intactas deserit escas:
 Objectas vorat ille dapes, tenuique cruentus
 Vulnere, porrectâ fontis sibi pondera pinnâ
 Addit, & obnixus producto elabitur ære.

UT vidit (namque adfuerat) Latonia proles,
 " Parce, ait, imparibus certamen inaniter armis
 " Protrahere ulteriùs, Dictæi nata Tonantis.
 " Rem permitte mihi: nisi me mea carmina fallant,
 " Faxe ego, ut ille breves agat, improbus ille, triumphos.
 Et calamo calamum solers immittit iniquum,
 Ære extrema ligans, quâ se minor inserit, ora;
 Et lentum in summâ configit arundine vimen.
 Penniger astiterat Sonipes; setasque roganti
 Præbuit: has docto versatas pollice Phœbus
 Torquet, & inter se complexibus implicat arctis:
 Funiculosque breves tereti coalescere nodo
 Cogit; & in summo fluitantem vimine nectit
 Lineam, ut exæquet mensuram pendula Cannæ.
 Dein netum appendit chalybem, quem flumine & igni
 Imbutum, & lentè rigidum, lunabat in orbem
 Dimidium forceps, armabat acumine lima;
 Extabatque tenax diffisso lingua metallo.
 Mox funestum epulis mendacibus induit hamum,
 Et juxtâ adnectit terebrati pondera plumbi,
 Mersus ut intactas ad fundum deferat escas.
 Quaque salix summis porrecta supernatat undis,
 Et densâ latebras offundit piscibus umbrâ;
 Quaque subit rapido labefactum gurgite littus

Amnis, & in sese refluus decircinat æquor;
 Obreptat pronus ripæ, lapsuque silenti
 Ex inclinato pendentem vimine ofellam
 In liquidas demittit aquas: virgæque tremore
 Versatum, vivos imitatur reptile motus.
 Securi fraudum, lethalia edulia captant
 Amnigenæ; cupidoque petens sua fata palato
 Imminet, & sequitur mersum grex squameus hamum.
 Delius, ut turmis obsessas percipit escas,
 “ Sissite, blanda cohors; perituris non opus isto est
 “ Impete, ait ridens; hæc sævæ fila sorores
 “ Nêrunt, inque levi immitis latet Atropos offâ:
 Et simul objectos retrahit captantibus unco
 Ære cibos; donec fugitivis acrius instans
 Piscis edax dapibus, chalybem simul abdidit ore.
 O sævam ventris rabiem! Sic deperit orbis
 Queis perit; & Parca in conditâ quæritur escâ.

NUTAT, & indicium sinuamine præbet arundo;
 Setaque multiplices describit in æquore gyros,
 Ut primùm tectum descendit in ilia ferrum.
 Nec mora: in obliquum detorto vimine, Phœbus
 Falcato læsum configit acumine piscem.
 Ille, jecur sævo violatum ut vulnere sentit,
 Mille dolos versat: Nunc toto pondere nixus,
 Nunc recto, nunc obliquo, se gurgite librans;
 Ancipitesque simul ducens hinc inde choreas,
 Excutere abrupto conatur viscere pestem.
 Sæpe cavos ripæ tentat penetrare recessus,
 Funiculumque trucem contortæ interplicat ulvæ:
 Sæpe petit fundum; de fundo ad summa repentè
 (Ocyùs emissâ Parthi post terga sagittâ)
 Surgit, deciduusque gravat pendentia fila,

Et simul adductâ tentat discindere caudâ.
 Scilicet ingentem vetat indignatio piscem
 Tradere tantillis immania membra catenis !

PHOEBUS, ut ancipitis pendet fortuna palæstræ,
 Motibus intentus, similes in pectore cudit
 Ipse dolos ; varias ut destruat artibus artes.
 Conantique fugam decies, deciesque retracto,
 Nunc refricat crudum repetito verbere vulnus,
 Nunc iram obsequio frangit, mulcetque furem ;
 Et libertatem laxatâ ostentat habenâ.
 Mox, ubi permissis lascivit in æquore gyris,
 Plùs æquo audacem veniâ, & nil tale timentem,
 Adducto revocat loro, cogitque profundum
 Permutare vadis, propiùsque assuescere cœlo.
 Utque emergenti decrescunt pondera, tractim
 Gurgite nunc prono, adverso nunc flumine ductum
 Aëriis suffocat aquis, dum (ventre gravato)
 Utris more jacens summis resupinus in undis ;
 Pendet iners gracili tandem de vimine moles ;
 Inque cavam sequitur nullo luctamine ripam.

IPSE suam victor prædam miratur, & acri
 Intuitu in patulâ monstrum metitur arenâ,
 Confossum ut trucibus quondam Pythona sagittis.
 Et fortè oblongus, cui fecit barbula nomen,
 Mullus erat ; piscis quo non est cautior alter,
 Aut cui majoris confixo gloria luctæ
 Debetur : sic ille dolis, sic viribus urget
 Piscantem, exhauritque omnes versatilis artes.

SUCCESSU hoc, Latonigenæ conamina crescunt,
 Quæ sibi fatidicus spondet fore prospera vates.
 Mox alias invisit aquas ; quas torquet Enipeus
 Turgidus, Apidanusque senex ; & (notus amore

104 MUSÆ ANGLICANÆ.

Antiquo) Peneus, sævæ incunabula Daphnes :
 Quasque suos fundit Ladon ; quasque ipse bubulcus
 Amphrysi quondam lenes potaverat undas :
 Et ripam signis decorat victricibus omnem,
 Dum manet in quovis captorum cortice imago
 Sculpta, simulque suo cum cortice crescit imago.
 Piscellamque levem redeunti sæpe gravabat
 Tyroni acceptus capitatus Gobio iusus ;
 Et Rutili pariter molles, Apuæque fugaces ;
 Spineaque objectans tractanti tergora Perca ;
 Atque levis summis volitans Alburnus in undis,
 Lacceaque, incepto Gallos imitata feroci,
 Sed primos cedens toleranti ignava furores :
 Tuque (suem rostro referens, quo glarea ab imo
 Vertitur, unde pari nomen fortiris ab usu)
 Mole minor, gustu qui vincis, Porcule, Percam.
 Sæpe Abramis, brevis in latum cui panditur alvus ;
 Carpaque turgidulâ cœnis gratissima linguâ ;
 Nec non Pactoli fulvo perfusa metallo
 Tinca, (Machaoniis morbos cui pellere succis,
 Vulneraque affricu dederat sanare salubri
 Ipse olim, & “ nulli vivas violata natantûm,
 “ Dixerat, ut nostris accedas integra mensis.)
 Gratum humeros curvabat onus ; neque cætera deerant
 Præmia, quæ duro constantia mista labori
 Exigeret. Quoties te musca imitata sefellit,
 Trutta sagax ; quæ (multiplici variata colore,
 Et rutilâ flavas distincta aspergine costas)
 Das duplices epulas ; oculis priùs, inde palato ?
 Te quoque, cui rictus armant dumecta patentes,
 Fluviorum Phalaris ; cui natio tota natatrix
 Præda fit, inque avidâ turmatim conditur alvo,

Prodidit

Prodidit objectus celato Gobius hamo.

Quinetiam (audaci usque adeò fortuna labori
Faverat) ingenti nonnunquam pondere preffit
Salmo latus; qui præcipiti natat obvius amni,
Objectasque super moles præruptaque saxa,
(Post capiti admotam celeri sinuamine caudam)
Diducto sese pernix jaculatur ab arcu.
Irrita sin prorsus reddant conamina soles,
Immodicive imbres, vel utrisque inimicior Euris;
Omnibus exercet virtutem casibus æquam,
Ipsaque in eximium cedit patientia fructum.

HÆC mihi, (dum tacitas Aufonæ solus ad undas
Obductum globulis jacto fallacibus hamum,
Pennigeram satagens calamo suspendere plebem,
Et desolatos indignor retibus amnes,
Rara quòd accurrat projecto furfure præda)
Ut tardo ingratas successu falleret horas,
Tradidit ipse Pater vaturn: Citharæque recedens
Hoc pariter tactâ cecinit modulabile carmen.

NIMIS beatus ille, qui tremulam manu

Arundinem scitâ regit:

Epulisque gentes fascians aquatiles,

Rictu fugaces protrahit!

Huic læta puris corda turgent gaudiis,

Quæ nullus offuscat dolor:

Aulæ palæstram cautus ancipitem fugit,

Dubiamque honoris aleam.

Non ille avaris invidet pericula,

Curasque queis constant opes;

Nec, jurgiosi litibus mistus fori,

Terit advocati limina;

106 MUSÆ ANGLICANÆ.

Nec æstuosum mercibus metuit mare,
 Reditusque penfat flatibus.
 Mulcet quietum lene murmur fluminis,
 Dum bellicus tonat fragor;
 Seseque mutos inter oblectat greges,
 Cùm perstrepat rixis domus.
 Aurora vixdum conjugis liquit torum,
 Suum impiger cùm deserit;
 Cyathoque guttur lætus epoto lavans,
 Et arma cinctus congrua,
 Sudo serenoque æthere, ingreditur viam,
 Sereniori pectore.
 Pedes deinde Thamesin, aut Trentam petens,
 Ut piscibus fruatur dolos,
 Avium sonoro pipilantùm gutture
 Oblectat aures voculis:
 Avidâque amœnos nare captat halitus,
 Aurora quos Floræ rapit.
 Simul & novali exercito salutifer
 Hauritur exudans vapor,
 Suspensa fulco dum arva calcat impari,
 Pedibus Iambos metiens.
 Laboriosæ semitæ interea moras
 Gratis levat spectaculis;
 Vallesque, montesque, rigido & cacumine
 Saxa aspicit minantia:
 Sylvasque, fontesque, viridique pascuo
 Pecora aspicit vagantia.
 Hinc, quassâ currit bucula ad mulctralia,
 Stillante nectar ubere:
 Memorque blandis postulat mugitibus
 Vicariam proli manum.

Et inde, inermi fronte molliculus ferit
 Agnus parentis mammulam :
 Simul & futuris, non ita innocentibus,
 Præluit insons præliis.
 Ripas deinceps, quas petebat, obtinens,
 Setas adaptat vimini :
 Chalybemque gratis vestiens eduliis,
 Unctum salivâ projicit.
 Cicada ferrum stridula infixum tegit,
 Aut musca bombis perstrepsens ;
 Suoque limax lubricans succo vias,
 Erucaque hortorum lues :
 Coaguloque lactis imbutus cremor,
 Similæque massa subrubens :
 Hamoque rufus sæpe vermiculus micat,
 Facitque pisciculis famem :
 Hamoque pinguis sæpe lenticulus nitet,
 Et vespæ inermis embryo.
 Cornuque, peraque, locuplesque calceus,
 Subinde sufficiunt dapes.
 Hoc inchoatur more piscanti dies ;
 Sic occupatus vesperi est.
 Sibi ipse turba est, ipse victor sibi, &
 Confabulator assidet,
 Salientis usque suberis motus notans,
 Grassantis oris indices.
 Sin forsan unus adsit, aut alter comes ;
 Alterna jactant vimina.
 Nec interim sunt muta piscatoribus,
 Ut piscibus, commercia ;
 Nunc multiformis, quam intuentur, machinæ
 Laudatur Author unicus ;

Nunc cantilenis mutuò innocentibus
 Lepidæ assuuntur fabulæ.
 Procul at profanum lege colloquium fugant,
 Regi, Deove injurium;
 Nec dicta mutis ista piscibus putant,
 Quæ teste cœlo jactitant.
 Perusta sin sudore membra diffuant,
 Phaëthonte cancer dum rubet :
 Aut imber ingens axe confraëto ruat,
 Aquasque sternat bullulis,
 (Dum junceis anguilla de cubilibus
 Expergesacta cursitat)
 Umbra imminentis arboris stratos tegit,
 Et canna piscatur jacens :
 Spoliisque opimis sæpe tollentem gravans,
 Otia rependit sænore.
 Declive tandem cùm terit Phlegon jugum,
 Trahuntque noctem sidera,
 Piscibus onustos hesperus ducit domum,
 Ubi præda mensas instruit ;
 Lassata demum membra, post gratas dapes,
 Inemptus occupat sopor.

SIMON FORD, S. T. P.



Sphæristerium *Suleianum*.

AUFONIAS propter ripas, quæ cogitur unda
Ferre jugum, & famam debet WANSFORDIA
Ponti ;

Sylvæ contiguus, modicique cacumine montis,
Est locus, Australem qui partem versùs & ortum,
Vallesque, villasque, & longos prospicit agros ;
Terra olim Agricolaë duros experta labores.
At postquam cincta est vivæ munimine sepis,
Et viridi donata togâ de cespite puro,
Tota vacat ludo, magnis celebranda triumphis,
Miraturque novos auratâ veste colonos.
Hanc benè detonsam, ac ad vivum cespite raso,
Lævigat, atque polit, subigitque volubile saxum,
Labentem sphæram nè quæ festuca moretur.

Hûc generosa cohors, animo depellere curas
Cum juvat, & sudum est, dictis plerumque diebus
Convolut ; in partes itur ; Tu GUELFUS eslo,
Hic GIBELINUS erit ; furiis tamen ante remotis,
Quin & avaritiâ ; turpes hæc suscitât iras.
Sed neque pro nudâ jubeo te laude pacisci :
“ Exacuit modicum ; nimio si pignore certes,
“ Corruptis ludum, nè sit sincera voluptas.
Laudo tamen veterum ritus, qui munera bina,
Præmia victori, statuunt, solatia victo.

Heus puer ! huc properè sphæras splendore coruscas
Expeditas, lateri immissum quas fusile plumbum

Et docuit solidare gradus, & ducere gyros.
 Stat juxtâ domus exilis, gratissima fessis
 Umbra viris: eadem ludentibus arma ministrat.
 Hinc puer expromit sphaeras, hic nocte recondit.

Primus ibi ante omnes in arenam SYLVIVS Heros
 Descendit, multâ virtute insignis & arte:
 Seu circumducto metam contingere gyro,
 Sive per hostiles opus est perirumpere turmas.
 Is (postquam limen signarat lamina ferri)
 Protinus emittit nullo molimine sphaeram
 Exiguam. Hæc HELENA est, cursus Hæc meta futuri,
 Hanc ambire omnes: felix, qui limine primo
 Egressus, tandem illius requiescit in ulnis.
 Tum sphaeram dextrâ complexus, lumine certo
 Signat iter, prono veneratur corpore Nympham,
 Effunditque globum, tacito qui flumine lapsus
 Metæ contiguus mediâ requiescit arenâ.

Excipit hunc NISVS: quo non præstantior alter,
 Sive globum versare manu, seu stringere metam;
 Sive hostem turbare loco, seu vincere cursu.
 Hic sphaeram librat, minimi quæ conscia plumbi
 Radit iter lævum interior, meliorque priorem
 Detrudit spatio, metæque amplexibus hæret.

Tum variis reliquis animus, spes, ira, metusque
 Et pudor, & studium, laudisque immensa cupido.
 Quisque suas partes tutari mente paratus:
 Sed non quisque ducis laudes virtutibus æquat.

Hic multum cupiens titulos augere triumphi,
 Atque locum sperans saltem retinere secundum,
 Currentem sphaeram manibus pedibusque fatigat.
 Nunc festinantem vocis moderatur habenâ:
 Ignavum & sine honore globum nunc increpat: & mox
 Consult,

Consulit, hortatur, laudat; tum corpore torto
 Evitare docet cautes, monitisque videtur
 Emendâsse suis. Quid non sibi somnia fingunt?

Ille, volens capto NISUM detrudere muro,
 Fallitur, inque auras vires effundit inanes.
 Infelix virtus! sed magnis excidit ausis.

At veluti in castris olim ROMANA juvenus,
 Induperatori si quando fortè periculum
 Imminet, extemplo sese ad Prætoria sistit,
 Tutaturque ducem, multoque satellite cingit:
 Haud aliter NISUM socii fido agmine cingunt,
 Obice firmantes aditus, hostemque morantur.

Quid reliquos memorem, varius quos abstulit error?
 Hic prætervectus metam post terga reliquit;
 Is medio languet, seu carcere segnior exit,
 Seu titubante pede & duplicato tramite vectus;
 Hic hiat immodicè nimis ambagibus; ille
 Interiore secat gyro, vel devius errat
 Averso plumbo, totâ ridendus arenâ.

SYLVIVS, ut vidit nullum superesse suorum,
 Qui conclamatis posset succurrere rebus,
 Non animis cadit, aut satis irascitur; atqui
 Oblatam gaudet, qualem sibi posceret ultrò.
 Materiem, dignamque suâ virtute palæstram.
 "Difficili arguitur præsens ac ardua virtus;
 "Altiùs opposito surgit velut aggere flumen.
 Tam spatium omne suo permenſus lumine; nunc hos,
 Nunc illos aditus rimante explorat ocello.
Invia virtuti nulla est via, protinus insit.

Dixerat, & limen repetit, sphaeramque poposcit,
 Quam prudens illos olim servârat in usus.
 Viribus hanc totis interquet; at evolat illa

Fulminâ

110 MUSÆ ANGLICANÆ.

Et docuit solidare gradus, & ducere gyros.
 Stat juxtâ domus exilis, gratissima fessis
 Umbra viris; eadem ludentibus arma ministrat.
 Hinc puer expromit sphæras, hîc nocte recondit.

Primus ibi ante omnes in arenam SYLVIVS Heros
 Descendit, multâ virtute insignis & arte:
 Seu circumducto metam contingere gyro,
 Sive per hostiles opus est perrûmpere turmas.
 Is (postquam limen signârat lamina ferri)
 Protinus emittit nullo molimine sphæram
 Exiguam. Hæc HELENA est, cursûs Hæc meta futuri,
 Hanc ambire omnes: felix, qui limine primo
 Egressus, tandem illius requiescit in ulnis.
 Tum sphæram dextrâ complexus, lumine certo
 Signat iter, prono veneratur corpore Nympham,
 Effunditque globum, tacito qui flumine lapsus
 Metæ contiguus mediâ requiescit arenâ.

Excipit hunc NISVS; quo non præstantior alter,
 Sive globum versare manu, seu stringere metam;
 Sive hostem turbare loco, seu vincere cursu.
 Hic sphæram librat, minimi quæ conscia plumbi
 Radit iter lævum interior, meliorque priorem
 Detrudit spatio, metæque amplexibus hæret.

Tum varias reliquis animus, spes, ira, metusque
 Et pudor, & studium, laudisque immensa cupido.
 Quisque suas partes tutari mente paratus;
 Sed non quisque ducis laudes virtutibus æquat.

Hic multùm cupiens titulos augere triumphi,
 Atque locum sperans saltem retinere secundum,
 Currentem sphæram manibus pedibusque fatigat.
 Nunc festinantem vocis moderatur habenâ;
 Ignavum & sine honore globum nunc increpat; & mox
 Consulit,

Consulit, hortatur, laudat; tum corpore torto
Evitare docet cautes, monitisque videtur
Emendâsse suis. Quid non sibi somnia fingunt?

Ille, volens capto NISUM detrudere muro,
Fallitur, inque auras vires effundit inanes.
Infelix virtus! sed magnis excidit ausis.

At veluti in castris olim ROMANA juvenus,
Induperatori si quando fortè peric'lum
Imminet, extemplò sese ad Prætoria sistit,
Tutaturque ducem, multoque satellite cingit:
Haud aliter NISUM focii fido agmine cingunt,
Obice firmantes aditus, hostemque morantur.

Quid reliquos memorem, varius quos abstulit error?
Hic præterveſtus metam post terga reliquit;
Is medio languet, seu carcere ſegnior exî,
Seu titubante pede & duplicato tramite veſtus;
Hic hiat immodicè nimis ambagibus; ille
Interiore ſecat gyro, vel devius errat
Averſo plumbo, totâ ridendus arenâ.

SYLVIUS, ut vidit nullum ſupereſſe ſuorum,
Qui conclamatis poſſet ſuccurrere rebus,
Non animis cadit, aut fatiſ irascitur; atqui
Oblatam gaudet, qualem ſibi poſceret ultrò,
Materiem, dignamque ſuâ virtute palæſtram.
“ Difficili arguitur præſens ac ardua virtus;
“ Altiùs oppoſito ſurgit velut aggere flumen.
Tam ſpatium omne ſuo permenſus lumine; nunc hos,
Nunc illos aditus rimante explorat oculo.
In via virtuti nulla eſt via, protinus inſit.

Dixerat, & limen repetit, ſphæramque poſcit,
Quam prudens illos olim ſervârat in uſus.
Viribus hanc totis intorquet; at evolat illa

Fulmineâ

Fulmineâ vibrata manu, ruptasque phalanges
 Dissipat hostiles, huc illuc funera spargens,
 Objectasque moras cursum molita per omnes,
 Abducit metam, & summâ consistit arenâ.

Protius it Cœlo clamor, totusque remugit
 Mons circùm; trepidat mediis exterrita Sylvis
 Nympha loquax, dubitans tanti quæ causa triumphî,
 Quanto non meminit celebrari funera cervi.

GUL. DILLINGHAM, *Cantab.*



C A R M E N

D E

SANGUINIS CIRCUITU,

A

GULIELMO HARVÆO Anglo,
 Primùm Invento.



USA, mihi causas memora, quo ferveat igne
 Sanguis, quàm rapido exundans torrente fe-
 ratur;

Quid venam pleat; cur tensa arteria pulsu
 Perpetuo micet, alternis residensque tumenſque;
 Quidque intermissio præcordia verberet ictu.

NON hæc, docta licèt, veterum cognoverat ætas;
 Non hæc Phillyrides Chiron, non ipse Machaon,
 Non Amythaonides; non hæc pulcherrima vidit,

Quamvis

Quamvis discissis cuncta indagaret in extis,
 Abderitani cultor celeberrimus horti:
 Nec tu, magne senex, Coâ qui missus ab urbe,
 Ut malè suspectos tua pelleret herba furores,
 Risisti meritò infani deliria vulgi:
 Nec solers Phrygiis ortus Galenus in agris,
 Quem cognata diu mirata est Roma medentem,
 Grataque posteritas omni venerabitur ævo:
 Nec Cæsalpinus; nec tu, præclare Soavi,
 Olim Phœbeas inter notissime turbas,
 Quà Padus irriguos fœcundat gurgite campos,
 Quâque Antenoreas Neptunus protegit arces,
 Et circumfusus tutas amplectitur undis:

SED, quem felici lætata Britannia partu
 Edidit, HARVÆUS, notum per secula nomen,
 HARVÆUS monstrator erat, primusque latentes
 Expedit causas, priscisque incognita sec'lis
 Eruit è tenebris, piceamque abscedere nubem
 Jussit, & obscuris accendit lumina rebus.

HIC etenim varios expendit sedulus usus
 Membrorum, mentisque aciem per singula mittit
 Sollicitus, sectisque animantibus inspicit omnes
 Morborum tacitus sedes; secumque requirit,
 Unde trahant lentæ renovata incendia febres;
 Et quo fonte, quibusque exundet fluctibus hydrops;
 Quid maciem inducat; quid iniquo pondere splenem
 Attollat; quæ vis faciat lapidescere renes:
 Has ille atque alias moriendi mille figuras
 Vestigatque animo, mortisque pericula longè
 Summovet, & medicas Parcis instantibus artes
 Opponit prudens, atque omnia mente volutat;
 Nec putat in membris vitalem hæreere liquorem,

Tardaque per longos protendere stagna canales,
Sed ruere, & celeri circum vertigine ferri.

CONVOCAT interea lectos in testâ sodales,
Queis præclaræ artes & sacra Epidauria cordi:
Atque, ait, experiar mihi quæ comperta videntur,
Sintne satis perspecta, & certis cognita signis;
An vanæ tantum species, & amabilis error
Me noscendi avidum falsâ sub imagine ludat.
Arreptumque canem obtortâ cervice prehensum
Tollit, & in mensâ resupinum ponit; at ille
Arrectis horret villis, & brachia morfu
Appetit, & magnis ululatibus omnia complet;
Et pedibus pugnat. Sed nulli obsistere fatis
Fas est. HARVÆUS validis complexibus urget,
Atque infelicem, & luctantem plurima frustra,
Per mediam extendit tabulam; tum fune reductos
Innectitque pedes, & vincula tenacia stringit.
Cumque ita porrectus metuens, pavitanque jaceret
Ille miser, trepidans artus, & pectus anhelum;
Tum placidè aspiciens vinctum, sic ore profatur.
Non me, inquit, feritas animi, non dira libido
Crudelem facit, aut sævi inclementia cordis:
Sed mihi mente imâ totisque recepta medullis
Laudis sacra fames nolentem talia cogit
Moliri, & lenes abigit de pectore sensus.
Fert animus cæcas naturæ aperire latebras;
Occultas olim rerum perquirere causas;
Captivumque diu vinculis exolvere verum.
Certum est magna sequi, & testas penitusque remotas
Explorare vias; quo flumine sanguis agatur:
Quo duce liventem inficiat nova purpura venam.
Tu, quanquam infandos miser experire dolores,

Immeri-

Immeritamque feras pœnam, solamen habeto
 Mortis, quòd fato non sis jugulatus iniquo;
 Quòd neque disruptus rabiosi dente Molossi
 Occideris, nec te consumat pigra senectus.
 Nam neque per fossas, fœdamque ignobilis ulvam
 Projiciere canis, nec tabo membra liquescent;
 Nec tu nocturnis captus laniabere monstribus,
 Nec putrescentes corvus populabitur artus:
 Sed si (quod fore confido) mihi docta Minerva
 Riserit indulgens, votisque vocatus Apollo
 Annuerit cœptis, nunquam tua fama peribit;
 Sed, quacunque mei pertinet gloria facti,
 Tu quoque notus eris, totoque legêris in orbe
 Clarus, & æternùm vives moriture Lycisca.

TALIA narrabat furdo, dextrâque coruscos
 Cultellos effert, gladiisque micantibus instat.
 Ut verò vulnus sensit fera, corpore toto
 Contorquet sese, & fremitu gravis intonat acri;
 Et simul infrendet nudatos spumea rictus,
 Dente oculoque minax frustra; tremor ilia pulsât,
 Exercetque ferox vanam sine viribus iram.
 Namque illum summo conantem insurgere nisa
 Intorti cohibent nodi, clavique trabales.

AT senior nullo turbatus murmure pergit,
 Et rigidos enses, & inexorabile ferrum
 Perque leves tunicas, perque ultima viscera ducit:
 Intentusque operi extremi penetralia ventris
 Pandit, & incisâs properans divellere carnes,
 Illas hinc atque hinc manibus detrudit; & inde
 Introrsum adnutans fumantia conspicit exta.

HIC jecur immensum vasto se pondere jactat,
 Et tumet, & Tyrium vincit splendore venenum;

Sic pulchrùm nitet, & nativo fulgurat Ostro.
 Hæc domus, ut fama est, tenerorum tristes amorum;
 Hinc procul intentans sævus sua tela Cupido,
 Mollia languenti succendit pectora flammâ.
 Sive hîc vi magnâ, & multo percocta calore,
 Immutata novum sumunt alimenta ruborem:
 Seu potius nimio sanguis fragrantior æstu
 Hîc facem nocuam, atque acri flavedine bilem
 Exuit ardentem, & latices deponit amaros.
 Quod superest, oleo & molli pinguedine lentum,
 Et servat longos, faciles & concipit, ignes.

HINC autem contrâ, & diversâ in sede recumbit
 Splen, & mole minor, facieque obscurus, & usu.
 Hunc levibus perhibent pulmonem agitare cachinnis:
 Aut succum austerum, atque humores colligit atros;
 Aut escam subigit, stomachoque infundit acetum.

IN medio jacet ingluvies, barathrumque macelli
 Ventriculus, magni protensus imagine sacci.
 Huic appensa, olidas circumstringentia fæces,
 Intestina hærent, variosque inducta per orbes,
 Multiplici gyro sinuosa volumina torquent.
 Hæc membrana levis nexu complectitur arcto;
 Perque illam niveas cernit prorepere fibras,
 Quas primus doctâ detexit Asellius arte;
 Lactiferasque vocat lactis de nomine venas.
 Pancreas, & renes, plura & miracula rerum
 Transilit, aut strictim, & festino lumine lustrans,
 Alta petit, vitæque arces invisere gestit.

STAT suprâ expansum famâ memorabile septum;
 Altera carnosâ pars est circumdata limbo,
 Altera pergameas imitatur lucida pelles;
 Et per transversas æquo libramine costas

Tenditur,

Tenditur, atque imas superis discriminat oris.
 Incipit hinc primùm hirsutus se attollere thorax,
 Molliter inflexus curvatæ more carinæ.
 Hunc natura parens, venturi præscia, firmo
 Costarum vallo, & solido muniverat offe.
 Hîc etenim assiduo motu præcordia pulmo
 Ventilât, inque vices hauritque & rejicit auras.
 Hîc cor, quod reliquis voluit præcellere membris
 Ipse pater, medium sublimi in sede locavit.
 Sed neque summus honos, neque propugnacula profunt;
 Ille, cruentatas mergens in pectora palmas,
 Omnia crudeli properat discindere ferro;
 Irrumpitque aditus, laxataque claustra revellit.
 Tum verò occultæ sedes, vitæque recessus
 Ostendunt sese, & cordis domus alta patefcit.
 Ipsum autem tenero affultum pulmone superbum,
 Interiore cubat tecto, & penetralibus imis;
 Vitalesque omni diffundit corpore succos.
 Nunc penitus totâ intentis compagine nervis
 Tollitur, & stricto tumidum mucrone minatur,
 Intentatque ictus; nunc fibris mollè solutis
 Decidit, & subito flaccescens languida circum
 Demittit latera, & cono procurrit acuto.
 Nec mora, nec requies; rapido sese ocyùs Euro
 Colligit, & motus servat, repetitque priores:
 Atque iterum assurgens solidum densatur in orbem;
 Atque iterum in longum pendentia fila remittit.
 Nam Natura sagax pariter nobisque ferisque
 Mirâ arte in geminas divisit corda cavernas;
 Quæ modò turgentes ingesto rore tumescunt,
 Et mox emissio subsidunt sanguine. Nempe
 Non stabile, immotumque datum est mortalibus ægris;
 Nec

118 MUSÆ ANGLICANÆ.

Nec sine continuo ducenda est vita labore;
 Exoptata quies mors est. Cor mobile pulsu
 Perpetuo quatitur, trepidatque: ex corde superno
 Quatuor enatæ procurrunt ordine venæ,
 Hinc binæ, atque illinc; facies non omnibus una,
 Non idem est habitus. Pars crasso tegmine tuta
 Albet, & inclusos occultat cauta liquores;
 Pars tenues tunicas, pellesque induta nitentes
 Purpureum ostentat laticem, livenisque fatetur
 Internos minio nativo ardescere tractus:
 Illas spiritibusque tumens, & turgidus inflat,
 Has leni placidus percurrit flumine sanguis.
 Verùm corde omnes, & eodem fonte coortæ,
 Grandescunt primùm, & fluvio majore feruntur;
 Pòst autem angustos subitò tenuantur in amnes,
 Inque canaliculos aliosque aliosque tributæ,
 Decrescunt sensim; filisque extensa minutis
 Extà per, & carnes, atque omnia membra vagantur,
 Vivificum cunctis afflantes artubus ignem.

HÆC aliis olim satis explorata relinquit.
 Ast ipsum interea cupidum nova cura fatigat;
 Quis cordis molem exagitet labor, unde calentes
 Accipiat succos, & quas extrudat in oras;
 Quò fluat exundans per aperta foramina sanguis,
 Sanguis, qui, inducto venarum tegmine clausus,
 Ambiguos trahit anfractus, & fallit eundo.
 Sic ubi lentus Arar tacito per pinguia repit
 Culta gradu, lenique pererrat pascua rivo,
 Incertum est partes has, an labatur in illas:
 Cùm verò injectas accepit gurgite moles,
 Et trabibus frænantur aquæ, vehementior exit,
 Mutatusque fremit, superatoque aggere spumans

Savit,

Sævit, & in Rhodanum violentas concitat undas.

Ergo placet tepidos amnes, cursumque ruentis
Sanguinis obstruere, & nodo constringere venas.

SUNT geminæ ante alias insignes mole, modoque;
Illam jure Cavam vocitat Romana juvenus,
Hanc olim Graii dixerunt nomine Aortam:
Contiguis pariter labuntur fluctibus ambæ,
Et socios ambæ spargunt per corpora ramos.
Hanc HARVÆUS, & hanc oculisque animoque remensus,
Fortè Cavam primò tenui complexus habenâ,
Amplum intercludit filo cohibente canalem,
Obsēpitque vias. Atque hîc, (mirabile visu!)
Qui propior cordi sanguis dilabitur ultrò
Cordis in auriculam, depletaque sanguine vena
Concidit, & vacuas jungit sine flumine ripas.
Qui verò excelsâ vitæ distabat ab arce'
Longiùs, astricto præclusus stamine, cœptum
Sistit iter, magnoque attollit vasa tumore:
Dissentas tunicas, & claustra obstantia pulsat,
Implicitos nequicquam ardens perrumpere nexus.
Postquam hæc HARVÆUS solerti mente notârat,
Ipse manu nodos, & vincula linea solvit.
Tum subitò emissus per mota repagula sanguis
In patulas cordis cellas, & testâ refertur.
Hæc ubi visa seni, mul'ùmque expensa sagaci,
Arripit ingentem, vinc'loque innectit, Aortam:
Omnia nunc diversa videt; nunc altera surgit
Naturæ facies. Nam quâ longissima vena
Perplexos ultra nodos porrecta jacebat,
Mollior elapso flaccescit sanguine; sed quâ
Interiorius spectat, cordi conjuncta sinistro,
Dura riget, succoque superveniente tumescit:

Alla-

Allabensque liquor, spatiis conclusus iniquis,
 Æstuat introrsum, vitalemque ampliat orbem,
 Et propè disrupti intendit retinacula cordis.
 His etiam rite expensis, simul omnia circum
 Laxat vinc'la senex; magno simul impète sanguis
 Emicat, & pronò decurrit concitus amne:
 Corque vices peragit, renovatque arteria pulsum,
 Quantum efferre valent moribundi languida membra.

HARVÆUS, qui cuncta animo securus obibat,
 Constitit attonito similis, paulúmque moratus,
 His tandem adstantes dictis affatur amicos.
 Vos, quibus alma salus curæ est, qui sacra medentúm
 Pocula miscetis; quorúmque potentibus herbis
 Fata retardantur, miserumque extenditur ævum;
 Accipite hæc, animis memoresque recondite vestris;
 Et veras demum vitæ cognoscite causas.
 Dissimiles venæ varios formantur in usus;
 Hæ primùm acceptos pleno de corde liquores
 Carnibus instillant, & toto corpore miscent;
 Regressos illæ in cordis penetræ refundunt.
 Principiò sanguis, fonte eluctatus ab uno,
 Conjungit vires, & magno flumine fertur;
 Pòst autem in rivos scindit sese usque minores:
 Tunc iter obscurum ingrediens, cæcosque meatus,
 Exiles venarum apices, & parvula lentus
 Vasa subit, majora petens; & semper eundo
 Auëtior, immensus redit in præcordia torrens.
 Nam velut irrigui fontes, fluviique minores
 In Thamefin leni deducunt murinare lymphas;
 Ille novo fluëtú, & lato spatiosior alveo,
 Crescentes undas sinuoso in Nerea tractu
 Promovet, ingentique impellit flumine Pontum:

Haud aliter summo rediens è corpore sanguis
 In tenues primùm venas, parvosque canales
 Insinuat sese; subitò majora redundans
 Vasa petit; tandem collectos undique rivos
 Inque Cavam cogit, ripisque coerces eisdem.
 Illa gravis tumet, & refluxo distenta liquore
 Partem oneris ponit, cordisque eructat in oras.
 Quod, simul ac sensit venientis pondera succi,
 Tenditur, & rigidum, & massâ majore gravatum,
 Omnibus insurgit fibris, multâque potens vi
 Sanguineum amplexans laticem constringit; at ille,
 Quâ data porta, ruit: pulmonem protinus omnem
 Proluit, &, tetrum exhalans de pectore fumum,
 Æthereâ nimium fervorem decutit aurâ;
 Atque inspirato vitales aëre flammæ
 Suscitât, & raptim cœlesti accenditur igne.
 Tum nitor effuso redit, & nova gloria, succo.
 Jamque sinum cordis lævum fulgentior intrat;
 Atque inde in vastam magnâ vi pulsus Aortam
 Profilit; illa ictu distenditur, & simul omnes
 Expansi toto subsultant corpore rami.
 Sanguinis hoc iter est, atque hæc via regis vitæ:
 Perpetuis agitur gyris membra omnia circum;
 Atque iterum in venas, iterumque in corda recurrit:
 Itque, reditque viam, celerique reciprocus æstu,
 In sua conversus vestigia volvitur amnis,
 Atque indefessum peragit circumfluit orbem.
 Hunc motum, hos cursus innexa, solutaque vena
 Monstrat, & extantes diversâ in parte tumores.
 Non etenim instabili fertur pede mobilis humor;
 Ut levis Euripus dubiâ revolubilis undâ:
 Sed certis semper gradibus pergitque, reditque.

Nam qui perluto veniunt è corpore succi,
 Promptior his in cor lapsus, via tuta patescit :
 Sed refluvis validum opposuit Natura tridentem,
 Et ternâ clausas munivit cuspidè portas.
 Quisque è compresso pelluntur corde liquores,
 Exitus his facilis datur ; at remeantibus obstant
 Claustra, & lunatæ stantes in limine valvæ.
 Verùm hæc ipse equidem modicis conclusa libellis
 Expediam ; atque alias rationes insuper addam ;
 Cur medicus, leni constringens brachia nexu,
 Cùm gravis accensas populatur flamma medullas,
 Inferiùs venam secet, & quâ proxima carpo est :
 Quid faciat nodos varicoso in poplite ; quidque
 Sanguinis impediat subitum per prona relapsum ;
 Pluraque purpurei laticis monstrantia cursus.
 Tum genitale arvum, & vitæ primordia pandam ;
 Ut genus humanum, pecudesque, & cærule monstra,
 Cuncta ovo exorta, & puncto saliente creata.
 Nec nostram effugient, quantumvis parvula, curam,
 Quæ miranda magis, subtili texuit arte
 Natura, & primùm adductis prorepere fibris
 Jussit, mox pictis volitare per aëra pennis.
 Forsitan hæc etiam, non multùm ingrata, docebo ;
 Ni mea crudelis compilet scrinia miles.
 Nam mihi nescio quid lævi mens ægra minatur ;
 Arma procul video, & fulgentes ære catervas.
 Quæ rabies animi, quæ tanta insania cives
 Perculit ingratos ; atque in fera prælia raptat
 Felices nimium, CAROLO regnante, Britannos ?
 Hei mihi ! quas clades, & quos inimica tumultus
 Fata parant ! cerno stagnantes sanguine campos,
 Cognatasque acies alternâ cæde rubentes.

Quid

Quid sibi vult Styge prorepens Confessus ab imâ,
 Diraque regali perfusa cruore bipennis?
 Antè precor mors atra graves mihi condant ocellos,
 Quàm videam illius casus lacrymasque diei.
 Eheu! quam variis jactabitur Anglia fati!
 Principio in miseram immanis dominabitur hydra!
 Sed ferus obscœnum serpens caput exerit orco,
 Terrificos spargens oculis flammantibus ignes,
 Oraque sanguineis turpatus lurida guttis;
 Inque ipsam ruit ille hydram; & de sede supremâ
 Dejicit, & rursus tenebrosa in Tartara mittit.
 Mox aliam ipse hydram nocte, & pallentibus umbris
 Evocat; hanc subito, nec opino vulnere mactat;
 Atque indignatus Stygias detrudit ad undas,
 Sibila tentantem frustra, & capita ægra plicantem.
 Tum spoliis Divûm, folioque superbit eburno:
 Et tria squamigero sceptrâ impius arripit ore.
 Jamque novo lætus regno, rebusque secundis
 Exultat, vacuâque furens bacchatur in aulâ.
 Cogitur hic etiam infernas tranare paludes.
 Tum latebras tristes, atque horrida tecta relinquens,
 Erepat gracilisque, pigerque, & frigidus anguis;
 Sed, solo armorum sonitu tremefactus inani,
 In deserta fugit, cæcoque reconditur antro.
 Extemplo fœdis horrescunt omnia monstros;
 Qualia nec vastis sitiens alit Africa campis,
 Nec varius falso pascit sub gurgite Proteus.
 Harpyasque, hydrasque truces, verasque chimæras,
 Ignotasque olim species fœcunda ministrant
 Tartara, nocte atrâ, & densâ caligine tectas:
 Luctantes secum, atque in mutua tela ruentes.
 O Pater! O fessis tandem succurre Britannis!

124 MUSÆ ANGLICANÆ.

Et tot pressa malis, tantisque attrita ruinis
 Anglia duret adhuc; atque, omni functa peric'lo,
 Excelsum nitidis iterum caput inserat astris.
 Nescio quis gelidâ insolitus mihi fulgor ab Arcto
 Exoritur, dubioque illustrat lumine terras.
 Rarefcent tenebræ, victæque aquilone sereno
 Diffugiunt nubes; latum sol igneus orbem
 Attollit, totoque abscedunt æthere nimbi.
 Monstra, novis radiis subitæque exterrita luce,
 Horrendas sedes, & Tartara nota revisunt;
 Præcipitque fugâ in patrium referuntur Avernum.
 Fortunata dies! quibus exornare triumphis!
 Quos miseris tandem plausus! quæ gaudia portas!
 Deliciæ Angliacæ gentis, regumque propago
 CAROLUS alter adest, sceptrisque potitur avitis.
 Stant gemini circum fratres; ille aureus alter
 Gratanti ingreditur similis, tristissima nubes
 Alterius caput obscurâ ferrugine cingit.
 Regale ambo latus stipant: hic pergit in urbem
 Clamores inter lætos, & vota suorum;
 Hunc sequitur pax alma, & pleno copia cornu,
 Et pietas, & prisca fides, & gloria rerum,
 Quæ neglecta diu, pedibusque obtrita jacebat,
 Relligio, antiquum sumit rediviva nitorem,
 Coelestique iterum affulget placidissima vultu.
 Quid non efficiat tanti præsentia Regis?
 Illius auspiciis doctorum illustre virorum
 Concilium accitur; totoque ex orbe frequentes
 Conveniunt, iisdem succensi pectora curis:
 Quisque suum pulchrâ caput obvincire coronâ
 Ardet, & audaci palmam decerpere dextrâ.
 Namque animum exacuit favor; & sub Principe crescit

Laudis

Laudis amor, studiisque accenditur æmula virtus.
 Neve inimiciæ tali in certamine. Sed quis?
 Ille quis est claro divorum sanguine cretus,
 Quem scriptis, factisque, admirandisque repertis
 Insignem nobis mittit glacialis Ierne?
 O quanta! & quæ turba virûm comitatur euntem;
 Cumque ipso parili gestit procedere gressu!
 Omnes ingenio præstantes, artibus omnes!
 Non tot Cumæo folia abripiuntur ab antro,
 Atque abrepta levi volitant ludibria vento:
 Non tot Cecropiæ, depastis floribus Hyblæ,
 Autumno glomerantur apes, cùm rauca resultant
 Æra, & cæruleus resonat tinnitibus æther.
 Neve illi tenues, dubiâque ab origine formas,
 Argutæque secant nugas; sed pondera rerum
 Solliciti tractant, Verique cupidine tacti
 Singula pertentant; certatim nobile semper
 Fervet opus; magnoque evolvunt cuncta labore.
 Quicquid in immensi jactatur limite mundi;
 Quicquid pontus habet, quicquid spirabilis aër;
 Quicquid terra parens summove in cortice gestat,
 Aut imis occultat inexplorata cavernis;
 Nil illi præclusum, intentatumve relinquunt.
 Omnia rimantes, felici indagine multa
 Inveniunt; aliisque investigata refingunt
 In melius. Quæcunque olim ter maximus **Hermes**
 Tentavit, quoties caluit Memphitica fornax;
 Quæque Syracusio descripta in pulvere vati,
 Barbarus immiti abruptit problemata ferro;
 Quæque ignarus adhuc causarum viscera vidit,
 Dum frustra inverfis extis inhiabat aruspex,
 Venturam exquirens sortem, mentemque deorum:

Illi quotidie versant, animoque manumque
 Omnia scrutantes; illis Natura reclusas
 Pandit opes, neque se nebulis obscura recondit.
 Illi concretas moles, & corpora dura
 Igne domant, subitoque sua in primordia solvunt:
 Et lunæ, solisque viam, & labentia cælo
 Sidera describunt radio, & quibus orbibus errant
 Terribili horrendum rutilantes crine cometæ.
 Serpentes atros, pisces, genus omne ferarum
 Arte secant summâ, & spirantia membra revolvunt;
 Fibrillas omnes, & vasa minutula quærunt.
 Atque illis nostrum si fors superare laborem
 Contigerit, mihi jucundum est & amabile vinci.
 Conscia mens recti sibi gaudet; splendida nunquam
 Facta premit, minimûmque alienis invidet ausis.
 Hos fama ad Superos fulgentibus evehat alis;
 Nos quoque posteritas aliquo signabit honore,
 Qui primi cordis certâ rate findimus æquor,
 Ignotosque olim vitæ tranavimus amnes.

TALIA fatidico senior de pectore fundit.
 Interea diris animal cruciatibus ægrum
 Immanes patitur secto thorace dolores.
 Cor tamen ad solitum accingit sese usque laborem,
 Et validis primùm, & crebris micat ictibus; at mox
 Segniùs, & raro respondet verbere; Pulsu
 Ancipiti tremit, atque incertâ fluctuat undâ;
 Tum fatis victum cadit, immotumque quiescit.
 Ferreus abscondit morientia lumina somnus,
 Horrentesque rigent artus, calor ossa relinquit.

HARVEIDES animo pervolvens cuncta, canemque
 Exanimem spectans; Quò te, inquit, fata tulerunt?
 O mihi si raptum in lucem revocare liceret,

Et fugientem animam gelidis infundere membris !
 Sed prohibent Parcæ, & nullo jam carmine manes
 Fleſtendi: vel ſi tantum medicamina poſſent ;
 At me iræ Superûm terrent, & Apolline natus
 Fulmineo extinctus jaſtu. Quid nunc tibi tandem
 Pro merito egregio, & vitæ pro munere reddam ?
 Nec tu deſunctus planctu lætabere inani ;
 Nec tua ſolabor pretioſo fata ſepulchro :
 Iſta levem culicem vano ſplendore coronent,
 Quem brevis ingrati paſtoris ſuſtulit ira ;
 Formicamve vagam, quam incautam ſuccina gutta
 Implicuit, pinguique revinctam rore peremit.
 Major honos tibi debetur, tibi gloria major.
 Namque tui generis Procyon, & Sirius ardens,
 Inque domos Superûm, & ſtellantia teſta recepti :
 Quin tu etiam æthereas conſcendas tertius arces ;
 Tu quoque cœleſtes inter numerabere flammas,
 Sublimique procul radians fulgebis in axe.
 Neve canis veſtro in cœlis formoſior aſtro
 Ullus erit; non qui rabioſo fidere toſtoſ
 Urit agros, non qui leporis veſtigia latrat.
 Nam neque lethalem in terras jaculaberis ignem,
 Inducens hominum generi morboſque, famemque ;
 Nec fata, nec pecudes inſano fervidus æſtu
 Extingues: ſed læta tuo, & ſtævientia culta,
 Atque ſalutiferas herbarum lumine vires
 Augebis, floresque in prata virentia ſparges.
 Ignibus innocuis, & amicâ lampade mundum
 Luſtrabis, medicasque, haud nunc inglorius, artes
 Æternâ, placidâque nitens moderabere flammâ.

HÆC ubi dicta; omnes, ſua quiſque in teſta, recedunt,
 HARVÆI famam ac laudes ſuper aſtra ferentes.



CURSUS NOVI FORI.

I.



UO me clientem, Musa, rapis tuum?
 Aut quas ad oras ludicra nescium,
 Montesque percurrrens & urbes
 Aërio vehis alta curru?

II.

Fallor, vel alto pensilis aëre
 Molem propinquam nubibus arduis,
 Urbemque devotam Tonanti
 Intueor, rutilasque turres.

III.

Fallor, superbi vel juga turgida,
 Et saxa cœlo conspicio æmula,
 Rupesque præruptas Olympi,
 Et patuli spatia ampla dorsi.

IV.

Quis clamor urget? quis sonus advolans
 Obtundit aures, & properantium
 Immiscet hinnitus equorum
 Murmuribus strepituque turbæ?

V.

Quæ scena vasto panditur æquore?
 Gaudetque longo debilis otio
 Delecta per campos juvenus
 Herculeos renovare ludos?

VI.

Ecquis superbo cingitur agmine,
 Altusve curru fertur in aureo?
 Quem totus exceptit tumultus
 Lætitiâ properoque plausu?

VII.

Rursusne currum Chromius occupat
 Auriga celsus, loraque concutit,
 Metamque devitare cautus
 Per medium ruit ales æquor?

VIII.

❶ si reversus Pindarus afforet,
 Paulum relictis Elysii plagis,
 Hic grande conamen, paremque
 Materiem reperiret arti!

IX.

Hic siste cursum, Musa, nec utere
 Laxis habenis: Nil melius videt
 Vel Phœbus Eoas relinquens,
 Hesperiasve aditurus undas.

X.

Sic fatus, hæsi; Musaque protinus
 Immota fixas continuit rotas,
 Et mollè subridens amicas
 Purpureo dedit ore voces;

XI.

Non celsa spectas oppida Græciæ,
 Latève notam conspicias Elida,
 Solenne nec festum Tonantis,
 Nec patuli scopulos Olympi;

XII.

Sed læta faustæ regna Britannia,
Atque auspicatas aspicias insulas,
Murosque sublimes & arva
Neiofori, fluviumque Cami:

XIII.

Nullis secundus qui fuit amnibus;
Ni cedat almæ fluctibus Ifidis,
Torrente quæ sacras Camœnis
Oxoniam lavat amne ripas.

XIV.

Quin surge tandem, versibus & vagis
Describe miram quadrupedum fugam;
Nec segnis exora Camœnas:
Materies creat ipsa vatem.

XV.

Sublimis alto Pegasus aëre
Fecit poëtas; dum levis avolat,
Vel solus agnovit caballus
Pierios aperire fontes.

XVI.

Vix Musa pressio conticuit sono;
Volvo per agros lumina sedulus,
Et munus exolvere receptum,
Obsequio properans fideli.

XVII.

En! ut superbos agmen equestrium
Tentat caballos, impatiens moræ,
Luctæque præludens futuræ
Fræna quatit manibus remissa!

XVIII.

Jam rauca primo tympana murmure
 Passim vagantes quadrupedes vocant ;
 Clangore jam suadent secundo
 Præcipiti celerare cursu.

XIX.

Certamen æquum tres ineunt pares,
 Et lora solvunt, protinus evolant
 Omnes, & effusi feruntur
 Carcere, corripuntque campum.

XX.

Nunc ille, nunc hic prævenit æmulus,
 Nec certa parti fors favet alteri,
 Arrecta sed laudum cupido
 Ancipitem facit æqua cursum.

XXI.

Stat fixa longè meta celetibus
 Altâ revulsus ramus ab ilice,
 Umbramque diffundens amœnam,
 Et viridi placidus colore

XXII.

Invitat omnes : huc pede fervido
 Tendit caballus, huc oculos eques
 Advertit intentos, equumque
 Urget adhuc stimulis anhelum.

XXIII.

Talis, fereno dum nitet æthere,
 Arctos perito cognita navitæ
 Spectatur immotè, ratemque
 Auspiciis regit una certis.

XXIV. Jam

XXIV.

Jam Diva tandem lubrica destitit
 Mutare partes: impiger æmulos
 Præcessit indefessus alter
 Quadrupedes, tenuitque metam.

XXV.

Cur non olivam crinibus applicat
 Pro more victor? Quis nova præmia
 Indixit, Alcide, tuasque
 Ausus erat temerare leges?

XXVI.

Dixi, nec ultrà Musa silentio
 Vocem repressit, protinus inscium
 Affatur arridens, & infit
 Ambrosiis Dea pulchra labris.

XXVII.

Qui jura sanxit, quid vetat editas
 Mutare leges? Is nova præmia
 Assignat Autor, qui Britannos
 Imperio regit unus æquo:

XXVIII.

Qui tot triumphos vincere Chromii
 Possit vel uno; dum properantium
 Attentus immensos labores
 Laude vehit pretioque signat.

XXIX.


Cernis benigni munera principis,
 Cernis metalli pocula divitis,
 Cælata mirandis figuris,
 Et nitidis pretiosa gemmis?

Hæc sunt, olivam quæ superant tuam;
Quæ donat ipso non minor Hercule;
Qui ducit à cœlo decusque
Et sobolem genitore Divo.

Honoratiss. LEOPOLDUS-WILHELM. FINCH.
Ex Æde Christi.



ITER OCCIDENTALE.

 Urmura LONDINI, fumum nubemque sonoram
Linquimus, innubemque diem cœlumque serenum
Haurimus, cœlo jam liberiore potiti.
Urbs fugitiva latet nebulâ, quam fecerat ipsa.

Descendit PAULINA ÆDES Acheronta sub imum
Merfa, suo Domino similis quæ vertice quondam
Ardua supremi seriebat sydera cœli.
Fixa diu PETRI sublimia Tempia recedunt,
Et sese obscurâ condunt fugientia nube.
Credideris terrâ merfum vanescere PETRUM,
Qui quondam irato cœpit subsidere ponto.
Abripimur fervente rotâ, currûsque quadriga
Æmula PHOEBEI occiduas festinat ad oras.
Flagra sonant; auriga tenens undantia lora
Notâ voce hortatur equos: hi colla jubaſque
Attollunt, pronoque effuſi pectore ventos
Diſpeſcuntque, ſecantque, implentque hinnitibus auras,
Et campi latè curſu rapido æquora verrunt.

Lustramus dum cuncta, en! monte emergit ab alto
VINDSORIÆ sublimis apex, longèque coruscat,

Pandit

134 MUSÆ ANGLICANÆ.

Pandit & undatim fluitantia aplustria, visus
 Bello sollicitare Notum, cœloque minari.
 At, dum suspicimus vicino è tramite, surgit
 Grandior, & cœlum crescenti vertice pulsât:
 Dumque avido sequimur surgentem lumine molem,
 Aufugiens intrat nubes, oculosque sequentes
 Ludit: Sic Divûm majestas, nescio parvo
 Limite compingi fugit, & frustratur hiantes.
 Prætereunte sacras ubi curru rasimus Arces,
 Descendunt, sensimque cadunt, & nube relictâ
 Dignantur summos apices demittere: tandem
 Eripiunt oculis medii fastigia montes.
 O mundi fluxi vanum decus atque caducum!
 Quàm citò vanescunt excelsa Palatia Regum!
 Quàm subitò Heroum pereunt monumenta! trophæa
 Tot Regum nobis cur eripit invida nubes!
 Felices una & miseros nos fecerat hora.

Pergimus. Occurrit THAMESINI fluminis unda,
 Obliquoque vias hinc lapsu dividit atque hinc:
 Sed superimpositus callem pons jungit utrumque.
 Urget equos Auriga; Æthon ascendit anhelus,
 Et pontem superat: Currus volat ocyor Euro
 Sublimis; pontem quatit, & tonat ungula equorum.
 Haud aliter quondam tremefecerat ELIDIS urbem
 SALMONEUS, curru sonitus imitatus Olympi.
 Mirantur nimbumque novum & nova fulmina Nymphæ:
 Diffugiunt undæ attonitæ, pontisque per arcus
 Fluctu præcipiti properat conterritus amnis.
 Hinc dum fertur ovans glomerato pulvere currus,
 Latronum latebrâ & Sylvâ deprendimur atrâ:
 Claudit Sylva viam hinc atque hinc horrentibus umbris.
 Automedon trepidat, lateque undante flagello

Insolat,

Infonat, & cursu propera, inquit, Xanthe, citato,
Cunctantemque ex hæc Labyrintho evolve quadrigam.
Sic ait: ingeminat vocem resonabilis Echo,
Verberaque ingeminat: geminataque verbera Xanthus
Auribus arrectis haurit, geminumque minari
Automedonta putat; spissas volitatque per umbras
Et noctem nemoris, tandemque emergit ab imâ
Nocte oriens, lucemque elatis naribus efflat,
Luxuriatque jubeis, & aprico pulvere ludit.

REDDINGAM petimus: fessos hîc admonet hora
Interjungere equos, placidæ & dare membra quieti.
Hîc rudium squalet lapidum deformis acervus,
Qui fuerat Delubrum ingens, æquataque cœlo
Moles. Excutimus lapides, & pulvere mersos
Rimamur titulos nequicquam; quippe ruinæ
Jam periêre ipsæ. Patrum monumenta priorum,
Reliquiasque, crucesque, cucullosque, incola, putres,
Et monachos calcare vetat; resiliamus, ut anguem
Calcantes: monstrat pendentia fragmina muri;
Nos cauti fugimus, nè saxa minantia sese
In nos præcipitent nostros ultura cachinnos.

Postera cœlum aurora croco vicinaque spargit
Culmina; jungit equos refides auriga; movemur
Ad NEOBURGENSEM, quâ se via porrigit, urbem.
Defessi comites hîc unam fallimus horam
Civilis belli historiâ: procedimus unâ,
Diraque sanguinei sequimur vestigia Martis.
Armato hîc CAROLUS complebat milite campos,
Illic tendebant (voluêre itâ fata) Rebelles.
Arcis adhuc fragmenta manent miseranda, minæque
Murorum ingentes, belli monumenta nefandi.

MARLBURGUM petimus: Collem hîc conscendimus arte
Mirificâ

136 MUSÆ ANGLICANÆ.

Mirificâ aggestum, viridis quem semita cingit
Tortilis, à radice ad summa cacumina serpens :
Haud aliter sese contorquet lubricus anguis,
Gyro multiplici quum circùm amplectitur ulmum.
Longas emensi ambages in vertice clivi
Sistimur, ambagesque reteximus, & Labyrinthi
Incautos iterùm fallit remeabilis Error.
Ut surgens poteras non ascendisse videri,
Sic quoque descendis nondum descendere visus.
Hisce dolis instructus & hoc stratagemate, nubes
Opprimis incautas, incautumque opprimis orcum.

Quà sit eundum, Aurora viam jam tertia signat.
Per spatiosa levis rota labitur æquora campi.

Ad THERMAS tandem per rupes, monte relicto,
Præcipites ferimur : gemit axis, poplite XANTHUS
Succusso titubat, currusque huc ebrius atque huc
Nutat & incumbit, quà rupes trudit & urget.
Hic ego dimitto socios, THERMASQUE relinquo,
Et mitem Phlegethonta salutiferamque Mephitim.

Te, MENDIPPE pater, præcinctaque nubibus ora,
Horrentesque genas, armataque pectora plumbo,
Visurus propero, ANDRÆÆ Templumque vetustum,
Quod tu defendis gremio, occultasque, fovesque,
Incumbisque, arcens Eurum Boreamque nivalem.
Jamque bibo Fontesque tuos, undamque perennem.

Castaliâ latices hos pota, Musa, relicta,
Labraque, si sapias, meliori prolue Fonte.

ROB. CREYGHTON, D. D. Coll. Trin. Cant.





In Adventum REGIS Oxon. 1681.

I.



QUALIS gigantum viribus æmulis
 Infensus olim Jupiter edidit
 Regale decretum, Deosque
 Æthereâ glomeravit aulâ:

II.

Huc te citatum, Bacche pater, tuæ
 Vexêre tigres passibus impigris,
 Excussa nequicquam coactæ
 Indocili juga ferre collo;

III.

Huc tendit atro pulvere sordidus
 Mavors, caballis raptus ab igneis,
 Dextrâque fatali cruentam;
 Gestat adhuc metuendus hastam;

IV.

Huc Phœbus axem torquet eburneum,
 Passuque claudo Mulciber, & pater
 Saturnus, accitisque tandem
 Numinibus, volat ales Hermes;

V.

Talem Senatum, Præsides CAROLO,
 Miratur Isis; dum, celeri ruens
 Torrente, dilectas Camœnis
 Oxonii lavat amne ripas.

VI. Miratur

VI.

Miratur omnes hîc simul ordines,
 Quos auspicatæ terra Britannia
 A fæce distinguit profanâ,
 Et titulo potiore signat.

VII.

Huc egit, æquo fœdere, publicum
 Discrimen omnes; dum studet arduam
 Regni laborantis salutem
 Egregius stabilire cœtus.

VIII.

O! si secundo numine cederent
 Privata causis commoda publicis,
 Totusque certatim Senatus
 Consiliis ageretur æquis!

IX.

Immotus artes CAROLUS hostium
 Vanasque tutus despiceret minas;
 Et pacis & belli bilances
 Arbitrio regeret fideli.

X.

Non civium ardor prava jubentium,
 Non falsa rupto fœdere Gallia,
 Non Papa securam molestus
 Rumperet infidiis quietem.

XI.

Sed fausta talem fumeret Anglia,
 Qualem, Monarchâ lætior advenâ,
 Pompâque regali renidens,
 Induerat Rhedycina vultum:

XII.

Quæ jam, recepti conscia Principis,
Cœlo superbum tollere verticem,
Celfoque sublimis triumpho
Finitimis dare jura terris

XIII.

Regina cœpit; viderat æmulas
Certare turres, quæ magis aurea
Fulgeret, atque augustiore
Exciperet dominum apparatu.

XIV.

Se vincit, & jam clarior emicat
Moles scholarum nobilis; auspice
Fundata quæ quondam JACOBO
Lata sinu recipit STUARTUM.

XV.

Ast inter omnes altior eminet,
Quæ destinatur consiliis Patrum,
Dum pompa conventûs superbam
Luce novâ decoravit aulam.

XVI.

Vagos planetas vidit, & ætheris
Hic olim inertes Astronomus vices,
Et furda nequicquam peritâ
Sidera sollicitavit arte.

XVII.

Jam fata regni veriùs explicat
Bellique causas, mystica CAROLUS
Arcana fatorum resolvit,
Et sapiens dominatur astris.

XVIII. Ille,

XVIII.

Ille, ut superbo Jupiter agmine
 Cinctus Deorum, sæpius Ifidis
 Invisit undas, & fluenta
 Jam Thamefis potiora lymphis.

XIX.

Juxtâque nostri clarior emicat
 Juno Tonantis; quam Venus aurea,
 Longusque Musarum triumphus,
 Et Charitum comitatur ordo.

XX.

Quocunque tendunt, induitur novam
 Natura formam, Floraque pascuo
 Miratur agresti virentes
 Sponte suos properare fœtus.

XXI.

Vel testâ quiddam majus & amplius
 Mutata præstant; hîc quasi CAROLUS
 Palatium præsens creâsset,
 Artificis superans labores.

XXII.

Talem recepto Numine viderat
 Baucis tabernam; dum stupuit nove
 Splendore perfusas columnas,
 Et rutilo nitidas metallo.

Honoratiff. GEO. COMPTON, ex Æde Christi.



MAURUS ADVENA.

I.

PORTENTA MAURI barbara climatis
Mendax vetustas narret & augeat,
Quà monstra fœcundans adustam,
Phœbe pater, generas arenam.

II.

Fingat colubros, corpore squalido
Vastoque rictu, fingat & incolas
Gestuque ferales & ore,
Atque suæ nova monstra terræ.

III.

Indocta falli nos meliùs docet
Verique cultrix experientia;
Quæ novit errorum recessus
Et veteres aperire fraudes.

IV.

Longum ferocis senserat Africæ
Tingis furorem; totaque bellico
Obsessa portas apparatu
Par geminis stetit una regnis.

V.

Vis inde, virtus hinc prior, arduum
Rivalis iræ distulit exitum;
Dum MAURUS occisam cohortem
Angligenûm, legione pensat.

VI. At

VI.

At quæ peremptum longa TRELAUNIUM
 Tacebit ætas! qui, Decio parem
 Sortitus in bello ruinam,
 Morte suâ stabilivit urbem.

VII.

Hæc ut superbi MAURUS in arcibus
 Audit Palatî; Frustra (ait ingemens)
 Cum Gente certamus Britannâ,
 Illa meos moriendo vincit.

VIII.

Nil Marte agendum; fœdera fanciam,
 Pacemque pangam: munera certiùs
 Præstabit & partes amici,
 Quisquis agit metuendus hostem.

IX.

Legatus altæ per proceres notæ,
 Ipsique regi sanguine proximus,
 Suscepit oblatos honores,
 Magnâ equitum comitante pompâ.

X.

Ut primùm ad oras appulit Angliæ
 Pacis minister, confluit undique
 Vulgique mirantis tumultus,
 Et potior procerum corona.

XI.

Mirantur illi non solito modo
 Hæcere vestes; nudaque brachia,
 Arcumque pendentem & pharetram
 Præpetibus gravidam sagittis:

XII.

O: hi verendum membraque nexibus
 Compacta firmis, lumina fervidis
 Armata scintillis, in agmen
 Omne suas jaculata flammæ.

XIII.

Talis cruento pulvere fordidus
 Mavors, caballis concitus igneis,
 Bellumque feralemque cladem
 Threiciis meditatur agris.

XIV.

Quid si, perustâ natus in Africâ,
 Vicina solis passus & oscula,
 Subfuscus evadat, Deique
 Ore nigras imitetur umbras?

XV.

Ast hinc latentis plenior ingenî
 Et perspicacis vis animæ fluit,
 Dum magna sublimes furores
 Mens agitat propiore Phœbo.

XVI.

Quin & sagittas, auspice Delio,
 Tractare miris noverat artibus;
 Vicisse vel Phœbum putares,
 Atque Dei subiisse partes.

XVII.

At quis regendi quadrupedes Deus
 Indulsiit artem! cernis, equi jugo
 Ut hæret immotus, remittens
 Lora, supervacuumque frænum?

XVIII. Fallor,

XVIII.

Fallor, vel, olim per Libycos agros
 Venatus, artem te docuit suam,
 Miroque donavit caballo,
 Quadrupedum domitor Gradivus.

XIX.

Talis suorum celsus in agmine
 Fertur superbo fœderis arbiter,
 Litesque componens fideli
 Implicuit duo regna nodo.

XX.

At quem secundum conspicio? altiùs
 Turbam inter omnem splendet Apostata,
 Quem Musa dicendum perosa
 Ægra filet, refugitque luctu.

Honoratiss. H. MORDAUNT, ex Æde Christi.



In Obitum Inviçtissimi Principis

HENRICI, R. JACOBI I.

F I L I I natu maximi.



LEMUS opes Britonum fractas, tristesque
 cadentis

HENRICI cineres, & lamentabile fatum:

Tu modò, quicquid adhuc de tanto funere restas,

Fortunata anima, atque ingentis nominis umbra,

Respice fidereis è sedibus, & cape luctus,

Quos

Quos tibi nunc tumuloque tuo, pia turba, frequentes
Mittimus, & meritos cineri libamus honores.

VERUM ô, quis tantos fando æquiparare dolores,
Quisve tua infelix poterit lamenta referre,
Anglia? sic te olim, meritò augustissime Princeps,
Amissum te, EDUARDE, tuosque, ARTHURE, supremos
Deflevit manes; sic in tua funera, ELIZA,
Ivit, fracta animo, atque ingenti squalida luctu.

TUQUE etiam, miseranda parique accensa dolore,
Scotia, turbaris, gembundo & pectore clamas.

“ Anglia, redde mihi, non sic tibi credita, redde
“ Pignora:” nos, humilem in terram dejecta ferentes
Lumina, nil contrà: taciti simul agmina tantùm
Miscentes, socias lacrymas, sociasque querelas
Jungimus, & misti clamorem ad sidera latè
Tollimus ingentem: miseris tu testis utrisque,
Tu, Tueda, Arctoos inter celeberrime fluctus,
Tueda, Caledonios qui nostris dividis agros.
Ipse etiam obscuris multùm gemuisse sub antris
Diceris; ac imis clamârunt Naiades undis,
Orcades extremis et montibus exulârunt.

O dolor! O virtus! oculis quis flumina nostris,
Quisve dabit capiti fontes? Te, HENRICE, peremptum,
Te flemus, Te, triste caput: Te, HENRICE, vel ipsi
Romæ, vel duris miserandum funus Iberis.
Te, Princeps, casumque tuum mox Indus uterque
Accipiet, Libycique, &, inhospita pectora, Parthi,
Accipient: lacrymisque insuetis ora rigantes,
Clamabunt, “ O digne Puer, cui longior ætas,
“ Cui cœlum, & series factorum mitior esset!”

NON Te expirantem Nymphæ spectare, nec ipsi
Te Satyri potuere, aut, rustica numina, Fauni:

146 MUSÆ ANGLICANÆ.

Aspicias, ut fugiunt Nymphæ per lustra ferarum
Obscura, ignotasque vias, desertaque; sylvæ
Non illis fiunt, non illis flumina curæ.

THAMESIS ipse diu mediis exterritus undis]
Restitit infelix, &, ne quid tale videret,
Avertit cupidè fluctus, atque edidit imis
Flebile murmur aquis: sonuerunt flebile ripæ.
Illum solantur non centum in flumine cygni,
Quos vel candori dices certare nivali;
Non illum centum, quæ toto in littore surgunt,
Sidereæ turres, cœloque minantia tecta.
Tantum algas inter mœrens, ac densa salicta,
Luge, &, in lacrymas metuens ne flumina fortè
Deficerent, revocat cursum, oblitusque tributi
Rariùs oceanum repetit, fluctusque rependit.
At vos, qui Ætonæ colitis camposque virentes,
Frondentisque simul sylvas, felicia rura,
Dicite (vos & amant musæ, & vos carmina nôstis)
Dicite (vicino nam vestros alluit agros
Flumine) quos crebrò gemitus dabat inclytus amnis,
Edidit infelix quæ tunc lamenta sub undis.

INTEREA, Britonum terras quæcunque rigatis
Flumina felici tractu, huc advertite cursus,
Huc agite ô fluctus, vestris famulataque lymphis
Ne tanti pudeat partem vos esse doloris;
Nec tibi, Tueda, tuas nimium sit relinquere ripas,
Ac infelices nobis sociare querelas:
Sic tua ne posthàc infestent littora Phocæ,
Sicque peregrinos crescens bibat alveus amnes!
Et tu, Chame pater, cui doctæ semper ad undas
Mille canunt Musæ liquidas, ac mille Camœnæ,
Hic aderis, serosque unà comitabere ritus;

Sic tibi nec limus posthàc nec inutilis alga

Officiant, facilis sic fiat cursus, arenâ

Sicque viam sternant Nymphæ, & candente lapillo!

IPSE Tibi Oceanus, Princeps, meditatur honores,
Neptunusque pater; Tibi quicquid maxima latè

Æquora numen habent: trepidant per cærula regna,

Perque domos liquidas, Tibi dona extrema ferentes

Nereïdes, Nereusque parens: centum undique Nymphæ

Addunt se comites, & lata per æquora flores

Spargunt, clamoremque unâ cum murmure tristi

Attollunt: resonant clamantibus æquora Nymphis.

HEU miserande Puer! si quando fata dedissent,

Firmata ut virtus justo Tibi cresceret ævo,

Et Britonum regeres patriis virtutibus urbes;

Quæ Tua narraret tum ingentia facta stupefcens

Posteritas, feris venturaque tempora sec'lis?

En ultrò cedit Tibi Gallia, fracta vel ipso

Nominis auspicio, en ultrò devictus Iberus

Munera fert, ultróque Tuis famulatur habenis!

VIDIMUS ah quoties jam, Te domitore, patentem

Fervere equo campum, atque ipsum glomerare superbos

Nunc pedibus gressus, nunc altas surgere in auras!

Vidimus ah quoties prensantem fortiter hastam,

Quassantemque manu, & jam nunc adversa ferentem

Pectora pectoribus, trepidis Te assuescere rebus,

Imbibere & teneris etiam nunc bella sub annis?

Vidimus: & quantum speravimus affore rebus

Te nostris decus, & quanta hæc assurgere regna

Talibus auspiciis & tanto munere divûm?

Ast ô nequicquam nobis indulsumus olim

Felices divos, felicia sidera! fata

Obstant, ne tantisque foret nimis Anglica donis

148 MUSÆ ANGLICANÆ.

Terra potens; Te nunc (Princeps dignissime, quondam
 Spes Patris, patriæque decus, communis utrique
 Nunc dolor) eripuit nobis, & merfit acerbo
 Funere nigra dies, atque illætabilis hora.
 Implevit postquam nostras jam nuntius aures
 Infelix, ac fama fuit Tibi, maxime Princeps,
 Ingruere, & teneros artus depascere, morbum:
 Quos pro Te Superos in vota vocavimus omnes?
 Quas pro Te donis omnes cumulavimus aras?
 At frustra heu! Superos in vota vocavimus omnes,
 Et frustra donis omnes cumulavimus aras.
 Ergone Te æternus pallor, durique perennis
 Invadet lethi sopor, & cinis ater habebit?
 Dii superi, manes, & quicquid numinis usquam est,
 Infandum prohibete nefas! sic ire sub umbras
 Invisas finitis, cui vestri semper honores,
 Cui pietas, & amor semper justique bonique
 Curæ erat; & quisquam jam vestra (ignoscite, divi)
 Numina, vel stultè vestras colat irritus aras?
 Tuque etiam, ô dux astrorum, nitidissime Phœbe,
 Phœbe, decus cœli, qui terras lampade lustras,
 Aspicias hoc? & adhuc rutilis caput ignibus ardens
 Axe moves, nec dum viduatæ lumine terræ
 Nunc Phaëthontæas iterum metuere tenebras?
 Quàm mihi nunc Superos & fata laceessere, & acri
 Insanire libet versu! sed carmina curat
 Nec mea jam Superûm quisquam, nec inania vota.
 Ergo dies, qui Te quondam discrimine tanto
 Expediit, Te nunc infelix auferet idem?
 Heu miser, heu tantis nequicquam erepte peric'lis!
 Heu frustra vitata priùs tua, perfide Guido,
 Dextera, sulphureique doli, tormentaque cæca!

Et tamen hoc melius, cedentem leniter auris
 Exhalare animam, placidæque occumbere morti;
 Quàm si perjuræ vel Te vis impia dextræ
 Tolleret, occultæve artes, aut triste venenum.
 Hoc solum, hoc tanti casûs solamen habemus,
 Impia quòd de Te extincto non Roma triumphet,
 Infidusque suas non jactet proditor artes.
 Ipse Deus dedit hanc animam Tibi, & undique donis
 Ditavit tantis, ipse & deponere rursus
 Hanc animam jussit, positam placidoque recepit
 Ipse sinu. En ultro summi Tibi limen Olympi
 Panditur, occurrunt divi, veterumque frequenter
 Felices animæ, mirantur pectora, suaves
 Mirantur vultus: ultro procedit E L I Z A,
 Agnoscensque suum, pulchrâ tibi Nectara dextrâ
 Porrigit, ipsa novosque Tibi prælibat honores.

HINC Tu fortasse, ad nostros jam lumina tractus
 Convertens, omnes certantes undique cernes,
 Inque Tuos ritus properantes, donaque, tristes
 Heu! quæ extrema damus, tumulo & quas mittimus omnes
 Inferias, lacrymas, &, inania munera, versus,
 Cernes: & (Superi si forsan talia curant)
 Accipies placidè, & studiis lætabere tantis.

HEN. WICKHAM, *Coll. Regal. Cantab.*





In Obitum Augustissimi & Desidera-
tissimi REGIS

CAROLI II.

DII, quibus imperium terræ, quorum omine certo
Mortales regimur; (quibus indulgistis habenas,
Si cognatorum vos tangant funera regum)
Dicite, Cœlicolæ, cur nullum crine minaci

Exarsit fidus? cur nondum conscius æther
Iracunda deorum armamentaria pandit
Portenta, implevitque atro cœlum omne tumultu?

SACRILEGI en nuper præceps insania morbi
Debachchata sacrum CAROLI caput impete terris
Fulmineo eripuit; perque omnes pallida vultus
Mortis imago suos agit imperiosa triumphos.
Non sic Cæsareos tacuerunt sidera casus,
Sed mugire solum, sed per cava serpere murmur,
Complerique armis cœlum minitantibus augur
Attonitus stupuit; quanquam nec Julius astris
Charior, aut graviore ereptus turbine lethi.
Primus ubi in CAROLUM morbi gravis irruit æstus;
Intremuere artus, venturum dextera fatum
Horruerat, magicumque exussit pectora frigus:
Tum citò torpor iners, cæcæque oblivia noctis
Invadunt cerebrum, piceâ caligine sensus
Obducunt, gelidoque oculos sudore natantes

Nescio

Nescio quid densâ passim circumvolat umbrâ :
 Mens oppressa labat, gyroque fatiscit inani,
 Et consanguineo lethi jacet obruta somno.

AT pius interea frater cervice cadentem
 Excipit, inque sinu dilectum pignus amoris
 Nequicquam amplectens, iterumque iterumque vocato
 Ingemît, & lacrymas inter sic vocibus instat:
 Quò fronti divinus honos, & flammeus ardor
 Luminibus periit? quò torvi gratia vultûs?
 Certè haud talis eras, cùm felix Anglia Regem
 Spectabat reducem, cùm te per læta viarum
 Strata incedentem fusæ cinxere coronæ.
 Vix talem vidit, tibi cùm fidissima quercus,
 Latas densa comas, & multo vimine opacos
 Intertexta sinus, sacrâ caput occulit umbrâ.
 Quis tibi jam casus? quæ causa indigna tremantes
 Infecit vultus, corpusque exangue resolvit?
 Dic mihi; nam, memini, primæ olim flore juventæ
 Cùm tua, quâ rueres, prosterneret hasta rebellem,
 Præcipitemque immani agigaret turbine plebem:
 Te memini qualem felix Victoria vidit,
 Et lætum spoliis, & multo pulvere onustum.
 Fare ergo, obtestor per fratris amabile nomen,
 Per populi gemitus, per cæsi vulnera patris.
 Ille graves oculos, audito nomine patris,
 Paulatim attollit, corpusque acclive cubili
 Erigit; & longo vix tandem tempore fatur:
 Quis mihi delicias fugat, atque errantibus aufert
 Gaudia mille oculis? nuper mihi dulcis imago
 Exemit curis animum, invasitque solutum
 Sacra quies; longo jussit super æthera tractu
 Astra sequi, dederatque animam diffundere cœlis:

152 MUSÆ ANGLICANÆ.

Aërias latè valles, camposque patentes
 Fas mihi metiri, præsentiaque ora tueri,
 Majorum, patrisque sacros agnoscere vultus.
 Illi cœruleus supra caput emicat ignis,
 Flagrantisque nitor crines & tempora circum
 Ardescit; rutilo dum vultus sidere fulget,
 Immortale jubar spargens, & lucida tela.
 Ergo fata vocant; me fors æterna fatetur
 Numinibus deberi, atque annumerariæ astris.
 Te modò pacatum (nostri, Germane, labores)
 Te manet imperium, lætoque Britannia plausu
 Augurium spondet, sedatoque orbe triumphos.

DIXIT, & interea novus inspirâsse videtur
 Membra vigor, dubiusque salutis fluctuat æstus;
 Sæpe fugam simulat morbus, refluuntque vicissim
 Atque abeunt pariter vires. Sic, cum ultima lampas
 Jam moriens alimenta trahit, jubar illa coruscum
 Luce novâ vibrat, geminatoque igne refulget.

JAMQUE valescenti ruit inclementia morbi,
 Nox iterum gravis, atque oculos stupor urget inertes,
 Exitiumque ferens, & ineluctabile fatum.
 Qualis ubi armato stipatus milite victor
 Obsessos urget cives; si fortè repulsam
 Indignans patitur, citò præceps machina turrim
 Nutantem premit, & per summas volvitur arces
 Tempestas flammaram, atque igneus ingruit imber;
 Haud aliter pergit furor increbrescere morbi,
 Præcipitatque moras, horrendaque prælia miscet;
 Difficiles animam lites, rapidæque procellæ
 Vivacem elidunt; superas simul illa per auras
 Tendit, & æthereæ victrix latè imperat arci.

MUSÆ ANGLICANÆ. 153

SURSUM abit, atque altè gradiens super astra volenti
Hinc atque hinc populo CAROLUS dat jura; JACOBUS
Succedit terris, Anglorumque intonat orbi,
Unica spes patriæ, charum caput, & STUARTUM
Reliquiæ ingentes, ac dilectissima fratris
Pignora.

Talis Ledæos quondam concordia fratres,
Talis amor docuit (timidis sanctissima nautis
Nomina) perque vices regnare, æternaque sanxit
Fœdera, & alterni fatum inviolabile sceptri.

JOH. WHITFIELD, A.B. Coll. Merton.



GULIELMUS TERTIUS.

NYMPHA modis pollens numerorum, ô Diva
trophæis

Heroum comes assueta, & victricibus armis!
O Virgo Thymbraë! tuo si munere frondet

Laurea, Cæsareosque æternat palma triumphos:

Eja age, fertorum spoliis redimita, labores

Aggredere Auriacos; age, qualis prima futuram

Spes famam promisit; adulto scœnore messis

Quàm crevit fœcunda: ut sceptrâ Britannica tradunt

Patresque, Proceresque, & non ignobile vulgus.

NASSOVÆ soboli patrios avulsit honores

Ingratus Belga, & nascentem in vertice laurum.

Senferat hoc Juvenis, tacitusque in corde volutat,

Non sibi, sed Batavis metuens: subit ægra laborum

Belgia, & antiquæ vitanda opprobria fortis;

154 MUSÆ ANGLICANÆ.

Alvæ dira libido, jugumque immite Philippi.
 Tum verò immortalis honos, monumentaque famæ
 Auriacæ mentem accendunt; Fredericus in armis
 Sistit se coràm, exuviis & pulvere campi
 Lætus, sanguineus: qualis cùm sterneret ultor
 Spinôlam, tardosque ageret violentus Iberos.
 Inde pares stimuli, nec degener ira nepoti
 Ardescit corda inspirans; simulachraque fingit
 Martia, venturas miscens sub imagine pugnæ.
 Jam furit impatiens, atque illi conscius ætus
 Conceptique ignes gliscunt sub pectore, magni
 Argumenta animi: primis nam heroa sub annis
 Jupiter excudens, pleno latice imbuit haustum
 Æthereum, atque potenti indulfit munera flammâ.

PELLACI contrà fremit astu, & sibila jactat
 Devittana domus, dubiique incendia motûs.
 Hinc fractas labi vires, & Belgica fata
 Retrò inclinare, inversamque evolvier urnam.
 Arva premit Lodoicus, inexorabile ferrum
 Cum senibus matres rapit, & circum oscula fœtus.
 Quis tamen, ô Gradive pater, ruet obviis hosti
 Grassanti? ô veteres, ubi jam fiducia, Belgæ,
 NASSOVÆ semper genti debenda, ruentûm
 Præfidiis regnorum, & tutelaribus armis?
 Illo penè die cecidisti, Hollandia; vindex
 Sed prohibet GULIELMUS, & armis fervidus instat,
 Indignantque arcet Gallos: fortuna secundum
 Pandit iter famæ, & sceptri præludia sancit.
 Quis tibi Martis amor, Batavûm fortissime? quales
 Primitiæ armorum, juvenique incanduit ardor?
 Testor Ameronæ sylvas, lentoque fluentem
 Gallorum tabo Utrecam, gravidasque paludes.

Exundasse iterum graviori flumine visa est
Belgia, Neptunusque cruento horrescere campo.

QUID rursum NASSOVUS aperto Marte laceffit
Gallorum turmas? nusquam illi cominus hostis
Adversari audet. Durassius impiger alveum
Nunc Mosæ medium, pavidus nunc tranat Aderam :
Mox redit inter rura, & cæco calle sequentem,
Hærentemque fugit. Stricto sic ense viator
Infestum vicis, atque implacabile monstrum
Latronem urget: at ille ruit per devia saxa,
Perque lacus, dumosque, & eodem subdolos orbe
Acta refert vestigia; donec noctis amica
Aut favet umbra, aut fidè obscura silentia silvæ.

SED juxta Alphenam dum sævis, Galle, nivales
Et fossas super, atque adstrictas frigore moles;
Nequicquam solitos moliris lubricus astus
Artificemque fugam. Alarâ distantia glande
Terga premit GULIELMUS, agitque volatile plumbum,
Tum verò glacies, vastâ sub mole ruentûm,
Et gremium labefacta, & multo evicta cruore
Laxatur, patulâque gemit divulsa ruinâ.
Gallos singultantes, dicere multa volentes
Unda trahit refluens circûm; & quibus ira pepercit
Martia, corripit ulta, avidoque involvit hiatu:
Tum manè aspiceres (frigentibus undique stagnis)
Corruptamque nivem, & sœdum misto aggere frigus;
Arma aliena humeris concreta, atque ense minacem
Ignoto dextram: videas sparsum inde cerebrum,
Et putrem saniem stricto canescere fluctu.
Arcuâ aliis rursum compage, & robore firmo
Ossa gelu annectit: medio huic sub gutture collum
Interclusit hyems, & fluctus pendula subter

156 MUSÆ ANGLICANÆ.

Membra lavat, vinciasque caput supereminet undas,
Turpe & torvum inhians, manco ceu marmore vultus
Squallent Cæsarei; fulcis frons horrida, ruptæ
Fauces, arrectæque rigenti in vertice setæ.

QUI IN tu, NASSOVÆ proles verissima gentis,
HENRICÛM soboles, & ADOLPHI sanguinis hæres,
Abstineas bellis victor: satis imbre cruento
Florescit Laurus, satis ô tua tempora circum
Sudorque, & fumus commisto pulvere, fœdant
Impubesque genas, dubiam & lanuginis umbram.
Cinge comas hederâ; tibi nunc Hollandus avitos
Submittit fasces, immortalesque secures.
Nil ultrâ Lodoicus agit, nisi furta, rapinasque,
Et pretio spolia empta, inhonesti opprobria belli:
Sed luit ingentes pœnas, & damna rependit
Condeius: densas illi intra castra phalanges
Huc aggressus, & huc, GULIELME, impellis, & ipsum
Arduus evertis repetito turbine, septum
Silvarum latebris, magna & post valla latentem
Nequicquam: imbellis Gallo deferbuit æstus,
Et cessit brevis ira. Velut cùm pastor opaco
Aut saltu videt, aut exeso in pumice, vulpem;
Cuspide proruit indignantem, & dira rudentem
Instigans: multo prorepat faucius ictu,
Et plagâ stimulante hostis fugit; atra cruoris
Signa fluunt, memorique rubescit semita tractu.
Haud secus occulto serpit Condeius ab antro,
Et pariter confusæ acies. Sabia undique tabo
Arva tument, nemus & congesta cadavera sternunt
Vicinum: messe insolitâ vineta laborant,
Atque immaturum vestit nova purpura Bacchum.

ERGO jam pacem, Lodoice, & jura coactus

Arcta

Arcta petis, sanctâque adstrictum compede fœdus :
 Sed quid vinc'la subis, si te caligine circùm
 Indutum eripiet tenui subtilis amictu
 Aut dolus, aut robur ruptis immane catenis ?
 Ecqua fides Gallo, dum fraudem Ignatia pubes
 Vipeream inspirat, magicumque impune venenum ?
 O Batavis simul invisa, atque infesta Britannis
 Progenies ! fœcunda malorum ! præstet apertum
 Seu scelus ante aras manifesto & numine coram
 Moliri, aut sceleri fucatam intexere nubem.
 Ut patria, ut vestris exarserat Anglia flammis !
 Extremumque minata diem, quo conscia motu
 Ingemuit, quales sensit tremefacta labores ?
 Quàm vestris actus furiis Jacobus avitas
 Amisit sedes, atque intractabile Sceptrum !
 Sic visum est ; quanquam ô, nisi mens aversa fuisset
 Consiliis Divûm, non jam diademate nudam
 Canitiem deplorâisset, tristemque senectam :
 Nec toties vagus, inque exhausta pericula missus
 Fatorum imperiis, iterum peregrina petisset
 Arva lubens exul. Quin parce ingrata querelis,
 Parce, Erato : vetuit sua Roma, atque impete cæco
 Detorsit titubantem : ignota per avia jussit
 In præceps ruere, atque obliquo tramite labi.

QUAS olim fortita vices, quàm mœsta tuorum,
 Albion, Annalûm series, & fertilis ordo !
 Te rapiunt curæ rursus, & ludibria casus
 Ingrati ; quin tu cœlis abfisse timendo
 Indubitare : eadem vigilant tibi rebus in asp'ris
 Cœlorumque fides, Superûmque æterna potestas.
 Quàm bene protexit Batavis sua jura, & Iberum
 Servitium detrectantes defendit Elisa

158 MUSÆ ANGLICANÆ.

Auguriis magnis, & non incauta futuri!
 Siqua valet juncta affinis vicinia regni,
 Si Batavos fortuna, & eâdem temperat Anglos
 Lance, urgetque pari socias discrimine terras:
 Diva, attolle caput; jam te non longa manebunt
 Tædia, nec tantos patieris inulta dolores.
 En tibi non vanum tutamen, milite cinctus
 Auriacus! fervet mistum clamoribus æquor;
 Adventum testata Dei, cava littora circum
 Clamores iterant, & læti murmura vulgi.
 Fama minax latè increbrescit; & ingruit horror
 Prævius armorum: turpes formidine cedunt
 Iræ atque insidiæ; longo fugit intervallo
 Ignatî pecus, & stupidi, fœdum agmen, Ierni.
 Salve, invicte Heros, ô tempestate cruentâ
 Spes nequaquam averfa! ô non indignus avorum!
 Nusquam impar, nec tarda salus! seu Belgia supplex
 Præsentem, seu te cognata Britannia poscat.
 Tu verò, Angliadum lux, & certissima Divûm
 Progenies, GULIELME, potens succurrere sec'lo,
 Obnitique audax! quas par defendere terras
 Solus es, imperiis moderare, æternaque jura
 Hinc inde exerce: tibi Diva Britannia spondet
 Se dotem; augustas tradit de vertice turres,
 Et frameæ decus, & sceptri inviolabile pignus.
 Talis, ubi ad duras religatæ brachia cautes
 Andromedæ, manicas indignaque vincula Perseus
 Exuerat: tutelæ nubit, & ipsa peric'li
 Fit virgo munus; capit immortalia dona
 Lætatus victor, pretioque amplexus inhæret.

QUISQUIS ades Zeuxis, succum molire potentem,
 Et pompas GULIELMI, & festas ordine scenas

Incipe,

Incipe, solennemque argutus pande triumphum.
 Arte vagus primâ ludat color Amphitriten,
 Instabilesque undas: tum suprà fluctuet ingens
 Dorfa premens Batavûm classis. Sub pondere Nereus
 Spumat, & attonitum natat inter cœrula vulgus,
 Nereïdes, Tritones, & Inous Melicertes.
 Crescentes austri vires, pelagique tumultum,
 Palantesque rates latè, mortemque propinquam
 Sistit nube cavâ investus Pater: æquora circum
 Strata quies; pronæque volant ad littora naves.

HAUD procul hinc radio flagrante, & luce coruscâ
 Insignis, lætos inter, NASSOVÆ, Britannos
 Imperiis assurgis: eodem effulgeat arcu
 Vincita Maria caput, similesque in vertice flammæ
 Ardescant: ambo capiant gratissima Divûm
 Dona simul, populique preces; par flumine Nardus
 Irroret crines errans; æqualia utrisque
 Sceptra fluant auro, fluat auro purpura vestis.
 Sis memor ô, calamisque cave, dum viva tabellis
 Ora Mariæ audes, divinam & fronte juventam:
 Ut graditur Diva! ut gradienti gloria surgit!
 Ne spirans nitor absit, & impar langueat umbra.
 Quis jubar intemeratum oculorum, & lucida pinget
 Tela, ignesque genarum, & non imitabile fulgur?
 En niveum decus! En pharetras arcusque potentes,
 Alma Venus, Paphiique armamentaria regni!
 Sic ubi Threïciis Virgo Latonia telis
 Armata Idalios saltus, aut Mænala lustrat
 Venatrix; latè demissi gratia crinis
 Luxuriat, nec dum sociæ colla ardua tangunt.

JAM vastâ Heroas doctus variare figurâ,
 Nassovam gentem, & primæ incunabula famæ

Ordire:

160 MUSÆ ANGLICANÆ.

Ordire: hinc fervens densa inter tela Philippus,
 Cumque suo Henrico frater Lodoicus inundent,
 O quàm Borbonio dispar! tabulâ inde capaci
 Incedant GULIELMI, Othones, & Engilberti,
 Divi, Semideique.

Exere quin artem, & labor indefessus Adolphum
 Hinc atque hinc describat, Adolphum jura volenti
 Germano dantem: Meritorum gloria fasces
 Romanos illi indulgit; metuendaque Thraci
 Virtus Cæsareis adscripsit nomina fastis.
 Illum admiranti similem, similemque frementi
 Exprime; lætorum turbâ comitante nepotum,
 Usque tuens oculis GULIELMUM hastâ indice monstret
 Protensâ: cognata fremunt simul agmina plausu,
 Et blandis suprà plaudit Victoria pennis.

P A R T E aliâ emergat Virgo rediviva, pudorem
 Flamma genas suffusa, & castos afflet honores,
 Pulchra, modesta: illi æthereum sacra tempora lumen
 Accenditque dies æterna, & spirat amorem
 Purum illibatumque: decoras aurea stringit
 Vitta comas, nectuntque verendæ insignia mitræ.
 Illa, humeris innixa manum, cervice recumbit
 Auriacâ acclinis, cœlestiaque oscula miscet.
 Immani subter resupinam extende ruinâ
 Ignatî sobolem, vano molimine sursum
 Murmura dira irasque vomentem, atque atra venena.
 Nempe premit vindicta, & pronam ferreus urget
 A tergo nodus, rigidæque ex ære catenæ:
 Tum bufo obsænus, serpentum & squamea proles
 Ilia per fibrasque vagatur, & ubera lambens
 Depasta; at Furia luctanti & colla tument
 Insultant, Stygioque informis Cerberus ore.

SI videas, Zeuxis, quas jam matura revolvent
 Fata vices Gallis; Lodoicum pingere ruentem,
 Sceptra caduca, labans diadema à vertice, laurusque
 Arentes: glauco exultas velatus amictu,
 Rhene Pater, laxis attollens corpora vinc'lis.

QUANQUAM etenim Angliadis ignavus pectora torpor
 Infecit, nimixque ingloria tædia pacis;
 Tu tamen ô Britonum spes! ô GULIELME, labantis
 Imperii Stator! cœpto ne parce labori.
 Gallica castra inter sopitum excude vigorem
 Angliacæ pubi, atque sepultas elice flammæ.
 Jam video, hastati revirescit fama Britanni;
 En robur vetus, Henrici & vestigia regni!
 Henricus Patriæ vindex, Parisinaque terror
 Mœnia circum, & adhuc Lodoico inamabile nomen.
 Saturno sic Rege putris ferrugine tellus
 Atque inculta situ cœpit squalescere; dumisque
 Et scabie rugosa: Ut verò Jupiter arcem
 Ascendit, venêre artes, sua cura colonum
 Exercet frugum inventrix, mox lucidus armis
 Florescit miles: metuunt mortalia corda
 Ultorem Jovis ignem, & inevitabile fulmen.

JO. WHITFELD, *A. M. Coll. Merton. Sœc.*






C A R M E N P A S T O R L E,

In Obitum Augustiss. Regis

C A R O L I II.

THYRSIS, MELIBŒUS, & DAPHNIS, Interlocutores.

THYR. UID dulci, Melibœe, sedes tam tristis in
umbrâ?

Hic alios vultus poscit locus; omnia
circùm

Lætitiâ invitant, & amœnâ fronte renident.

Sed quò, Pastor, oves, quò migravere capellæ?

Forſan in ignotis illæ jam montibus errant,

Atque inſueta graves jam tentant pabula fœtas,

Dum tu hîc ſuſpiras, & flendo dividis horas.

MEL. NOSTI olim inſomnes curas duroſque labores,

Thyrsi, meos, nôſti pecoris quòd amantior alter

Non erat, Arcadiæ coleret qui rura colonus.

Sed me, Thyrsi, gregis fuerat quæ cura, reliquit.

THYR. QUID non ſuadet amor? quid non patiuntur
amantes?

En Melibœus oves, teneros en negligit hœdos.

Sic mihi (nam memini) cùm me Galatea teneret,

Non ruris, non urbis amor, nec cura peculî.

Pendeat ah ſacrâ, dixi, mea fiſtula pinu;

Nam mihi nec cantus, nec erat mihi fiſtula cordi.

Tantùm

Tantum inter densas corylos silvasque latebam,
Turturis & mœstas augebam voce querelas.

MEL. NON, ut rere, meis amor hæret, Thyrsi, medullis,
Muneribus vici; nec me jam spernit Alexis:
Nec, si spreisset, jam ejus fastidia curem.
Me propior jam cura tenet, majora revolve.
Pan, Deus Arcadiæ, Divûm lenissimus unus,
Pan, qui curat oves, ipsos oviumque magistros,
Pan Deus occubuit; per rura gravissimus ibat
Rumor, & Arcadicos defecit vita colonos.
Monstrat & ista meos arbos incisa dolores,
Quam cernis, crescentque mei cum cortice luctus.

THYR. QUID narras, Melibœe, Deum Pana ïsse sub
umbras,

Quem fato immunem, Diisque immortalibus æquum
Spes erat, & cujus tam sæpe litavimus aris!
Mira refers: sed habent similes præfagia casus.
Est quercus, nostræ impendet quæ plurima silvæ,
Arbos procera, & firmis radicibus hærens,
Una nemus, patulos distendens undique ramos,
Quæ regina solet nemoris princepsque vocari;
Huc, dum lascivæ tondent arbusta capellæ,
Sole sub æstivo pastor se ferre solebat,
Hic canere, hinc latâ frigus captare sub umbrâ.
Hanc ego, manè meas ducens ad pascua capras,
Cum placidum ventis staret nemus, omine lævo
De cœlo tactam vidi procumbere quercum.
Attonitæ Dryades subitam doliuere ruinam;
Non longè abductus, Philomelam dulcè canentem
Turturis in murmur cantum mutare notabam:
Obstupui, & sumptâ lætum modulatus avenâ
Nescio quid, miros tento depellere questus;

Illa

164 MUSÆ ANGLICANÆ.

Illā tenore suo mœrori indulget eidem,
Nec gemere aëreā quicquam cessabat ab ulmo.

MEL. QUID vero hæc memoras? Sensit natura cadentem
Pana, & solliciti visa est dare signa doloris.
Languit omnis ager, pastusque oblita sub ipso
Gramine, flevit ovis, nec non flevêre leones
Immanesque ursi, Pani infestissima turba.
Fleverunt Nymphæ, fleverunt maxima Divum
Numina, quæ magni Panis delubra frequentant;
Flevit & ipsa Echo, fleverunt Arcades omnes,
Atque Deos atque astra vocant crudelia mœsti.

THYR. ET meritò. Divos inter lenissimus ille
Eminuit, semper bonus & cultoribus æquus,
Totus amor, totus pax, & clementia totus,
Quique habuit cunctos, si demas fata, faventes.
Servabat Pan rura, lupos arcebat ovili:
Defenditque altas cedros, humilesque myricas.
Pan faciles dedit æstates, brumasque benignas,
Pastoresque ovibus ditavit & ubere glebâ.
Plangite, pastores, sit multi pompa doloris;
Spargite humum foliis, procedat flebilis ordo
Arcadicæ pubis, planctus nemus omne pererret:
Divinus meruit fieri sibi talia Pastor.

DAPH. SED quid opus vano tantum indulgere dolori?
Num totum letho absorptum Pana esse putatis?
Vivit, & insuetum limen miratur olympi
Mistus cœlicolis, unde hæc sua rura benignus
Prospectat, nostro jam fletu & carmine major.
Vidi ego, (nam liceat vobis mea visa referre)
Stellarum hesternos quum luna accenderat ignes,
Extemplo magnum cœlorum albescere tractum:
Mirabar, cœli facies quæ mira pararet.

Quum

Quum subito æthereas volitantem Pana per auras
Vidimus, insignem radiis, & luce coruscum.

Ibat ovans, magnâ Divûm stipante coronâ;
Pana omnes cecinere, triumpho inclaruit æther.

MEL. SINT rata visa, precor. Sed quo jam rura patrono
Gaudebunt? nostrum quo præside stabit ovile?

DAPH. NE metuas. Uno ablato, non deficit alter
Aureus, & simili gaudebunt rura patrono.

Divinum Pana hunc sequitur non degener hæres,

Qui, pastoritias longum informatus ad artes,

Felici reget Arcadiæ moderamine rura,

Incolumes præstabit oves, latosque colonos.

THYR. ERGO age, festivos cantus modulemur avenâ,

Ducamusque leves turbâ alternante choreas,

Atque novo festos Pani instituamus honores.

JO. NORRIS, *A. M. Coll. Omn. An. Soc.*



In immane illud

C A R O L I I.

*Regis Parricidium αετλιασικόν, cum ejusdem
Indigatione.*



CCIDIMUS! quid, Musa, pios hæc mu-
nera manes,

Quid conclamatos cineres, cassamque favillam
Sollicitans, poscis lamenta & funebre carmen?

An capiti extincto frigentia membra parentent?

Scilicet

Scilicet illa modos nobis scelerata securis,
 Quæ lucem Regi, eripuit; populique cadaver
 Usque fumus: tanto rubuit quod sanguine, ferrum
 Exanimis & nos hausit: quis dicere regni
 Singultus longos, dura & suspiria possit
 Effari, ut moriens tremebundos fuderit artus?

CAROLE, sic te etenim pietas studiumque tuorum
 Prosequitur, vixit felix te sospite regnum,
 Et tecum simul interiit; (fuit Anglia & ingens
 Anglorum decus) ut vitis quam cura maritat,
 Rustica proceris ulmis, quæ fida caducæ
 Fulcra locent, teneantque enervi stirpe reclinem:
 Ea validis innixa humeris, atque ulmea prensans
 Corpora, se latè extendit, jam palmite multo
 Luxurians, plenosque ostentat læta racemos,
 Donec fortè casæ nutanti sive tigillum
 Seu laquear desit, Lignator, munere Bacchi
 Quàm laribus malens tutis caruisse, bipenni
 Ferro adimit viti fulcrum, ruit ilicet ulmus,
 Et sociam latè sternens succisa recumbit.
 Quaque diu junctis crevère amplexibus unà,
 Stirpitibus impellit communis utrisque ruina.
 Et quantas tulerit fruges respublica, nitens,
 Dive, tuis quondam cervicibus! Otia Musæ,
 Otia ruriçolæ, peragebant otia cives:
 Tum suus arti cessit honos, ditabat alumnos
 Mercurii mare tranquillum, tum grata coloni
 Sudorem tellus locupleti messe rependit;
 Nil opus armatis proscindere classibus æquor,
 Nil urbes vallo munire, & milite tanta
 Grassari, nec adhuc Londinum pacis amcenæ
 Tædebat, rebusque novis gaudere paratum

Servitia in turmas vomuisset læva rebelles.

ET quis detrectare furor, quæ tristis Erinny
 Tam mite imperium suavit? quæ jura, Quirites,
 Deseritis? quove aucupio per dædala fraudis
 Imponit Catilina novus? sic denique nondum
 Putentes subolere technas? quid enim? quasi magno
 Constiterit simulasse pium; proh cæca futuri
 Pectora! sed feri sapietis fortè nepotes,
 Quos raros superesse finent civilia bella,
 Sanguine sit quanto procerum plebisque putabunt
 Sævitum in jugulos fociorum, ubi vindice nullo,
 Dediticit sperare Deum jam dira juvenus,
 Omne accincta nefas moliri & cernere ferro.
 Crudelis! saltem iste sitim sedare cruoris
 Purpureus possit rivus, qui sanguine largo
 Plebisque procerumque fluit: quid Regia vita
 Commeruisse potest? tu saltem ignosce parenti,
 Miles atrox, sanctâ qui Majestate verendus
 Hoc tantum reus est, quod teque tuosque tot annos
 Texerit, in commune vigil, patriæque saluti
 Prospiciens, atavos qui per bis mille Decembres
 Perpetuâ serie centum numerare novemque
 Sceptrigeros possit: frustra certaverit illi,
 Europæ quisquis titulis regalibus altus
 Imperitat populis, tantis auctoribus impar:
 Nec longâ te gente Deum crevisse, quod ultro
 Fors dedit, at virtutis honos, propriumque coronat,
 CAROLE, te meritum; sceptris quo dignior istis
 Ipse tuî Rex, egregias molitus habenas,
 Omnem animi motum ad mentis dictata solebas
 Composuisse tuæ, & sanctæ rationis amissum;
 Imperium mentis nec sollicitare serenæ

168 MUSÆ ANGLICANÆ.

Plebs animæ, Affectus, ausa est, aut hiscere contrà:
 Non te præcípites iræ, non dira libido
 Transversum impulerant, non summa licentia Sceptri,
 Quæ solita elatos animis inflare tyrannos.
 Ollis ad libitum, virtutum paupere censu,
 Vivitur; & magni pendunt, si fama salutet
 Tranquillum hunc, Facilemve illum, si tertius Acer
 Audiat aut Pulcher, saltem ut de corpore captent,
 Quas animæ laudes nunquam meruere; beati
 Si generis tantum phaleras & stemmata detur
 Ostentare patrum, quos deseruere minores,
 Degeneres, vitiis acti, ingenioque ferino.
 Sanguine te vicisse omnes & corpore, cujus
 Sidereus vigor integros firmaverat artus,
 Quale ferunt veterum heroum, quos frangere nondum
 Massica cœpissent, nostræque licentia mensæ.
 Id tibi pro minimo visum: cui summa voluptas
 Excoluisse animum & totis pia numina fibris
 Concepisse fuit; faciem virtutis, & ora
 Ardebas, pulchrumque decus constantis honesti,
 Ipse tuî juxtà compos, seu clade novercâ
 Fors rueret, seu te cumlaret læta secundis,
 Neutrius & piguit fortunæ; protinus aris
 Te advolvens, numenque Dei veneratus, & ultro
 Velle dedisse manus patri, qui cuncta supremo
 Temperet arbitrio, propriâ jam sponte paratus,
 Succumbis docili pietate. Sonantia crebrò
 Testor scripta Deo, sanctos animique recessus,
 Quæis tete explorans, tantarum pondera rerum
 Prudenti appendis trutinâ, properare suetus
 Ad Christi exemplum, & vitæ documenta sequaci
 Inde animo reCOLens, cœlestia jussa capeSSis,

Quo te cunque sacro flectant oracula ductu.
 Quem tibi componam heroum, longæva triumphis
 Inseruit quos fama suis? Virtutis honore,
 CAROLE, quis tecum contenderit Anfoninus
 Aureus, hausta crepans totidem percepta magistris?
 Nec tibi Scipiades, & quos jactare Catones
 Roma solet, cuiquam liceat conferre, Sophosve,
 Garrula quos superis æquavit Græcia divis.
 Pone supercilium, bona Porticus; ingerere ultra
 Protinus ipse suum Senior Gargettius hortum
 Definat, inclinetque suos Academia fasces.
 Qualia, se vitreo reficit dum gurgite Phœbus,
 Astra suis micuère comis, cœlumque minores
 Accendunt latè radii, famulantia donec
 Tempora Titani, dulcem rumpentia somnum,
 Cœlestes aptant currus, nitidisque lupatis
 Alipides ornare parant festina jugales;
 At pater, acclivi conscendens tramite, pulchros
 Cœperit ut sparsisse ignes, solitoque decore
 Exoritur, subitò pudibundos sidera vultus
 Obnubunt, totâque poli statione moventur.
 CAROLE, sic tua laus alios heroas, & acta
 Elevat istorum, quos olim cana vetustas
 Laudavit, seu quos hodiernæ conscia famæ
 Ora hominum, Musæque favor subvexit in astra.

AT vos, vestratem, Scoti, vestra arma rogantem
 Testantemque fidem, pacti mercede malignâ
 Proditis, ignavi; sanguis nil Regius illi,
 Nil pietas profunt; crudeles ductus ad hostes,
 Tanquam vile caput, populi manibusque nocentis
 Rex insons animam fatalis victima fundit.
 Heu tantum patrare nefas potuisse rebelles,

170 MUSÆ ANGLICANÆ.

Nec nostras valuisse preces, & quæ pia thura
 Nequicquam furdīs toties adolevimus aris!
 Non fatis, O Superi, tantis terræque marique
 Cladibus exhaustos, tot campos strage nefandâ
 Texisse, & fluvios nostro infecisse cruore,
 Ni recrudescat, CAROLI de vulnere, vulnus
 Commune, atque iterum, sævo cum scenore, Regis
 Occisi fatum Angligenis mala pristina sistat?
 Scilicet illud erat pueri quo patribus orbi,
 Et spoliata viro conjux lenire dolorem
 Sueverat, incolumis CAROLUS: mercede sub istâ
 Visum est posse pati tam duri incommoda belli:
 Rex, tua dum speranda salus discrimina mille
 Suasit adire tuos, legesque & jura Britannum,
 Et pietas & prisca fides ruitura, vocabant
 Quas pote suppetias, quem non accenderet ultro
 Regalis Virtus & Martis adorea tanti?
 At spes non accisa omnis; ubi destina rerum
 Rex pius occubuit, fracto tum corrui axē
 Victa simul, fatisque manus dedit Anglia duris.

AT poterunt, Scoti, parcarum adamantina pensa,
 Et volvenda dies, sceleris vos poscere tanti
 Supplicium, facinusque olim crudele luetis,
 Sacrilegi, Regum vendaces, aut ego veri
 Vanus agor, prædamque omnem, ditescque rapinas
 Abripiet civilis hyems, quam tristis Enyo
 Instinctu Superum vestras effundet in oras.
 Forsitan ex animo nec nostris perpetuò ibit
 Tantum impune nefas, Anglis neu credere fas sit
 Diis genitos Reges Superis vilescere, & ulla
 Corripere indigetes oblivia posse suorum.
 Esto, fidem nihili pendant immania corda,

Ausa Deos faciles sprevisse, & numina serò
 Ultura: at CAROLO tristes labentibus annis
 Inferias dabit, vos & rerum alea tanget,
 Indecores animæ, populi fæx ima Britanni,
 Nequa malos posthac scelerum fiducia tollat.

AT Divûm interpres paribus Caducifer alis
 Advolat, exutam formosi corporis artus
 Tanti animam Regis justo dignatus honore,
 Vulgari armento secernit, mortis acerbæ
 Legibus absolvens, & avitis imputat astris.
 Est via, quæ cœlum suspendens fornice lacteo
 Circuit, & medium puro distinguit honore,
 Quam sola heroum superant vestigia, postquam
 Corporeos nexus mens eluctata, priorem
 Nititur in patriam, divino lumine vesci
 Discupiens, Superosque iterum coluisse penates.
 CAROLUS hâc, ducente Deo, conscendit, & intra
 Limina sancta poli consistens, ordine longo
 Prospicit, antiquæ sedis monumenta revolvens;
 Hic rerum fator æternis fulgoribus ardens
 Lucis inaccessible, proceres cui mille ministrant
 Aligeri, qui prompti animis arcana capeffunt
 Jussa Dei, & prono fusi venerantur honore;
 Hos juxta heroes positi, quorum ardua virtus
 Et divinus amor pulchrâ præcordia flammâ
 Moverat, æternumque pater retulisset in album:
 Puras induti trabeas, sanctisque coronis
 Tempora præcincti, numeris vocisque lyræque
 Æterni mulcent aures genitoris, ovantesque
 Ætheris immensi feriunt templa alta triumphis:
 At Rex, Pacifico nomen cui pristina virtus
 Fecerat, augustis natum penetralibus ultro

172 MUSÆ ANGLICANÆ.

Complexusque manuque pater, per amœna locorum
 Ducit ad Angligenûm præclara sedilia Regum,
 Et stirpis decora alta suæ: tum protinus illi
 Assurgunt venienti omnes, faustoque resolvunt
 Ora sono, plausuque exceptum sede locârunt,
 Quam Pater omnipotens auro gemmisque nitentem
 Sidereis CAROLO fixisset. At ille, beatis
 Ordinibus junctus, meminisse tot antè malorum
 Definit, æternique decus laudesque parentis
 Divino tonat eloquio, numerisque canoris
 Concelebrat. Salve, superi magne incola cœli,
 CAROLE, jam regno felix adsuesce sereno,
 Fortunæ procul imperiis, & turbine fati.

AT tu, summe parens, miserere, & digna ferenti
 Ignoscas populo, tandem clementior iræ
 Pone modum; accisis tandem, pater, annue rebus.
 Exanimis viden' ut ferali pulvere squalens,
 Trunca caput, taboque artus fœdata cadentes,
 Infandos longûm tulerit gens Anglica manes?
 Heu lucem, pater, imperti, tardumque cadaver
 Vita redux animet, divino concita jussu
 Vena fluat, sanguisque suo micet impiger alveo.
 Cûmque necem nobis immitia fata, parente
 Sublato, dederint, da natum posse, precamur,
 Imperii hæredem, folio succedere avito:
 Inde etenim nobis, nec fas aliunde, redibunt
 Vitales fortasse animæ, lucisque prioris
 Usura, æternas ne devolvamur ad umbras.


JAC. WINDETT, *M. D. Coll. Med. Lond. Soc.*
 & *Coll. Reginal. Cantabrigiæ.*



AUCTION



AUCTIO DAVISIANA.

K.  Vanas hominum curas! ô lubrica verti
Fata Deûm! nostrisque diu non mitia votis!
Heu! per quot casus, per quæ discrimina
rerum

Mortales rapimur! quotus est, cui semper amica
Sors fuit, aut quem non miserum spes vana fefellit?
Usque adeò inconstans gaudes, Fortuna, joci;
Tollere quod dederas, adversa reponere lætis.

B. Quorsum hæc, ô Chrysispe, Scholas redolentia dicta,
Plurima quæ tibi Crantor, Epictetusque legenti
Suggerit, huc affers? (S.) Age dic, quæ tristitia narras?

D. Qui casus? (C.) Quæ te premit inclementia Divûm?

W. Unde taces, oculosque manusque ad sidera tendis
Attonitus, nec quod latet imo corde profaris?

D. Iste quidem, siquid rectè auguror, uritur: Illum
Phyllis habet suspensum, ac lento macerat igni.
Donec erat facilis, nec dum surdâ aure querelas
Excepit; placidas tum volvere stamina Parcas,
Lætos ire dies, nec tum implacabile Numen.
Postquàm aversa Venus, mutataque Phyllis Alexin
Respexit potiozem, atque hunc fastidit amantem;
Invisa ex illo Fortuna, hinc sortis acerbæ
Immortale odium, ac levium censura Deorum.

B. Aut fors inde redit, molli quâ sphæra vireto
Exercet juvenes; Hîc, Spe fallente laborem,
Commisit pugnam non Diis, non viribus æquis;

174 MUSÆ ANGLICANÆ.

Jam dolet amissos nummos, vacuamque crumenam.

S. Quin vel ego fallor, vel tu (*ad K.*) jam tempore longo
Forſan equum expectas, teneræ promiſſa Parentis,
Quo patris ad ſedes dilectaque rura veharis;
Sed nec equum genitor, neque ſervum mittere curat,
Neu deſit meſſi famulus, pluſtrove caballus:
Inde illi gemitus, ſævique opprobria fati.

K. Sed neque tu (*ad S.*) Calchas, nec te ille (*ad D.*) peritior Augur,

Nec quiſquam è vobis; Nam, quanquam erroris iniqui
Diverſa eſt facies, idem tamen omnibus error.
Altera (*ſed nec me naſo ſuſpendite adunco*)
Altera fata movent animos; dedit ampla ruinam
Davifiſiana domus; fuit hæc, fuit inclyta, & ingens
Gloria Caſtalidum, ſed nunc ſerus omnia vaſtat
Creditor; expulſis mendicat pila Camœnis.
Fortunam quiſquis poſthac ſic credulus optat
Perpetuam, atque auſit pellaci fidere Divæ,
Diſjectas videat merces, verſoſque Penates,
Teque, ô parve Tryphon, magnis exercite fatiſ.

C. Hocceine erat, tanto quod fert promiſſor hiatu?
Credideram fieri Priami fata; Inſitor exit.

W. Res memoranda quidem, & Sophocleo digna cothurno!
Sidera ſe miſcent umbris; Erebo aſtra; moventur
Diſque Deæque omnes; conturbat Bibliopola. [*bant,*

S. Quis Lacheſin fugiat, quando hunc quoque fata trahe-
Nec latuit ſævas tantillus Homuncio Parcas?

B. Vidi ego (*nec tenuis conſpectum effugit imago*)
Ire viâ exiguum per compita pumilionem;
Qualis ubi innumeris ſec'lis effœta ſeneſtus
Tithono imminuit vires; illi arida ſenſim
Genua labant, gelido deturgent ſanguine venæ;

Adducti

Adducti penitus nervi, breviorque videri
 Incedit, gracili tibicine non bene fultus.
 Talis erat; sic ille pedes, sic ora ferebat.

K. Ludite; at amoto querimur nos feria ludo.
 Tempus erat, memini, cùm totos undique postes
 Effici heroum vultus ac plurima passim
 Pagina vestiret, crebræque in pariete chartæ.
 Mille intus plutei stabant, armaria mille;
 Mille arcæ, totidemque super lecto ordine libri.
 Sed nunc, tot quondam signis titulisque superba,
 Infami (scædum visu!) spectanda papyro
 Stat domus, inque ipsis foribus Chirographus index
 Accusat Dominum, quòd sit fugitivus & exul.

D. Sic apis Hyblæo in campo, per & arbuta passim
 Perque crocos volitans, suaves hinc inde saporos
 Ore legit, stipatque ingentem mellis acervum.
 Mox invisâ apibus Fortuna, ac tristis Erinnyis,
 Aut fuci, aut pictæ faciem mentita lacertæ,
 Turbat opes; simul effusus labor omnis, & ipsa.

W. Non tamen excisæ penitus spes; non ita cœlo
 Invisus Superisque Tryphon, quin usque supersint
 (Siqua salus misero est) rebus solatia fractis.
 I nunc, atque omnes, Fortuna, immitte procellas;
 Auctio stat contrâ, & factorum damna rependet.
 Quare agite, alternis cantemus ritè Camœnis,
 Quis sit vendendi modus; & quas Auctio leges,
 Quæ jura observet; quis ementibus ordo; locus quis;
 Aut siqua inciderint, quæ carmine digna referri.

S. Est locus improbulis bene notus civibus, urbis
 Extremæ limes; Borealem nomine portam
 Plebs indocta vocat; docti dixêre Bocardo.
 Haud procul hinc domus est, teneris quondam apta choreis,

176 MUSÆ ANGLICANÆ.

Quà pede festivo pueri innuptæque puellæ
Exercere diem---(C.) Quæ te (*ad S.*) quoque vidimus inter.

S. Altera nunc rerum facies ; nunc codice multo,
Fœta tumet ; cedit Saltator Bibliopolæ.

Bis quocunque die, magnâ stipante catervâ,
Certatim huc properant ex omni parte Togati,
Quotquot calluerint libros ; (C.) Cupiantve videri.

K. Limina Sheldoni neglecta, ac proximus illi
Bodleius ; doctæ dudum siluère Catenæ,
Desertæque Scholæ ; Nemo vacua atria circum
Ambulat. Heu ! Lector, tanquam Rhodopæus Orpheus,
Aut ligno, aut furdus mandat sua dogmata saxis.

B. Ibam forte viâ, (S.) Ignavus, (*ad B.*) sicut tuus est mos.

B. Quà jactare pilam solet, adversisque retortam
Parietibus vexare vicissim alterna juvenus.
Nusquam ludentûmve labor, strepitusve faventûm ;
Apparent nusquam sepôstæ in pulvere vestes ;
Tristis ubique quies ; latè loca vasta filebant.

S. Scilicet his ignava cohors se mœnibus infert,
Prandia cùm malè pasti obolis constantia ternis
Ceperunt, aut cùm jentacula matutinam
Exemêre famem ; facto velut agmine, cuncti,
Quà data porta, ruunt pariter, sedemque capeffunt.
Omnibus æquus honos, eadem subsellia ; scamnum
Non melius cuiquam, sedes nec honestior ulli.
Præcipuum invenias, & cum Doctore sedentem,
Cornubiæ extremo qui quondam in monte solebat
Aut servare pecus, pecoris non ipse magister,
Aut stimulare boves, alieno lassus aratro.

D. Vera refers ; mihi namque humeros & brachia circum
Hæsit, tanquam alter Pyladi prædulcis Orestes,
Servum ac vile caput, disruptâ veste Togatus,

Vectus

Vestus ad Oxonium, quo lardum aut hordea carro.
Pileus huic micuit duro subtemine crassius ;
Humentesque comæ præpinguem vertice odorem
Spiravère ; Togæ mirus nitor ———

K. Quin parce auriculis, ac naribus ingenuorum ;
Et versu immundo castas temerare Camœnas.

D. Plurima sed frustra variat mihi fimbria vestem ;
Si juxtâ sedeat, qui tergum ponè minister
Prandenti observat, siquando aut pocula ferri
Præcipiam, aut patinas semesaque fercula tolli.

B. ☉ me infelicem, quòd quâ tu classe sedebas
Non comes accubui ; nec me quoque classis habebat !
Hinc Coquus, hinc lumbos trivit mihi Lychniopola,
Ultima vulgi fæx ; nam turbant limen & ipsi
Nobiscum emptores, scamnoque locantur in uno
Philosophi, Artoptæ, Doctores, Archimagiri,
Et Medici, & Medicastrî, & qui Medicamina vendunt.
Consedère omnes ; Rostrum conscenditur ; At quis,
Quis vestrûm, ut melior rerum sese explicet ordo,
Os Millingtoni referet, quis deinde Cuperi ?

K. Istos quis velit, aut possit ? (C. & W.) Nemo hercule, Nemo.

N. Quin tu, (*ad W.*) quæso, tibi quoniam est constantia vultûs,

Et facies veneranda, ac non indigna Catone ;
Exprime tu mirâ insignem gravitate Cuperum :
Tu (*ad C.*) Millingtoni non dedignabere partes,
Nam lepidum caput es, dicto & mordente facetus.

W. Illum ego ? Num cernis mihi tardum abdomine ven-
Surgere ? quodve mihi spatium admirabile vultûs ? [trem
Numnam prætor ego ? vel hubo ? vel Aldermannus ?

C. Sed nec ego meliùs sperem data pensa tueri :

178 MUSÆ ANGLICANÆ.

Diis habeo grates, modici me quódque pusilli
 Finxerunt animi, pauca atque modesta loquentem.
 Stentoris illi vox, audacia perdita; sermo
 Ventosus, spirantque cavi mendacia folles.
 Ast ego (sic homo sum) mentiri nescio; Librum,
 Si malus est, nequeo titulis onerare; Witherum
 Mæonidæ præferre; aut te, Merline, Sibyllis.
 Ludere sin placeât, sic stet sententia vobis;
 Partes (*ad W.*) ille suas; in me mora non erit ulla.

W. Infanire libet quoniam, non durus habebor.
 Componam, ut potero, vultus: talique Camœnâ
 (Nec pudor ullus erit) cudam miserabile carmen,
 Quali vel Bavius scripsit, vel Mævius; aut quam
 Exprimeret, versus si pangeret, ipse Cuperus. [niano,

B. Quin tu, (*ad C.*) sume tubam, & modulamine Papi-
 Vel quali turget, cui dat gens Claudia nomen,
 Grandia verba rotes, numerisque tonitrua misce.

S. At cave, (*ad C.*) ne nimio strepitu subsellia frangas;

D. Aut ruat in præceps Sheldoni immobile saxum.

K. Quin agite, & celebres laudet Præfatio merces.

B. Nos fumus aut emere, (S.) Aut saltem spectare parati.

W. Incipiam, quin tu, (*ad C.*) frater, mihi suggere; siquid
 Hæsero; Nam melior semper tibi copia fandi.

• Vos ò Cecropidæ, Britonum spes, (C.) Adde, decusque

W. 'Atque decus; (*ad C.*) quid deinde? (C.) Togæ flos,

' (W.) flosque Togatorum,

• Ore favete omnes, placidasque advortite mentes.

C. Pergas Marte tuo, verbum non amplius addam.

W. 'Si bene quid memini, bis sextus volvitur annus,

• Ex quo nota diu Gallis, notissima Belgis

• Auëtio, fera licèt, nostris tandem appulit oris.

• Londinum accepit plausu, fremitumque secundum

• Granta

- ‘ Granta dedit ; sit fas & vos sperare faventes.
- ‘ En vobis libri : sibi sunt encomia ; nec me
- ‘ Laudatore opus est, aut Oratore profectò.
- ‘ Non sum facundus : (K.) Fateor. (W.) Sed honestus haberi,
- ‘ Promissique tenax, dictis factisque merebor.
- ‘ Nec, si non nimis argutum Natura Cuperum,
- ‘ Fecit, falsum etiam mendacemque improba finxit.
- ‘ Orandum restat (veniam indulgete roganti)
- ‘ Vertice sim tecto, neu me mala frigora lædant.

C. Ne metue, at solido fidas, Bollane, cerebro.

Ullane vis ? ullus caput hoc invadere morbus ?

Crediderim molles filices, penetrabile ferrum.

W. ‘ Expecto, quid sit cordi ; quæ vestra voluntas.

K. Scilicet, annuimus. (B.) Vela caput. (S.) Indue. (D.)

Quidni ?

W. ‘ Pro tantis meritis grates persolvo, nec unquam,

‘ Dum superat caput hoc, dum spiritus hos regit artus,

‘ Arguet immemorem quisquam oblitumve favoris.

‘ Auscultate omnes, intentique ora tenete ;

‘ Namque edico palàm, quas postulet Auctio, leges.

“ Ille librum, quisquis pluris licitatur, habeto.

“ Lis siqua inciderit, decidere vos penes esto.

“ Tertia cùm sonuit plaga, irrevocabilis esto.

Ergo agite, imprimis Solymæâ tradita linguâ

Biblia do venum ; Pretium quis ? si modò cordi

Relligio est, fideique immobile fundamentum,

Vicenas dabitur libras. (K.) Mihi Relligionis

Cura quidem ; sed non ego transfuga Sacramentum

Addixi Verpis, ignotæ Biblia linguæ

Ut curem versare, nec intellecta vereri.

Hoc opus, hos libros volvat Judæus Apella,

Non ego ; Me meliora pii docuère parentes.

180 MUSÆ ANGLICANÆ.

B. Sed neque Verpus ego, neque deditus Antichristo.
 Notior at nulli vox est sua, quàm mihi quicquid
 Grajus, Arabs, Italus, Chaldæus, Hebræus, & Assur,
 Æthiopeseve sonent sacrum, aut Memphitica Coptos.
 Is sum, qui latices ex ipso fonte petitos
 Malim, quàm longo circùm deducere rivo.
 Hinc, ut me laudem, legi Targumque, Masoramque,
 Onkelon, & Kimchi; quæ te (*ad K.*) vel nomina terrent,
 Commentatores Rabbinos; Kabbala quicquid
 Implicuit nodis, cæcoque ænigmate texit.
 Trinos ergo libens solidos dabo; sed tamen antè
 Vestigem, lustremque oculis, ne saucius ullâ
 Parte vacet codex, neu desint plura. (*W.*) Libellum
 Porrigat è vobis aliquis; (*ad B.*) scrutare. (*B.*) Quid hoc est!
 Excusor, titulusque deest, ac pagina Princeps;
 Vestibulum ante ipsum, primoque in limine FINIS
 Scribitur; Onebulo! (*ad W.*) qui mancum obtrudere librum
 Ausus es, ac doctam speras fraudare Juventam.

S. Sic tibi notus Arabs? Sic intellectus Hebræus?
 Kimchi lectus in hoc? & in hoc tibi Kabbala ad unguem?
 Ut tandem ignores Eoos ordine verso
 Incipere à dextrâ, in lævam migrare legendo,
 Insuetâ ire viâ, & vestigia ferre retrorsum?

(*W.*) Quin tu (*ad S.*) quot numeras? (*S.*) Trinis addo
 insuper unum.

D. Ast ego, me quanquam (pudeat neque vera fateri)
 Ignoti nova forma typi, abnormisque character
 Attonitum feriat, percussaque lumina turbet;
 Ut stet honos sacris, sanctæ ut reverentia linguæ,
 Sex numero solidos. (*W.*) Nemon' plus? Nemo? Semel; bis;
 Ter sonuit buxum; fugit irrevocabilis ictus.

C. Quo nunc Relligio, & Divûm Reverentia, Divûm?

Quos

Quos emptus Moses non dat, dabit Histrio nummos.

W. En hîc Suarezî bis dena volumina vobis!

C. Bibliotheca, liber! (W.) Quis tam spolia ampla reportet?

K. Heu! mea non capiunt tam grandem scrinia molem,
Hospitiumque negant angusta cubilia; lecto
Defuerit statio, modò si Suarezius intret.

B. Quindenos numero solidos, atque aufero librum.

S. Aufers? antè tamen tecum perpende, pusilli
Quid valeant humeri, quid brachia ferre recusent.
Huic oneri cervix non sufficit ulla; Milonis
Lassabit collum, vel Turni, vel Diomedis.

D. Quanti cistiferum conduces? aut ubi quæres?
Namque Atlante opus est, aut Hercule; si modò tanto
Non cadet Alcides sub pondere, non ruet Atlas.

W. Trina semel pondo; tria, bis? tria, pro pudor ingens!
Ter sonuit &c.

Proximus en vobis se Berkenhaubius offert!
Ecquis dat binas (sunt bina volumina) libras?

S. Siqua anus est, miseræ cui sit tutela senectæ
Et struere, & chartâ subter fulcire placentas;
Siquis cordyllis optet piperive cucullos,
Quive papyraceos gaudet componere milvos,
Aut Sombros qui vendit, emat te, Berkenhaubi.

D. Utcunque id nimium ducam, dabo quatuor asses;
Namque domi ruptæ Phœbum Boreamque fenestræ
Admittunt; præsens chartâ quare indiget usus,
Vulnera quæ repareret, quâ sit mihi facta cicatrix.

W. Quatuor ille semel; bis, quatuor! (B.) Ast ego
quinos.

W. Quinque, semel: bis, quinque asses! proh tristitia Fatal!
Ter sonuit, &c.

Julius en vobis Cæsar! quis reprobus, & quis

Electus;

Electus; qui grex hominum damnabitur Orco,
Quos cælum manet Indigetes, liber iste docebit.

B. Et tu Calvini sectaris dogmata, Cæsar?
Tu Romæ civis, mediâ natusque Suburrâ
Tandem evasisti Fanaticus, & Catharorum
Unus? Sed memini; Namque hanc ego semper amavi
Historiam (dormit mecum lectissimus Author,
Itque comes, quocunque vager, quodcunque faceßam,
Jam nunc in loculo est) memini, inquam, ut bella Genève
Gesserit ante lacum Cæsar, quo tempore forsan,
Quanquam hæc exciderint mihi jam, neque lecta recurrunt,
Obvius huic veniens Calvinus stillat in aurem
Principis occultum virus, fallitque veneno.

S. O si Democriti costas mihi fata dedissent,
Aut Millingtoni! Nam cui laterum satis? aut quis
Sufficit in tantos vulgaris pulmo cachinnos?
Calvino quisquis committit Cæsaris annos,
Idem aprum fluviis, filvis Delphina; Jacobo
Deucalionem idem jungat Pyrrhamque Mariæ.

B. Quicquid id est, prædulce adeò mihi Cæsaris ipsum
Nomen, ut undenas grave non sit solvere drachmas.

W. Undenas, semel; undenas, bis; quis duodenas?
Ter sonuit, &c.

En liber insigni facie, minioque superbus!

C. Nomine non opus est; sua vendet purpura librum.

D. Noster erit, noster pretio quocunque libellus.
Cœruleæ mihi terga notæ, distinctus & auro
Incendit mentem fulgor; quàm pulchra videri
Pagina! quàm splendens! ut scrinia nostra decebit!

K. O malefane puer, nimiùm ne crede colori;
Fronti nulla fides; intus si lumina vertas,
Congeries vocum informis, confusaque rerum est

Farrago,

Farrago, & tardis bilem motura Batavis.

S. Hunc illud credis Juvenem curare, peritus
Indoctusve fuit, modò murice fulgeat Author?
Aspicias hunc ipsum? multo est spectabilis ostro;
Sunt nitidæ, ut cernis, vestes; coma pexa decenter:
Sed vacuum caput est, sed lævâ in parte mamillæ
Nil salit Arcadico — (D.) Quin parciùs utere linguâ,
Parciùs Ensisferis ista objicienda memento,
Aut ego — Sed præstat non neglexisse libellum:
Auratos numero binos. (W.) Plus nemo? Semel, bis;
Ter sonuit, &c.

En Nepotis vitæ, curâ studioque Stephani!

K. O natum averfis Musis, & Apolline lævo!
Quem non arte Deus, Dea nec dignata cerebro est.

W. Nunquam Helicon bibi, fateor; quin protinus ad
rem.

K. Assent ego, (B.) Deinde unum, (W.) Binos, Semel (S.)
Addo ego porro

Binos; (W.) Quatuor ille, semel; bis: (D.) Deinde Qua-
W. Ter sonuit, &c. [drantem.

C. Sunt capita Heroum tam vilia? Scilicet unum
Miltiades assent; luscus valet Annibal unum;
Atticus inde duos; dat cætera turba quadrantem.
Me Cicerone opus est; Me, Me, inquam, Rhetora poscunt;
Ast ego, namque mihi est dicendi copia torrens,
Frigida magniloquis incendam pectora dictis.

‘ Sol, qui, flammigeris mundum complexus habenis,
‘ Hinc atque hinc rutilis animas fulgoribus orbem,
‘ Ocyùs, ocyùs ignivomos huc flecte caballos.

K. Quorsum hæc? cur Phœbum demens in carmina poscit?

C. ‘ Nam neque cùm roseus Nabathæo surgis in auro,
‘ Nec Tartessiacâ stridens ubi mergeris undâ,

‘ Quæ

184 MUSÆ ANGLICANÆ.

- Quæ te cunque rotat cœli plaga, fœnore tanto
- Te ditat, tantæve ostentat splendida gazas.
- D. Quas gazas, aut quæ spectacula narrat Hiator?
- C. ' Jam sua Pellæus taceat monumenta Canopus,
- Tusca Palatinus neque scripta ostendet Apollo,
- Oxonio cedat Roma, & tu, Phœbe, Tryphoni.
- Quis Bodleianis congesta volumina thecis,
- Quis nunc Seldeni archetypos, aut scrinia Laudî
- Objicit, Hanc quando lambentem fidera molem
- Librorum, Aonidum hæc armamentaria lustrat?
- Quare agite, Oxonidæ, Magni soboles Aluredi;
- Vos majorum umbræ, defunctæque nomina patrum,
- Hammondi manes, Allestræanaque busta,
- Immortale Scoti decus, æternique Baconis,
- Chichleiusque parens, & avunculus excitet Occham.
- Si meliore luto finxit præcordia Titan,
- Si frater vestri radiis ac sole favoris
- Incaluit dudum; Nunc, ô prohibete, tenebris
- Ulla serenantes caligent nubila frontes.
- Sunt mea vota tamen fratris contraria votis;
- Vertice sim nudo, precor, indulgete roganti.
- Cur rogitem, primum est, quòd jure antiquior omni
- Mos Britonum id poscat; Britones mihi semper amici,
- Asservat mihi namque Britannia parva penates.
- Deinde decet; sed quod par omnibus argumentis,
- Convenit, atque placet. (S.) Concessa est copia; fervet
- Namque tibi cerebrum, fuerit nec inutile frigus.
- C. ' Literulis dum stabit honos, dum gloria libris,
- Dum tollet Rhedycina caput, dum vitreus Isis
- Alluet has arces, dum nobile Bibliopola
- Nomen erit, tanti haud abolefcet gratia facti.
- En hîc Hobbessii, vegrandis bellua famæ,

Leviathan!

Leviathan! Hic est, qui subterranea regna
Audens atque ipsum Plutonium à sedibus imis
Avellit; clausit dudum tria Cerberus ora,
Et Phlegethonteæ siluerunt murmura ripæ.

K. Vos, quibus in cœlum pietas, & numina cordi,
Improbis (ô pueri, fugite hinc) latet anguis in herbâ.

B. Esse homines dicit, sed non ego credulus illi,
Sanguineum genus, & Cadmeo semine natos;
Bella simul cunctis, civilia bella moveri.

S. Isti siqua fides, ego sum (quis crederet?) urfus;
Tu tigris; lupo ille, ferâque immanior omni.

C. Sin ita, qualis ego, vel qualis bellua frater?

D. Neu queat ulterius tam noxia serpere pestis,
Quinque dabo solidos; emptum Vulcanus habebit.

C. Quinque, semel; bis, quinque; ô lamentabile fatum
Hobbessii! quinis octogenarius Author
Vaneat ut solidis! Dii talem avertite pestem.

Ter gemuit pluteus, ter tela sonantia torfi:

Δεινὴ ὃ κλασγὴ γένητ' ἀργυρέοιο βιοῖο.

Quem nunc, quem facient Zabarellæ scripta beatum?
Hic est, cui penitus Naturæ arcana tueri

Contigit, atque imos rerum penetrare recessus.

S. Hic est, quem cecinit sublimi carmine Vates,
Non stat in Aulâ meâ, qui non stat pro Zabarellâ.

D. At quâ pelle liber, quàm vili tegmine sordet!
Ut mala vix laceras cogit junctura tabellas!

K. Quid si rupta toga est, si fœda ac scissâ lacerna?
Sæpe sub inculto latuit facundia panno.

Tres ego, tres solidos. (C.) Tres hic pro codice terno;
Bellus homo, ac largus nummi! Tres iste semel, bis;
O miseras artes! (B.) Trinis super addo trientem.

C. Lucro est iste triens, grates Zabarella rependet.

186 MUSÆ ANGLICANÆ.

Ter gemuit pluteus, ter tela sonantia torfi.

C. En hîc, en vobis Foxî immortalia scripta!

K. Ista legat, si cui ferrum est in pectore triplex;
Me pavidum terrent congesta cadavera flammis,
Semiustique artus, & corpora trunca virorum,
Furcæque, gladiique, ac plurima mortis imago.

B. Libram ego. (S.) Dein solidum. (D.) Binos porro.
(B.) Insuper unum.

C. Heu, quianam segnes? quæ vos socordia cepit?
Si juvat his gradibus pedetentim surgere, nunquam
Supremam dabitur pretii contingere metam.

Antè diem clauso fuscabit Vesper Olympo,
Quàm te dimittam, Scriptorum maxime Foxi. [addis?

S. Addo ego dodrantem. (C.) Dodrantem prodigus

D. Sextantem super his numero. (C.) Quid cunctor?
Ter gemuit, &c. [Habebis.

B. Sed meus est, nummis ter denis antè poposci.

C. Siccine? (K.) Sic res est; audivi. (C.) Sit tuus ergo;
Fiat Justitia, & ruat Auctio. Quin agite, Hic est,
Hic est quem legis, ille quem requiris
Toto notus in orbe Martialis.

B. Unde huic tantus adeps, de quâ venit iste culinâ?
Cuive fuit patinâ pro deficiente paropsis?

S. Nempe prior Dominus nunquam deponere suevit;
Huic conviva fuit, commessatorque libellus.

K. Utcunque est, nummis poterit constare duobus.

B. Aut tribus, & lucrum facit haud leve Bibliopola.

C. Nempe tribus nummis Epigrammata mille; semel,
Ter gemuit, &c. [bis;

S. Quid jam indignantem vetet exclamare Poëtam?

I nunc, edere me jube libellos;

I nunc, edere me jube libellos.

C. Ecce

C. Ecce Almahidam? Siquis tamen hanc quoque; si quis Captus amore: Ubi nunc vos, ô mollissima corda, Estis Amatores? Ubi jam Deus ille Cupido; Idaliique arcus, flammæque, ignesque potentes?

Τόξα πυρπνέοντα, πολυφλόγερά τε φάρεσσι;

K. Vicenos obolos. (C.) Nullum intus concipis ignem, Nec Venus est tibi nota. (S.) Tricenos. (C.) Incipit ille Ardere, & flammæ sensim, Cypridemque fateri.

D. Bis quinos solidos. (B.) Cupis, & potiùre cupitâ; Ter gemuit, &c.

C. Baxterus sequitur; (K.) Quo non præstantior alter Protrahere in longum multæ damnosa papyro Dogmata Rixator; centum ille volumina, centum Arte laboravit, discors sibi in omnibus idem.

B. Quis dat quinque minas? (K.) Solidos ego quinque.

(B.) Semel, bis.

Pergite; seria res agitur; properate; minacem Cernitis hanc dextramne? an vos, cùm fulmina vibro, Nequicquam horretis? vano neque malleus ictu Terrificat mentes, sed inania verbera mitto? Ter gemuit, &c.

En hîc Æsopus! (N.) Quantum ô mutatus ab illo, Cui tumuit tergum montani pondere gibbi!

Ille meus fuerit; dabitur pars septima libræ.

S. Sextam ego; (N.) Nos quintam; (S.) Dominum te

B. Ter gemuit, &c. [Æsopus habebit.

S. O Corydon, (ad D.) Corydon, demens es; nam neque Author, sed pictura emitur, sculptorque Batavus. [tanti

B. Quin age jam, frater, (ad W.) si quo cor ferveat igni, (In filice, inque ipsis saxis sunt semina flammæ)

Si stimulos dedit exundans mea copia fandi,

Emptorum huic pariter spectatorumque coronæ

188 MUSÆ ANGLICANÆ.

Solve pias grates, ac vestigalia laudum.

W. ' Non averſæ adeò mihi Muſæ, & lævus Apollo,
' Uſque licèt temnar, nec ſim, te (*ad K.*) judice, vates :
' Non obtuſa adeò finxit mihi peſtora Titan,
' Immemor ut veſtros dicar filuiſſe favores.
' Ingenii ſiquid ſpirem, (*K.*) Quod ſentio, quàm ſit
' Exiguum. (*W.*) Foret aut dicendi ſiqua poteſtas,
' In quâ me non inficior mediocriter eſſe
' Verſatum ; (*B.*) Quiſnam hunc feret ex Cicerone Poëtam?

W. ' In veſtras irem ſœcundo flumine laudes.
Flumen ego dixi? Fulmen dixiſſe decebat.

N. O hominem lepidum, Grantæque ſub æthere natum,
Qui ſimiles ſtrepitus, ac tintinnabula vocum
Inſequitur, nudo & verborum in cortice ludit!

W. ' Malleus antè meus frondes virgultaque fundet,
' Antè dies perimet Sheldoni nobile marmor
' Cœlo efformatum, feriens quoque vertice cœlum :
' Antè bibet Cami Oxonium, Granta Ifidis undas,
' Venditor antè libros culpabit, & efferet emptor,
' Antè Geneva typis Stephanum ſuperabit & Aldum,
' Ac priùs Oxonidis ego cedam Bibliopolis,
' Quàm veſtra exciderint animo mihi munera ; Dixi
' Ille Cuperus ego, patriâ qui Parvo-Britannus.

C. ' Quid jam currentes prohibet me claudere rivos?
' Namque opus exegi, quod nec Dea dira Vetuſtas,
' Nec Lethes poterit pigrum delere veterum ;
' Magnæ molis opus, ſub quo gemat ipſe Pyracmon,
' Atque ingens Steropes, & vaſto corpore Brontes.
' Nam neque cùm Siculo immanes Cyclopes in antro
' Æoliis validos geminant incudibus iſtus,
' Tantum opus exercent ; æquâ vi brachia tollunt
' In numerum, tanto neque turbine malleus exit.

' Veſtris,

- ‘ Vestris, Oxonidæ, auspiciis, ac numine vestro,
 ‘ Longum iter emensi tandem superavimus æquor.
 ‘ Sed nec opis nostræ est dignas persolvere grates;
 ‘ Dii vobis, siquis Deus artes respicit æquus,
 ‘ Præmia digna ferant; ante omnes innuba Pallas,
 ‘ Mercuriusque potens linguarum, atque augur Apollo.
 ‘ Quo tamen usque vehor? quo me furor entheus urget?
 ‘ Namque ego, dum laxis vestra in præconia velis
 ‘ Metior Oceanum, & Zephyris dare carbasa pergo,
 ‘ Haudquaquam memini, quanto vos torreat igni
 ‘ Sirius; ut madidos artus, venasque perustas
 ‘ Pulverulenta coquat nimis Phaetontibus æstas.
 ‘ Reprimo me, Musisque injungo fræna solutis.
 ‘ Ast hunc malleolum, nostrâ gestamen in arte,
 ‘ Postibus his figo sacrum, & rem carmine signo;
 ‘ Hæc Millingtonus Rhedycinæ atque Artibus arma.

ARTHURUS KEYE, *Armig.*

WALLER BACON, *Armig.*

ED. STRADLING, *Armig.*

GEO. DIXON, *Armig.*

CHRIST. CODRINGTON, *Armig.*

GUL. WOODWARD, *Armig.*

}
 } *ex Æde Christi.*





De PÆTO, seu TABACO.

Liber Primus.

PNocuos calices, & amicam vatibus herbam,
 Vimque datam folio; & læti miracula fumi
 Aggredior. Tu, qui censu decoratus equestri
 Virtutem titulis, titulos virtutibus ornas,

Antiquum & Phœbi nato promittis honorem,
 Tu, Paddæe, fave: nec enim præstantior alter
 Morbifugæ varias vires agnoscere plantæ,
 Inque tubo genitas haurire & reddere nubes.

DA, puer, accensum selescto fictile Pæto,
 Ut Phœbum ore bibam: quis enim sine numine Pæti
 Digna canat Pæto, & tantis se comparet ausis?

NON inventa homini humanos adolevit in usus
 Nobilis herba, patri sed primùm visa Lyæo,
 Cùm madidus ficos thyrso subduceret Indos,
 Notuit, ad feros & claruit inde nepotes.

FORTE per æstatem tesquis arentibus hostes
 Nôrat in insidiis meditari prælia Bacchus;
 Arma jubet celeresque jugo subungere Lynces,
 Bassaridasque sequi; Silenum accedere curru
 Mandat, & in pugnam totis exardet habenis,
 Ponè sequebantur lixæ, jumenta que multo
 Tarda onere, & lentis congesta viatica plaustris,
 Et claudus senio Sileni vector Afellus:
 Dumque volat furiata phalanx, inimicaque quærit

Agmina,

Agmina, per vastas & lassâ vagatur arenas,
 Dira fames, urgetque fitis; defectaque succo
 Membra labant; defunt ipsi sua munera Baccho:
 Amphora Sileni curru subversa jacebat
 Amplo exhausta sinu; sitienti ambusta dehiscunt
 Ora Seni, ardentes dum ducit hiatibus auras:
 Mænades, & Satyri, multumque proterva juvenus
 Impatiens scrutatur aquas per viscera terræ,
 Nequicquam; de se tandem sibi pocula quærunt,
 Et falsum potant, quem dat vesica, liquorem;
 Pocula spurca nimis: sed & hæc quoque pocula defunt,
 Increcente fiti, Venis & deficit humor.

Spes tum accisa omnis, faciesque miserrima rerum
 Apparet; tostas alii de faucibus atris
 Exhalant animas: alii per mutua fundunt
 Vulnera, quem rapiant ante ultima fata, cruorem.
 Jamque acies moribunda cadit, quum valle remotâ
 Eminus obscuri facies confusa vireti
 Visibus occurrit dubiis: tumque Evius, altum
 Inclamans, duremus, ait, tantisper in armis,
 O Socii, optatam vicinâ in valle salutem
 Aspicio; hîc lentos toto conamine gressus
 Accelerant, renuuntque mori, venasque supremo
 Sanguine manantes, animæ spiracula claudunt.
 Utque propinquabant, altis se prodit opacum
 Stipitibus nemus, & foliis spectabile vastis.
 Euge! meis, clamat, cognatam viribus herbam
 Agnosco, munusque Deum. Sed plura volenti
 Surda manus, latas tenero de caudice frondes
 Carpit, & ignoto latrantia viscera succo
 Demulcet; viridis stillat sub dentibus humor.
 Non tamen oblatas Sileni provida virtus

192 MUSÆ ANGLICANÆ.

Præcipiti vorat ore dapes, sed cautior usu
 Hæret, ab exemplo documenta abstemius optans.
 Nec mora; quis patulis lateat sub frondibus error,
 Eventus docuit: totis (mirabile) castris
 Evomitur, caditurque, velut cùm gurgite pleno
 Ingruit admissi miranda potentia Bacchi;
 Volvitur in gyrum tellus, cælumque videtur
 Nubibus adductis surgenti occurrere terræ:
 Tum sopor obrepit, somnique invicta cupido
 Germanam dubiâ præfagit imagine mortem;
 Capripedes mediis diffusos stertere arenis
 Cernere erat, disjecta solo defessa furentum
 Membra Mimallonidum devota jacerere sepulchro.
 Mox, ubi discusso longi languore veterani
 Plenior ex adytis in singula membra recurrit
 Spiritus, amissæ redierunt corpore vires.
 Surgere tunc alacres, pedibusque insistere firmis,
 Et fulgere oculis, thyrsumque vibrare lacertis
 Fortibus, absentesque laceßere vocibus hostes.

ATTONITUS monstro, non huc sine numine, amici,
 Appulimus, Silenus ait: nec dona Deorum
 Despicite, ingenitas vires, nec numina Bacchi;
 Nec pudeat certâ salvos à morte fateri
 Cælitus ostenso vitam debere Tabaco:
 Advenisset enim languentibus integer hostis,
 Victa siti manus hæc cecidisset victima ferro,
 Tinctaque venisset victoria sanguine nullo;
 Nunc veniat, validasque manus, animosque viriles
 Sentiat, &, si mens suadet, fera prælia tentet.
 Sed rationis opus; Superûm nec munera cæco
 Contemneranda usu. Si quid sapit ista senectus,
 Viribus eximiis permistum in stirpe venenum

Delitet:

Delitet: in ventrem virides ne mittite succos,
 Mandite nec folia ingestis confusa salivis;
 Virus inest crudis: æstivo Sole recocta
 Credibile est tutos præbere halantibus haustus;
 Nec ventri, at cerebro (si testâ evolvere fas est)
 Pabula grata reor subtilibus eruta fumis.
 Quare agite, ô juvenes, tam digni muneris aptos
 Ingenio & rapidis extundite mentibus usus.
 Dux ego vester ero; quid mens dictaverit, omnes
 Accipite; arentes prolixâ uredine frondes
 Comminui manibus jubeo, cannâque reponi,
 Protinus educto radiis solaribus igne
 Contingi, & positis adversâ parte labellis
 Exsucti calidas nubes adducere fumi;
 Ocyùs ut possint cerebri pervadere flexus,
 Vinosisque leves recreare vaporibus auras.

DIXERAT: hinc Satyri teretes aptare cicutas;
 Deciduas alii siccâ fuscâ frondes
 Frangere: pars tubulos arfuro pulvere complet,
 Pars stricto ore trahit (risumque sodalibus affert)
 Pulvereum flumen, tussesque inducit iniquas.
 Ipse pater fremitus vana & conamina risit.
 Igne carent, ignem votis ardentibus optant.
 Ecce! Senex densum, quod habebat mantica, vitrum
 Depromit, vafri inventum subtile Promethei,
 Furati æternas cœli de fornice flammâs.
 Hic latet ignis, ait: suscepto & Sole rotundum
 Molliter acclivi depressum in vertice centri
 Frondibus admovit Phœbo penetrabile vitrum.
 Cuspidis in morem radiis concurratur; auctus
 Inde calor sensim serpit, fomentaque circum
 Arripit, & fumo vicinum nuntiat ignem.

194 MUSÆ ANGLICANÆ.

APPLAUDUNT Satyri, Faunique, senemque magi.
Attollunt humeris, vocesque ad fidera tollunt ; [strum
Ipse cavam ante omnes accommodat ore cicutam,
Leniter adducit nebulae mirabilis haustus,
Et ductos patulis fumos è naribus efflat.

Nec mora ; permotus subitâ dulcedine, toto
Corpore diffusum sentit gessere vigorem,
Ut solet à noti fecundo flumine Bacchi
Serpere paulatim non intellecta voluptas.
Ora madent : non falsa sitis, non vexat acerba
Esuries, vomitusve : levi vertigine tantum
Crura vacillare, & supremam udescere frontem
Percipit ; illæsus sed & hæc vanescere gaudet.

TUM vacuus, densâ Pati porrectus in umbrâ,
Omnigenum ut patuit fecunda scientia rerum,
Dulcibus absomit lentas sermonibus horas,
Explicat ingentes opulentæ mentis acervos,
Ludenti & similis Naturæ arcana recludit ;
Implicitos memorat sphaeris cœlestibus orbes,
Compagemque hominis, terræ & miracula pandit,
Addit & orac'lis docti libamina fumi.

FUMANTEM sequitur circum diffusa juvenus,
Ipsa novis operata tubis, fumoque fragranti ;
At rudis ore vomit naso reddenda patente
Nubila cum multâ tussi lacrymisque jocosis :
Ridicula, appressis animam quæ claudere labris
Nescit, perque cavas iterum depellere nares ;
Docta sed exemplo grandævum requare magistrum
Efflando satagit, repletque vaporibus auras ;
Dumque hilares animis lætâ vitulantur in herbâ,
Ecce venit fessis longum expectata ministris
Annona, & multo ferventia dolia vino.

Clamores

Clamores geminant, versisque ad cantica cannis
Gaudia agunt, epulisque favent, multumque vocatis
Jumentis, reduciq; senis gratantur Asello:
Indulgent Cereri primò, tum Massica libant,
Viteaque admittis alternant pocula fumis;
Cuncta fremunt fumo, cantu, mistisque choreis,
Donec dulcem oculis fudit nox alta soporem.

POSTERA ut illuxit lætis aurora, serique
Admonuit belli securas pace phalanges,
Lenæus pater, & Sileni cana senectus
Extimulant, si quos festivi hesternæ diei
Fregit luxuries, animosque hortatibus addunt.
Sat cyathis, genioque datum; nunc prælia mentes
Sollicitant; positas assumite vultibus iras,
Et fortè instanti dextras componite pugnae;
Ne vigil incautè palantibus ingruat hostis,
Et cadat ipsa suas cædes non ulta juvenus.
Nec verò nobis virtus incognita vestra est,
O Socii, magnis neque non confidimus ausis;
Sed nocet ignavas quamvis contemnere turmas,
Securosque mali ignotis incedere terris.
Impavidi ergo animis sedato insistite gressu,
Neu mala nos iterum letho penuria mulctet,
Agmine composito lenti procedite, Pæto
Non sine contrito, promptisque ad labra cicutis,
Et levibus fungis, servato & restibus igne.
Hoc animi surgent ad prælia, nubibus istis
Prodigiiq; novâ specie terrebitur hostis;
Este viri, famam & factis sperate perennem.
Dixere: assensum properant applausibus omnes,
Et sibi quisque suo stationem corpore servat.

ARDUUS in curru medio pater agmine Bacchus

196 MUSÆ ANGLICANÆ.

Eminet ; impexi tergo Silenus aselli
 It comes, haud multùm bellax, nec idoneus armis,
 At bonus eloquio, & subitis dare tuta peric'lis
 Consilia : æquales utrinque excurrit in alas
 Densa acies, hostemque animis pugnacibus optat.
 Nec procul hostis abest : vicini vertice montis
 Opposito emergit, summisque hastilibus extat.
 Bassaridis calido fervercit pectore sanguis,
 Ærea sisra manu quatiant, & tympana pulsant,
 Vino acuunt iras residues, haustoque Tabaco
 Excludunt lethi faciem, suaque agmina circùm
 Nube tegunt atrâ : spirantes naribus ignem
 Procedunt : medio glomeratur in æquore nimbus
 Igne micans, tonitruque fero, fumoque stupendus.
 Ostento attonitos subitus pavor occupat Indos ;
 Non homines sed furva rati de faucibus Orci
 Numina, consternati animo certamen iniquum
 Detrectant, trucibusque timent conflagrare monstros.
 Pars fugit, & positis quærit velociùs armis,
 Quam dare victoris mallet clementia, vitam :
 Pars orat veniam, parere & jussâ modestis
 Imperiis patiente jugum cervice capeffit.
 Sed pudet erroris, stultâ & formidine tactos
 Extimuisse piget vani sufflaminâ fumi ;
 Libertate dolent servâ ; solatur at illos
 Indulgentis heri condita lepore potestas,
 Et victoris amor : simili discrimine victos
 Victoresque videt, bellis utrinque remissis,
 Una dies miscere epulas, Bacchumque ciere,
 Et simul alternis fumum potare cicutis :
 Mirantur bona nata domi, nec nota queruntur,
 Et nebulas animi jucundis nubibus arcent.

ATQUE

ATQUE hæc prima fuit mortales stirpis in usus
Notitia, hæc latè noti cunabula fumi.

Jam quæ vis lateat plantæ, quibus apta bibendo
Corporibus, quibus & pugnet contraria morbis,
Musa, refer, geniumque novo concede labori.

IN primis non una subest natura stupendo
In folio: adversis dives virtutibus omnem
Exuperare fidem gaudet, stirpesque beatas
Provocat: hellebori robur, rheabarbara duras
Solvere nata alvos, facientem gaudia vitem,
Balsama vulneribus laudata, fabamque suillam,
Nepenthesque animi mulsam, gravidumque papaver.
Magna Dei virtus, quæ tot miracula rerum
Seminis exigui tantillo cortice clausit!

Quod licèt haud superet cineris, vel lævis arenæ
Fallentis digitum, & numerantia lumina, molem,
Mox dabit ingentem frondoso tegmine sylvam,
Et certa in dubiis promet medicamina morbis.

Quòd si quis tantas rimari indagine causas
Aggreditur, multum immani sub pondere sudet;
Seu diversa falis miræ substantia plantæ

Compositum esse dedit, multis & dotibus auxit,
Seu simplex variis obnoxia casibus una
Materies alios pro mole & tempore vultus
Induit, atque aliter distincta in corpora regnat,
Naturæ latet in gremio, nec cernere pronum est.

Si tamen exemplis libeat velut indice filo
Ire per anfractus dubios errore viarum,

Inque sibi similes totum dissolvere partes,
Forſitan occurret, quo mens placata quiescat,
Et si non verum, at veri illucescet imago.

QUICQUID inest rebus sapidum, discernere gustus

198 MUSÆ ANGLICANÆ.

Quod valet, id salis omne solet de nomine dici.
 At gemina est natura salis; vel funditus hæret
 Corporeæ moli, ad superas nec tollitur auras,
 Suppositis flammis, cineri sed figitur acri;
 Dictus & hinc fixus: levior vel ab igne solutus
 In sublime volat fumo subvectus amico,
 Accrescitque apici in morem fuliginis atræ;
 Inde Sophis à re sal ille volatilis audit.
 Hic aliud memori occurrit ratione tenendum,
 Viscera quòd terræ salibus prægnantia multis
 Stirpibus innatis fœcunda alimenta ministrant,
 Ut sua cuique trahit proprium natura fluorem.
 Fructibus hinc sapor accedit, hinc floribus omnis
 Spirat odor, retinentque sui vestigia succi.
 At tellure latent, penitus confusa cavernis,
 Sulphurei latices, nitri glacialis amaror,
 Lethale arsenicum, flammis affine bitumen,
 Argenti liquor in fœdam resolubilis auram,
 Chalcanthumque acidum, linguæque astrictor, alumen,
 Atque alia innumeros factura elementa sapes.

SI quis jam excutiat prolixo carmine, de tot
 Principiis, cui accepta ferat sua munera Pætum,
 Comperiet tanto dignum sudore bitumen,
 Cujus in eximiâ species supereminet herbâ,
 Pingue, olidum, acre, tenax, nitro sublime volanti,
 Ignis amans, crassâque ferens fuligine fumum.
 His pictam in tabulâ quicumque coloribus herbam
 Non videt, hunc oculis captum & rationis egentem
 Crediderim: quid enim magis aspectabile? dextram
 Trita oleo fœdat, digitos & glutine viscat,
 Et solidat crudum lento ferrumine vulnus,
 Sorditiem ulceribus falsugine terget amarâ,

Nec putrere finit; sensum nam faucibus acrem
Impingit, longumque relinquit in ore calorem.

Latè fusus odor virosâ vividus aurâ

Diffipat ignavum cerebro torpente veternum,

Siccat & illuviem eductis sternumine mucis.

Denique in aëreum flammis conversa vaporem

Fœta falis vivi, superasque volantis ad arces,

Pervia spiritibus mentis capitolia scandens,

Supplementa nova exhaustis animalibus infert,

Atque hebetes subito restaurat acumine mentes.

PLANTA beata! decus terrarum, munus Olympi!

Non tantùm agricolis duro lassata labore

Membra levas, minuis victûs absëntis amorem,

Fundis & absque cibo sparsas in corpora vires;

Sed radium specimenque Dei, sapientibus ipsis

Ingenium illustras, siquando aut multa tenebras

Colligit ingluvies cerebro, aut molimine longo

Intellectus hiat, rerum neque concipit umbras,

Conceptasve tenet, vel cœca oblivia regnant,

Ut semel irrepsit blando lux indita fumo,

Aufugiunt nubes atræ, curæque tenaces.

Vis micat inventrix, demto velut obice veli;

Tota oculis animi patet ampli machina mundi,

Æternæ species naturæ ex ordine nexæ

Succedunt, redeuntque suis simulacra figuris.

O quoties visus, magnâ spectante coronâ,

Orator populi cupidus dicturus ad aures

Contremuisse metu, docti sermonis acervos

Confudisse locis, linguâ & filuisse rigenti,

Quum memor ex tantis opibus sopita facultas

Nil daret in vocem, sed res & verba negaret,

Si modò vel micam generosâ è stirpe vorâisset

200 MUSÆ ANGLICANÆ.

Fumanti tubulo, accenso ceu lumine, sensim
Res reperisse suas, prendisse fugacia verba,
Thesaurosque animi populo exposuisse stupenti !

SI duo præterea, Stagiræ in pulvere docto,
Laudis amore novo, verive cupidine pulsi,
Pugnam agitant, verbis & digladiantur acutis ;
Omne animi intendunt robur, nervosque fatigant,
Nexibus impediunt cautum ut subtilibus hostem,
Aut validam incusso rationem pondere sternant ;
Stat circum pubes, pulchri & certaminis æquus
Arbiter, ingenii æquales utrinque lacertos
Mirantur, crebris vires applausibus augent :
Tandem obtusâ acie, ut fessis deferbuit ardor,
Lentior & validis insultus lucta remisit,
Sorbeat alteruter, sacrum refletque vaporem,
Ilicet, ut tactâ Antæus tellure, resurgit
Firmior, exhaustumque recens grassatur in hostem :
Jejunus cadit, at sequitur victoria potum.
Sin utrique placet nova de suffimine tela
Arripere, & calidam verbis producere pugnam ;
Tum videas paribus momentis prælia sæva
Eventu dubio in multam crudefcere noctem ;
Nec prius argutis discedere ab ictibus ambos,
Indefinitam abscindant quàm tædia litem
Judicis incerti, palmæ cui præmia donet.

SIC quondam Iliaco bello, par nobile fratrum,
Asclepî sanguis, Podalyrius atque Machaon,
Fertur ab Atride indictum certamen amicis
Suscepisse odiis, plantæ de laudibus Indæ :
Damnabat Senior linguâ tenus intus amatam,
Diffimulans veros sermonis acumine sensus :
Junior in fratrem jaculis ardentibus ibat,

Et pro dilectâ pugnabat serius herbâ.
 Cordatum ante tubam potârat uterque Tabacum,
 Impiger ingenium præclaro accendere fumo,
 Et mucronatis mentem gravidare sagittis.
 Multa hinc inde agili vibrata hastilia linguâ,
 Multa retorta iterum, crepero nec pausa duello
 Ulla fuit, nisi quam fumi dabat haustus amoeni;
 Unde renascentes stabant ad prælia nervi,
 Inviçtusque furor carum prostrernere fratrem:
 Donec inexhaustis crescentes viribus iras,
 Ancipitem & litem sententia magna diremit
 Regis, inauditæ gaudentis honore palestræ:
 Robore sic proprio ceciditque stetitque Tabacum.
 Et nunc de fumo gravibus confligitur armis.
 Usque adeò nil scire datur, dubitabile quod non
 Ingenii faciat cita vis, & gratia linguæ.

SED me perplexi ingressum spineta Lycæi
 Penſi aliò textura vocat; quibus herba salubris
 Principiis constet, vero mihi carmine dictum est.
 Nunc quibus illa viris faveat, quibus illa resistat,
 Quosque ferat, pellatque ægro de corpore morbos,
 Expediam, simul ut calicem ficcavero Pæti,
 Ædibus & vacuis succreverit aucta supellex.





LIBER SECUNDUS.



OLLITE vos ignem, tubulosque : sat ætheris
haustum est :

Dum calet ingenium, dum sensibus integra vivis
Versantur simulacra, fidem exolvamus amicis ;

Odimus immemores ; mundum nec pascere fumo

Aggredimur, vanos aut ampullare per orsus.

Instat segnities, & Phœbo invisâ senectus

Tristibus impallens curis, divortia Cirrhæ

Mandat, & extremum Mæsis offerre laborem.

DICITE, Pierides, domitis quæ gesserit Indis

Liber, ut immanes populos moderamine legum.

Mollierit placidus, quernosque ligonibus enses,

Et truculenta levi mutârit ferc'la Tabaco ;

Ut mores, geniumque pater Silenus amœnæ

Stirpis, & innumeros ludens evolverit usus :

Forſitan hæc, qui vos biſido de monte per æquor

Trânſtulit auratam Boreæ regnator in aulam,

Audiet, &, tanto ſi non indigna parente

Funditis, innatum quanquam averſatur odorem,

Vestris perſuſum violis, animâque ſuâvi

Inter pulvillos variatâ mente reponet.

UT ſedit folio victor, non triſtibus armis

Sæviit in vitam vel opes, nec durus abactis

Indigenis ſtatuit dominos, nec more tyranni

Optavit metui, metuit non ipſe timentes ;

Lenibus alloquiis, & majeſtate remiſſâ

Partus amor populi, facilis clementia mores
 Erudiit, glebamque jugo parere suāsit ;
 Terra feris infamis erat ; lynceſque, lupique,
 Tigres, & celeres pardi, miſtique leones,
 Impunè infidias pecorique viriſque parabant,
 Tollere nec cladem intentis in mutua bella
 Cura fuit, major ſed erat meliorque voluptas
 Finitimos flammis vexare & cædibus agros,
 Et coſtos calidis hoſtes apponere menſis.
 Non tulit immanem ingluviem, qui temperat æſtus,
 Sanguinis inque ſiti pacis ſuffundit amorem ;
 Vaſtitiem luſtrare cupit, regesque cruentos
 Viſere, & ingenuas craſſis dare mentibus artes.
 Aſſumit numero è magno, quos indolis eſſe
 Sciverat urbanæ, calicum ſed largior uſus,
 Vitaque liberior, nerviſque inimica libido
 Fecerat effictos, at nobilis aura Tabaci,
 Compoſituſque labor, cœlique nitentior hauſtus
 Senſim reddiderat reparatis viribus ægros.
 Amphoriam, Balanumque legit, comemque Neandrum,
 Jucundos comites, totidem quibus addit amœnâ
 Fronte viros, luſcum Pelian, geniique ſagacis
 Idmona, cærulei ridendum tubere naſi,
 Pauperis & barbæ metuentem ſcommata Trullum.
 Hærebat ſociis, & elâm poſt terga ſubibat
 Olim gratus Aper, caſu ſed ſurdus iniquo,
 Non adeò, ut ſolitus, ſuavis comes, atque facetus,
 Juſſus abire manu, invitus ſub tectâ redivit.

Regulus Hæmatoës, quo non truculentior alter
 Vicinos capere, & captos prandere, tenebat
 Non procul imperium vaſtis incluſus in antris ;
 Turpis ubi laniena fuit ; juvenumque ſenumque

Corpora vincta jacent stabulis, pinguique polentâ
 Ingratam cumulant in gaudia dira saginam :
 Hùc, canibus, jaculisque, plagisque sequentibus, omne
 Cornicinum sonitu & mistis latratibus agmen
 Vertit iter ; nec longè aberat domus atra Tyranni,
 Qualem Dis habitat : primò venientibus antri
 Os immane patet ; congestis ossibus albet
 Limen, & affixis apparent culmina tectis,
 Consitus ut scolymis horrescit edulibus hortus,
 Quum capita in squamas longis crevère medullis.
 Fortè dies genialis erat, Lapithæque repòstis
 Instruere atlibus convivia lauta parabant.
 Agminis ad strepitum caveâ caput exerit heros
 Mulleus, & virides exponit vertice plumas :
 Mox refugit visis. Venit alter, & alter, & antri
 Interiora petunt, nec portam veste parato
 Claudere, nec miram meminère excludere gentem.
 Dum tenet attonitos cæcus timor, ilicet Idmon
 Primus in ignotos audet penetrare recessus,
 Cum cane nasuto ; sequitur mox cætera pubes
 Palpans in tenebris, nisi quâ per summa receptus
 Tecta viam ostendit sub opaco lumine splendor,
 Silenus medio, extremo tutissimus Evan.
 Perveniunt tandem, ducit quò nidor in aulam
 Ferventem fremitu, facies ubi dira culinæ
 Perculit ingressos primò, plenique lebetes
 Fumantum capitum, verubusque infixæ columnis
 Multa virùm femora, & stillantes lancibus armi ;
 Fœmineique coqui cinctis circum ilia peplis.
 Non procul in clathris porcorum more jacebant
 Corpora dena virùm festo servata propinquo,
 Dum crescant adipēs ; lacrymis quos Liber obortis

Præterit.

Præterit. Hæmatoëm attentâ dum nare molossi
 Vestigat, penitoeque latentem affatur in antro,
 Surge miser, vultusque hominum consuesce tueri:
 Venimus innocui, cædes nec cædibus istas
 Ulcisci est animus; veniam donamus avertis
 Ritibus, & placidos gerimus sine sanguine mores.
 Si cruor est cordi, pugnandi & tanta libido,
 Bella movete feris, armento arcete leones:
 Parcite vicinis, turpes nec ventribus escas
 Indite, nec foedis postes ornate trophæis.
 Non est illa lupis rabies: non tigride tigris
 Pascitur, irato nec fit leo cœna leoni:
 Tollite ferales epulas, & condite terrâ
 Tristes reliquias, dapibusque fruamur honestis.
 Ille nihil clarum; obscuros modò gutture mittit
 Grunnitus, torvumque tuens, non sponte, monenti
 Obsequitur, pavidosque jubet parere clientes:
 Tumque abit annona infelix, meliore paratâ,
 Succedunt verubus jucunda obsonia mundis
 Cervorumque suumque tori, leporesque anatesque,
 Venantum & quicquid dederat labor.
 Advolvuntur humi (nec enim conjungere mensas
 Hora dabat) Bacchus primùm vetulusque magister,
 Tertius Hæmatoës; nullo mox ordine seni
 Procumbunt comites, tum picti terga sodales.
 Fata juvent; nunquam dextras junxisse fideles
 Pœniteat (rex Liber ait) felicia sint hæc
 Fœderis incœpti primordia: ponite, amici,
 Ritus immundos, faciliq̃ affuescite vitæ:
 Tuque adeo, subitos aditus, nec libera, frater,
 Condemna alloquia, ingenui firmamen amoris.
 Proderit hoc olim hospitium, nec vestra juvenus

Utile subsidium vitæ didicisse dolebit:
 Hoc tu pignus habe, quo nullum sanctius optes.
 Dixit, & undantem vino cratera recenti
 Impiger exhaurit, secto quod palmite nuper
 Arboris aëreæ repetito effluxerat ictu,
 Utribus & plenis stabat propè: suscipit ingens
 Bellua, &, epoto miserorum sanguine, tetram
 Non priùs aspectum nectar deturbat in alvum,
 Emitteritque olidæ ructamina cruda popinæ.
 Subrisit Pelias: narem compescuit Idmon;
 Euvius increpuit nutu, & sermone benigno
 Non bene constantis vultum firmavit amici.
 Eugene virum! ut verò placuit liquor? ille subaudax,
 Fronte supercilioque ad verticis ossa retractis,
 Est bonus iste cruor, quocunque è gutture fluxit;
 Vix melior pueri imberbis: si quis mihi porrò
 Præbeat, haud verear patinam forbere secundam.
 Quod poscis dabitur: sed pocula jungere poc'lis
 Et turpe & nocuum. Nescis, bone, qualis in isto
 Sanguine sævitia est; proprio te discere damno
 Non patiar: fortè ex aliis sine crimine nosces.
 Ut verò patrias crassæ caligine mentis
 Ignoratis opes! hebeti tam grata palato
 Munera succiso de cortice sufficit arbor
 Obvia, nec sumptu, multo nec emenda labore;
 Sponte suos præbet lanianda securibus artus,
 Fundit & æternos redivivis fontibus amnes:
 Cædite, legitimos terræ bona vertite in usus,
 Ducite nec pulchrum humanis pinguescere venis,
 Et terræ sinubus serpentum more latentes,
 Luce virisque procul, naturæ extinguere lumen.
 Sunt vobis hominum vultus, sunt pectora, nec mens

Degener, intrepidæque animis ad prælia vires.
 Tot bona cur tumulo infoditis? de fronte character
 Humanâ periit, nec, quamvis sanguine pastis,
 Sanguineus color est: tumido sed luridus ore
 Pallor inest, oculique latent, discrimina nasum
 Nulla genasque inter; facies vesica videtur:
 Tempora nuda pilis, putri labra turgida tabo,
 Et nigro trepidi promanant sanguine dentes:
 Vix animam trahitis, nervis attollere costas
 Non datur, injecto ceu pondere pectus anhelat:
 Est piger excussis genibus gradus, & dapis almæ
 Nullus amor, sed humi juvat edormire veternum.
 Hanc situs, & nunquam soli nec pervia ventis
 Antra dedere luem, spurcoque obsonia succo;
 At magis ira Deum mensis accensa nefandis
 Intulit immundam resoluti robore pestem:
 Et jara barbariem luitis, potumque cruorem
 Redditis impuro, qui vos infecerat, ore,
 Ut moniti quæratís opem: sed nec bona vestra
 Nec mala novistis; tantus stupor occupat ægros.
 Cernitis accenso prognatum pulvere fumum
 Nare venire Senis velut exhalante camino?
 Pulvis hic herba fuit: vobis vicina Tabaca
 Nomine vix noto clarum dedit insula nomen.
 Hinc finem sperate malis: tu, cane magister,
 Cui natura parens rerum momenta suarum
 Credidit, ingenium remedi percurrere, modumque;
 Nec differ miseris optatam afferre salutem.
 Hic, paulum tubulo amoto flammæque moratus,
 Magna jubes, dixit: si quæ tamen auribus istis
 Digna putas, dicam; detur modò vita, recensque
 Libertas miseris, pedibus quos fune ligatis

208 MUSÆ ANGLICANÆ.

Ægrotos stabulis in fœdo stramine vidi.

Annuit Hæmatoës : solvuntur vincula claudis,
Prorepunt geminis nixi, sua quique gerentes
Ore mala, & lucem veriti tetigisse supremam,
Vultibus obscænis lætâ ductantur in aulâ.

Non tenuit lacrymas vetulus pater. Eia ! sodales,
Vivite, ait, vitam meliori ac ducite fato:
Nam licet, & dabitur : latet isto condita buxo
Vestra salus, modò sit servari certa voluntas.

Tu, miserande senex, muriam pro sanguine venis
Qui generas, cui crura labant luctante podagrâ,
Purpurei stillant hebetesque arctantur ocelli,
Cæcus eris, si spernis opem ; sed ab arte medelam
Sufficiam : & tumidis albo suffimine buccis
In pileum nebulam inspirat, vultusque seniles
Protinus includit junctis ad tempora limbis.
Excipit ore senex mordentes lumina fumos,
Et patitur jussus spe consolante dolorem,
Exprimit imbrem oculis, videt acriùs omnia circum,
Pleniùs admiscâ deterfis luce fenestris.

Atque potest adeò salebroâ in nare magistri
Eminùs extantes oculo numerare pyropos :
Namque rogatus uti, in naso quæ cerneret, & quot,
Diceret, ostendit digitos, &, fraga tot, inquit,
Aspicio, in nostris nascuntur qualia sylvis.

Ilia concussit vetulus, risère sodales.

Dignus es articulis sine nodo : age, fugito, dixit,
Claude labrum, & laxis expira naribus auram :
Sugit, & expirat ; sed porrò injussus, ut antrum
In gyros volvi, & turbari ructibus alvum
Sensit, humi recubans confertim cruda remittit
Frustra, & multiplices, quas antè voraverat, ossas.

En podagræ exitium : sic fonte revellitur ipso
 Succus edax teneros rodens sine dentibus artus.
 Hoc bis agas, cùm luna latet, cùmque orbe recrevit
 (Tum latebris turgent succi, tum mobilis humor)
 Post læves patinas, & prandia pinguis omasi,
 Sic ubi cisternam illuvie, primamque cloacam
 Terferis, humores ablatis fœcibus ibunt
 Purius; articulis blanda, & sine sorditie acri,
 Nutrimenta fluent, quo nec sæcunda malignis
 Reliquiis acidi pungentur acumine nitri,
 Torta nec in duram concrefcent vincula cretam.
 Tum levitate pedum Satyris certabis, & ipsas
 Sponte tuâ poteris saltu ductare choreas.
 Quòd si pauca tamen salsæ vestigia labis
 Exuperant, hausti blandâ torpedine fumi
 Vanescunt, nec hebes sensus, velut antè, dolebit.
 Hâc ope non podagræ tantùm cruciamina cessant,
 Sed porrò coli rabies, sed volvulus atrox,
 Gutturis & foedæ tollens discrimina sedis,
 Et capitis clavus, & sibilus auris adurens
 Mitescunt subitò, nec pòst injussa recurrunt;
 Si modò quis constanter amat, nec jurgia curat
 Conjugis in fumum insontem maledicta vomentis,
 Oscula quòd vitiet, nitidas & conspuat ædes.
 Vir fuit antiquæ fidei, nec moribus asper,
 Equoreas habitans morbofo in littore sedes
 Labe novâ infames; quos ceperat acre venenum,
 Frendebant medio terebrati abdomine; mox ut
 Repserat extremos morbi violentia in artus,
 Tensa velut valido membra omnia fune rigeabant,
 Nec vis ulla super, nec motûs ulla facultas.
 Ille malo arreptus Phœbæas jugiter artes

210 MUSÆ ANGLICANÆ.

Implorabat inops, dedit & medicamina Phœbus
 Nequicquam, at solitis conatum ludit in herbis;
 Donec inauditam melior fortuna medelam
 Præbuit, & facili reparavit damna Tabaco.
 Inde colit munus Divûm, multosque per annos
 Obtinet illæsam fumo constante salutem,
 Cùm priùs incerto vitæ, tremulisque lacertis
 Importuna lues necdum superata rediret:
 Nempe salis pungens acies obtusa sopore
 Desiit in molles mucronem intendere nervos.
 Sic ubi radicem dentis deterrimus humor
 Vellicat, ardentemque inflavit tubere duro,
 Qualem offert nucibus conclusis finia, buccam,
 Fumus in os veniat, parvoque ubi tempore clausus
 Manserit, extemplò gemitusque tumorque recedent.
 Sic aliæ migrant afflicto è corpore pestes,
 Quas mala conceptæ falsuginis aura creavit.
 Labentes pluvizæ sublimi è fornice tecti
 In teneros folles, quibus insita flamma movendo
 Vivit, &, in numerum flatu modulante, fovetur,
 Densatæ in mediâ pendent regione, forasque
 Antè, levis quàm sit membrana arrosa, feruntur.
 Quid referam tumidas fauces, laqueumque latentem,
 Hellucum, & subitâ dubios vertigine gressus,
 Clangorasque brevi minitantiæ flumina nares?
 Omnia mulcentur fumo, si provida cura
 Maturat, feras nec opem producit in horas.
 Sunt, quibus occultis mordax contagio membris
 Offecit, seu sparcities nitrosa canales
 Raserit urinæ, vel apertum facibus anum:
 Hinc quoque luctifico requiem sperate dolori,
 Qui matulæ ingemitis, qui clavos inter acutos

Horrida

Horrida Caucaſei depingitis ora Promethei.
 Non ego vaticinor, Parnaffi aut ſomnia fingo;
 Nota loquor, quæque ipſe prius crudelia ſenſi,
 Quàm facies Pæti mirandaque nota foret vis:
 Namque (fatebor enim) luxu tranſacta juventus
 Cum Baccho, Satyris, & ſuavi iſto comitatu,
 Hic illic vetulo rimas in corpore fecit,
 Subjecitque malis, quæ magna eſt nôſſe voluptas,
 Sanâſſe utilior; noſtroque probata peric'lo
 Certius in populi juvat uſurpare ſalutem:
 Sed quia par cura eſt triftes expellere morbos,
 Et validos ſervare habitus, quæ cautio ſanis,
 Diſcite, quiſve modus; nec enim omnibus omnia profunt.
 Odêrunt alii naturâ, ut triſte venenum,
 Deſiciuntque animo ad folii fumantis odorem:
 Stultè alii damnant, novitas quia diſplicet omnis,
 Quòd ſine Pæto atavi meliores ſtirpe ſequenti
 Conceſſum à Superis egêre ſalubriter ævum.
 Abſtineant ambo: nec enim pugnare decorum eſt
 Naturæ, aut rectam invitis infundere mentem.
 Si quis amat, ſapienter amet; nec Simius alter
 Conſilio, & ſine fine aliorum irrumpat in actus.
 Sunt qui fumum ideo, ut potent tantummodo, potant,
 Urbanos inter ne non habeantur amœni,
 An proſit noceatve ſibi ſus deque ferentes.
 Ruſticus ille malusque pudor: nam vel juvat hauſtus,
 Vel lædit; te ipſum noſcas, & idonea fumo
 Corpora, ne ſerò tandem tua damna queraris.

SI cui grande caput proſtanti fronte rotundum,
 Lati humeri, pectus patulumque, toroſaque membra,
 Sub cute obefa caro, pituitaque multa palato,
 Is bibat impunè, & repetito indulgeat hauſtu,

212 MUSÆ ANGLICANÆ.

Si libet, & justos sumendi respicit usus.
 Parciùs attingant graciles, quibus ardua cervix,
 Frons angusta, caput minimum, præcordia pressa,
 Excarnesque genæ, & paucâ mucagine nares.
 Ollis spirituum ut brevis est Annona cerebro;
 Obruitor facilè conferti aspergine fumi,
 Haud secus ac nebulæ hyberni caligine soles.
 Compositi validis biberint si largiùs æquo,
 Occupat ignavos torpor, defessa quietem
 Membra petunt, nervis velut ex ætate solutis;
 Manè tremunt, altâque obeunt in luce soporem.
 Quòd si præterea roseus color inficit ora,
 Et subeunt tusses, & densus anhelitus, illum
 Ejurare tubos jubeo, charosque sodales,
 Ne redimat nocuos vitæ discrimine lusus.
 Illi pulmo flagrat, putrive uligine turgens
 Febrim corde foveat, lentoque absolvitur igne.
 Sed si tantus amor fumi, nec tendere contra
 Vota libet, cæco ratio sed cedit amori,
 Bechion arentem sumat, fumumque capeffat,
 Non metus hinc fuerit, sed spes non vana salutis:
 Nec (moderatus enim) accendit calor, at levis aura
 Ulcera deficcat, faniemque è pectore ducit.
 Denique siqua vehit tectam causa abdita tabem,
 Seu mala per totum diffusa injuria corpus,
 Seu cita febris erit, læsi vel visceris æstus,
 Ah! tibi ne tanti sit perniciofa voluptas.
 Declina illecebras, & quamvis parcere durum,
 Parce tamen, certæ & caveas auctaria cladis.

EST etiam quandoque, ut, quâ data porta, subinde
 Erumpat sus deque cruor, lethumque minetur,
 Et vomitu ruat, & laxis fluat alvus habenis:

Quicquid

Quicquid contigerit, feralia pocula mitte, .
 Nec libeat nocuas immittere faucibus escas:
 Sanguinis hinc fluvii crescunt, vomitûsque ferocis,
 Vitaque disjectis tandem cum sæcibus exit.

JUDICIO hîc fistor rationis tollere visus
 Quod posui: nam si Pæti gravis herba soporat,
 Et sopor excrementa tenet, damnatur iniquè
 Quod juvat & laudem meruit; bene præmonet, inquam,
 Quisquis is est, nodum neque dissolvissè pigebit:
 Hunc ergo jubeo in mentem revocare, quod olim
 Sanximus, adversas simul hîc subsistere vires;
 Nempe sale hinc stimulat naturam pellere tardam,
 Ac veluti vivis pigram calcaribus urget:
 Parte aliâ exhalans nebuloso sulfure somnos,
 Sistit, & effusum facili compescit habenâ.
 Ac velut indomitus sonipes juxta ilia fossus
 Evolat, & fræno deinceps parere recusat;
 Sic ubi depultrix validè movet, & retinendi
 Vis labat, ut leviter tacta est, ruit impete multo.
 Nec motam retinere leve est, nec tollere lapsam,
 Et magis effluxisse nocet, quàm clausa manere:
 Usque adeò multum est rerum momenta, modumque,
 Temporaque, & quæ sit cunctis natura, tenere:
 Sic virtus viget ipsa, viget quoque corporis ætas,
 Utraque deliquio tandem nimioque labascit.
 Nil melius vino; vinum tamen omnibus æquo
 Non datur in cyatho, nec fugitur omnibus horis;
 Immo etiam quandoque necat, quandoque furorem
 Suscitât, interdum rationem largior haustus
 Obruit in spatium quo mobilis orbita cœli
 Volvitur, inque locum redit unde exiverat antè.
 Solvitur interea strictis nisi crapula vinc'lis,

214 MUSÆ ANGLICANÆ.

Ebrius expirat, saltem expirâsse putatur.
 Haud procul exemplum: nuper Satyriscus Adonis,
 Dum tua festa colit, rex ô Lenæ, sepultus
 Et vino & somno, sub terram ut mortuus ivit;
 Postridie effossus vitæ manifesta receptæ
 Signa dedit, capite effracto, manibusque cruentis.
 At miser, adversus mortem cubitoque genuque
 Configens, animam clausâ colliferat arcâ.
 Quid tam funestum nostræ adversarius arti
 Objiciat? nulli, quantumvis multa, obeundi
 Causa fuit; mentem nulli, quod constat, ademit.
 Contrâ lætitiâ in magnâ, dum poc'la salutis
 Ordine discurrunt, siquis temerarius audet
 Jura insana sequi calicum, pugnamque laceffit,
 Ne titubet ratio, aut gressu titubante vacillet,
 Arripiat tubulum, medicam intermisceat auram,
 Surget inoffenso vultu, bene condita verba
 Sobrius exponet, fumi dum nescia turba
 Instabilis prodet vibrantes fronte lucernas,
 Et gressu insolito dabit irrisoribus ansam.
 Nempe tuus fumo, Bis nate, retunditur ignis,
 Mobilis & rabies blando torpore quiescit.
 (Nec ferat invidiam, quæ dat tibi copula laudem)
 Non meliùs lapidi Herculeo Chalybumque metallo
 Convenit, optatum quàm quæerunt vina Tabacum:
 Sic operas præstant inter se, junctaque multò
 Nobiliùs sapiunt, quàm degustata seorsim.
 Denique mortales, quantum est, conducit in usus,
 Nec quicquam, ut suis occisi, non utile; flammæ
 Qui superat post fata cinis rubigine fœda
 Defricat, & flavos facit excandescere dentes:
 Fumus & ipse (novum auditu) consistere jussus

Paret, & emissus per conniventia labra,
 Ore manu impresso, fulvum densatur in unguem
 Virginibus carum, quibus à serpigne longâ
 Prurit scabra manus, manantibus undique rimis;
 Lævigat admotum, & splendorem inducit eburnum
 Non sine portento; nec parvo gratia constat.
 Namque per arcanos penetrabilis aura meatus
 Cor quatit, & stomachi vinc'lis utrinque solutis,
 Æolium ventis subvertit olentibus utrem:
 Sed vitâ incolumi, ridentibus affatim amicis,
 Inde metus tutos, decus inde doloribus emptum.

JAM bona decerpsi: nunc, si quæ incommoda ab usu
 Obveniunt, seu sint verè, seu vera videntur,
 Expediam, longâ nec vos ambage morabor.
 Infimulatur enim, claræ quod mentis acumen
 Obtundat, speciesque locis posituque decenti
 Confundat tenebris, & nigra oblivia ducat:
 Crimen atrox: sed quod vel prava calumnia finxit,
 Vel bona simplicitas: non est, quia non potis esse:
 Immortalis enim cùm sit mens, orta que cœlo
 Portio, corporeis non est obnoxia damnis.
 Actio recta quidem, si læditur instrumentum,
 Læditur ad tempus, causâ durante; sed ipsa
 Mens intacta manet, quanquam, ceu nubibus atris
 Circumfusa, latet, radiosque occultat inertes.
 Non aliter Phœbi quàm lucida tela Dianæ
 Intercepta globo, vel tegmine nubis opacæ,
 Tempore non longo nostris tolluntur ocellis;
 Nec minùs ipse tamen sincero candidus orbe
 Ardet, & innumeris lucem communicat astris:
 Sic animo nulla est, animi nisi crimine, labe.
 Desidia, & luxus, levis inconstantia, & ira

Ingenium

216 MUSE ANGLICANÆ.

Ingenium obtundunt, lumen rationis inumbrant,
 Permiscentque notas tabulis, & nomina delent.

Quilibet id meminit quod amat, crebróque revolvit.

Da mihi de multis fumi poteribus unum,

Creditor, aut plenæ cui sint oblita crumenæ

Scrinia, desponsæ vel notum limen amicæ,

Et dabo de fumi multis osoribus octo,

Aut plures etiam, proprium cognomen, & acta

Hesternæ, & patriæ oblitos elementa loquelæ.

Scilicet aut nocuum virus, vel pestifer ignis,

Aut morbus subitò sumens à verbere nomen,

Aut nimium palpata Venus vergente senectâ

Læserat officium cerebri, nec congener æthræ

Spiritus eversâ poterat durare fabrînâ.

Quòd si præstanti folio suppressa periret

Vis reminiscendi, cur tot prægnantia rebus

Pectora vastitiem quæsitæ laudis amarent?

Qualia nota, quibus nihil ignoratur eorum,

Quæ callere licet, quibus est dilecta voluptas

Condere res animo, populique astante coronâ

Condita mente priùs memori diffundere linguâ?

AT thalamos contristat iners, piger halitus, ipso
 Castior, abstrusas partes qui fascinat, agno.

Audio scemineas voces; nam mascula virtus

Laudârit potiùs rabidi sufflâmen amoris.

Non hodierna quidem infirmi querimonia sexûs;

Matronis odium est, ex quo Vulcania conjux

Frigore suspectam gelidis certare cicutis

Inferri in Cyprum vetuit Cytherea Paphumque.

Bello nempe redux inter convivia Divûm

Evius, ut domitæ obtulerat nova gaudia terræ,

Jupiter ante alios, & cum Jove Mulciber & Mars,

Atlantisque

Atlantisque Nepos, & nectare plenus Apollo,
 Fumivomis olidam simulârant naribus Ætnam.
 Ridebant novitate Deæ, sed nocte soporâ
 Offensæ statuere suo depellere cœlo
 Thessalicos ritus, vigilésque tenere maritos.
 Ergo postridie, simul ac fumosa supellex
 Prodit, prima Venus cœpti manifesta protervi
 Involat in mercem, buxumque & pulverem, & ignem
 (Tam facilis Divæ Superis mirantibus iras)
 Subversos pedibus summo deturbat Olympo.
 Sic lasciva Cypris insaniit: At Jove nata
 Bellatrix, nemorum virgo, Pindique sorores
 Sparsas reliquias gremio legere, patrémque
 Thyrsigerum obnixè nova supplementa rogârunt;
 Subsidium & voto gratis retulere pudico.
 Ingens opprobrium verò, si Cypridis æstum
 Temperat, imperium menti, membrisque vigorem,
 Virtutumque decus rarâ virtute tuetur:
 Non extinguit enim, nymphææ aut cannabis instar,
 Naturæ instinctum; sobolis nec munera tollit,
 Fòrs numerum minuit; sed fræno arctata cupido,
 Quod demit numero, generis bonitate reponit.
 Grande bonum, si vel tenuis fortuna parentum
 Non premitur multâ prole, aut respublica gaudet
 Fortibus & justis potius quàm plebe frequenti;
 Utilis hinc adeò senibus, primæque juventæ,
 Frugalésque cado in summo sibi præstat, & imo,
 Dum celeres flammas, cinerésque subinde tepentes
 Aut sedat subitò, aut ut fusâ diluit undâ,
 Stultitiâ facili canos, pubémque furore,
 Indeque prognatâ solvens vertigine mundum.
 Ne despecta tamen vestris prorsum exulet hortis,

218 MUSÆ ANGLICANÆ.

O dominæ! in duris & habet sua commoda rebus.
 Errantes uteros sursum trans septa ruentes,
 Et tensum veluti ferientes ariete ventrem,
 Si quando oppressus pulmo sublatus anhelat,
 Deprimit, inque suas cogit descendere sedes
 Ocyùs, incumbens binùm quàm centurionum
 Pondus, & inpositi densissima sarcina plumbi.
 Porro nulla feni, si vitea pocula demas,
 Commodiora dedit mater bellaria tellus,
 Seu servanda venit naturæ annona fovendo
 Humorem ingenitum, suavem fundendo vaporem
 Arenti cerebro, pellendo aut sensibus hostes.
 Namque aciem lippis acuit; cui stiria pendens
 Nasum hebetat, reddit siccata nare sagacem,
 Dissolvitque graves ventosâ ex aure susurros;
 In mente ut melius sapientium dicta recondat,
 Colloquiisque diem morosâque tædia fallat.
 Quòd si quis, damnosa luens delicta juventæ,
 Nocte crucem scapulis gestat, somnûmque recusat,
 Hic quoque solamen quærat, requiémque labori;
 Non tantùm sopor in venas obrepet amicus,
 Unde dolor cedat, sed, ne nox longa putetur,
 Somnia pulchra dabit, rerum & spectacula viva
 Offeret ante oculos: non qualia monstra figurat
 Torrida, bilis atrox, faba, lentes, cæpa, phaselus.
 Allia, & altercum fatuum, magicûmque solanum,
 Siquis edat, medio in somno spectare putabit
 Horrendas facies, confusâque fec'la animantùm,
 Quæ nec sunt, nec erunt; Harpyas æquore nantes,
 Aëre Centauros, fisisâ tellure Draconum
 Agmina, & ore nigro jaculantes Dæmonas ignem.
 Quin etiam in subita sibi tempestate videtur

Æquore

Æquore forberi, & motis luctator in undis
 Brachia anhelus agit, celsâ modo rupe volutus
 In mare collabi, sonitumque excire cadendo :
 Latronum gladiis adigi; modò compede fractâ
 Adspicit exertis insurgere dentibus ursum,
 Auxilium inclamat nonnunquam vocibus altis,
 Interdum gemitu : Donec formidine somnum
 Excutiat, puncto necis expectatus in ipso,
 Exanimis, gelido perfusus membra madore.
 Longè aliter pictis nocturna aulæa figuris
 Lætificat nostro eductus suffimine Morpheus,
 Sensibus internis Naturæ congrua fingit
 Privato & genio; quæ quisque in mente revolvit
 Luce vigil, vel amat, gratissima nocte recurrunt.
 Aulicus, orator, medicus, mercator, agyrta,
 Navita, piscator, milesque; auriga, poëta,
 Agricola, & pictor, cerdo, patronus, amator,
 Sopiti peragunt consueta negotia; non ut
 Sponte rudes cernunt dubitanti lumine formas,
 Vel nuper natam per euntia nubila lunam,
 Esse putant quodcunque vident. Non segniter aurem
 Incendunt dictis, atque enthymemata cudunt;
 Ædificant versus, claro quos manè fatentur,
 Atque alia expediunt alii, ne somnia credant
 Esse, nec affinem morti, nisi nomine, somnum.
 Non lethæus enim est opii sopor, omnia ferreis
 Interiora ligans, immotâ ut lege, catenis :
 Non etiam ambiguae turbatrix umbra cicuta
 Sensibus injiciens illusis frivola vinc'la;
 Quæ nec mota tenent objectis membra figuris,
 Nec penitus vigilare finunt: sic altera Baucis
 Et conjux, teneras cœnati fortè cicutas

220 MUSÆ ANGLICANÆ.

Effossas in agro, quas falsæ ab imagine formæ
 Crediderant siser esse, aut notæ Baucidis herbam,
 Postquam fessa humili posuissent membra grabato,
 Nec vigiles, nec adhuc somni sub pondere victi,
 Exilière toro; prior hæc, mox ille, vagatîque
 Atria per tugurî brumali nocte, rigentes,
 Attoniti pariter, deliria mira stupentes,
 Livida de trabibus retulerunt membra grabato.
 At sopitus homo claro spiramine Pæti
 Gaudia pacificæ noctis transacta retractat,
 Et vigil ad solitum redit æquâ mente laborem,
 Si modò laudatum fuerit, non vile nec arte
 Fictitiûmque dolis. Namque omni electa Tabaco
 Non eadem est bonitas: generosum ab origine primâ
 Asperum erit, densum folio, pullûmque tuendo,
 Jucundum longè & latè diffundet odorem
 Permistum violâ, aut aurâ radicis Etruscæ,
 Incensum referet gustanti rite palato
 Assyrium Asphalton, cauti vel Castoris orchin.
 Quod folio tenue est, Autumni frondibus æquum,
 Quale in Virginiâ, & Bermudæ nascitur arvis,
 Abjice, & aurigis fœnum, nautisque relinque:
 Pungit enim tunicas oculi, cerebrîque volucra;
 Qui bibit, ille graves ad opus mirabitur armos,
 Pandiculator erit, malas diducet hiantes,
 Et, nisi acuta fames stimulat, projectus ad ignem
 Gaudebit seram stertendo adducere noctem.
 Ante alios fugite, ô Musarum sancta propago,
 Qui veterum è chartis Sophiæ defossa metalla
 Eruitis vigiles, deprensus per sua signa
 Profligate scelus mangonum, & tradite flammis.
 Est qui delicias alieno ex orbe petitas

Captat

Fin

Captat adulterio, dum, quam Scythâ fuste peremit,
 Miscet odoratæ tabum ferale capellæ.
 Stillam alius marathri jungit, vel pinguis anifi,
 Chalcanthive notam, quæ linguæ affusa saporem
 Exhibet, ut Lybicæ mixtâ melligine cannæ;
 Omnia damnosè, ne dicam molliter: artem
 Qui Naturæ adhibet, matris nisi consulat ora,
 Turbat opus, non addit opem: quòd si tamen unquam
 Lascivire libet, laudique adjungere laudem,
 Sumite lignum aloes, cujus levis assula pleno
 Fixa tubo totum fragrans perfundet acervum,
 Et cerebri ventres grato recreabit odore.
 Sed neque congestis dapibus conjungite fumos:
 Inde coqui turbatur opus, si clausa supernè
 Ostia pulsantur, tum semielixa deorsum
 Fercula succensens mittit, quæ didita chordis
 Seditionem alvo ventosâque murmura miscent,
 Sudum animo & placidis populata laboribus horas.
 Pernitiosum etiam nudato admittere frigus
 Vertice, vel vacuo Pætum potare camino:
 Verberat aura cutim, reclusa foramina stringens,
 Trans galeam teneras convellit acumine fibras,
 Et capiti pondus, horrorem crinibus addit.
 Neu libeat solùm calamo indulgere, nec ultra
 Luxuriando modum cerebri complere cavernas;
 Alternis fumatur; amant alterna Camœnæ,
 Confertum Natura fugit. Tibi terminus esto
 Vertigo occipiens, quæ, ni simul orta recedat,
 Adbibe lene zythum, vel aperto sub Jove frigus,
 Omnis & exiguâ sedabitur arte tumultus.
 At postquam capitis modulum cognoveris, intra
 Fines curre tuos, nec te quæsiveris ultrà.

222 MUSEÆ ANGLICANÆ.

Naturæ quisvis servaverit ordine leges,
 Ille mihi sanus, sapiens erit, atque beatus.
 Talia ludebat Vetulus: narrantis ab ore
 Heroum resupina cohors suspensa filebat,
 Docta quidem vires, sed inops tam nobilis herbæ
 Progeniem optabat, renovandi & seminis artem.
 Blæsus at ille siti, somnóque propinquior, uno,
 Sed longo, ut maduit, subito quoque stertuit, haustu.
 Nos veniam fâti, fessi licèt, & sitibundi,
 Absolvemus opus, &, quæ Silenus omisit,
 Summa Tabacophilis culturæ arcana canemus.

PRINCIPIO, ut messis respondeat ampla labori,
 Sume medullosum generoso è germine semen,
 Cui folium oblongum, crassum, nullóque pedunc'lo
 Inferitur trunco, sed ab ipso stipite surgit.
 Proxima cura loci; tam strenua planta recusat
 Segne solum; felix animoso crescit in agro
 Qualem vitis amat: colles, objectâque soli
 Arva legas, ubi terra levis, non marga ligoni
 Obvia, non argilla tenax, non obsita musco
 Tesqua, nec impresso flentes sub vomere glebæ.
 Ne tamen egregiæ quantumvis indolis agrum
 Bis sere, si plenæ ducit te gloria messis.
 Prima rapit fœtura animæ quodcunque virile est,
 Effœtâque uterum delumbem in matre relinquit.
 Verte solum, sedésque novas adscribe quotannis
 Hospiti inexpleto, fessis gratissima sulcis
 Dum permissa quies pingui lætamine robur
 Suppleat, exhausta & genium per viscera fundat.
 Nactus agrum, urge operas; ne sit solertior alter
 Ordine descriptis spatiis pertundere terram,
 Ternaque vel plura in parvum dare grana foramen,

Divisa

Divisa æquali ut vegetabilis aura tenore
 Inferat æqualem folia in ventura vigorem.
 Quòd si cassum aliquod fallit, vel cedit in escam
 Muribus, aut rostro fodientibus omnia talpis,
 Spes de relliquiis superet; si sospite turbâ
 Densior ortus obest foliis, tabésque timetur,
 Videris ut crebram tellure exurgere gentem,
 Thrax esto, patriæ leges imitare severas,
 Imminuas numerum, multisque è fratribus unum
 Linque solo, vacuâ meliùs quo crescat in areâ,
 Attrahat & plenum nutricis ab ubere succum.
 Mox ubi pingue solum, longique in tempore soles
 Luxuriem foliis dederint, in caudice robur,
 Tempus erit terræ vicinas stringere frondes,
 Major ut in summo claudatur cortice virtus,
 Et ferat à justo bonitatis iudice palmam.
 At ne præcípites messem; ut nigrescere semen
 Cœperit in calyce, & folium mutare colorem,
 Arma para, & cultros; vindemia nobilis instat,
 Et merces operæ; luces optate serenas,
 Pæticolæ; nec enim folio minùs officit imber,
 Quàm September obest maturis humidus uvis.
 Tunc mete: dimidia est tibi jam decursa laboris
 Meta; quod hinc restat, curâ haud levioze gerendum:
 Frustra etenim studium omne fuit, generisq; folique
 Gloria, ni summo veniat spectabilis actu.
 Hic duo sollicito tibi sunt curanda labore:
 Absumendus aquæ, genitor putredinis, humor,
 Ne fimus è folio fiat, mox spiritus & vis
 Ignea, quæ, pingui velut abdita dormit olivo,
 Excutienda, suos & deducenda per artus.
 Ergo, ne ætheream Sol fervidus hauriat auram

224 MUSÆ ANGLICANÆ.

Sub tecto, longâ suspensa è cannabe paulum
 Arescant folia, & parvo pòst tempore strata
 Congere acervatim, calor ut collectus ab imo
 Turgeat, & cæcas distendat ad extima vires.
 Sic cumulata tepent primò, tepesacta tumescunt,
 Mox oritur sudor, sequitur nubecula fumi,
 Et, nisi destruitur moles, transibit in ignem;
 Ut portata domum nondum satis arida plaustris
 Gramina constipata flagrant, testisque minantur.
 Tu disperge struem, suspende, iterúmque repone
 In cumulos, seriémque tui pervade laboris,
 Dum fervendo animæ veniat vis omnis in actum,
 Siccando & maneat, neque diffundatur in auras.
 Híc oculis opus, híc ductu rationis & usu:
 Nam brevis est nimii, brevis est quoque linea pauci,
 Et gaudet Natura modo; sed si tamen usquam
 Peccatum, ut possis culpam sarcire, docebo;
 Non ardente mero, aut muriâ, non melle, minúsque
 Auxilio matulæ, mangonia qualia tentant
 Caupones, pretii quibus est odor ante salutem;
 Subsidium ex ipso posces; prælo exprime succum
 Vilibus è foliis, quæ dextræ incuria passim
 Præteriit, tepidâque finas spumescere in ollâ,
 Decrepitum immergas labro, reddésque juventæ.

HÆC fat erunt: jam quære ratem: mærx ampla coloni
 Augebit census, & vèstigalia regum,
 Mercantùm & loculos; naulum fortasse medenti
 Auferet, autumnos populo factura salubres.
 Fortè etiam è furcâ donabit prandia corvis,
 Cessator si pauper emit, meliúsque locandas
 Diffilat egestatis vicinæ improvidus horas:
 Sed, bene dum modo sit frugalibus atque modestis,

Turba

Turba perire volens pereat ; quicumque salutem
 Abnuît, is careat ; nec rerum subruat usus.
 Cui mala lis, ratis in pelago, præpostera conjux,
 Aut dolor impatiens, nutans aut debitor æris
 Eripiunt fomnis oculos, animoque quietem,
 Is faciles leni folio debere fatetur
 Inducias, meritamque refert pro munere laudem.
 Quotquot in adversum judex morosior æquo
 Evomit ampullas, ventis mandamus, & undæ ;
 Orco devoveat, mox subventanea furvi
 Dæmonis ova vocet, placando & idonea Diti,
 Persephones mulsûm, furiarum thus & odorem,
 Et de Cerbereâ germen lethale salivâ ;
 Ridemus titulos, & verba poetica pleno
 Guttûre laudamus, similique reponimus arte.
 Siquis amans veri nobis dissenferit, author
 Consilii alterius, quod pectore claudit, in albo
 Scribat, & hos sensus rectâ ratione refellat.

RAPH. THORIUS, M. D.



MUSEUM ASHMOLEANUM.



SECRETOS ignota diu Natura recessus
 Captavit, non antè oculis, non obvia luci,
 Et sese, obscurâ caligine tecta, remotis
 Abdiderátve plagis, aut imo mersa profundo
 Conatus risit varios, hominûmque labores
 Elusit, nullâ deprensa indagine, nullum
 Admissura diem, nisi Tradescantius ausu

226 MUSÆ ANGLICANÆ.

Felici maris & terræ spatia ampla perenni
 Emensus cursu, captivam ponè tulisset
 Naturam, missumque nova in compendia mundum.

ERGO age, Musa, tuum duc in penetralia vatem,
 Et totos evolve sinus; juvat ire per æquor
 Immensum, & diversa sequi miracula rerum.
 Jámque mihi extremis videor conterminus Indis,
 Eoásque Domos, & Phœbi Regna tueri:
 O quàm lætâ illic nemorum spatiarer in umbrâ,
 Ver ubi perpetuum, sempérque injusta virescunt
 Gramina, & irriguæ succis melioribus herbæ!
 Quis mihi plantarum, longus quas explicat ordo,
 Commemorat vires, nostro sub fidere nasci
 Quas olim vetuit pigri inclementia cœli?
 Angusto cùm se non passus limite claudi
 Et brevibus spatiis, sibi Tradescantius orbem
 Poscit utrumque dari; sed enim si sole negatum est
 Hîc propiore frui, fœcundâque semina rerum
 Pulsa retro gravis aura necat, petit impiger ortus
 Æthereos, primæque adit incunabula lucis.
 Certè aliquid nostris erat avexisse carinis
 Congestas Orientis opes, spoliata relinqui
 Regna vel antiquis Superùm celebrata triumphis,
 Quos famæ posuisse ferunt monumenta futuræ.

FALLOR? an ignoti video densa agmina cœli
 Dissimili specie, & variis depicta figuris?
 (Seu vel mille modis radios percussa remittant
 Phœbeos, seu nativo fulgore coruscent)
 Apparet tali Thaumantias Iris amictu,
 Ipsa suos induta adverso sole colores.
 Non alium Regi dat decolor India cultum,
 Cui texunt molles augusta insignia plumæ.

EDE,

EDE, augur Romane (tibi namque omnia constant)

Qui voces avium obscuras ac nomina calles,
 Ecqua tibi similis vasti per inania cœli
 Aëreas inter volucres, turbamque sonoram,
 Descriptum toties ornavit pompa theatrum ?
 Túque etiam quanquam pariter divinus Aruspex,
 Qui pecorum fibras, præfagáque consulis exta,
 Fare age, quæ nobis tulit hæc animalia tellus,
 Quorum nunc simulachra juvat fixásque videre
 Postibus exuvias : ut adhuc immania pandunt
 Ora, sitim prædæ patulo simulantia rictu,
 Atque nova innocuus sequitur spectacula terror !

SIC cùm vela daret longinqua per æquora Bacchus,
 (Victorem semper testabitur India Bacchum)
 Obstupuère omnes gravibus distincta corymbis
 Carbasa, & ignotas passim discurrere lynces.

NEC maris immensum frustra decurritur æquor,
 Aut infœcundos præbent regna humida campos,
 Et steriles messes ; cœptis audacibus itur
 In thalamos, Neptune, tuos ; gemmæque latentes
 Cognatum vidère diem, jamque æmula solis
 Fulgura diffusum latè jaculantur in orbem.
 Indignata sedet vacuo Thetis alma cubili,
 Et stupet incomptis habitata palatia nymphis,
 Quas ornare solet gemmarum lucidus ordo,
 Et niveâ semper pendentes aure lapilli.
 Non adeò illustrem parili vel imagine pompam
 Edidit ulla dies, ex quo Cleopatra nefandâ
 Ingluvie regni pretium dissolvit aceto,
 Ægyptumque uno damnosa absorbuit haustu :
 Nec tales victrix egisti, Roma, triumphos,
 Cùm sua littoribus monstraret vela Britannis

228 MUSÆ ANGLICANÆ.

Cæsar, & in nostris legeret conchyliâ ripis.
 Quocunque aspicias, nil non mirabile ; totos
 Expandit Natura sinus, facilesque videri
 Denudat vultus, & cœlo gaudet aperto.

NATURÆ sed quis poterit comes ire ? sequemur
 Artis & humanæ tandem molimina mentis.

O quali feret hæc populus spectacula plausu,
 Æstivi tunc cùm malè mordax incola lecti
 Ponè trahet longæ sinuosum syrma catenæ,
 Tercentumque geret perplexum nexibus aurum !
 Bellua ceu Libycâ captam venator arenâ,
 Quam circùm vinc'lis, & ahenâ compede claudit
 Indomitam, & sævo meditantem prælia dente.

ILLIC sublimem ferri Phaëthonta videbis,
 Illic solis equos, similemque per omnia currum,
 Quo priùs exciderat, nisi quòd sit cerea summæ
 Curvatura rotæ, radiorum cereus ordo.

Nec frustra mœstæ lachrymas fudère sorores,
 Protinus in varias electra cadentia formas
 Artifices lusère manus ; hinc flava nitescunt
 Poculaque & gravido prægnantes flamine fusi,
 Quos Pygmæa potest conjux gestare, trahendæ
 Partitur fociis cùm pensa domestica lanæ.

Hîc & parva uxor poterit, seriesque nepotum
 Æquales habitare casâs ; nunc clauditur unâ
 Tota domus, tenuique in cortice tota supellex.

SEU tibi bella placent, vivâ depicta tabellâ
 Gesta illic cernes angusto prælia campo ;
 Squamosusque Draco. lethalis spicula caudæ
 Contorquet, parvóque acini committitur orbe,
 Cum duce Cappadocum invicto, quo præside gaudet,
 Et tutelarem sibi vendicat Anglia Divum.

Seu tibi decursos animus fert ire per annos,
Quos omnes pulchro distinguunt ordine magni
Heroum tituli, nec vani nominis, umbræ
Illustres referunt antiqua numismata vultus :
Quo Dictatorem tulerit se Julius ore,
Quo pater Æneas olim, Regesque Latini
Jura dabant populis immensum in nomen ituris.

SIC diversa suis signantur sec'la metallis,
Et revocant memores labentia tempora fasti.
Ornâsti Matrem tantis, ASHMOLE, trophæis,
Ut, quo felicem sese jactavit alumno,
Æternum gratâ testetur voce patronum.
Accipe solennes tibi quas devovimus aras,
Quâque licet monumenta tuis æqualia donis.
En ut nostra tibi laxâ compage dehiscant
Mœnia, præcipitemque trahant disjecta ruinam !

TALI victores exceptit Græcia pompâ,
Ingressisque sacri concussio vertice muri
Confertas stravêre vias, aditumque dedêre.
EXCELSO tollet quondam se vertice moles,
In quâ perpetuis ardens fornacibus ignis
Fœcundo rerum primordia percoquat æstu ;
Et, quæcunque diu cæcâ latuêre sub umbrâ,
Naturam cogat vel per tormenta fateri.
Hîc suspensa tuî semper quæ vivet imago,
Et posita adversâ SHELTONI fabrica fronte
Præbebunt alterna sibi spectac'la, nec uno
Lumina percellent vultu, vel simplice pompâ.

Nec tamen hîc sisti poterit sibi conscia virtus ;
Illa dies aderit, gratis celebranda Camœnis,
Quando tuis oppressa gement subsellia libris,
Heroum qui vix imitanda exempla secutus.

230 MUSÆ ANGLICANÆ.

SHELDON O cedis, (quem nulla æquaverit ætas)
Et cum BODLEIO socios partiris honores.

JO. DOLBEN, *Archiep. Ebor. Fil.*
Ædis Chr. Alumnus.



Clariss. D. PAULO HERMAN, M. D.

Prof. Botanices Lugduni Batavorum, Hortique
Præfecto; ex Indiâ reverso:

O D E.

HERMANE, plestrum Threïcium tibi
Movere tendo; Quod simul impulit
Orpheus, feruntur infecutæ
Harmoniam, tua cura, Sylvæ.

Largam canenti materiem admovet

HERMANUS; almis nomen amabile

Plantis, & inscribi quod ultrò

Corticibus petat omnis arbor.

Illius artem Javius, & suo

Bantamus auro concolor, & Sina

Invita commendat; nec uno

Facta viri sonat ore Ganges.

Multas ab Indâ gente recepimus

Merces opimas; nulla tamen ratis

Contendat illi, quæ reduxit

In patriam Batavúmque cælum

Te,

Te, dulce pondus: Te, quia conscium
 Terræ feracis, Te, quia nobilem
 Docere plantas, quot recenti
 Tertia lux patefecit Orbi.
 Urbs LEYDA, centum fertilis artium,
 Mirè sagaces percutit hospites,
 Quotcunque deducit per hortum
 Elyfio minùs invidentem.
 Hâc parte surgunt (heu, celeres mori!)
 Flores, & omnis copia narium,
 Felix odoranti placere,
 Dum pariter placet intuenti.
 Hâc parte, terrâ matre remotior
 Vertex decentùm tollitur arborum,
 Quales in Adami beatis
 Ordinibus potuère nasci:
 Myrtus polita, & Pierio choro
 Quæfita merces Laurea, nec minùs
 Quæfita Vitis, & perempto
 Fida comes Domino Cupressus;
 Et multa Sylvæ filia nobilis
 Pulchrè explicatur; quæ mihi, quæ tibi
 Subtus recumbenti coronam
 Exhibeat foliis, & umbram.
 Locatus illo fospes in angulo,
 O quale carmen pollice ducerem,
 Humi reclinis, inter undas,
 Inter aves, pariter sonoras!
 Non me Britannum vinceret Itala
 Pubes canendo: Non ego cederem
 Libens vel Urbano, vel ausæ
 Grandia Sarbivi camœnæ.

232 MUSÆ ANGLICANÆ.

HERMANE, vives tempus in ultimum :

Nec si tuorum gloria transeat

Caduca florum, tu peractâ

Luce brevi moriêris æquè.

Sed quale fuscâ marmor in Africâ

Fossum, decoræ materies domûs,

Firmatur annis, & benignâ

Auxilium capit à senectâ :

Hâc sorte, curis partus honor tuis

Vigebit ; Illum cuncta dies alet

In majus, illi semper ætas

Adveniens pretium arrogabit.

ED. HANNES, *A. M. ex Æde Christi,*
Oxon. & Academ. P. P. Chymia.



M I C R O S C O P I U M.



ÆDALEAS Naturæ artes, quas prodiga
rebus

Lusit in exiguis ; quàm miris semina florum
Folliculis servat ; quo poplite crura lacertosque

Alligat INSECTIS ; quali lanugine parcas

Vestit apes, teneris intexens serica pinnis ;

Quos mores, & quæ pugnacibus addidit arma,

Loricæ galeasque, & non imitabile textum,

Aggrediar. Dudum hos oculos latuère superbos

Egregiæ infra nos Gentes, ludibria quondam,

Nunc hominum invidiam mutatâ sorte laceffunt ;

HOOKIAS ex quo per LENTES tempora visæ

Induerint

Induerint magnos artus & vix sua membra.

ECCE! animal — quid si versu intractabile nomen?
 Notior haud sua cuique coma est; quam dirus oberrat
 Indigena: induitur testâ, quæ pressâ fatiscit
 Cum crepitu: mediâ surgunt duo cornua fronte:
 Hæc præeunt, interque comas immissa sonantes
 Antè parant aditum, via ne sylvestris eunti
 Impediat gressus, oculos aut radat inermes.
 Sex femora ad mediam coëuntia subligat alvum,
 Longa quibus crurum series demittitur æquos
 Juncta per articulos; subtusque plicatilis unguis
 Se legit in pugnum, complexuque obvia prensat.
 Hujus ab arte fugax, siquando lethifer instat
 Morfibus excitus pollex, se condit in umbras
 Præcipitem, lapsus per crinem, artusque repente
 Colligit in nodos, & inextricabilis hæret:
 Aut patriam linquens tergi vagus exulat oris,
 Atque alium ducit mutatâ gente colorem.

CARMINE quo formam celebrem tuaque hispida
 membra,

Provida APES, pacis cupiens, nec frigida pugnâ
 Bellatrix; caudâ se promit aculeus imâ
 Cæca venena ferens, & versis obfitus hamis
 Fucorum in costis nunquam revocabilis hæret.
 Grandior in vitro, Crabronis & æmula surgis;
 Nec tamen ingentes suras tibi mella, rapinæ
 Hortorum egregiæ, complent, nec odora thymi vis.
 Quî tamen, O superans Chymistas igne potentes,
 Floribus infidens mellis secernis olentem
 Materiam, & lachrymas Narcissi, & furta rosarum
 Dulcia? quî totidem succos in amabile nectar
 Concilias, Ganymede prior Bacchive ministris?

QUOR-

234 MUSÆ ANGLICANÆ.

QUORSUM oculos avertis? ARANEA tanta veneno
Non tumet; à vitro largos se tollit in artus.
Ut caput augustum, nec in ullam flexile partem,
Inseruit natura humeris! ut lumina septem
Transfudit in tergum, mirumque locavit in orbem,
Tot MICROSCOPIA, ad speculandum siqua feratur
Musca sub occultæ stridens confinia telæ!
Qualis ubi in digito stellatus iaspide crebrâ
Annulus irradiat, tremulâ cum luce retortæ
Scintillæ instabiles subtus laquearia ludunt.

ASPICE juncturas crurum per mutua nexas,
Parvus & ad genuum tumet internodia poples.
Utitur his Opifex, ubi vesperis hora vocârît
Et farcire dolos, & hiantia cogere lina,
Retiave in foribus pendentia texere filis
More rotæ positis, nectentem singula nodo,
Nec muscas missura senes, nec pervia parvis.

CUM semel illapsam prædam trepidantia longè
Fila monent, sparsamque in dorso musca colorum
Luxuriem ostentat, totóque effulget in auro,
Divitiis celerans sua funera; percita longè
Spe spoliî atque dapum Venatrix exit ab antro,
Effera, collecto spirans lugubre veneno:
Et pressa in tremulis saliunt vestigia filis.
Respicit hæc: hostis cùm protinus implicat uncos
Circumfusa pedes; nequicquam viribus impar
Musca reluctatur, venientique objicit omnes
Naturæ phaleras & inutile pectoris ostrum,
Nescia certandi; nequicquam retia quassat
Sæpius assurgens; toties revoluta recumbit
Complexu in misero, & longâ sub morte laborat.
Defunctæ exuviis victrix saturata trophæum

Instruit:

Instruit: in foribus speluncæ ex ordine figit
 Cruræque, & avulsum caput, incoctoque nitentes
 Murice adhuc humeros: needum alis purpura languet.
 O formâ insigni præstans! neque pulchrius unum
 Te volat Insectum, aut tanto se vestiit auro.

PROXIMA forte tenens BOMBYX loca, serica jactat
 Licia: nec telis ideo contendat Arachne.
 Stamen ab ore trahens & circum terga revolvens,
 Continuum exhaurit jecur ac fecunda tapetis
 Ilia, dum penitus latet inter fila, suisque
 Providus exequiis funebrem texit amictum.
 Sic animam in telas vomit, inductisque sepultus
 Conditur aulæis, nec curat marmora regum:
 Donec in effigiem Tineæ revolutus in auras
 Redditur, ut plures nascendas vere futuro
 Textrices pariat, stirpemque reponat in ovis.

NON secus INSECTIS redit omnibus annua proles
 Per ternos nixus: vernum eluctantur ab ovis
 Semianimi vermes sub tempus, & hos calor alis
 Induit, ac æstas pubentibus elicit ova,
 Ova revertenti parientia vere nepotes.
 Sic Scarabæus humum, terno aliger ordine partus,
 Linqvit, & in geminam Tineæ rediêre juventam.
 Musca prius vermis formam gerit, antè repôstis
 Quàm tota exuviis laxas exerceat alas.
 Sic & maternum vermem jam stridula pennis
 Rumpit Apes, sic in volucrem se reptilis edit
 Papilio, inque aliam reficit se Vespa figuram,
 Ac consanguineus Crabro, scissasque renatæ
 Sæpius in dumis tunicas liquere Cicadæ.
 Nec mortem interea penitus patiuntur, at inter
 Deliquium incessit nascentibus, usque volantum

236 MUSÆ ANGLICANÆ.

Dum genus induerint, & se mirentur in alis.

QUAS in crystallos SALIS humida grana nitentes
Fundit, inexhaustis ludens Natura figuris :
Nunc quadræ facies, talúsve volubilis exit ;
Nunc & acus, cuneique, & longi forma cylindri,
Innocuique enses, & acutâ stiria barbâ,
Artificis monumenta manûs : nunc ordinis edit
Immemor informes Rhombos, & iniqua Scalena,
Mancâque Conorum capita, & sine nomine Frustum.
Cuique suum varians discrevit forma saporem :
Dulce gulam mulcens translabitur, acre palatum
Vulnerat & rasæ querebunda foramina linguæ.
Hinc vires medicis notæ, quid destinet ægris
Vitrioli gravis haustus ; ut ilia laxet Alumen ;
Armonii ut nares tentantibus occupet acer
Spiritus ; & lachrymis frustra risère coactis.

FAS etiam HUMORUM vitro comprehendere formas :
Quo mihi caupones ad pœnas prodere cordi est,
Sacrilegos Bacchi cultores, dolia baccis
Inficere audentes, simulato nomine Divi ;
Grandius ut vinis pretium mendacibus addant.
Scilicet explorem vitro, licèt omnibus idem
Miscuit insidias rubor, an vim simplicis uvæ
Musta ferunt, fluido propriam servante figuram,
Jejunóve rubens mentitur purpura vino.

QUISQUIS Apollineas artes usumque medendi
Scire cupis, cernes, CRUOR ut diductus ad ungues
Mille per arterias totidem discurrit in ora,
Refluaque invertit ramosis flumina venis :
Lentior his, nec quo rediens salit impete, nec quem
Imposito venis explores pollice pulsum.

VIDIMUS in cerebro NERVOS ab origine sparsos
Arboris

Arboris in morem, & sitientia in ora legentes
Fæce laboratum per millia vasa cruorem,
Spirituum fontes : nec visu gratior ulla,
Quàm quæ discisso Cerebello apparuit arbor.

VIDIMUS, ut Rami binâ propagine tenſi
Mollibus in fundis oculorum retia texunt.
Et quibus in gyris nervus, cui munus in aurem
Ferre sonos cecidit, Conchæ interiora pererrat
Spiramenta cavæ, vocémque per antra volutat.
Tum primùm atque Stapes, tenuisque apparuit Incus,
Contigua officula; ac, quasi pleſtrum, Malleus adſtat,
Malleus aſſiduo percellens Tympana pulſu.

SÆPIUS HERBARUM naturas incidit ardor
Per varias quæſiſſe Tribus ac nomina mille,
Perque ſuas Claſſes Florum genus; ordine primo
Semina in æſtatis cùm jam natura parârit
Adventum, circùm foliis evincta volutis,
Pabulaque immulget per hiantes lactea fibras.
Miror, ut aſſiduè in creſcentia Lilia pallor
Serpit, & in Violas rubor; aut maculoſus ut oſtro
Fulgor inardeſcit foliis pictæque Tulipæ,
Puniceique Croci : aut aliis ut fimbria circùm
Funditur in dentes, laceratque venuſtiùs oras.
Nec memorare vacat, quàm parvo è ſemine Cæpe
Creverit in caput; aut vigilantùm in vota Papaver
Venturum, nondum foliis oblivia ſpargit.

AN digner numeris URTICÆ ignobile gramen,
Dedecus hortorum, nec honeſtas inter habendum
Plantarum claſſes? tamen hoc quoque carmine dignum.
Hiſpida frons oculo, jaculiſque armata propinquat,
Collimatque aciem contrà vegetabilis hiſtrix.
Ampliùs inſidias nec jam extantéſque ſagittas

238 MUSÆ ANGLICANÆ.

Diffimulat, natus digitis tractantibus hostis.
Siquis enim folium tactu percurrere molli
Audeat, ultrices infundit acumine succos
Herba venenata, & refilit cum vulnere pollex.

ORTUS in annoso librorum tegmine MUCOR
Fert tenues hortos, & amœna cubilia florum.
Spongia fortuito se femine tollit, & unâ
Boletus, Cucumisque; Acarisque errantibus escas
Quid ni sufficiant? quid ni sua nomina jactent,
Alcinôſque suos? dum tu mantilia poscis,
Inscius heu! maculasque putas, unâque liturâ
Funditus ignotis abstergitur hortulus herbis.

TANTUM oculos GLANDIS paulisper forma moretur,
Primitiæ quercûs: istâ sub pelle putandum
Et truncum, & ramos, ramisque increſcere frondes?
Mille, aliam ex aliâ, materno in femine quercus
Natura implicuit, pariendas quamque quotannis,
Glandibus ornatas foliisque, ac ligna daturas
Uſum in tectorum, malos aut puppibus altis.

ABSTINEAS viſûs, Opifex: FABRILIA quondam
Æmula Naturæ tua, nunc quod raſile torno
Vel quod in ære polis, opera allatura pudorem.
Cælata argento ramos imitetur & umbram
Vitis, & inciſæ certent creſcentibus uvæ:
Fictile ſpiret opus, gratus potantibus error.
Improba Lens miranda priûs jam vulnera ferri
Prodidit, & calicem duro ceu vomere cæſum:
Frondeaque in turpes fulcos evanuit arboſ.

NEC non virginibus moveas ſpectantibus iras;
Piſta ubi veſtis, acûs labor indefeſſus, ubi omnis
Ornatus capitis ſe craſſa in retia vertit,
Retia ſive fabis, ſeu caulibus apta coquendis.

Tum si fortè suos præcisos turpiter ungues,
Squamosasque manus cernunt, fetisque rigentes,
Ut visum abrumpunt! tamen æquum in mente recurfat
Judicium Lentis, scabræque opprobria pellis.

IPSA acies Ferri, quamvis nec læsa rigore est
Demessæ barbæ, tonforque in cote subegit;
Manca tamen cæcis vacat interrupta lacunis,
Non minùs ac lignis findendis fracta securis;
Aut ferræ argutos ostendens lamina dentes.

CUSPIS Acûs, opifex quam vix impunè laceffit
Pollice virgineo, quæ linea texta figuris
Percurrit variis, nec stamina lædit eundo;
Nunc jaculi in molem se tollit, acumine trunco,
Poscentis limam, nec dudum incude politi.

VERUM ad te & tua facta, Parens Natura, revertor;
Virtutes aperit Vitrum Tibi, dedecus Arti.

PULICIS ante oculos magnis cum cornibus adstat
Hirtum ac torva tuens caput, & scelerata proboscis,
Quam cutis agnoscit stimulis terebrata cruentis.
Induit effigiem & salientis crura cicadæ:
Ocyor ac oculi conjectu, huc cominus atque huc
Lintea pervolitans, digitis prensantibus exit
Incensæ ancillæ; fuerit nisi tarda propinqui
Mole puerperii, aut pleno ebria sanguinis haustu.

NOCTES atque dies exercet furta, neque omnem
Æstatem improbulus Sicarius otia nôrit.

Verùm, ubi venit hyems, simulatâ morte reponit
Se totidem in menses, duræque oblivia brumæ.

OLIM etiam quendam vidi gessisse catenam
Auratam, ingentem, tercentum nexibus aptam.
Ac veluti ad mensam captivus Maurus herilem
Barbaricam amittit virtutem, animosque feroces

Degener,

240 MUSÆ ANGLICANÆ.

Degener, inscriptoque lubens dat colla monili,
 Aureaque excussis inhiat miser atria sylvis :
 Vinculum ita fert gracilis Fera, servitioque superbit
 Demens, ac tracto graditur jactantior auro.
 Neve fugam aggreditur, solitas nec lubrica fraudes :
 Nec subit in mentem libertas prisca vagandi
 Virgineâ in tunicâ, aut bipedalis gloria saltûs :
 Crurâque degenerant choreas oblita priores.

NEVE tuam, licet antra foves, FORMICA, recondes
 Effigiem : admiror vultum ; quid enim caput istam
 Fert galeam ? nec pugnae habilis, nec idonea castro es :
 Ire laboratum, subque horrea cogere farra
 Hic amor est ; Agnosco humeros, queis ferre solebas
 Grandia frumenta, aut longæ grave pondus avenæ,
 Dimidium messis : ferratos ordine dentes
 Comprimis os, onera ut vectantibus æquet in annos
 Dux operum, scindens humeris versatile pondus.

ECCE ! ACARUM, veniens per viscera perque fideles
 Loricâ costas, acus (illætabile visu !)
 Transigit : ecquis & hos dolor, ecqua aut commovet ira ?
 Huc se torquet & huc, ac frendens dentibus, apri
 In morem, trans pectus ubi venabula figunt,
 Æstuat in vulnus : ter ferrum dentibus ardet
 Prendere nequicquam, ter circumflectere crurum
 Agmina : complexum nimix fugit ambitus hastæ.

ASPICE ! ut articulos genuum mors frigida solvit,
 Unguiculique tremunt graciles ! dehinc colla reponens
 Fossam in caseolo moriens reminiscitur antrum.

NAM latere exeso situs inter dolia guttas
 Caseus excipiat ; quo condita matribus ova
 Imbuat ad vivum penetrans liquor : ut redit æstus
 Vere novo, liquefacta domus vestigia vitæ

Prodit,

Prodit, & in turmas Baccho se fœta resolvit.
 Millia perrumpunt tenues animalcula testas,
 Nata Deo, stirpemque angusto in pectore narrant.

VITA fugax nimium : si carpant manè juventæ
 Gaudia, sub noctem grandævos occupat ætas ;
 Nec triduum à tetrīs distant cunabula bustis.
 At gens, fluxa licet, manet ; hesternosque parentes
 Jam vetulos colit, & biduam veneratur avorum
 Canitiem : his etiam minimis subit æmula priscæ
 Fama & facta domûs, longæque superbia stirpis.

FORTE & sint illis sua prælia, fortè sub antris
 Gens fruatur oppidula, & graveolentes excavet urbes :
 Fortè etiam leges condatur, parvumque senatum ;
 Atque Fora & Circos, parva & Capitolia nôrit :
 Felix, heu nimium felix ! dum cuspide sævâ
 Inscius in partes opera inter talia culter
 Dividat imperium : frustra per proxima quærunt
 Effugium, aut pendent aulas & limina circum :
 Nam cum Consulibus mistisque Quiritibus omnis
 Eruta jejunam Respublica fertur in alvum.

OMNIS & ANGUILLAS secum vehit haustus aceti,
 Innocuas, tenues : nostris in faucibus illæ
 Ignaræ exultant, acuuntque in prandia ventrem,
 Tardaque sollicitant motis jejunia caudis.
 Ceu Cete (ut perhibent) pelagi dum fluctibus ingens
 Porrigitur, somnoque jacens extenditur undis,
 Pisciculûm errantûm per apertas agmina fauces
 Accipit : ast illi stomachi irremeabile claustrum
 Heu ! fati immemores tranant, nec somnia turbant.

CÆTERA cui versu est comprehendere ? nonne tumentes
 Sæpe vides nodos, scabiemque aut ulcera credas
 Infecto innasci folio ? Gens tota sub istis

242 MUSÆ ANGLICANÆ.

Speluncis habitat, frondisque inclusa minutas
 Et venas bibit, & cunabula concava rodit.
 Sin tibi parca fides, surgentibus infode nodis
 Introitum, & latebras explora: millia cernes
 Luce intus trepidare novâ, sibi visa renasci:
 Prole humeros ovisque, aliâ spe stirpis, onusti
 Exilium indigenæ subversâ gente sequuntur,
 Et fata in folii diverso tramite quærunt.



ÆC super INSECTIS: juvat hinc ingentis
 Olympi,

Cœlicolûmque domos, loca fœta latentibus astris,
 Visere ope Speculi: juvat, extra solis & anni
 Circuitus, cœlum procul explorare profundum,
 Rimarique novos mundos: quis fidera mecum
 Eruet, ac aliis calefactos solibus orbes?

SÆPE mihi libuit, superanti carmina Vitro
 Thessala, distantem cœlo deducere LUNAM,
 Quàm clypeo absimilem nunc, exiguisque rotarum
 Orbibus! ipsa ingens, ingentisque æmula Terræ,
 Cum fluviiis, scopulisque, & magnis montibus adstat.

SOL etiam ante oculos pelagis maculosus, & ingens,
 Fumantemque globum torrentiaque æquora pandit,
 Et juxtâ horrificus tercentum exæstuat Ætnis.

ERRANTUM hinc nomen notis posuere PLANETÆ
 Curfibus: ipse dato reditus in tramite flectit
 Mercuriusque, Venusque, ac tardos ultimus orbes
 Saturnus volvens: tum scisso crine Cometa
 Ipse Planetarum leges init, horridus olim
 Exlex Naturæ, fugiensque per æthera terror.
 Quanquam abit in cœlos extremæque avia Noctis,
 Terribilem attondens caudam, exhaustamque reponit

Jam magis atque magis; tamen ad lugubre peracto
Orbe ministerium redit è penetralibus imis
Ætheris, & solem rotat illætabile circum
Tostus iter; rursusque fugâ sublapsus in axem,
Afflatumque polum tremefactaque sidera verrit.

QUATUOR æquato revolutæ ex ordine LUNÆ
Imperium Jovis illustrant; quarum ocyùs actis
Interior gyris sequiturque fugitque sorores:
Sic reliquæ, inter se miscentes orbibus orbes,
Perpetuam intexunt mentito errore choream.
Qualis ubi indiciis duodenis dividit Horas
Lamina, & inscriptis alius datur ordo Minutis,
AUTOMATI in facie: bis senos ocyor explet
Dum gyros Index, alata Minuta secutus,
Consortem toties mediis in cursibus instans
Consequitur; jamjam tenet, elapsusque relinquit
Invigilantem Horis, & agentem ignaviùs orbes.

SIN mihi tanta sequi vires, Natura, recusas,
Ac magni HALLÆI comitatu extrema sequentem
Sidereas invisere opes, mira atria cœli;
Pandere at in tenui placeat tua dædala facta,
Pandere inexhaustos servantia scrinia luxus,
Luxus ultra operas Regum, ultra carmina Vatum.

THO. BISSE, A. B. & C. C. C. ONON.





CAMPANÆ UNDELLENSES.

NOX hyberna duas propè jam confecerat horas,
 Cessârântque foris operæ, clamórque virorum;
 Nulli tranquillum turbabant aëra venti,
 Nec cœlum audebant nubes temerare serenum,

Dum grex stellarum toto pascebat Olympo :
 Candela emicuit, sumpsítque domestica regna
 Æmula solaris radii, tenebrásque fugaces
 Dispergens, horas longâ de nocte redemit :
 Cùm, procul à CAMO, veteris novus incola ruris
 Solus ego (en) FERUS atque meus confedimus unâ
 Ante focum, agrestes recitantes ordine musas.
 Musica sed nostras subitò pervenit ad aures,
 Proxima quam tuis campanis villa ciebat,
 Et fovit vallis, liquidùm resonantibus undis,
 In tantum, ut totum complerent æthera cantu.

TUM FERUS, Ah ! Templum nostros habet illud
 amores :

O mihi præ cunctis dulcissima musica, quàm te
 Depereo ! meritâ es nostro quoque carmine dici.

PROTINUS agnovi veteris vestigia flammæ,
 Quâ cultum populúmque Dei, sacrosque labores
 Arsit, dum licuit; sed & ardet, & indè revelli
 Solâ morte potest; poterit neque morte revelli.

TUNC ego; Quin nostros liceat proferre calores;
 Quandoquidem simili nonnullus tangor amore.
 Olim (nam memini) patrii cùm ruris alumno

Grammaticus teneros ludus mihi fingeret annos,
 Villa exilis erat, paucis contenta colonis;
 Quæis tamen harmonicæ mentes, coelique capaces.
 His, siquando labor curvi cessabat aratri,
 Campanas pulsare sacras erat una voluptas.
 Musica prælongæ dabat hæc solamina nocti;
 Excivítque novos jam multo mane labores:
 Illa renascentis cecinit cunabula Solis;
 Nec priùs ad mollem vergebant lumina somnum,
 Funera quàm clausæ fuerant celebrata diei.
 Nulla dies abiit non his cantata Camœnis;
 Sic veniente die, sic decedente caneant,
 Et penitùs toto debebant pectore curas.
 Interea vario mulcebant æthera cantu,
 Pergratísque sonis vicinia tota sonabat.
 O illas dulces noctes, cùm ducere somnum
 Ad numeros licuit, vigilémque revísere vitam!

Hæ mihi deliciæ fuerant puerilibus annis.
 Floruit at postquam tenerâ lanugine mentum,
 Grandior UNDELÆ cepit mea pectora cantus;
 Quæ tantum villas inter caput extulit omnes,
 Quantum inter corylos umbrosa cacumina quercûs.
 Hæc faxo exsurgens vivo, faciêque decorâ,
 Perrarum agnoscit congesto cespite culmen,
 (Ut cui tecta facit de fisso lamina faxo)
 Promissíque sedens equitánque in tergore montis,
 AUFONIAS utrinque pedem demittit ad undas:
 Sed bino è saxi firmat vestigia ponte,
 Altáque turrigerum caput inter nubila condit.
 Hîc habitant illæ Musæ, dulcésque Camœnæ,
 Quæ circumfusam demulcent carmine vallem.

Corpore sunt multùm diverso quinque sorores,

246 MUSÆ ANGLICANÆ.

Et quæis vox pariter dispar : hæc tinnit in altum ;
 Illa gravis, gravitérque canit, tonitrúque canorum,
 Et circumductos displodit ad æthera bombos.
 Audiit hanc Echo, tremuítque in sedibus imis :
 Credibile est, ipsos commotos carmine Manes.
 Hæ curas abigunt, hæ purgant fœcibus auras,
 Atque malos abigunt Genios ; (si credere fas sit)
 Qui, simul ac resonant Campanæ è turribus altis,
 Præcipitare fugam, metuentes vota precantùm.
 Sic olim visis servi fugère flagellis,
 Ac, sortis memores, dominis sua terga dederunt.

QUAM gratum, quàm dulce melos, seu tempore sancto
 Classica sacra canunt ; seu visum est luce profestâ
 In gyrum glomerare sonos, numerisve peritis
 Ter quadragenos variare ex ordine versus !
 His, O, quis sextam adjiciet ? tum nempe liceret
 Sexcentos variare modos. Quis at optimus ille,
 Qui dabit ut centum pulsanti ritè quotannis
 Præconi sacro possint addicere libras ?
 Quisquis erit, meritos illi cernemus honores.

HÆ, quoties CAROLI nobis lux festa recurrit,
 Festinæ surgunt multâ de nocte sorores,
 Magnâque venturæ meditantur fata diei.
 Tum subitò gnarique viri juvenésque periti
 In numerum pulsant adductis funibus æra,
 Protinus & toti distant sua gaudia ruri.

COMINUS UNDE LAM, ac intra lapidem inde
 secundum,

Quatuor atque decem circumstant ordine villæ,
 Discipulæ villæ, ac arrestis turribus adstant.
 Hæ, postquam accepère sonos, paulúmque moratæ,
 Attonitis similes, taciturno murmure secum

Hos recitant, intúsque canunt, & carmina fingunt.
 Ut sibi prima fides, clangunt. Tum protinus omne
 Campanile sonat, dum tintinnabula cantant,
 Et totas variis implent tinnitibus auras.
 Astra micant blandùm ; reparabilis adsonat Echo.

NAIADES interea excítæ per cærula regna
 Dimidiæ exsistunt undis ; tum flumina circùm
 Stare jubent, lætis juvat indulgere choréis.
 Undæ stant, minimè curantes æquore mergi.
 Nymphæ partitis operis sua gaudia pandunt ;
 Pars pedibus plaudunt choreas, pars carmina dicunt :
 Quarum, quæ formâ pulcherrima, CALLIOPEIA
 Præcentrixque chori, facilisque præire canendo,
 Gaudentémque canit populum, Regémque reductum.
 Quin etiam meminisse juvat pretiosa peric'la
 Tam chari capitis ; quo non est mitior ullus
 Regnantùm in terris, aut observantior æqui.
 Tum CAROLUM toties salvum, & miracula narrat ;
 Cœlitus ereptum bello trans æquora mittit,
 Dein revocat, repetítque domum, redimítque coronâ
 Augustos lætâ celebrantem pace triumphos.
 Gaudia tum populi memorat, lætósque furores.
 Sed jam senserunt se tintinnabula lætis
 Incaluisse sonis ; nec enim sua gaudia tanta
 Æra satís capiunt, timor est nè fortè liquentur.

Ilicet, ad Pontum properatò currite, lymphæ ;
 Jam vos cœperunt avidis deposcere votis
 PETROPOLITANI, nudique in littore pisces.
 Muneris at tanti memores, labentibus annis,
 Hanc sibi dilectam lascivo flumine vallem
 Circumludentes, passus ter mille vagantur

248 MUSÆ ANGLICANÆ.

Nymphæ, dântque suo * Villæ de nomine nomen.
Campanæ dulces valeant, vigeântque, nec unquam
Tristia cancrino plangent incendia motu.

HÆC ego Campanis super, & super ære canoro,
Hîc procul à Musis, CAMI & procul exsul ab undis,
Ambit quâ UNDELÆ ripas uxorius amnis,
Pauca FERO nostro, multùm nîctantibus astris,
Dum mea perdulcis declinat lumina somnus,
Et cecini; & cecinisse juvat. Scit cætera Musa.

GUL. DILLINGHAM, S. T. P. Cantab.



Academiæ Oxoniensis Comitia.

PHŒBE, redi, quâcunque lates fugitivus in orâ,
Sive aliquam sequeris deserta per avia Daphnen,
Seu pastoralis repetens gestamina sceptri
Thesſaliæ jam tristis agas in finibus exul;
Te (quàm longa tuæ passi dispendia lucis!)
Te Dominum Oxonidæ, quondam tua turba, repossunt:
Sunt & adhuc, qui te non in vulgata vocabunt
Carmina, sunt Juvenes, qui, sis modo dexter, Apollo,
Non ita degeneres opera interrupta capeſſent.
Quo tibi solennes instaurant ordine pompas
Cernis, & auguſti pandunt spatia ampla Theatri:
Scilicet hanc Cæſar Phœbeis fecit alumnis
Lætitiâ: Ipſe procul Moſæ bellator ad undas,

* *Owndle contraſtè ex Avondale, Cambd.*

Tela inter media & districtos cominùs enses
 Intrepidum urget iter ; nec, quanquam sæpe Mariæ
 Menti furgat imago, iras animósque remittit,
 Quin toto insultantem ardens agit æquore Gallum.
 At nobis placidæ interea felicia pacis
 Exercere dedit studia, atque aperire recessus
 Castalios jussit, sacrosque recludere fontes.
 Tuque adeò, decus Aönidum, quo præside manes
 Sheltoni exultant, & sancti dia superbit
 Canities Fellî, doctæ otia longa Juventæ
 Excutis, & Musas ultrà non passus inertes,
 Desuetos renovas, circo plaudente, triumphos :
 Qualis, cùm nimiam Latio indulserè quietem
 Relligio mitisque Numæ sapientia, lentæ
 Virtutem excivit patriæ, residesque movebat
 Tullus in arma viros. Opera omnibus arbiter æquus
 Impendis diversa ; hic dulcia pollice lævi
 Fila movet Flacci, aut divinam Æneida tentat ;
 Ore sonans grandi, Demosthenis acrior alter
 Arma quatit ; densis alii te, Occhame, latebris
 Expediunt, multóque latentem pulvere Scotum :
 Fervet opus, læti feriunt laquearia plausus.

QUARE agite, egregii pars & vos parva triumphî,
 Queis calamos inflare leves Heliconia virgo
 Indulfit, faciliq̃ue poëmata ludere venâ.

H. Nôsti quæ festa & quos restaurare triumphos
 Incipit? (G.) Aut hoc aut aliquid simile huic mihi quondam
 Commemorabat avus. (H.) Certè hæc nil tale tulerunt
 Secula, vix tenuis famæ nos attigit aura.

G. Hinc est, quòd varium mirabar in oppida vulgus
 Confluere, Aönidumque domos turbare quietas :
 Hac cives (quibus alma salem natura negavit,

250 MUSÆ ANGLICANÆ.

Et multum nebulæ per frontem fudit amictum)
Incedunt taciti, & mirâ gravitate verendi.

Ac juxtâ, taurorum unciq;e oblitus aratri,
Rusticus exultat; passim convitia spargit
In socios; hilaris baculo, pede, voce jocatur.
Illic Cecropidas, Nomentanósque nepotes
Vestibus insignes, nec non & torva tuentem
Thrasonem vidi, ille plicatam in terga retorfit
Cæsariem, tunicamq;e dedit diffundere ventis;
Et subtus lato fulgebat balteus auro.

H. Credideram verò haud oculos retinere tuos qui
Spectatum veniunt, sed qui spectentur ut ipsi.

Vidisti in scenâ Pygmæam ludere gentem,
Et saltare vagum per pulpita pumilionem?

Vidisti, populo quâ lætos area ludos
Exhibet, & gemino distendit stipite funem,

Quàm facili corpus nisu saltator in auras
Tollat, quàm justo gressus libramine firmet

Insiliens, agilisq;e trementia fila pererret? [illum,

G. Parciùs hæc. (H.) Te Puparum pudet? haud pudet
Qui septem studiis annos dedit, & cui longè
A cubito manica ad talos demissa pependit.

Hic te, si memini, seniori cedere jussit,
Summovitque loco, sibi prima sedilia poscens.

G. Hæc tecum ulterius mox excutienda; vocat jam
Altera materies; & da (ad B.) tu, si grave non est,
Quæ tanta hospitibus Rhedycinam causa videndi?
Et quo procedant, quas narras, ordine Pompæ?

B. Organa, diverso quæ multa foramine jungit
Fistula, & aëreos acceptat folliibus Euros,
Audistis centum discrimina ludere vocum.
Inde canunt, habiles quibus in nova carmina vires

Divæ

Diva dedit, numeris & qui valuere solutis.
 Talibus auspiciis Juvenes Encænia templi
 Pierii renovant, magni memores SHELTONI.
 Ille (sacras quanto versans molimine curas!)
 Has posuit sedes, æternaque moenia Musis,
 Et te centenis admisit, Phœbe, fenestris;
 Illi solennes primo solvamus honores;
 Craftina lux vobis forsan gratissima, risum
 Cùm moveat, crepitant cui circum compita focci,
 Et malè compactas pelles futura relaxat:
 Aut qui Sidonio splendet venerabilis ostro,
 Dum sudat sub mole togæ, talosque gravatos
 Vix trahit, & toto resonat gravis ocrea vico.

H. Sed nullos stimulos, nullum, puto, gestat acumen.
 Hunc credas forsan sedes mutare quietas,
 Cornipedémque diu desuetum poscere, terrasque
 Explorare novas. (G.) At credant ista recentes,
 Non ego; namque illos didici securum agere ævum,
 Nec charis Rhedycinæ excedere mœnibus unquam,
 Dum loca sunt, quæ grata focis communibus ardent,
 Spumea quâ lætos ducit circùm amphora gyros,
 Et bene concussio crepat alea jacta fritillo.

B. Mox veniet, magno vulgi qui murmure rostra
 Conscendet, cujus mordax agitabit acumen
 Confestim juvenem atque senem. Trepidate, puellæ,
 Deliciæ Cottis, bullatæ & cura juventæ:
 Tuque annis gravis & fracto jam corpore, cujus
 Friget in effectis conjux petulantior ulnis.

H. Agnosco quid ais; Terræ, puto, Filius hic est.

G. Et magis agnosces, cùm téque tuámque Corinnam
 Attigerit, cæcosque diu patefecerit ignes.

H. Hunc circùm longo dum sese examine fundit

Turbo

252 MUSÆ ANGLICANÆ.

Turba favens, tremulôque quatit subsellia risu :
 Hîc forsân vili subtemine crassus arator
 Incumbens baculo, collôque in terga reclini,
 Torvum hiat, indoctasque ad pulpita porrigit aures ;
 Et quoties alii plaudunt, juvat hunc quoque risu
 Durum agitare latus, grandesque intendere buccas.

G. At cur simplicitas adeò tibi rustica ludo est ?
 Quid facient cives ? aurem substringet hianti,
 Et gravis in turbâ luctabitur Aldermannus :
 Illi sufflatu pulmo prælargus anhelat,
 Colla madent, liquidâque genæ pinguedine rorant,
 Materiesque suis fit Lychniopola lucernis :
 Demum importuno diducit labra cachinno,
 Tum cùm fortè suâ de conjugè fabula cœpit.
 Atque aliquem, credo, fallent persæpe togatum
 Romano sermone joci. (H.) Verùm ille sodalem,
 Cui tenues meliùs finxerunt pectus Athenæ,
 Observat, nervisque alienis mobile lignum
 Ducitur : hunc usque intentis aspectat ocellis,
 Ac siquando videt patulum dimittere rictum,
 Laxat & ipse parata sequacibus ora cachinnis.

G. Abderitano quis me pulmone beabit,
 Quis mihi ferratos lateri circumdabit orbes,
 Crastina si tantum præbent spectacula risum ?
 O quàm te impatiens, quæ proxima voveris, opto,
 Læta dies, longumque mihi memoranda per ævum !

H. Et memoranda quidem, cuicumque accumbere mensæ
 Contigerit, cuicumque loco successeris hospes.
 Seu quâ fumantes ex æquo meta lacescit
 In certamen equos, vel galli cæde rubentem
 Tingit humum sanguis ; seu cum ridente colono
 Effutire sales mavis, ut turba jocantem,

Ut

Ut dominum miretur anus grandæva futurum ;
Hinc falis æterni fontes, hinc nota supellex
Suggerit ingenium, & decies repetita placebit.

B. Multus uterque fuistis in hoc ; jam fronte severâ
Ecce movent duo pugnacis certamina lingua,
Democriti ille ingens vacuum, & tenuissima rerum
Semina ; particulasque leves, globulosque Renati ;
Obscuro hic quicquid Zabarella volumine condit,
Materiem formamque & inania nomina jactat.
Hos citò dimitti sperabitis. (H.) Imo ego lætus
Hos etiam specto, vultu dum multa minati,
Exertis digitis, exporrectisque labellis,
Nescio quid spinosum, atque implicitum Labyrintho
E nube & tenebris in lucem educere certant.

G. Dumque ardent oculi, & pulmo acres ventilat æstus,
Surdus uterque sono alterius diverberat aures,
Nec lateri parcut, nec sicco ex ore salivæ.
Et jam jamque magis fervent, atque omnia miscent,
Arbiter è cathedrâ donec venerabilis altâ
Increpet, & lites æquali examine libret,
Atque regat dictis animos, & temperet iras.

B. At ne vos teneat cæcis discordia nodis
Perplexæ, & vocum obductæ farragine nugæ ;
Alter adest, vestras qui molli urbanior aures
Mulceat eloquio, & Nympharum enarret amores :
Virgineum ille chorum, pexusque togæque recenti,
Sublimi spectat de sede, lætusque venustum
Huc illuc lentè flectit, miserisque puellis
Dat vulnus linguâ, obliquo dat vulnus oculo.

G. Ille refert, siquis lascivæ uxorius ulnis
Languescit sponsæ, gremio quæ infusa seniles
Nauseat amplexus, invisaque basia libat ;

254 MUSÆ ANGLICANÆ.

Vel siqua incauto tacitis præcordia flammis
Accendit juveni, sterilisque inspirat amores :
Mox malè respondet curis, animumque morando
Torquet, & admissos astutè ventilat ignes.

H. Pectoris o duri filices ! o ferrea corda !
Ille verecundos suffundere sanguine vultus
Audebit, tenerisque procax dare vulnera Nymphis ?

G. Crudelis Virgo magis, an magis improbus ille ?

H. Improbus ille. (G.) Tamen, crudelis tu quoque Virgo.
Nec tu adeò immitis nimiùm miserere Corinnæ ;
Ipsa dolet meritò, quæ tot fuit antè dolori.

H. Sic post edomitum Buten, Pagasumque, Chromimque,
Infelix jaculo cecidit stridente Camilla.

B. Quotquot amœna colunt formosæ rura puellæ,
Vel quarum doctæ veneres mirantur Athenæ,
Huc simul accurrunt. (H.) Hinc tu tibi felice Nympham,
Quæ tecum aut fastus Galatææ, & Daphnidis ignes
Dulcè canat, vel, humum pallâ verrente, choreas
Instituât numerosa. (G.) Choreas semper amavi.

B. Vos tamen, angustas quæ pandunt atria valvas,
Et vastæ fumant patinæ, & geniale falernum,
Antè dapes sumetis. (H.) Et has quoque semper amâsti.

B. UT memorare juvat quo pingues ordine mensæ
Ostentant epulas, quo nondum instructa tumultu
Unà hospes civesque ruunt in fercula ! sed vos
Non moror invitos ; notum dat buccina signum,
Arbor & in medias altè porrecta plateas
Jamdudum pictâ pandit spectacula chartâ.

D ^s CAR. BOYLE, <i>Comitis de Orrery. Fil.</i>	}	<i>ex Æde Christi.</i>
GULIELM. HAYS,		
GUALTERUS GOUGH,		
	}	<i>Equitum Fil.</i>



AULA VINDESORIÆ

D. G E O R G I O

I N S T A U R A T A.



Inforiæ augustas arces, equitumque triumphos,
 Et Procerum vestes stellis fulgentibus aptas,
 Cappadocis spatiosam Aulam, multoque superbas
 Marte Perisceelidas, decus & gestamina Regum

Impetus est celebrare: Fave, ô Tritonia Pallas,
 Ægide Diva ferox, studiisque asperrima belli;
 Tuque adsis præfens, vultu metuendus & acri
 Insignis frameâ Mavors; tuque inclyte GEORGI,
 Custos Anglorum, qui magnanimos Heroas
 Imperio regis, & Britonum res numine firmas;
 Sive novum fidus pigris te mensibus addas,
 Spicea quâ niveas Virgo tibi porrigit ulnas,
 Attoniti seu te capiant spatia horrida cœli,
 Lethifer in geminos ubi brachia concavat arcus
 Scorpius, atque tuæ metuit vicinia dextræ.
 Nec minor his, dubias rerum qui flectis habenas,
 CAROLIDE, & tantos æquus largiris honores,
 Adsis ô, placidusque audacibus annue cœptis.

THAMESIS irriguâ quâ præceps labitur undâ,
 Et superimpositas stupefactus præterit arces;
 Stat Domus, ampla, ingens, excelsi in vertice montis,
 Regum divitiis opulenta, & Numine GEORGÎ.

Altâ

256 MUSÆ ANGLICANÆ.

Altâ turre minax caput est, unde arduus omnes
 CAROLUS aspectat terras, atque æquora lustrat
 Imperio subjecta suo: Sic æthere summo
 Littoraque, Oceanique vagas circumspicit undas
 Jupiter, & Terræ defigit lumina regnis.
 Hîc nasci, superâque hîc primùm vescier aurâ
 EDVARDO omen erat; multo quem Marte ferocem
 In bellum rapuit spes famæ, & vivida virtus.
 Ille (ubi in adversas acies concurrerat orbis,
 Fraudibus hinc melior Gallus stetit, indè Britannus
 Missilibus fretus telis ac vindice dextrâ)
 Ille memor veteres ARTHURI instaurat honores,
 Heroasque vocat duri ad præludia belli.
 Quisquis equos melior domat, & qui viribus audet
 Cominûs aut gladio certare, aut eminûs hastâ;
 Seu valido malit bellum committere pugno:
 Cuncti adsint, meritæque expectent præmia palmæ.
 Quoscumque accendit peregrini gloria Martis,
 Invitat famâ Juvenes, durique laboris
 Cruralem vittam gemmis ostroque rigentem
 Mercedem ponit, pretium par talibus ausis.

CONVENERE Duces, & nunc per tela, per hostes
 Haud dubiam in mortem vadunt, & fata futuræ
 Securi famæ non jam metuenda laceffunt.
 Ex illo florere EDVARDI, & crescere laudes;
 Gallorum fortuna retrò sublapsa referri.
 Sed Britonum neu fortè ingens decus interrumpat
 Longa dies, tantique abolefcât gloria facti,
 Perpetuâ serie succedit Martius ordo
 Heroum: siquis bello est præclarus & armis,
 Sive fide; fidei monumentum & præmia belli,
 Aurea Rex lævæ subnectit cingula suræ.

Nunc

Nunc eadem jactant, eadem ad fastigia vestī
 Quinque & viginti proceres, quos æquus amavit
 CAROLUS, atque ardens instigat ad optima Virtus.

VINSORIÆ Templum est & religione parentum,
 Et Bellatorum multis insigne trophæis;
 Multa ibi figuntur sacris in postibus arma;
 Et cristæ capitum, & priscorum signa virorum,
 Spiculaque, clypeique, ereptique hostibus enses.
 Ordinis hîc primùm sumunt insignia lecti
 Heroes, crebris cumulantque altaria donis.
 Est Aula interior vastis suffulta columnis,
 Dædaleâque operâ, multoque insignis Apelle;
 Hæ sedes epulis, hîc dilabentibus annis,
 Perpetuis soliti proceres considerare mensis.

QUIN etiam veterum effigies in pariete doctus
 Expressit Pictor, vitasque effinxit in auro.
 O si quàm doctâ distendit arundine fucum
 Verrio, & ingenuo diduxit pollice ceram,
 Tam pleno ingenio, tamque exundante Camcenâ
 Magnum opus æternare queam! da, Phœbe, potentem
 Da Genium: cœlos nam tu quoque murice tingis,
 Pictam mille potens variare coloribus Irin.
 Quâ tu parte oreris, gradibus de marmore quinis
 Conscendit folium multo intertextum Elephanto
 CAROLUS; & stratum subter pede conterit ostrum.

AT super aspicias mirâ pictum arte tapetem,
 Quâ longo extendit se margine conopeum,
 Atque habili revocat cortinam fibula nodo:
 Hæc ubi spectator malè fidis lustrat ocellis,
 Textricis miratur acum, laudatque nitenti
 Auro distinctas telas, ac credulus infit,
 Penelope levius, melius nil texit Arachne.

258 MUSÆ ANGLICANÆ.

At qui fortè comes miranti doctior astat,
 Deceptos oculos vanæ sub imagine formæ,
 Artificisque manu depingi aulæa monebit,
 Cui neque par olim Zeuxis, nec Cous Apelles.

QUIS verò ille audax cristâ spectandus equinâ,
 Insignis clypeo, loricâque ære decorâ,
 Et solidâ argento galeâ, & calcaribus aureis ?
 Ecce indignanti similem, similemque tonanti
 Cappadocis vultum ! toto ut ferventis ab ore
 Scintillæ absistunt ! en quantum è naribus efflat
 Irarum, quantusque oculis micat acribus ignis !
 Anguem expirantem rabido de pectore flammæ
 Desuper altus equo graviter ferit impiger Heros :
 Usque premens monstrum, & vires super ipse secutus
 Usque suas, pendet validos reclinis in armos.
 Lapsurum sternacis equi cervice putares ;
 Lora tenet tamen, & jam vibratâ arduus hastâ
 Attollenti iras, & cærule colla tumentis
 Occupat os ferro, & fauces mucrone cruentat :
 Iste dolore ferox totas jam colligit iras,
 Et frustra sævus, frustra que hostile tenaci
 Dente terens, linguâ nequicquam mordet inani.
 Nec minùs impatiens frænorum, & fervidus irâ
 Tollit se arrestum quadrupes : calx altera cælum
 Verberat, ignivomi pectus premit altera monstri.

MAJOR pompa vocat, major propè panditur ordo ;
 Sive opus aspicias, sive ingens argumentum.

CAROLUS en ! equitum solennem indutus amictum,
 Stellamque, trabeamque, periscelidemque decoram,
 Iride sublimis vehitur ! Cui tempora circum
 Inter honoratas fundit se laurea gemmas.

Pax lævum tegit alma latus, Victoria dextrum ;

Ambæ

Ambæ florentes, formosæ frondibus ambæ ;
 Frondenti hæc palmâ, ramo illa virentis olivæ.
 Ad Regale caput junctâ diadema tenent vi
 Relligio hinc tabulis nota, inde Britannia sceptris ;
 Relligio nebulâ vultus obducta pudicâ,
 At clara, & nudo manifesta Britannia vultu.
 Undique Virtutum circumstat magna caterva :
 Ore verecundo insignis, facieque modestâ
 Temperies, at sollicitâ Prudentia fronte
 Egregia, & non mutato Constantia vultu.

HAUD procul ante pedes flexo tres poplite Divæ,
 Et Juvæna parens, & Thule, & pulchrior illis
 Fœcundisque magis spectabilis Anglia mammis.
 At torvâ facie Divas supereminet omnes
 Astræa, ancipitem cui vibrat læva bilancem,
 Dextra manus validum magnâ vi concutit ensẽ ;
 Inque novas cædes crescentem demetit Hydram,
 Monstrum horrendum, ingens, & quo non tetrior ulla
 Pestis & ira Dei Scoticis sese extulit oris !
 Illam Principibus nunquam non noxia Thule
 Extremam Enceladôque Ægæonîque sororem
 Progenuit, fœtam exitio, nigrique veneni
 Fœcundam rabie, cui dira Rebellio nomen,
 Saga gravis paci, Regumque inimica quieti.
 Huic siquando putri fortè halitus exit ab ore,
 Triste malum populi vitiatas inficit aures ;
 Poscere mox ferrum cives, rapere arma juvenus,
 Et ruere unanimes adversa in prælia fratres.
 Nec sterilis Furia est : Spatiosas aspice mammas,
 Pectorâque, gravidûmque armato milite ventrem !
 Non Albana olim tam fœdis uberibus fus
 Terruit aspectus, uterôve enixa feraci est

Tot capitum fœtus : Quam prodigiosa propago
 Monstrorum eliciunt atro de pectore virus,
 Maternósque sinus jejunâ fauce laceffunt!

FALLOR? an agnosco permistum te quoque turbæ,
 Shaftsburi, ô Anglis caput horum & causa malorum!
 Agnosco vultus, nec quenquam conscia falli
 Fistula permittit, pendensque sub ilia Siphon.
 Quin etiam anguiculos inhonesto vulnere nasci,
 Et, quâ rima patet, tubulo manare colubros
 Conspicor, & latitans subter præcordia virus.
 Ille pavens, structusque dolis, huc turbidus atque huc
 Inclinat vultus, & partem versat in omnem.
 Nusquam recta acies : vigil omnia circumspêctat,
 Omnia formidat ; pallorque per ora fatetur
 Invidiamque, odiumque simul, gelidumque timorem.
 His porrò accedit, subito quòd fortè tumultu
 Excussæ manibus tabulæ, revolutaque charta
ASSOCIATORUM diros testata furores :
 Labitur ille in humum velox, properatque libellos
 Colligere in gremium, tacitâque recondere veste :
 At rapit oppressum, & conanti plurima frustra
 Erecto jamjam vulnus meditatur ab ense
 Astræa ; ille ictum venientem à vertice cautus
 Prævidet, & celeri dilapsus corpore cedit.

PARTÊ aliâ duxit distincta per atria Pictor
 Cressiacásque acies, & Nigri Principis arma,
 Captivos currus, Regésque ad fræna sequentes,
 Et partum à Gallis repetito Marte triumphum.
 Talibus exemplis monitus dum singula lustrat
CAROLUS, haud unquam tantorum indignus avorum,
 Angliacas laudes simul & miratur, & implet.

T. SPARK, *Ædis Christi Alumnus.*



I N

THOMAM CLUSIUM,

S I V E

Campanam magnam Ædis Christi.

E Umme Deûm, armatâ qui torques fulmina dextrâ,
 Et quo pressa gemit subiecti Regia cœli,
 Si, quem concussæ timuerunt Elidis arces,
 (Cùm latè quondam toti convitia cœlo

Fecerunt majus mentita tonitrua Numen)
 Cernis adhuc meritas dantem Salmonea pœnas ;
 Sis bonus ô, facilisque aspira ingentibus ausis,
 Dum tibi rivalem celebrat mea musa Tonantem,
 Qualis in umbrosæ Diætæis vallibus Idæ
 Vagitus pressisse tuos, primasque querelas
 Possset, & in latebras pavitantem egisse Parentem,
 Ultra Curetum plausus, Corybantiaque æra.
 Nam neque (Natorum quamvis commune sepulchrum)
 Os vastum tanto pandit Saturnus hiatu.
 Te quoque, quem cœlo profugum charissima Lemnos
 Excepit, solûsque Jovi qui tela ministras
 (Ferreæ seu nigris vis fit vincenda caminis,
 Sive tibi fuso melius quid ducitur ære)
 In partes, Vulcane, voco: tua Numina posco,
 Dum nova mirandæ molimina persequor Artis:
 Dic, age (néve Deum pudeat cessisse minorem)

Num

Num tale ardentis coctum fornacibus Ætnæ
 Movit opus multo madidus sudore Pyracmon,
 Brontesve, Steropesve, quibus tosto horrida mento
 It barba, & densâ nigrantes nube capilli
 Latos inficiunt humerosque, torosaque colla ?

ÆQUALI primùm se porrigit area campo
 Lævis, & in varias mox convertenda figuras.
 Namque tibi effossæ caveam dabit agger arenæ,
 Quæ, longè terrarum imos petitura recessus,
 Immani quondam ruituram pondere molem
 Excipiet gremio, vastâque voragine condet.
 Inde triplex totidem surgit fornacibus Ordo,
 Et sæpe impositis veluti cessura metallis
 Saxa gemunt, & divulsâ compage laborant.
 Tum verò (horrendum!) cæcis injecta caminis
 Sylva furit flammis, piceique volumina fumi
 Obducuntque diem, & cælo nova nubila mittunt.
 Quà data porta, ruit passim Vulcanius ignis,
 Et multâ gravidas fuligine nixus in auras
 Infectisque tremit radiis, & luce malignâ.

JAMQUE ubi pervasit totam vis ignea molem,
 Æreus effundit flavo se gurgite rivus,
 Et ducit ternos ardenti tramite fulcos ;
 Ut primùm patuère viæ, resoluta Metalla
 Circum claustra fremunt, atque indignata teneri
 Attollunt sese, laterique illisa resultant.
 Ceu quondam pelago immugit, ripisque profundi
 Intonat Ægæi decimæ tumor arduus undæ :
 Sub pedibus trepidare solum, totisque moveri
 Sedibus, & sparsum latè increbrescere murmur.
 Protinùs attonitum stupet ad spectacula vulgus,
 Liventisque genas, & pallida protinus ora

Cernere erat, five hoc insueti audacia cœpti
 Et dubii fecêre metus, animique labantes,
 Seu simili vultus ducant ex ære colores.
 Ante omnes Faber ipse tremit, similisque furenti
 Huc illuc oculos torquet, si fortè corusci
 Exundent latices, & pleno margine surgant.
 Cærulea effulsit lux tandem, atque omine læto
 Flamma ter accensa est, apicemque per aëra duxit.
 Mixta metu ancipitem percellunt gaudia mentem,
 Et signi suspecta fides, animoque recursant
 Tristia decepti toties exempla laboris,
 Cùm quondam prono subter labentia rivo
 Fusa sibi insolitos aperirent æra meatus,
 Nativæ tanquam reditura in viscera terræ.
 Ter prius extractis arsit fornacibus ignis,
 Explorata focus ter massa incanduit æstu,
 Ter superas sese tulit indigesta per auras;
 Quales sæpe parit tellus Nilotica foetus,
 Quorum prima viget motu pars, altera terram
 Ponè legit, certâ vix agnoscenda figurâ.

EXPECTATA diu tandem nos hora revisit,
 Inceptumque urget longo jam doctior usu
 Artificis manus, & fallendi nescia dextra.
 Ecce oritur, nitidoque emergit CLUSIVS ore,
 (Horrendum populo nomen, gentique togatæ)
 Jane pater, socios tecum partitus honores,
 Sive diem nostro referet, seu claudat Olympo.
 Quà sonat, impulsus validis tremit ictibus aër,
 Atque in mille agitur rapidâ vertigine gyros.
 Quà sonat, incautos quos usu ceperit error
 (Fallere seu malint hibernæ tædia noctis,
 Seu juvet æstivos umbrâ distinguere soles)

264 MUSÆ ANGLICANÆ.

Idem omnes simul ardor agit; mora nulla, vocati
Diffugiunt, seseque intra sua limina condunt.
Sic quoties campis ludos instaurat apertis,
Diductisque erret spatiis Trojana juvenus,
Jam comites, jam ponè videns post terga Magistros,
Interea tuba si dederit Mavortia signum,
Dispersæ coëunt acies, & castra revisunt.

JAMQUE ingens lento procedit Machina passu,
Implens mole vias; tanto pars territa monstro
Metitur spatiosum orbem, pars agmine facto
Obnixi trudunt humeris, facilesque rotarum
Subjiciunt lapsus, & stupea vincula tendunt.
Prosequitur longè clamorque & plausus ovariantum.
Ceum quondam Phrygiæ vehitur spectanda per urbes
Festivo comitata choro Berecynthia Mater,
Dum ferit adversas sublimi vertice portas;
Haud secus augustas conscendit CLU SIUS arces,
Quales nec sacrâ Divam cervice tulisse
Crediderim, licet ipsa pari componat amictu
Excelsum caput, & cœlo turrata minetur.
Ecce procul niveis effulget porta columnis,
Clarius ignavâ tandem emersura ruinâ,
Fronte micat totâ, geminoque ad fidera cono
Aspirans longas jaculatur Pyramis umbras:
Hinc olim æthereos radio describere cursus,
Et circum cœli dabitur secreta tueri,
Quali tardus agat sese temone Boötes;
Quæve illum farraca ferant: quo fulminet ense
Orion, rutili quo vibrent igne Cometæ.
Hic & marmoreus primas in limine sedes
Occupat, augustoque renidet CAROLUS ore,
Ipse novæ tutela arcis ———

Tu quoque majorem sentis, HENRICE, nepotem,
Præreptósq; tibi non indignaris honores.
Gestit & æthereâ spectans WOLSEIUS ab arce,
Ac miratur opus, quoties it nuncius astris
CLUSIUS ingeminans sonitum, cœlumque lacessens.
Dum procul attonitos vocat ad spectacula Divos.
Responsura sonos famæ tuba sparget in orbem,
Fama feret longè, nostro par sola Tonanti.

THO. SPARK, *Æd. Christ. Alumnus.*



CURSUS GLACIALIS:

ANGLICE,

S C A T I N G.



UÆ nova Naturæ facies, qui lumina terrent
Prospectus Nivei, & camporum pallidus hor-
ror!

Ut dispersa ruunt, & toto se æthere miscent
Frigora, & hyberni tenuissima spicula Cauri!
Flumina stricta silent, cursusque oblita priores
Lucida per longos producunt stagna canales.
Ipse riget mediis, nova passus vincula, Proteus
Fluctibus, ipse suo Neptunus in æquore clausus
Miratur stabiles undas, solidataque regna.

QUIN & hyems proprios novit tristissima ludos,
Qui rigidos laxare artus torpore soluto,
Et membrisabilem poterunt inferre vigorem.

ERGO cui firmæ contingit gloria plantæ,
 Ad ripas effusa ruit, totamque juvenus
 Calce terit glaciem, seu longum tramite lævi
 Pergit iter volucris, soleamque fatigat inermem;
 Seu cursum meditata vagum, pedibusque nitentes
 Subjiciens lapsus, totum sibi vendicat æquor.
 Aspicias in fragilem quali se proripit ictu
 Planitiem! vitreas quo turbine fertur in undas!
 Ut fluctus petit irriguos, glaciemque supremam
 Perstringit levis, ut subitâ vertigine cursum
 Abrumpit cautus medium! pede stridet acuto
 Rasa superficies; facili volat ille recurso,
 Itque reditque viam, & circum undique lubricus errat.

HINC tristis defævit hyems, brumamque rigentem
 Corpora contemnunt; hinc crebro mobile saltu
 Cor micat, inque genis lætissima purpura fervet.

QUIN si casu aliquo glacies infirma dehiscat,
 Evertatque pedes, ubi crebris aspera nodis
 Perpetuum prohibet cursum, gressusque fluentes;
 Exoritur clamor, resonant circum omnia risu:
 Illudent misero vulgus, salibusque malignis
 Excipiunt vestes madidas, plantamque caducam.

AT quoties juncto plures in marmora lapsu
 Profiliunt simul obnixi, tum corpore prono
 In cursum pendent, tum jactant brachia utrinque,
 Vimque addunt pedibus; dubiisque erroribus acta
 Ducit iter perplexum, atque orbibus implicat orbes
 Æmula turba; vagi passim vestigia ferri
 Apparent, variisque inscribitur area gyris.

SIC, ubi circuitu incerto lascivit Hirundo
 Plurima per sudum crepitans, humilique volatu
 Floriferos nunc stringit agros, nunc flumina verrit

Summa levis; crebros miramur in aëre flexus,
Confusasque vias, & inextricabile textum.


ARTIBUS his fretus, si vera est fama, Batavus
Firmatam nactus glaciem, soleasque ferentes,
Ripam odit tritaſque vias; tardosque relinquens
Terrarum tractus, plantâ fugiente viator
Lubricus, aut longè ſemotum invifit amicum,
Aut petit ignotus peregrinam Villicus urbem.

SÆPE etiam plenis apportans ova caniftris,
Nil fragili metuens oneri, ſe impune fideli
Committit mulier pelago, ſecuraque tranat
Frigora conſtriſta, & quæſitæ allabitur oræ.
Inſculptum videas callem, & tota æquora paſſim
Proſcindi ferro, longiſque albefcere fulcis.

PHIL. FROWDE, *Coll. Magd.*
Superioris Ordinis Commenſ.



MUSÆ
REGEM & REGINAM
CORONANTES.

1.  UO dubium rapitis, Musæ? quis carminis
ardor
Intus agit ſtimulos, & fervidâ pectora tur-
bat?

Namque ignota priùs ſubit imas flamma medullas,
Et pluſquam ſolitus mihi corda fatigat Apollo.

268 MUSÆ ANGLICANÆ.

Nunc sua castra sequi, Regumque exponere laudes
 Hortatur CLIO, Reginarumque triumphos ;
 Sive tuas audax memorem, domus ATIA, lauros,
 Quæ gesta ALPHONSI, quantus SIGEBERTUS in armis ;
 Seu Bruti sobolem, genus insuperabile ferro,
 Angligenûmque acies, & euntem in bella JACOBUM.
 Protinus abripior : Dantem cùm vela furori,
 Audacique nimis conantem prælia versu,
 Retrò ferre pedes ERATO monet, & sibi molles
 Indulgere Elegos, dignumque Cupidine carmen.
 Quinetiam EUTERPE tenui memorare Camœnâ
 Admonet increpitans, hilaris quas Curia pompas
 Ducat, quo Regum surgant diademate crines,
 Quantaque sollicitent hodiernum gaudia Phœbum.
 Distrahor in varia, & multus mecum ipse voluto,
 Quos ferar in campos, qui surgat carminis ordo.

2. QUIN Tu JACOBO solus meditaris honores ?
 Aut solum Te, vane Puer, fecêre Poetam
 Pierides ? sed & hoc vivit sub pectore Regum
 Fidus honos ; & cùm solvuntur vota JACOBO,
 Me quoque amant Musæ, mihi non peregrinus Apollo.

3 ad 2. O insane Puer ! nimiùm ne fide Camœnis,
 Carmine si speras laudes æquare JACOBI,
 Idem Virgilium certes superare canendo.

2 ad 3. QUAMVIS nostra putes sordescere munera,
 quamvis

Despectus tibi sim, melior mea carmina forsan
 JACOBUS foveat. (3) Modò sint ea digna foveri.

1 ad 3. PARCE malæ linguæ, & (ad 2.) tu, Phœbi
 magne Sacerdos,

Opprobriis ignosce ; (ad ambos) atque has componite lites.
 Et referes tu carmen, & ille ; & quisquis honores

JACOBO,

JACOBO, aut Divæ supplex fert dona MARIE.
 Nec satis est unus tanta in conamina Phœbus ;
 Quid juncti valeant humeri, & communis Apollo,
 Experiamur ; erit mihi carminis Argumentum
 Præliaque, clypeique, & Marti accommoda CLIO.

3. BELLA canant alii, queis fortia pectora largus
 Indulfit Titan, duri & patientia ferri.

Me lituo aversum (nam nec pudet ista fateri,
 Dum non degenerem arguerint tua signa, Cupido)
 Ad mollem citharæ lusum, imbellesque modorum
 Delicias ERATO, Veneris gratissima cura,
 Incitat, & chordis inspirat amabile Carmen.

2. NEC mollis Cytherea mihi, nec prælia cordi ;
 Tu Dea, cui dederint jucundum gaudia nomen,
 Alma meis faveas cœptis, tu rite vocanti
 Dextra ades, atque animæ præsens illabere nostræ.
 Auditas agnosco preces, hilaremque repente
 Mutor in EUTERPEN, & me novus incitat ardor
 Ire viam immensam, & plenis dare carbasa velis.
 Quin cedo — (*ad Cl.*) tu fare prior, quo carmine turges ?
 Nam postquam CLIO cupis, ambitiose, vocari,
 Et tanto effrænis vanum te nomine jactas,
 Fronti siqua fides, si non falso omine plenæ
 Instantur buccæ, majorque insurgis in altum,
 Grande aliquod moliris, & haud ignobile carmen.

CL. SIT procul, ut tali me digner laude, Sorores ;
 Quin pugnata olim recolo jam prælia, namque
 Ipsa aderam præsens, & in imâ mente reponens
 Confertasque acies, albescentesque ossibus agros,
 Et Senonum infractas JACOBO vindice turmas
 Tempus in hoc volvo : juvat, ô, meminisse ; quot ille
 Orco animas magno Dunkirkæ ad mœnia bello

270 MUSÆ ANGLICANÆ.

Tradidit, & primam surrexit quantus in hastam!
 Vidit perque hostes, per & obvia tela ruentem,
 Quò generosa tulit cunque ira, aut vivida virtus,
 Hospitiæ fides, focio & data dextra PHILIPPO.
 Nec Martem arguerim, nec te, Tritonia Pallas,
 Nec Vos, quotquot ego genua incerare Deorum
 Haud oblita fui, quòd non fausto omine duram
 Commisit pugnam ductor; fors ista Britannæ
 Debita erat genti; quòd si non æqua favebant
 Fata Viro, cæsis Gallorum millibus antè,
 Ducentem in castra Hispanos rediisse juvabit.
 Sed neque te posthac similis, LODOICE, manebit
 Fortuna, aut tantis Sors si semel abfuit ausis,
 Tum quoque, cùm fidos hortetur in arma Britannos,
 Obstiterint eadem contraria fata JACOBO.
 Ille memor veteres Patrum instaurare triumphos
 Irruet in Gallos, secumque in prælia ducet
 EDVARDIQUE animos, & Nigri Principis arma.

ERAT. Quò veheris, Clio! quò te monumenta laboris
 Antiqui rapiunt? magni dum gesta JACOBI
 Officiosa refers, nescis, temeraria, nescis,
 Heu quantum efficias fando incrudescere vulnus,
 Quos Anglis renovet mœstissima scena dolores:
 O infanda dies! quam Musæ semper acerbam,
 Quamque ego præcipuè crudelem semper habebam!
 O triste exilium! quando his peregrinus ab oris
 (Horresco referens) pulso cum fratre JACOBUS
 Infelix aliis successit sedibus hospes.
 Me quoque tunc eadem crudelia fata trahebant:
 Exul & ipsa fui; tenuère hæc regna vicissim
 Iræque, insidiæque, & belli tristis Erinnyis,
 Atque Odia, & scissâ turpis Discordia pallâ.

EUTERPE. Quid tamen hæc, Erato, nequicquam ingrata revolvis?

Lætior en rerum facies! meliore secundos
 Augurio ire dies, atque aurea secula volvi
 Conspicor: en quanto procedunt agmine Fratres
 In patriam reduces! quantus sese explicat ordo
 Magnatum, & Patrum, & plaudentûm mille virorum.
 Ipsa alios inter, circûm plaudente coronâ
 Naiadum, effusis aderam gavisâ triumphis,
 Pars magna illorum; nam quæ lux prima reduxit
 CAROLIDAS, Anglis eadem me reddidit oris,
 Et dedit hâc iterum placidam consistere terrâ.

ERATO. O illam meminisse diem mihi magna voluptas!
 O votis revocanda meis! quâ bellicus Heros
 Camporum immunis strepitu, durique solutus
 Martis servitio, te demum, blande Cupido,
 Fassus erat, tantosque animos submisit amor.
 Felix ante alias, domuit quæ Martia Virgo
 Pectora, primus Amor; Quæ dudum juncta fideli
 Connubio, faustâ Venere ac Junone secundâ,
 JACOBUM fecit formosâ prole parentem.
 Scilicet ex illo gaudent se sanguine nasci
 AURIACI conjux, Angli & spes altera regni
 ANNA soror: Nec te, cui vinc'la jugalia curæ,
 Incusum, ô Juno, deerat quod mascula proles,
 Et parca invidit sobolem Lucina virilem.
 Ille aliis honor est thalamis; manet illa MARIAM
 Sors melior lecti, quâ non fecundior ulla,
 Pulchrior aut Italis sese Nympha extulit oris.
 O quæ connubia, & quales celebrant Hymenæos
 Egregium ALPHONSI genus, invictusque JACOBUS!
 Multa tamen toleranda priûs, multoque MARIA

270 MUSÆ ANGLICANÆ.

Tradidit, & primam surrexit quantus in hastam!
 Vidit perque hostes, per & obvia tela ruentem,
 Quò generosa tulit cunque ira, aut vivida virtus,
 Hospitiæ fides, socio & data dextra PHILIPPO.
 Nec Martem arguerim, nec te, Tritonia Pallas,
 Nec Vos, quotquot ego genua incerare Deorum
 Haud oblita fui, quòd non fausto omine duram
 Commisit pugnam ductor; fors ista Britannæ
 Debita erat genti; quòd si non æqua favebant
 Fata Viro, cæsis Gallorum millibus antè,
 Ducentem in castra Hispanos rediisse juvabit.
 Sed neque te posthac similis, LODOICE, manebit
 Fortuna, aut tantis Sors si semel abfuit ausis,
 Tum quoque, cùm fidos hortetur in arma Britannos,
 Obstiterint eadem contraria fata JACOBO.
 Ille memor veteres Patrum instaurare triumphos
 Irruet in Gallos, secumque in prælia ducet
 EDVARDIQUE animos, & Nigri Principis arma.

ERAT. Quò veheris, Clio? quò te monumenta laboris
 Antiqui rapiunt? magni dum gesta JACOBI
 Officiosa refers, nescis, temeraria, nescis,
 Heu quantum efficias fando incrudescere vulnus,
 Quos Anglis renovet mœstissima scena dolores:
 O infanda dies! quam Musæ semper acerbam,
 Quamque ego præcipuè crudelem semper habebō!
 O triste exilium! quando his peregrinus ab oris
 (Horresco referens) pulso cum fratre JACOBUS
 Infelix aliis successit sedibus hospes.

Me quoque tunc eadem crudelia fata trahebant:
 Exul & ipsa fui; tenuère hæc regna vicissim
 Iræque, insidiæque, & belli tristis Erinnyis,
 Atque Odia, & scissâ turpis Discordia pallâ.

EUTERPE. Quid tamen hæc, Erato, nequicquam ingrata revolvis?

Lætior en rerum facies! meliore secundos
 Augurio ire dies, atque aurea secula volvi
 Conspicor: en quanto procedunt agmine Fratres
 In patriam reduces! quantus sese explicat ordo
 Magnatum, & Patrum, & plaudentum mille virorum.
 Ipsa alios inter, circum plaudente coronâ
 Naiadum, effusis aderam gavisâ triumphis,
 Pars magna illorum; nam quæ lux prima reduxit
 CAROLIDAS, Anglis eadem me reddidit oris,
 Et dedit hâc iterum placidam consistere terrâ.

ERATO. O illam meminisse diem mihi magna voluptas!
 O votis revocanda meis! quâ bellicus Heros
 Camporum immunis strepitu, durique solutus
 Martis servitio, te demum, blande Cupido,
 Fassus erat, tantosque animos submisit amori.
 Felix ante alias, domuit quæ Martia Virgo
 Pectora, primus Amor; Quæ dudum juncta fideli
 Connubio, faustâ Venere ac Junone secundâ,
 JACOBUM fecit formosâ prole parentem.
 Scilicet ex illo gaudent se sanguine nasci
 AURIACI conjux, Angli & spes altera regni
 ANNA soror: Nec te, cui vinc'la jugalia curæ,
 Incusum, ô Juno, deerat quod mascula proles,
 Et parca invidit sobolem Lucina virilem.
 Ille aliis honor est thalamis; manet illa MARIAM
 Sors melior lecti, quâ non fecundior ulla,
 Pulchrior aut Italis sese Nympha extulit oris.
 O quæ connubia, & quales celebrant Hymenæos
 Egregium ALPHONSI genus, invictusque JACOBUS!
 Multa tamen toleranda prius, multoque MARIA

272 MUSÆ ANGLICANÆ.

Sanguine dotanda : expectat te pronuba Enyo,
 O semper duris JACOBE exercite fati,
 Et Mars æquoreus, Belgarum & mille carinæ.
 Altera te nunc bella vocant, spretumque laceffit
 Oceani imperium, temerataque fœdera ponti.
 En ! video Angliacis tabulatum classibus æquor,
 Transra per & puppes se latè efferre JACOBUM
 Funera spargentem, simul & trepidare fugacem
 OPDAMUM, inque suas properum remeare paludes.
 I nunc, Belga ferox, offer te, irrise, peric'lis,
 Navales, i, sterne acies, tege classibus æquor,
 Crudâ ut mole tumens, multoque abdomine pinguis
 Balænam pascas, & fias præda filuris. [phæis

EUTERPE. Quot spolia indutus Viçtor, quantisq; tro-
 Insignis graditur ! circum Pæana volutant
 Littora ; Iô Pæan repetit de montibus Echo.
 Mille inter populi plausus, per strata quadrigis
 Fertur ovans ; fufos lauro redimita capillos
 Læta triumphales fequitur Viçtoria currus,
 Pax fimul it comes, & fœcundo Copia cornu. [belli

ERATO. Nempe per hos cafus, perque hæc discrimina
 Itur in Italiam, formofam ubi Diva MARIAM
 Oftendit Venus, & tantorum digna laborum
 Præmia —

Sic Priami poft fata fenis, fupremaque Trojæ
 Funera, Neptuni rabiem Turnique furores
 Elapfum Ænean blandis Virgo excipit ulnis
 Itala, & ingentes penfat Lavinia curas.
 O fi talis eram, qualis TASSONIS anhelum
 Accendi peçtus, fudique in carmina vires !
 O quantis ego tum numeris LAURÆque JACOBique
 Ornarem thalamos, & connubialia jura !

Sed

Sed nunc angustos animos, & inertia corda
Nequicquam stimulo & tantis non æqua Camcenis.

EUTERPE. Quin aliquid potiùs, præsens quorum indiget usus,

Texere regales properamus ritè coronas?
Et nunc ridet ager, nunc omnis pullulat arbos,
Induiturque recens viridem Natura juventam.
Quare agite, ô Musæ, per amœni jugera Pindi,
Parnassi per agros, muscoque virentia Tempe,
Ferte pedem, ac passim crescentes carpite flores,
Communemque ornate Deum, & date ferta volentes.

CLIO. Tantus honor ruri, Deus ut sacra tempora circum
Inter odoratos flores finat ire capillos?

Flores, quos crepitans impune per aëra Corus
Disjicit, aut sudos ubi torret Sirius agros,
In tenues cogit nimius Sol ire vapores.

ERATO. Non, si adsint Tmoli colles, & amœna vireta
Alcinoi, aut rosei, Pæstum quos jactat, honores,
His Hyblam addideris super, haud tamen æqua JACOBO
Ornamenta feres, aut munera digna MARIA.

EUTERPE. At vidi his nuper formosam incedere Floram
Frondebis, ipse tegi nec dedignatur Apollo.

CLIO. Phœbo sacra viret Parnassi in vertice summo
Laurus, & in cœlum ramis felicibus exit:
Parsæpe hinc noster sua tempora cinxit Apollo,
Hinc propero meritam JACOBO ferre coronam.

EUTERPE. Dii, facite, ut, frondens cingit dum tempora laurus,

Huic adsit semper lætis Victoria pennis;
Sive acer poscat tumidos in prælia Gallos,
In Mauros seu signa ferat, Thracesque laceffat,
Euphraten Nilumque sequens, invisere Gangen

274 MUSÆ ANGLICANÆ.

Seu paret, & captos ostendere civibus Indos.

ERATO. Propter aquam, tardis ubi lenis flexibus errat
Castalis, & placido demulcet murmure ripam,
Myrtus, amor Veneris, latè diffundit honores ;
Qui cœlo assurgit summus, decerpere rānum
Cura mihi, & sertum lectā de fronde MARIÆ
Nectere ; si Nymphæ myrtus non vilis habetur,
Nec tibi cedo, (*ad Cl.*) Soror ; nec vincet Laureā Myrtum.

EUR. Ornet sanguineos laurus Phœbea triumphos ;
Myrtus amat facilem, partam & sine cæde coronam.
Quam video nasci sobolem ! quæ surgere regna !
Tu modò nascenti puero, quem Cambria regem
Infantem expectat, famulus cui serviet orbis,
Ilithyia, fave, dextra & natalibus adsis.

CL. Lauro addam virides querno de vimine ramos,
Quæ CAROLUM texit ; suus est honor huic quoque frondi.

ERAT. His super addetur varios Rosa picta colores,
Utque memor referat conjunctæ insignia gentis,
Hinc nive candidior fuerit, simul inde rubebit.

EUR. Dum legit illa Rosas, (*ad Cl.*) tu Lilia ferre me-
Invida frëndenti rumpantur ut ilia Gallo. [mento ;

CLIO. Illa memor carpam, simul & miscebitur illis
Non Boream metuens, non brumæ frigora, Palma.
Utque hujus nimio pressus sub pondere truncus
Altior in cœlum assurgit ; sic nulla JACOBUM
Flectere fata queant, at contrā audentior ibit,
Dum cœlo tandem celsum caput inferat alto.

ERAT. Pallentes violas, & summa papavera carpens
Narcissique comas, pulchræ fero dona MARIÆ.

EUR. Narcisso sat erit, si sub vestigia Nymphæ
Spargitur, & sacro pressus pede surgere sperat.
Quære quibus terris inscripti nomina Regum

Nascantur

Nascantur flores ; hinc collige ferta MARIÆ.
 Interea in Pisâ, multùm dilecta Minervæ
 Pullulat, & latè frondens se pandit Oliva.
 Sunt mihi, sunt geminæ supremâ ex arbore frondes ;
 Hæc, JACOBE, tibi magnum decus, illa, MARIÆ.
 Lenta quidem in nubes pigrum caput exerit arbos,
 Sed semper viridis, frustra obrepente senectâ,
 Crescentis tardè compensat damna juventæ :
 Sic precor, ô Superi, postquam Rex Nestoris annos
 Præteriit, simul & vicit Regina Sibyllæ
 Secula Cumææ, maneat tamen usque JACOBO
 CL. Vis eadem in bello. (ER.) Similis sit forma MARIÆ.

Recitârunt in Theatro, Apr. 23. 1685

D. UDAL CORBET, <i>Baronett.</i>	} <i>ex Æde Chr.</i>
JOHANNES SPROT, <i>Armig.</i>	
GUIL. BARBER, <i>Armig.</i>	



Experimenta Machinæ Pneumaticæ

Ab HONORATISSIMO

D. D. *BOYLÆ* O
 I N V E N T Æ.

INCLUSAM quâ vi Terram circùm ambiat Aër,
 Urgens mole gravi; errantes quo pondere cogat
 Particulas; quanto oppressus sese explicet ictu
 Carceris impatiens, primus, BOYLÆE, recludis :

Nam

276 MUSÆ ANGLICANÆ.

Nam te Naturæ deserta per ardua dulcis
 Raptat amor; tibi res intactæ Laudis & Artis
 Debemus; tibi fas soli cognoscere causas
 Abstrusas, Verique imos penetrare recessus.
 O Terræ Cœlique potens! qui Limen utrumque
 Exploras, geminique aperis commercia Mundi:
 Tu referas quicquid secum meditatur in Aulâ
 Aëriâ Juno; Imperii tu detegis oras
 Cærulei, liquidamque plagam, & pellucida regna.

QUIN Hyalum profer, latum quod crescit in orbem,
 Quâque Tubo aptatur, cerâ viscoque tenaci
 Unge fovens, ne se insinuet penetrabilis Aër.
 Atque ubi jam spatio expressa eluctatur inani
 Aura levis, tenuesque in ventos hausta recedit:
 Continuò fragor auditur; ruit omnis ab alto
 Incumbitque Aër Phialæ; & densissima torto
 Verbere tempestas circùm furit; illa fatiscens
 Solvitur, & sparso scintillant fragmina vitro.
 Sin sit convexa, & curvum lunetur in arcum,
 Stat contrâ obluſtans, partesque gravata coërcet
 Firmiùs, æthereum pondus confisa figuræ
 Contemnit, laterique illisam decutit auram.

SIC sese attollit nativo fornice septa
 Testudo in concham crescens, sic grandia saxa
 Fert tergo impunè, & ferratos sustinet orbes
 Vulneris haud metuens; nequicquam concava pulsu
 Testa sonat, solidumque terit rota stridula dorsum.

ACCIPE nunc, quantas vires tenuissima quævis
 Particula aëria emittat, quali impete sese
 Expediat vinc'la indignans: quin obice rupto
 Non jam se capit expatiata; ita turbine magno
 Evolat, & veterem poscit revoluta figuram.

Nam

Nam si Veficam Phialæ alvo includis, & auram
Chryſtallo errantem educis, ventofa tumore
Protinus affurgit Pellis, majorque videri
Vitrum explet, raucoque crepat difplofa fragore.
Scilicet urgentis cœli gravitate remotâ
Funiculi aërii exiliunt, & murmure circum
Clauftra fremunt, tentantque aditum, & latera undiq; pulfant.

NON vi majori tormentis emicat ardens
Sulphur, non ruptâ fulmen de nube trifulcum
Irruit, evertitque imis radicibus ornos.

HAUD aliter vento, quos preſſo implevit Ulyſſes,
Turgeſcunt utres gravidi, dum flatibus intus
Hinc ſævit Boreas, furit illinc turbidus Auſter,
Explorantque viam: donec, mox carcere fracto,
Erumpunt omnes turmatim, atque æquora miſcent.

AT fragilem ſaliens cùm Rana intraverit Urnam,
Machinaque ingenti gyro circum acta rotetur:
Ecce! inflatum animal turgenti pectore anhelat,
Miraturque novam molem, atque immania membra;
Tum furiis accenſum Hyali cava mœnia tundit,
Singultusque ciet, mediâque in morte recumbens
Diſtinctam oſtendit maculis ſqualentibus alvum.

Illi Natura effinxit mirabile textum
Pulmonum, alternam tumidis qui follibus auram
Accipiant reddantque: illi altas ire ſub undas
Indulgens dedit, ambiguâque ſenefcere vitâ:
Nequicquam; tenuis neſcit puri ætheris hauſtus
Erigere inflatu, & vacuas diſtendere cellas.

SIC ubi captivus limosâ educitur undâ,
Et patitur cœlum Piſcis; mox frigore ſiccum
Horrere aſpicias, durisque rigefcere ſquamis.

ID metuens ſerâ Teneriffam nocte Viator

278 MUSÆ ANGLICANÆ.

Ascensu cautus superat, quando aëra vesper
Humentesque umbræ densant, fumique volucres :
At sub mane ruit, montisque è vertice præceps
In valles fertur, dubiâ cùm luce rubescit
Nondum pura dies ; nempe orto Sole vapores
Diffugiunt, simplex terrenâ sæce relicta
Rarefcit, non jam ulterius spirabilis, Æther.

QUID referam, in Vitro Sonus ut vanescit, & aures
Debilis arrectas fallit, longèque recedens
Paulatim moritur ? Radios ut vibrat inertes,
Et tremula incerto languescit lumine Tæda ;
Ut Lympha ebullit magno commota tumultu,
Exultantque intus latices, dum rosca fontem
Mentitur, crebrâque aspergine subsilit unda
Irriguas simulans scatebras. Sic Cynthia Nerei
Turbatas attollit aquas ; furit æstus arenis,
Atque agitata imo fervereunt æquora fundo.

HENR. STEPHENS, A. B.

Coll. Mert. Socius.



MARIA REGINA

Ex Gente ESTENSI.



I VA potens formæ, sceptri Regina Britanni
Immortale decus, cui frontis gloria majus
Imperium, & latos tribuit toto orbe trium-
phos :

Diva favens adsis, laudique, MARIA, secundos

Sterne

Sterne tuæ cursus ; primæ incunabula famæ
 Seu referare juvat, priscumque à Cæsare nomen
 Majorum eruere, & multâ deducere virgâ ;
 Sive tuis meritos aris libamus honores,
 Et tibi solenni instaurantes Orgia ritu
 Angliacæ canimus, Præses Saturnia, terræ,
 Magna Jovis Conjux, & digna Tonante Britanno.

TALIS eras, Paphiâ frontem redimita coronâ,
 Cùm Veneri lætos indixisti Hymenæos.
 Postquàm omnis Comitum longè processerat ordo,
 Ipsa aderas alias inter præstantior omnes,
 Insignisque auri radiis, & luce smaragdi ;
 Dives opum, & vultu melior : Berecynthia mater
 Instituit talis lætas festiva choreas,
 Dum socias inter mediâ spectabilis urbe
 Incedit, gradiensque altis cervicibus extat.

QUÆ tibi tum roseo Majestas lusit in ore
 Intactam perfusa nivem ? cui plurima flammam
 Purpura subjecit, castâque in fronte pudoris
 Illuxêre faces ; sed vultum obnubit amictus,
 Involvitque diem ; sic umbra abducit opaca
 Purpureos cœlorum ignes, Titaniaque astra.

JAMQUE oculos pompa invadit, cùm finibus olim
 Angliacis hospes, cum jam Thamesina subires
 Ostia, sentit onus Thamesis, fluctuque superbo
 Expatiat ovans, placidoque exuberat æstu.

INTEREA mediis, avidus spectator, ab undis
 Neptunus, viridi implicitum caput extulit algâ,
 Et vultum attonitus, suspenso silentia rupit.

“ Prima, nec indignor, cedat tibi gloria fortis,

“ Æthereasque regas Dictæus Jupiter arces ;

“ Jam mihi surgit honos, crescitque immane tridentis

“ Imperium,

280 MUSÆ ANGLICANÆ.

“ Imperium, cœlosque æquant Neptunia regna.
 “ En nova cœruleo emergit Dea Cypria ponto,
 “ Nereïdum comitante choro ; Quæ jura furenti
 “ Dat pelago, rapidosque jubet mitescere fluctus.
 “ Nympha potens, salve, nostri gratissima Regni
 “ Advena, quæ Thetin exuperas pulcherrima, quantum
 “ Ipsa Thetis reliquas superat pulcherrima Nymphas ;
 “ Aurea sic tumidos radianti lampade fluctus
 “ Luna ferit, tremulus latè super æquora splendor
 “ Emicat, & vastum incendit multo igne profundum.
 Dixerat, & rauco confusum murmure littus
 Intremuit, plausuque secundo immugiit æther.

SERVIT, Diva, tibi quascunque allaberis oras
 Lætus honos, longè clamorque & plausus ovantùm
 Assequitur gressus ; seu Gallica regna peragras,
 Mox induta novo incandescit Gallia cultu,
 Præsentem confessa Deam ; fulgore coruscat
 Terra sacro, rutiloque albescit semita tractu.
 Sive per Italiam transis, mox Italia tellus
 Sponte suâ croceos ridens vestitur amictus ;
 Fragrantem circà nebulam jucundior aër
 Fundit, & undantes redolenti nectare rores.

SITC, ubi Mænalios Virgo Latonia saltus
 Ingreditur, jactatque humeris resonantibus arma
 Venatrix, crines latè per colla fluentes
 Luxuriant, atque ambrosios Dea spirat odores.

QUAM lætas indulget opes Saturnia tellus
 Indigenis, quali ridet tua patria luxu !
 Illic vere novo, cùm primæ à vulnere gemmæ
 Materno erumpunt, passimque injussâ superbi
 Herbarum pubes, ac florum lucidus ordo ;
 Non sic Hylæi fragrantia germina colles

Exhalant,

Exhalant, quoties Zephyrus mulcentibus alis
 Nascentes libat violas, lætosque Hyacinthos.
 Illa ferax opibus tellus, ubi quælibet arbor
 Sudat odorato spirantia Balsama succo;
 Lenæusque Pater generosâ vîte coronat
 Purpureas valles, stratique fluentibus agri
 Luxuriant ramis, dum pondere lassâ tument
 Nutat curva arbor, foetuque premente gravescit.
 Illic mala nitent auro ditata; putares
 Hesperidum florere nemus, cui fulgida poma
 Ardescunt, flavoque rubent pretiosa metallo.

SED mihi quanta acies, vel quis suffecerit ardor
 Per juga panda sequi, per nubiferumque cacumen:
 Quâ procul æream latè Pater Appenninus
 Erigit in Superos frontem? premit hispida durum
 Colla gelu, & canus latet inter sidera vertex:
 Porrigit ille avidos per tædia multa viarum
 Ad Mutinam gressus; Latios dorsa aspera campos
 Vastâ mole secant, Mutinensesque ardua turrets
 Despectant, longoque patent immania tractu.

TU, Mutina, ante alios multùm dilecta recessus,
 Multùm digna cani; longos dominantia in annos,
 Tu quondam ESTENSIS primordia maxima stirpis,
 Vagitumque ingentem, atque incunabula læta
 Heroum, & teneros cœlo plaudente MARIÆ
 Vidisti risus: lævum Saturnius arce
 Cùm intonuit Pater, & flammæ per inane coruscas
 Disjecit, certique dedit læta omina regni.
 Est via, quâ collis frondenti assurgere dorso
 Gaudet, vernantique jugum vestire coronâ:
 (Planities lata inde patet, cui flumina circum
 Fundit humus flores, viridique inducitur umbrâ)

Accli.

282 MUSÆ ANGLICANÆ.

Acclivem, Mutina, in frontem, tua mœnia tollis,
Et fluvii cursus, & dulcia prospicis arva;
Tardior hinc PANARUS dilectæ allabitur urbi,
Innectitque moras, lascivaque murmura miscens,
Hinc, atque hinc udæ libat mille oscula ripæ.
Protinus hæc vario circùm undique fusa colore
Læta nitet, depictas fœcundo ubere valles
Jactat, & æternos opulenti ruris honores.

SIC tibi, Roma, urbem campi subiecta coronat
Planities, blandi quâ mollior aura Favonî
Ludit, dum facilis juxtâ leni agmine Tibris
Labitur, & placido testatur gaudia fluctu.
Terra tibi similis, Regina, atque æmula vultûs,
Diva, tui, radios spargit, lumenque juventæ
Purpureum.

Sic Mutina æthereas surgit sublimis in auras,
Hinc sibi vicinas Veronæ despicit arces,
Hinc Patavî campos, & Bolognensia castra:
Tuque etiam acclini demittis vertice turres
Æmula quantumvis Ariostum, Mantua, jactes
VIRGILIUMQUE tuum.—Talis mihi pectora fervor
Incendat, similique ruat per anhela tumultu
Corda furor pulsans: Quis enim, Regina, valebit,
Quis Proavos celebrare tuos, à sanguine Divûm?
Quis digno poterit Forrestum attollere cantu?

ILLE, ubi grassantes adverso Marte Phalanges
Hunnorum vidit Latiis incendia campis
Jactare, atque urbes hostili involvere flammâ:
“ Quis mecum, exclamat, miseræ spondere salutem
“ Audebit Patriæ? stat certè avertere pestem
“ Communem terris, vel honesto occumbere fato.
Dicta fides sequitur, parvâ stipante coronâ,

Perque

Perque hostes, perque arma ruit, latam undique cladem
 Sternit, & ingentes confusæ cædis acervos;
 Huc illuc adigit violento fulmine turmas,
 Exosumque pecus procul Hunnos finibus arcet.
 Nec magis Almannis, tibi nec, gens Vandala, campos
 Vastanti Aufonios, belli fortuna pepercit:
 Namque volans mediis se fervidus ingerit armis,
 Perque globos immanè furens, Acarinus inundat;
 Mille cadunt cæsi duro discrimine, mille
 Captos vinc'la premunt; paucos à morte redemit
 Noctis amica quies, tacitæque silentia lunæ.

QUIS referat præclarum Azo, bellicque potentem
 Barfilium, Narcemque cruento rore madentem,
 Insignemque armis fulgentibus ALDOVARDUM?
 Quis BORSUM celebrabit, Amazoniamque MATILDIN?
 Tuque, ERNESTE, ardens, & BERENGARIUS Heros,
 ALBERTUSQUE ferox, & Saracennius OTHO
 Ingens fama, Domûs magnum decus Atestinæ:
 Tu tamen antiquos ingentia stemmata Patres,
 RINALDE, exuperas, viridi tibi tempora lauro
 Innectit TASSO, sacras Latonius artes
 Cui dedit, & plenâ indulfit sua munera flammâ.

QUANTUS Judæis RINALDUS victor in arvis
 Ibat! qui, medio Turcarum ardente tumultu,
 Appetere invisum Superisque hominique Gigantem
 (Incessu lato & magnâ se mole moventem)
 Ausus, & imparibus bellum decernere telis:
 Illi alternantes in mutua vulnera surgunt,
 Et ferrum obnixi infigunt, collisæque vastos
 Dant sonitus arma, atque exundant imbre cruento.
 Tum sic RINALDUS: " Non te mea dextera vincit,
 " Cede Deo, magnum te certo vulnere numen

" Im-

“ Immolat:” & dicens capulo tenus egit in imas
 Mucronem costas, nec dum media ilia rupit.
 Ille tremit graviter frendens, cum vertice prono
 Volvitur, & sese per totam extendit arenam.
 Sic, ferro percussa, ingenti robore quercus
 Huc illuc nutat tremefacta, & vulnere duro
 Victa cadit; magno tellus commota fragore
 Horrescit, gemituque vago nemus omne remugit.

PROXIMUS accedit, sed major semper in armis
 Emicat ALPHONSUS, teneris qui doctus ab annis
 Primitias hausit juvenis, bellicue cruenti
 Dura rudimenta; ille artes in utrasque paratus,
 Seu dubium regere Imperium, si fortè minaci
 Turba fremit strepitu, sævitque ignobile vulgus:
 Seu, galeam indutus, felici hastilia dextrâ
 Vibret, & in densos immani turbine campos
 Ingruat, horrendumque externis intonet arvis.

SI titulos, ALPHONSE, tuos numerare velimus,
 Si magnas Patrum exuvias, atque agmine facto
 Congerere annales, major tibi gloria surgit,
 Major adhuc fama est Divam genuisse MARIAM;
 Prole tuâ felix, felix simul illa Parente!
 Illam stirpis honos, & aviti sanguinis ordo
 Evehit ad cœlos, atque inter Numina tollit.
 Illa suis fulget Titulis, & Nomina jactat
 Prolixa, & seriem sæcundam ostentat honorum.

HAUD secus audiavi exundanti flumine ripis
 Intumuisse suis, & pleno gurgite Nilum
 Per campos ferri; dum fontis nobile traxit
 A cœlo caput, & superis immiscuit astris.

QUANTA, MARIA, tibi laudum seges, æquore quanto
 Panditur, & magnæ ditiescit gloria messis!

Seu

Seu longè à patriis JACOBUS finibus exul
 Egregius properet (dum vexat tristis Erinny
 Vipereis Anglos odiis, & murmura plebi
 Inspirat cæca, atque horrendi femina belli)
 Te quoque per similes eadem fortuna dolores
 Impulit, & sequeris per tot dispendia, fati
 Consors indefessa, atque inviolabile pignus;
 Una salus, unum vobis commune periculum.
 Seu populo rursum adversante, & forte novercâ
 Tendit ad argentes Boreali cardine Scotos;
 Tu comes ire paras, atque effera turba potentis
 Imperium formæ agnoscunt; Teque auspice divâ
 Et vulgi rabiem fregit, pelagique tumultus.

SIC comites Divos ostentat Troïus Heros,
 Securusque ruit, densa inter tela, per ignes,
 Perque maris, vastæque exhausta pericula terræ.

SED damnat Fortuna nefas, ac fœnore multo
 Præteritos reparat casus, & crimina fati;
 Jam vultu meliore dies, nitidosque juventâ
 Instauras, Saturne, annos, seriemque superbis
 Infantem revocare, & lætam evolvere scenam.
 Jam video, nec vana fides, per compita plausus
 Ingentes furere, & sacras effervere pompas.
 En diva incedit solenni invec̃ta triumpho,
 Dumque oculi latè radiorum tela coruscant,
 Ipsa micat stellis fulgentibus intertexta.

ÆTHEREA nuper lapsus Cyllenius arce,
 Fragrantisque imbres nardi, & redolentis amomi
 Perfundit rivos, dum molli tempora ferto
 Implicat, & ramo nectit felicitis olivæ.

Fusa utrinque cohors magnatum, atque ordine longo
 Turba nitet procerum; sequitur dum splendidus ære

Miles,

286 MUSÆ ANGLICANÆ.

Miles, & ignitæ lucent umbone phalanges.

HAUD secus ardenti radiorum fulgure cincta,
Æternoque armata die, cùm Juno superbâ
Majestate sedet, quatit hinc circùm ægida Pallas
Bellatrix, illinc pharetrâ metuendus Apollo
Præsidet, & rutilis Mavors Pater horret in armis.

Jo. WHITFIELD, A. B. Coll. Mert. Soc.
recitavit in Theatro Apr. 23, 1685.



C A R O L U S,
WALLIÆ PRINCEPS,
E X
H I S P A N I A R E D U X

ANNO 1623.



CONGERITE fascēs, fruite lignorum pyras,
Totusque largâ fulgeat vicus face,
Stellentur urbes singulæ flammis suis,
Trabesque & ipsa tigna conferte in focum.

Campana festos multa proclamet sonos;
Funes strepentes brachium vexet frequens.
Nostram apparatus iste pietatem decet,
Simplex, & hilaris iste, vernaculus, probus;
Extemporale gaudium quicquid jubet.

TE sumptuosis mulceat ludis licet

Hif-

Hispana tellus, illa meditato tibi
 Paret triumphos, pompam ut ostendat suam :
 Nos tantum amorem cupimus : haud nobis vacat
 Rude expolire Gaudium, & moram pati
 Cunctantioris Ingeni ; subitum damus.
 Erumpit importuna Lætitia, & sonum
 Ingeminat unum, CAROLUS Princeps redit,
 Revisit Anglos CAROLUS Princeps suos.
 Spectetis, Ipse est. Densa jam premit vias
 Avida videndi turba, scintillat frequens
 Oculis fenestra ; quin & ancipiti pede
 Crepidines hic scandit, & magnæ domûs
 Proclive culmen. Quisque nunc epulum suo
 Oculo voraci præbet, haud satiat tamen.
 Spectetis, Ipse est ; jam nec obscurat genas,
 Dubiosque cultus artifex tegit coma ;
 Sed clarus, & noscendus, & facie suâ,
 Stat liberalis jam suû, & largus manu.

SECEDE tandem, turba : sat vobis datum,
 Sat impedistis, jam suam pergant viam
 Ad aulam ; ubi illum charior manet sinus,
 Et prole tantâ digna Majestas Patris.
 Quàm dulce collo pondus incumbet tuo ?
 Quàm differere amplexibus ? quantum hic modò
 Flebitque spectabitque ? Quis strepitus erit
 Tumultuantis gaudii ? Quà nunc putem
 Aureſque & animos ore pendentes tuo ?
 Dum propriam nunc Ipse commemoras viam,
 Iterque quicquid vidit, aut fecit novum,
 Probasque populi vota, confutas metus,
 Et quanta fueras cura Fortunæ refers,
 Quamque innocentes suspicabamur Deos ;

Quàm

288 MUSÆ ANGLICANÆ.

Quàm mitis unda, quàm tibi stratum mare,
 Lævis Pyrene, comis Hispanus fuit,
 Quodcunque de te fama narravit loquax,
 Quodcunque finxit. Parce trepidanti Angliæ,
 Quisquis severus es Patriæ censor nimis:
 Hunc Charitas creavit, hunc Fides metum,
 Nec curiosa nostra, sollicita fuit.

CEU Mater alma Filium emittens suum,
 Omnes susurros captat, & cudit sibi
 Quod porrò metuat, ipsum & hoc pavet procul,
 Et quicquid oculos habeat, haud tutum putat.
 Nunc si quid olim vota suggererent boni,
 Sperâsse gaudet, five quid dubius timor
 Offendit, hîc errâsse vel gaudet magis,
 Spectaculo jam tota perfruitur suo,
 Tantoque fidos pignore absolvit Deos.

JO. EARLE, *Coll. Mert. Soc.*

F I N I S.

